



काशीर-कुसुम ।

अर्थात्

काशीशेरर विवरण ।

“ जमण रुमण किना देख रे नयन ! ”

श्रीराजेन्द्रमोहन बसु-कर्तृक

प्रणीत ও प्रकाशित ।

कलिकता

७० नं करन् ओयालिस झिट्ट—मध्यस्थ-यन्त्रालये

श्रीअद्वैतचरण घोष द्वारा

मुद्रित ।

शकाब्दः १९२१ ।

উৎসৃষ্ট উপহার ।

সর্বগুণালঙ্কৃত শ্রীমদেশ-হিতৈষী গুণিগণাগ্রগণ্য

শ্রীযুক্ত বাবু নীলাশ্বর মুখোপাধ্যায়

কাশ্মীরের প্রধান বিচারপতি এবং জুডিশিয়াল কমিস্যনর

মহাশয় সমীপেষু ।

সসম্মান নিবেদনমেতৎ

আপনি আমাকে সোদরের ঠায় স্নেহ এবং অকৃত্রিম মিত্রো-
চিত আমার হিতসাধন ও মঙ্গল কামনা করিয়া থাকেন। এমন
মিত্রতা স্বর্ণের পরিশোধ নাই। তথাপি আন্তরিক কৃতজ্ঞতার
চিহ্ন স্বরূপ এই “কাশ্মীর-কুসুম” নামা যৎসামান্য উপহার
আপনাকে দিতেছি। এ অপকৃষ্ট হার আপনার মনোহরণ
করিবে, এ ছুরাশা করি না। আপনি অনুরূপ পূর্বক সাদরে
একবার স্পর্শ করিলেই সাধারণের হস্তে অর্পণ করিতে সাহসী
হইতে পারি।

জম্মু ।

১লা জ্যৈষ্ঠ,

সন ১২৮২ সাল।

বশব্দ

শ্রীরাজেন্দ্রমোহন বসু ।

ভূমিকা ।

কয়েক বৎসরাবধি ভূ-স্বর্গ কাশ্মীর রাজ্য আমার প্রবাস-ভূমি হইয়াছে । আদৌ বিস্ময় কন্মোপলক্ষেই আমার আগমন—তৎসূত্রেই এতদ্রাজ্যের নানা স্থানে অবস্থান ও পর্যটনাদি হয় । স্বাভাবিক প্রবৃত্তির অনুরোধে প্রথমাবধিই মনে মনে সংকল্প ছিল, যে, যখন যেখানে যাইব, স্নযোগমতে তত্রত্য কোনো কোনো বিবরণ লিপিবদ্ধ করিয়া রাখিবার চেষ্টা পাইব । যদিও এই মানস ছিল, কিন্তু এত বাহুল্য যে হইয়া উঠিবে, তখন তাহা স্বপ্নেও ভাবি নাই । ইটী কেবল স্বদেশস্থ আত্মীয় বান্ধবগণের সাগ্রহ কোঁতূহল ও উত্তেজনাতেই ঘটিয়াছে । কিয়ৎকাল কাশ্মীর প্রবাসের পর যখন আমি একবার স্বদেশে গমন করি, তখন আমার মুখে তাঁহারা কাশ্মীরের রমণীয়তা, অনুপম শোভা, অদ্ভুত নৈসর্গিক ব্যাপারচয়, স্বাস্থ্যকর জল বায়ু, বিস্তৃত হ্রদ উৎসাদি জলাশয়, কৃত্রিম রম্যোপবনাদি বিলাস-ভবন এবং প্রাচীন কীর্তিস্তম্ভাদির বিষয় কথঞ্চিৎ শ্রবণ করেন । সেই হইতেই তাঁহাদের কোঁতূহলের বৃদ্ধি, এবং তদবধিই তাঁহারা কাশ্মীরের বিবরণ লিখিয়া পাঠাইতে আমাকে পুনঃ পুনঃ উপরোধ করেন । প্রধানতঃ তাহাই এই পুস্তক প্রণয়ন পক্ষে আমার উত্তেজক বা উত্তরসাধক ।

এইরূপে প্রণোদিত হইয়া অবকাশ মতে মধ্যস্থ পত্রে “ কাশ্মীরের বিবরণ ” অভিধেয় প্রস্তাব ক্রমশঃ লিখিয়া পাঠাইতে লাগিলাম । তৎসম্পাদক মহাশয় প্রতিবারেই অনুরাগ

প্রকাশ দ্বারা উৎসাহের বহু গুণ বর্দ্ধন করিলেন। সেই সঙ্গে অনেক সহৃদয় পাঠক মহাশয়েরা প্রস্তাব পাঠে আনন্দ প্রকাশ পূর্বক উহাকে পুস্তকাকারে মুদ্রিত করণার্থ অনুরোধ করেন। আমি হৃদ্ধ সেই সাহসে সাহসী হইয়াই অদ্য এই “কাশ্মীর কুসুম” পুস্তকখানি সাধারণের হস্তে অর্পণ করিতেছি। এই কুসুমে স্বসৌরভ আছে কিনা এবং যদি কিছু থাকে, তাহা বিবিধ পাঠকের মনোমধুপক্ষে আকর্ষণ করিতে পারিবে কি না— কিছুই বলিতে—কিছুই বুঝিতে পারি না। যদি অল্প সংখ্যক পাঠক পাঠিকারাও মনোনিবেশ পূর্বক ইহার আদ্যোপান্ত এক একবার পড়িয়া দেখেন এবং দেখিয়া কিঞ্চিৎমাত্রও প্রীতি লাভ করেন; অথবা যদি কোনো পাঠক কাশ্মীরের পর্যটক হইয়া এই পুস্তক হইতে কিয়ৎ পরিমাণেও উপকৃত হইয়ন, তবে তাহাতেই আমার আয়াস ও যত্নের সাফল্য জ্ঞান করিব।

মধ্যস্থ পত্রে যাহা প্রকাশ পায়, তাহার প্রথম অধ্যায়ে এখানকার ভৌগোলিক বিবরণ, ঋতু পরিবর্তন, অধিবাসীদের চরিত্র, শিল্প কৌশল, ভাষা এবং শাসন প্রণালী; দ্বিতীয় অধ্যায়ে পথ সমূহের বিবরণ; তৃতীয় অধ্যায়ে শ্রীনগর ও তৎসম্বন্ধিত রম্য স্থান ও হ্রদাদির বিবরণ; চতুর্থ অধ্যায়ে অদ্ভুত নৈসর্গিক ব্যাপার সমূহ বিবৃত হইয়াছিল। এক্ষণে তন্নাং বহুলাংশে পরিবর্তিত, সংশোধিত ও পরিবর্দ্ধিত এবং অবকাশবিরহে যে কয়টা পরিচ্ছেদ মধ্যস্থে তখন প্রকাশ করিতে পারি নাই, তাহাও এখন সম্মিবেশিত করিয়া দিলাম। কাশ্মীরের প্রাচীন ইতিহাস সম্বন্ধে স্বতন্ত্র পুস্তক প্রণয়নের মানস রহিল।

বলা বাহুল্য, যে, এতদ্বর্ণিত পথ ও রম্য স্থানাদির প্রায়

সমুদয়ই আমি প্রত্যক্ষ করিয়াছি। অধিকন্তু ডাক্তার ইন্স সাহেবের “ কাশ্মীর হ্যাণ্ড বুক ” নামা পুস্তক, কাশ্মীরের সুবিভিন্ন সচিব প্রধান দেওয়ান কুপারাম কর্তৃক পারসীক ভাষায় লিখিত “ গুলজারে কাশ্মীর ” অভিধেয় গ্রন্থ এবং তৎপ্রণয়কর গুলজার অথচ মদীয় প্রিয়তম ছাত্র ও মিত্র দেওয়ান অনন্তরানের নিঃস্বার্থ হইতে বিস্তর সাহায্য ও পাইয়াছি। তৎসকল তাঁহাদিগের ও মুক্তকণ্ঠে কৃতজ্ঞতা স্বীকার না করিয়া থাকিতে পারিলাম :

পরিশেষে বল্লেখ্য, আমার পরম প্রকাশ্যাদ সন্নিহিত মধ্যম সম্পাদক শ্রীযুক্ত বাবু মনোমোহন বসু মহাশয় এই পুস্তকে লিপিবদ্ধ ও মুদ্রাগত সংশোধনাদি বিষয়ে এবং কিয়দংশে আর্থিক ভার বহনে বেরূপ বিশেষ সাহায্য করিয়াছেন তাহাতে তাঁহার নিকট চিরকৃতজ্ঞতা স্বীকার বদ্ধ থাকিব। তিনি নানাবিধ ছরুহ কার্যে নিয়ত ব্যাপ্ত, তথাপি “ কাশ্মীর কুস্তম ” প্রাক্ষুটনার্থ যত্নরূপ জলসেক ও উৎসাহরূপ আলবান বন্ধনে তিলৈকের জ্ঞাও ক্রটি করেন নাই। অধিক কি, এবে আমি গ্রন্থ লেখক পদে নবব্রতী, তাহাতে প্রবাসী, সুতরাং তাঁহার ঐরূপ ঐকান্তিক স্নেহানুকূল্য ব্যতীত এ পুস্তক কদাচই ভুলোকের আলোক দর্শনে সমর্থ হইত না !

বঙ্গীয় সাহিত্য সমাজে এরূপ গ্রন্থ লেখার উদ্যম অদ্যাপি সাধারণ হয় নাই, সুতরাং সমালোচকের দৃষ্টিতে আমার এই পুস্তকে বিবিধ ক্রটি থাকা সম্ভব, কিন্তু ভরসা করি, ঐ কার্য বিবেচনাতেই তাঁহারা মার্জনা ও প্রশয় দান করিবেন।

জয়।
শ্রাবণ, ১২৮২ সাল।

শ্রীরাজেন্দ্রমোহন বসু।

শুদ্ধিপত্র ।

পাঠকবর্গকে অনুনয় করিতেছি, তাঁহারা এই পুস্তক পাঠ করিবার পূর্বে নিম্নলিখিত অশুদ্ধিগুলি শোধন করিয়া লইবেন ।

পৃষ্ঠা	পংক্তি	অশুদ্ধ	শুদ্ধ
৪	- - ১২, ১৭	লদাখ্	লদাখ্
১১	- - ১৮	বাগ্গী	বগ্গী
১৪	- - ২৪	খম্মুস	সম্মুখ
১৫	- - ১২	মঙলাকারে	চা মঙলাকারে
২৪	- - ৩	গোমা	গোসা
৩১	- - ১০	সৌর্গ্য	শৌর্ঘ্য
৪৪	- - ২১	ইউরোপীয়, (বোধ হয়, ইটালীদেশীয় হইবে)	আমেরিকা দেশীয় রণকুশল সেনানায়ক ।
৪৮	- - ১৬	কর্ণ	কোণ
৪৮	- - ১৯	উৎকর্ষ	উৎকর্ষ
৫৭	- - ২২	১১০০	১১,৪০০
৮৬	- - ২৪	খুসরি	খুপরি
৮৯	- - ১২	কিয়দর	কিয়দুর
১০০	- - ১২	প্রাণায়াম	প্রাণায়াম
১০২	- - ৩	রাজপুর	রামপুর
১১৬	- - ১৩	৮	৮০

পৃষ্ঠা	পংক্তি	অক্ষর	শুদ্ধা	
১১৯	- -	৬ - -	টৈকশাথ -	টৈকশাথ
১৩০	- -	১৩ - -	মনোমোহন -	মনোমোহন
১৩১	- -	১২ - -	হয় -	হয়
১৩৩	- -	৫ - -	শদৃশ -	সদৃশ
১৪২	- -	১১ - -	গোবর্দ্ধন -	গোবর্দ্ধন
১৪৩	- -	৩ - -	বাগমন্দির -	দেবমন্দির
১৪৩	- -	৯ - -	মুসলমানদিরে	মুসলমানদিগের
১৪৬	- -	১ - -	নিশ্চর -	নিশ্চয়
১৫০	- -	১ - -	কাটী -	কাটী
১৫৩	- -	১৬ - -	হৃদকে -	হৃদকে
১৫৪	- -	১২ - -	হৃদকে -	হৃদকে
১৫৪	- -	১৬ - -	সংস্কারভাবে -	সংস্কারভাবে
২০৪	- -	১৬ - -	তঁহার -	তঁহার
২৩৭	- -	১৫ - -	পোক -	টোক

সূচীপত্র ।

প্রথম পরিচ্ছেদ ।

বিষয়।	পৃষ্ঠা ।	
শ্রীর শব্দের উৎপত্তি ।	১	
গাতি ও প্রাচীনত্ব ।	২	
দীর্ঘা ও বিস্তার ।	৪	
লাফ সংখ্যা ।	৪	
পর্কত ।	৪	
জল ও স্থল ।	৫	
নদী ।	৬	
সেতু ।	৭	
নৌকা ।	৯	
হৃদ ।	১১	
উৎস ।	১২	
ঋতু পরিবর্তন ।	১৩	
জল বায়ু ।	২২	
উৎপত্তি	{ কবি ও উদ্ভিজ্জ ।	২৩
	{ পশু ও পক্ষী ।	২৫
	{ ষাতু ।	২৬
বাসগৃহ ।	২৭	
নবাসী	{ চরিত্র ।	২৮
	{ গরিচ্ছদ ।	২৯
	{ ষাত্ত ।	৩৩
শিষ্প কোশল ।	৩৫	
ভাষা ।	৩৬	

শিক্ষা ।	৩৬
বর্ষ ।	৩৭
শাসন প্রণালী ।	৩৮

দ্বিতীয় পরিচ্ছেদ ।

কাশ্মীরের পথ ।

সমুদয় পথের সাধারণ প্রকৃতি ।	৫২
জম্মু ও বনহাল পথ ।	৬৯
ভিষ্বর ও পীর পঞ্জাল পথ ।	১০৩
ভিষ্বর ও পুঞ্চ পথ ।	১১৯
মরি পথ ।	১২৭
আবোটাবাদ পথ ।	১৩০

তৃতীয় পরিচ্ছেদ ।

শ্রীনগর এবং তৎসম্নিকটবর্তী স্থানাঙ্গ ।

প্রথম অংশ ।

শ্রীনগর ।	}	১৩৪
বিতস্তা নদী ।						
নগরের অভ্যন্তর ।	}	১৪৫
শঙ্করাচার্যের টিকা ।						
হরিপর্কত বা দুর্গ ।						

দ্বিতীয় অংশ ।

ভল্ অর্থাৎ নাগরিক হ্রদ ।	১৫১
--------------------------	-----	-----	-----	-----	-----

চতুর্থ পরিচ্ছেদ ।

অদ্বিত নৈসর্গিক ব্যাপার ।

১।	ফীর ভবানী ।	১৭০
২।	জট গঙ্গা ।	১৭৩
৩।	চলৎশক্তিবিশিষ্ট দ্বীপ ।	১৭৩
৪।	ত্রিসঙ্ক্যা ।	১৭৪
৫।	বুদ্র সঙ্ক্যা বা পবন সঙ্ক্যা ।	১৭৫
৬।	কাঁসুরে কুঠ অর্থাৎ প্রস্তর ভক্ষণ গৃহ ।	১৭৬
৭।	দর্শ ক্রোশ দূরবর্তী চশমা দ্বয়ের পরস্পর সংযোগ ।	১০৬
৮।	প্রস্তরের জল দান ।	১২৩

পঞ্চম পরিচ্ছেদ ।

কাশ্মীরের পূর্ব বিভাগ ।

প্রথম অংশ । ●

দোড়দার কল্কার উৎপত্তি ।	১৭৯
রাম খুসি বাগ ।	১৭৯
পাণ্ডু তন ।	১৭৯
পাম্পুর—(কেশরের জন্মস্থান) ।	১৮০
ফুক নাগ ও কালীশ নাগ ।	১৮০
অবস্তীপুর ।	১৮১
সমা থং ।	১৮২
বিজ্জবেহাড়া ।	১৮২
খান্‌বল ।	১৮৩
অনন্তনাগ বা ইসলামাবাদ ।	১৮৫
মার্ত্তণ্ড বা মর্টন ।	১৮৫
বায়ন ।	১৮৫
ভূমজু গুহা ।	১৮৬

সপ্তম পরিচ্ছেদ ।

কাশ্মীরের উত্তর বিভাগ ।

লার পরগণা । সিন্দ উপত্যকা । জীর্ন দেবায়তন । নাগবল ।
গঙ্গাবল । সোনাংগ । অল্পত প্রতিমূর্তি ।

কাশ্মীর উপত্যকার মধ্যে কতিপয় ক্ষুদ্র ক্ষুদ্র অতি সুন্দর উপ-উপত্যকা আছে । পূর্ববর্ণিত লোলাব পরগণার ঞায় শ্রীনগরের উত্তর-পূর্ব ভাগে লার নামে একটি অত্যুৎকৃষ্ট পরগণা । ইহার উত্তর প্রান্তে যে একটি রমণীয় ও সুদীর্ঘ উপত্যকা আছে, তাহার মধ্যদেশ দিয়া সিন্দ নদী প্রবাহিত হইতেছে বলিয়া উহাকে সিন্দ উপত্যকা কহে । ইহা শ্রীনগর হইতে সপ্ত ক্রোশ দূরে স্থিত এবং দ্রাস, লদাখ ও ইয়ার্কন্দ প্রভৃতি স্থানে যাইবার পথ উহারই মধ্য দিয়া গিয়াছে ।

এই উপত্যকায় স্বভাবের শোভা অতি সুন্দর ও বহু বিচিত্র । ইহার উভয় পাশ্বে অভ্রভেদী পর্বতশ্রেণী দণ্ডায়মান—উহাদের শিরোদেশ ভুষার মণ্ডিত—গাত্রে চীড় ও ভূর্জপত্রের অরণ্য এবং পদতলে সূস্বাদু ফলের উপবন । এখানকার ভূমি অতিশয় উর্বরা । সর্বত্র যেরূপ মনোহর তৃণ জন্মিয়াছে, দেখিলে অবাক হইতে হয়—বোধ হয়, যেন প্রকৃতি দেবী দুর্বাদলের গাচি বিছাইয়া রাখিয়াছেন । এতদ্ভিন্ন অযতসম্ভৃত আঙ্গুর, পিচ, আক্রোট, সেউ, নামপাতি

প্রভৃতি রসাল ফলের বৃক্ষ অপৰ্য্যাপ্ত পরিমাণে চারি দিকে জন্মিয়াছে। নদীর উভয় তটে মধ্যে মধ্যে ক্ষুদ্র ক্ষুদ্র অনেক গ্রাম আছে। উহাদের চতুঃপাশ্বে কর্ষিত ভূমি শস্য-পূর্ণ হইয়া শোভা পাইতেছে। এখানে যুগয়াও অতি সুলভ। কাশ্মীরের সমুদয় স্থানাপেক্ষা এখানকার জল বায়ু উৎকৃষ্ট। একারণ, সম্ভ্রাস্ত ও ধনী কাশ্মীরীরা এবং পর্য্যটকমাত্রেই এখানে কিয়দ্দিবস বিশেষতঃ শ্রাবণ ও ভাদ্র মাস অতিবাহিত করিয়া থাকেন।

এই উপত্যকার উত্তর-পশ্চিম প্রান্তে এবং ত্রীনগর হইতে ১৬ ক্রোশ দূরে কতিপয় অভূতম জীর্ণ দেবালয় আছে। এতৎসমুদয় অতিশয় প্রাচীন; উহাদের ভগ্নাংশ ও নিষ্কীর্ণ কোশল দেখিয়া স্পষ্ট প্রতীয়মান হয়, ইহারা বহু পূর্বে নিষ্কীর্ণ হইয়াছিল। এক স্থলে প্রস্তর নিষ্কীর্ণ প্রাকারের মধ্যে মন্দির চতুষ্টয়ের জীর্ণ আছে। উহাদের পাত্রে এবং ছাতে বহু বহু বৃক্ষরাজ জন্মিয়া রহিয়াছে। প্রাচীর পরিবেষ্টিত প্রাক্কণভূমি ঈষৎ জলময় বা আর্দ্র, স্বতরাং এমত কোমল যে, বোধ হয়, ইহা কোনো কালে ক্ষুদ্র হৃদগর্ভ ছিল।

কিয়দূরে এক অতি প্রাচীন দেবালয়ের সন্নিকটে একটা পবিত্র উৎস আছে। ইহাকে নাগবল কহে। ইহা এক অভূত পর্ব্বতের তল হইতে নিঃসৃত হইতেছে। ইহার জল সাতিশয় শীতল ও বিশুদ্ধ এবং উৎস হইতে নির্গত হইয়া ন্যূনাধিক ৪০ হস্ত দীর্ঘ ও ২৫ হস্ত প্রশস্ত এক পাষণনিষ্কীর্ণ কুণ্ডে গিয়া পড়িতেছে। এই উৎসের চারিদিকে কিয়দূর পর্য্যন্ত বহু বহু ঘাসের পাতুকা বিক্ষিপ্ত রহিয়াছে। যে

সমুদয় যাত্রী সম্মুখবর্তী গঙ্গাবল নামক তীর্থ দর্শন করিতে যায়, তাহারাই এই স্থলে উক্ত উপানত্ৰ পরিত্যাগ করিয়া থাকে ।

গঙ্গাবল্ অত্যুৎকৃষ্ট পার্বত্য হ্রদ । ইহা হরমুখ পার্বত্যের ১৬,৯০০ ফিট উচ্চ শিখরদেশে স্থিত । ইহাতে উঠিবার যে পথ আছে, তাহা অতি দুর্গম ও কষ্টসাধ্য এবং এমন দীর্ঘ, যে, কেবলমাত্র উঠিতে ও নামিতেই এক দিবস অতিবাহিত হয় । এই হ্রদ দৈর্ঘ্যে দেড় মাইল এবং প্রস্থে ৫০০ হস্ত হইবে । ইহাও বিতস্তা নদীর উৎপত্তি স্থান বলিয়া পরিগণিত এবং হিন্দুদিগের স্প্রসিদ্ধ প্রধান তীর্থ । হিন্দুস্থানবাসী হিন্দুদিগের পক্ষে যেমন গঙ্গা, কাশ্মীর পণ্ডিতদিগের পক্ষে তেমনি এই গঙ্গাবল্ । এস্থলে প্রতিবৎসর ভাদ্র মাসে মহা সগারোহ হয় এবং এই উপলক্ষে সহস্র সহস্র যাত্রী সমাগত হইয়া থাকে ।

সিন্দ উপত্যকার উত্তর-পূর্ব প্রান্তে এবং শ্রীনগর হ্রদে পাঁচ আউজা দূরে সোণামর্গ্ অর্থাৎ স্বর্ণময় ক্ষেত্র । ইহা গুল্মগের ঞায় উৎকৃষ্ট । অপিচ, অনেকে গুল্মমর্গাপেক্ষা এই স্থানকে অধিক মনোনীত করিয়া থাকেন এবং কহেন, যে, এই স্থান জলবায়ু ও সৃষ্টির শোভা সম্বন্ধে কাশ্মীর প্রদেশের সমুদয় স্থানাপেক্ষা উৎকৃষ্ট ও প্রীতিকর । এস্থলে মহারাজা সম্প্রতি পর্য্যটকদিগের জন্য কয়েকখানি বাসগৃহ প্রস্তুত করিয়া দিয়াছেন ।

সোণামর্গের পূর্বদিকে ন্যূনাধিক পাঁচ ক্রোশ দূরে এক অধিত্যকার উপর ভূর্জপত্রের অরণ্য দেখিতে পাওয়া যায় । এক মহীরুহের তলদেশে দুই অতীব আশ্চর্য্য প্রতিমূর্তি

আছে—একটা দৃঢ়কায় নর এবং অপরটা কোমলাঙ্গী রমণী ।
 দুইটাই পাষণ নির্মিত । নরদেহ বামভাগে হেলিয়া মৃত্তিকার
 উপরে বায় হস্ত সংলগ্ন পূর্বক উপবিষ্ট রহিয়াছে । উহার
 দক্ষিণ দিকে কয়েক পদ পশ্চাতে অবলা, যেন ভয়ভীতা
 রূপে অবস্থিতি করিতেছে । ইহাদের সমক্ষে পাষণ নির্মিত
 মহানস (উনান) এবং কতিপয় ভাণ্ড রহিয়াছে । আশ্চর্যের
 বিষয় এই, যে, দূর হইতে উহাদিগকে যেন সজীব বলিয়া
 বোধ হয়, উহাদিগের সমীপবর্তী হইলেও সে ভ্রম সহজে দূর
 হয় না—উহারা যেন “কোমল ও স্পর্শ রক্ত মাংসে
 গঠিত বলিয়া বোধ হয়, কঠিন প্রস্তর বলিয়া প্রতীয়মান হয়
 না ।” উহাদের নির্মাণ কৌশল এমনি বিচিত্র, যে শরীরের
 সূক্ষ্ম সূক্ষ্ম শিরা, লোমকূপ, অস্থি, নরাকৃতির বাম পঞ্জর এবং
 উভয়ের অঙ্গ ভঙ্গী এমনি স্পষ্ট ও সুন্দর রূপে বিগ্ৰহ
 হইয়াছে, যে, মনুষ্য হস্ত রচিত বলিয়া আশু বিশ্বাস হয় না ।
 ইহারা যে কোন্ কালে ভাস্কর্য এবং ইহাদিগকেই বা
 এস্থলে কি অভিপ্রায়ে স্থাপিত করিয়াছে, তাহার কিছুই
 সঠিক অবধারণ করিতে পারা যায় না । ইহাদের সমীপে
 কোনো জীর্ণ দেবায়তন বা হস্তাঙ্গাদির চিহ্ন মাত্রও নাই ।
 পরন্তু, ইহারা যে অতি প্রাচীনকাল হইতে এখানে অবস্থিত,
 তাহার কোনো সন্দেহমাত্রই নাই । ইহারা অনাচ্ছাদিত,
 স্তব্ধরূপে ইহাদের উপরে যে কত বৃষ্টি ও কত নীহারপাত
 হইয়া গিয়াছে, তাহার ইয়ত্তা হয় না । কিন্তু কিছুতেই ইহা-
 দের সুন্দর অবয়বকে কিছু মাত্র বিকৃত করিতে পারে নাই ।

অষ্টম পরিচ্ছেদ ।

শাল প্রভৃতি উর্গাবস্ত্র



অনেকে কহিয়া থাকেন, যে, ১৫৮৮ খৃষ্টাব্দে কাশ্মীর মোগল সম্রাজ্যের অন্তর্গত হইলে পর বাদশাহেরা ইয়ার্কন্দ প্রভৃতি উত্তর ভাগস্থ জনপদ হইতে তন্তুবায়াদি আনাইয়া এখানে শাল প্রস্তুত করিবার শিল্প কৌশল প্রথম প্রচার করেন । আবার কেহ কেহ কহেন, যে, মোগল সম্রাটদিগের অধিকার কালের ১৬৫ বৎসর পূর্বে অর্থাৎ ১৪২৩ খৃষ্টাব্দে জানালব উদ্দীন নামে একজন অতি প্রতাপাশ্রিত অধিপতি ছিলেন । তিনি শিল্প বিদ্যা, ও সাহিত্য প্রভৃতি অনেক বিষয়ের উন্নতি সাধন করেন । তিনিই সর্বদো তুরকীস্থান হইতে তন্তুবায় প্রভৃতি আনাইয়া আপন প্রজাদিগকে শাল প্রস্তুত করিবার কৌশল শিক্ষা দেন । প্রত্নত, যে কোনো সময়ে শাল প্রথম প্রস্তুত হইক না কেন, মোগল সম্রাটদিগের শাসনকালে ইহার যেরূপ উৎকর্ষ সাধিত হইয়াছিল, এমত আর কোনো সময়ে হয় নাই এবং বোধ হয়, আর কোনো সময়ে হইবেও না । তৎকালে ১৬০০০ তন্তু চলিত এবং প্রায় সমুদয় কাশ্মীরী এই কর্মে নিযুক্ত থাকিয়া ভরণপোষণ নির্বাহ করিত । কিন্তু এক্ষণে কেবল ২০০০ তন্তু মাত্র আছে এবং শালবাফ * ও

* শালের তন্তুবায়দিগকে শালবাফ কহে এবং তাহাদিগের অধীন কর্মচারীদিগকে শাকুরেত কহিয়া থাকে :

শাকুরেংদিগের সংখ্যা ন্যূনাধিক বিংশতি সহস্র হইবে। সকলেই অবগত আছেন, পূর্বে যে রূপ কাশ্মীরী শাল প্রস্তুত হইত, এক্ষণে আর সে প্রকার শাল বা আলোয়ান চক্ষে দেখা যায় না। ইহার কারণ কি? কারণ আর কিছুই নহে, কেবল এই, যে, অমৃতসরের প্রতিযোগিতা দিন দিন বৃদ্ধি ও ক্রেতাদিগের রুচি ও উৎসাহের হ্রাস। অমৃতসর প্রভৃতি স্থানে, যে সকল শাল প্রস্তুত হইয়া থাকে, যদিও তাহা কাশ্মীরী শালের তুলনায় সর্বাংশে নিকৃষ্ট, তথাপি তাহাদের মূল্য স্বল্প বলিয়া সকলই তত্তাবৎকেই মনোনীত করিয়া থাকেন। অপর, ইউরোপের সমুদয় স্থানাপেক্ষা ফরাণীশ দেশে কাশ্মীরী শাল অধিক বিক্রয় হইয়া আসিতেছিল। উহাদের প্রত্যেকের মূল্য অধিক নহে এবং প্রায় সমুদয়ই স্কোয়ের অর্থাৎ সমচতুষ্কোণ এবং কেবল ইউরোপীয়দেরই ব্যবহার্য। তথাপি প্রতি বৎসর বিস্তর টাকার রপ্তানি হইত বলিয়া শালবাফি কম্পের যথেষ্ট উৎসাহ ছিল। কিন্তু দুঃখের বিষয়, ফরাণীশ যুদ্ধের প্রারম্ভাবধি সেই প্রয়োজন হ্রাস হওয়াতে শালের বাজারও একবারে নতমুখ হইয়াছে। মহারাজা ইহার উন্নতি সাধন জন্ত নিজ কোষের হানি করিয়াও ইহার কর অনেক কমাইয়াছেন। অপর, কেবল তিনিই মধ্যে মধ্যে অধিক মূল্যের শাল প্রস্তুত করিবার আজ্ঞা দিয়া থাকেন। ডিউক অব্ এডিন্‌বরা এতদ্দেশে আগমন করিলে তিনি তাঁহাকে উপঢৌকন দিবার জন্ত যে শাল প্রস্তুত করেন, তাহাতে তাঁহার ২৫০০০ চিলকি মুদ্রা অর্থাৎ ১৫৬২৫ টাকা ব্যয় হয়। ফলতঃ ক্রেতাভাবেই এক্ষণে অধিক মূল্যের শাল প্রস্তুত হয় না। কিয়দিন হইল কোনো

ইংরাজ সংবাদপত্রে লিখিয়াছিলেন, যে, মহারাজকর্তৃক অধিক কর গৃহীত হয় বলিয়াই শালের ব্যবসায় হ্রাস হইয়াছে। একথা কথাই নহে—ইহা নিতান্ত অমূলক ও গ্লানিমূলক অপবাদ বই আর কিছুই নহে। আমরা আবার বলিতেছি, মহারাজ নিজেই ক্ষতি স্বীকার করিয়াও ইহার উন্নতি পক্ষে নিতান্ত সচেষ্ট আছেন এবং শুদ্ধ ক্রেতার অভাবই অবনতির একমাত্র কারণ। হায়! ঘোণার ভারত ক্রমে নির্ধন হইয়া পড়িল—বহুমূল্য শাল আর ব্যবহার করিবে কে? হায়! এক্ষণে সচরাচর যে জামেয়ার বা রুমাল দেখিতে পাওয়া যায়, উহার মূল্য ৫০০ হইতে ৩০০০ পর্য্যন্ত এবং শা পচন্দী জোড়া ২০০০ হইতে ৫০০০ পর্য্যন্ত বই নয়। আলোয়ানের গজও সাধারণতঃ ১২ দ্বাদশ মুদ্রার অধিক নহে।

অনেকে মনে করিতে পারেন, কাশ্মীরী ছাগলের লোমেই শাল হয়। প্রভূত তাহা নহে। এখানকার ছাগলের লোমে কেবল লুই প্রভৃতি সামান্য উর্ণা-বস্ত্রমাত্র প্রস্তুত হইয়া থাকে। যে লোমে শাল হয়, উহা উত্তর ভাগস্থ লদাখ, তিব্বত, ইয়ারকন্দ প্রভৃতি স্থান হইতেই আইসে। তত্রত্য শাল-ছাগ আকারে বৃহৎ নহে এবং উহার সমুদয় গাত্রলোমেও পশ্মিনা* হয় না। যে পশম অর্থাৎ লোম ঠিক চর্ম্মের উপরিভাগে থাকে এবং যাহা অতি সূক্ষ্ম, কেবল তাহা হইতেই পশ্মিনা উৎপন্ন হয়। দেশভেদে ও জলবায়ুর তারতম্যানুসারে পশ্মিনা-

* শাল, জোড়া, জামেয়ার, রুমাল, গলাবন্ধ, আলোয়ান প্রভৃতি যে সমুদয় সূক্ষ্ম দ্রব্য পশম হইতে উৎপন্ন হইয়া থাকে, তাহাদিগের সাধারণ নাম পশ্মিনা। লুই প্রভৃতি সামান্য ও স্থূল উর্ণ-বন্ধ ইহার অন্তর্গত নহে।

ছাগের পশমের ইতর বিশেষ হইয়া থাকে। কারণ, যে সমুদয় তিব্বতীয় বা অপর স্থানীয় ছাগ এখানকার উপত্যকায় বা পর্বতে প্রতিপালিত, তাহাদের পশম তত উৎকৃষ্ট নহে। ঐ পশম দ্বিপ্রকার—প্রথম শ্বেত। দ্বিতীয় শ্বেতমিশ্রিত ধূসর বর্ণ। শ্বেত পশম অধিক আদরীয় এবং মূল্যবান। শেযোক্ত বর্ণকে খোদ্রঙ্গি অর্থাৎ নিজ রঙ্গবিশিষ্ট কহে। এই পশমে যে পশুগিনা প্রস্তুত হয়, তাহাতে অপর কোনো রঙ প্রয়োগ করে না এবং তাহার নিজের রঙ্গও কোনোকালে অপনীত হয় না।

পশম কর্তন দৃঢ়কায় পুরুষদিগের কঠিন হস্তের কৰ্ম নহে। একারণ ইহা কোমলাঙ্গীদিগের কোমল করেই কর্তিত হইয়া থাকে। আবার আশ্চর্যের বিষয় এই, যে, বালিকাদিগের কুসুমময় স্নকুমার করে ইহা যেরূপ উৎকৃষ্ট হয়, বয়স্হাকামিনীগণের অপেক্ষাকৃত কঠিনতর হস্তে সেরূপ হইতে পারে না। তজ্জন্ম বালিকারাই অধিক পশম কাটিয়া থাকে।

যৎকালে ছাগ বা মেঘের গাত্রোপরি পশম বিরাজ করে, সেই সময়েই অর্থাৎ কাটিবার পূর্বেই পশম ব্যবসায়ীরা উহার প্রক্ষালন ও পরিষ্করণ প্রভৃতি সমুদয় কার্য সমাধা করিয়া লয়। কার্তিক মাসে অর্থাৎ শীত ঋতুর প্রাক্কালে উহাকে পশ্চাল্লিখিত রীত্যনুসারে ধৌত করিয়া কাটিয়া থাকে। যেমন আমাদিগের দেশে বর্ষার বারিধারা সংস্পর্শে তৃণ প্রভৃতি উদ্ভিদ দ্বিগুণ সজীব হইয়া উঠে, তদ্রূপ হিমালীর আগমনে শ্লামহীন নম্র ছাগ ও মেঘের গাত্রে অতি নিবিড় ও স্নন্দর পশম উদ্ভূত হয়।

পশম পরিশুদ্ধ করিবার রীতি এইরূপ। প্রথমে মেঘকে জলে নিমজ্জিত করিয়া লয়। পরে এক ব্যক্তি বাম হস্ত দ্বারা উহার পশ্চাত্তাগস্থ এবং দক্ষিণ হস্ত দ্বারা উহার সম্মুখস্থ পাদদ্বয় ধারণ করে। অপর একজন বিপরীত ভাগ হইতে দ্বিমুষ্টি সমন্বিত অর্ধচন্দ্রাকৃতি এক অস্ত্র লোমের উপর পুনঃ পুনঃ তাড়না করিতে থাকে। এতদ্বারা সংহত লোম বিচ্ছিন্ন এবং সমুদয় অতি পরিশুদ্ধ ও উজ্জ্বল হয়। পরে, ছোট বড় লোম ছেদিত হইলে মেঘ একবারে নগ্ন হইয়া যায়। ইহাকেই ইংরাজীতে (Shearing the sheep) কহে।

শালবাফী কর্ম্মে আদর্শ-উদ্ভাবক ব্যক্তিই সর্বাপেক্ষা শ্রেষ্ঠ। তাহাকে নকাশ্ কহে। এ প্রকার লোক অতি অল্পই আছে। ক্রেতাদিগের অভিরুচ্যানুসারে নূতন নূতন আদর্শ উদ্ভাবন করাই নকাশের কর্ম্ম। আদর্শ কাগজে অঙ্কিত করে। পরে যথাস্থলে উপযোগী বর্ণ সন্নিবেশ করিয়া লয়। এইরূপে আদর্শ প্রস্তুত ও তাহা ক্রেতার মনোনীত হইলে গণকের কার্য্য আরম্ভ হয়। ইহা অতি কষ্টসাধ্য। কারণ, গণককে প্রত্যেক রঙ্গের কত তন্তু আবশ্যক. কোন্ বর্ণের তন্তুর পরে অপর কোন্ বর্ণের কত তন্তু চাহি, সমুদয় ঠিক করিয়া গণিয়া দিতে হইবে। গণক ইহা ধার্য্য করিয়া আদর্শানুসারে তন্তুবাণ-দিগের উপদেশার্থে ক্ষুদ্র কাষ্ঠখণ্ডে বা কাগজে এইরূপ লিখিয়া দেয়—১ শ্বেত, ৩ লাল, ১ হরিদ্রা, ২ ঈষৎ নীল, ২ গভীরনীল, ৩ সবুজ ইত্যাদি। অনন্তর শালবাফেরা কর্ম্মে প্রবৃত্ত হইলে এক ব্যক্তি গুরুমহাশয়ের সর্দার পড়ুয়ার আয় উক্ত আলেখ্য উচ্চৈঃস্বরে পাঠ করিতে থাকে এবং উহারা অনন্তমনে শ্রবণ

করতঃ তাহার উপদেশ মতে নানাবিধ রঙের তন্তু প্রয়োগ করিয়া যায়।

বস্ত্র বুনিবার যন্ত্র হইতে পশ্মিনার তন্তু ভিন্ন নহে। তন্তু দ্বারা যে শাল প্রস্তুত হয়, তাহাকে “কানি” বা “কানিকার” কহে। কানি কশ্ম টুকুরা টুকুরা অংশ রূপে প্রস্তুত করে। পরে সমুদয় একত্র যুড়িয়া দিলেই এক ফর্দ শাল হইয়া যায়। এইরূপে জামেয়াশ, রুমাল, পাল্লা ও হাঁসিয়া প্রভৃতি প্রস্তুত হইয়া থাকে। কিন্তু আলোয়ানের কেবল মাত্র পার্শ্বদেশের (কিনারার) কানিকশ্ম, জিঞ্জির (ছোট পাল্লা) অথবা গলাবন্ধ প্রস্তুত করিতে হইলে অগত্যা একবারেই বুনিতে হয়। অপর, বুনিবার সময় সোজা দিক নীচে এবং উষ্টা দিক উপরিভাগে রাখিয়া বুনিয়া থাকে অর্থাৎ কার্পেট বুনিবার রীতির ঠিক বিপরীত।

ছুঁচের কশ্মকে “আম্লি” বা “আম্লিকার” কহে। ইহার নক্সা অর্থাৎ আদর্শ প্রস্তুত হইলে প্রথমে উহা ছিদ্র করিয়া লয়। পরে উহা আলোয়ানের উপর রাখিয়া কালী বা চূর্ণের গুঁড়া সম্বলিত পুঁটলি দিয়া ঘসিয়া দাগ করে। পরে কলম দিয়া সেই সমুদয় চিহ্ন স্পষ্ট অঙ্কিত করিয়া লয়। পঞ্জাবে এরূপ না করিয়া একবারে ছাপ দিয়া থাকে। সূচিকশ্ম আরম্ভ করিবার পূর্বে নানাবিধ রঙ্গ যথোচিত স্থানে সন্নিবেশ পূর্বক গৃহীতা বা ক্রেতার ইচ্ছানুরূপ এক টুকুরা নমুনা প্রস্তুত করে। এই আদর্শ মনোনীত হইলে উক্ত চিহ্নিত আলোয়ানের উপর কশ্ম আরম্ভ হয়।

শালবাফদিগের কারু কশ্মের ইয়ত্তা নাই। উহাদিগকে

যে রূপ আদর্শ দেখাইবে, উহার ঠিক তাহাই প্রস্তুত করিতে পারে। কোনো কোনো শালের দুই দিক সমান বুনিয়া থাকে। অর্থাৎ উহার বিপরীত ভাগ বা উল্টা দিক থাকে না—যে দিক দেগ, সেই দিগই সোজা। আবার কোনো কোনো শালের এক দিকে মখমল এবং অপর দিকে কিংখা বুনিতেও দেখা গিয়াছে।

আলোয়ান মর্দন করাকে “ মলিদা ” অর্থাৎ মর্দিত কহে। এরূপ করিলে আলোয়ানের অবয়ব হ্রাস হয় বটে, কিন্তু এতদ্বারা উহা কোমল, সুন্দর এবং ঔজ্জ্বল্য বিশিষ্ট হয়। পরিচ্ছদ প্রস্তুত করিতে হইলে আলোয়ানকে অল্প বা অধিক মলিদা করা নিতান্ত প্রয়োজনীয়।

পূর্বে নাগরিক হ্রদের বর্ণনা উপলক্ষে লেখা গিয়াছে, যে, উহার পার্শ্বকদেশে পশ্চিমা ধৌত করিবার কতিপয় প্রস্তর আছে। পৃথিবীর অপর কোনো স্থলে এখনকার স্থায় শাল প্রস্তুত না হইবার প্রধান কারণ এই জল এবং অপর কারণ এখানকার নিষ্কল বায়ু। পূর্বে পূর্বে হিন্দু এবং মুসলমান শাসনকর্তাদিগের দৌরাত্ম্যে অনেক শালবাফ এখান হইতে পলায়ন করিয়া অমৃতসরে গিয়া বাস করিতেছে। তাহারা পূর্বে যে সমুদয় উপকরণ পদার্থ দ্বারা এখানে শাল প্রস্তুত করিত, তথায় সেই সেই উপকরণ এবং সেই সব হস্ত সেরূপ শাল কোনো মতেই প্রস্তুত করিতে পারে না। অপর, অনেক শালবাফ গ্রীষ্ম ঋতুতে এখানে এবং শীতাগমে তথায় গমন পূর্বক জীবিকা নির্বাহও করিয়া থাকে। কিন্তু দেশভেদে তাহাদিগেরও হস্তোৎপন্ন দ্রব্যের বিলক্ষণ গুণবৈষম্য ঘটে। স্ততরাং

সকলেই মুক্তকণ্ঠে স্বীকার করিবেন, যে, কেবল জলবায়ু মাত্রই এরূপ প্রভেদ হইবার কারণ। আবার, এই জলের এমনি গুণ, যে, উহাতে পশ্মিনা প্রফালিত হইলে যেমন কোমল ও উজ্জ্বল হইবে, উহা। কিয়দূরে ধৌত করিলে তেমন উৎকৃষ্ট না হইয়া বরং অপকৃষ্টই হইয়া দাঁড়াইবে।

লদাখ ও তিব্বত প্রভৃতি স্থান হইতে এক প্রকার পশ্মিনা (আলোয়ান) আনিয়া থাকে। উহা অল্প মূল্যে পাওয়া যায়। কিন্তু কাশ্মীরী পশ্মিনার ন্যায় উহা কোমল, সুন্দর ও স্থায়ী নহে। অপর, উহাতে বৃষ্টিজল লাগিলেই দুর্গন্ধ হইয়া থাকে।

মেমলোম ও ছাগের স্থূল লোমে এক প্রকার উর্ণা বস্ত্র প্রস্তুত হয়। উহাকে পট্টু কহে। ইহা পশ্মিনা অপেক্ষা নিকৃষ্ট বটে, কিন্তু সুন্দর এবং স্থায়ী পশ্মিনার ন্যায় ইহার বর্ণ দ্বিবিধ;—এক শ্বেত এবং অপর খোদ্রঙ্গি। শ্বেত পট্টু আবার সবুজ, লাল, প্রভৃতি নানাবিধ রঙ্গে রঞ্জিত করিয়া বিক্রয় করে। উৎকৃষ্ট শ্বেত পট্টুকে দূর হইতে আলোয়ানের ন্যায় প্রতীয়মান হয় এবং উত্তম রংবিশিষ্ট হইলে পট্টু বলিয়া সহজে বুঝা যায় না। এতদ্বারা কাশ্মীরী প্রভৃতি সকলেই পরিচ্ছদ প্রস্তুত করিয়া থাকে। প্রত্যেক থান ৮।। হইতে ৮৫০ গজ দীর্ঘ এবং এক হস্ত প্রশস্ত। ইহার মূল্য ৪ হইতে ৪৫০ টাকা পর্য্যন্ত। এক এক থানে এক পেণ্টুলন, এক কোট এবং এক ওয়েস্টকোট অথবা এক পেণ্টুলন এবং এক চাপকান প্রস্তুত হইতে পারে। একারণ, কি ইংরাজ, কি বাঙ্গালী, যাঁহারা কাশ্মীরে ভ্রমণ করিতে আইসেন, তাঁহারা

ইহার পরিচ্ছদ করিয়া থাকেন। সূত্র ও উর্ণ মিশ্রিত করিয়া আর এক প্রকার পটু হয়। উহা সর্বাংশে পূর্বোক্ত পটুর সদৃশ এবং তদপেক্ষা কোমল। ইহা পোষাকের পক্ষে অতিশয় উপযোগী।

আলোয়ান ও পটুর ন্যায় লুই বস্ত্রও তন্তু দ্বারা বুনিয়া থাকে। ইহার মূল্য তিন টাকা হইতে বারো টাকা পর্য্যন্ত। কাশ্মীরীরা দুই তিন বৎসর ধরিয়া নূতন লুই ব্যবহার করে। পরে উহাকে মলিনা করিয়া আপনাপন আলখাল্লা প্রস্তুত করিয়া থাকে। এতদ্বারা উহাদের মিতব্যয়িতার পরিচয়ও পাওয়া যাইতেছে।

পৃথিবীর স্থানে স্থানে যেরূপ দুর্জয় শীত, ঈশ্বর তাহার নিবারণোপযোগী উপকরণও সৃষ্টি করিয়া দিয়াছেন এবং মনুষ্য আপন বুদ্ধি বলে তৎসমুদয় সংকলন পূর্বক উপযোগী শীত বস্ত্র প্রস্তুত করিয়া লইতেছে। এখানে যেকোন ভয়ঙ্কর শীত, তাহাতে “পোস্তিন” ব্যতীত উহা কোনোমতেই নিবারণ হইবার নহে। কোনো কোনো জীবের সলোম চৰ্ম্মে ইহা প্রস্তুত হইয়া থাকে। ইহা আকারে ইংরাজী কোটের সদৃশ; অধিকাংশের আস্তিন অর্ধ; এবং উপরিভাগে অবস্থানুসারে আলোয়ান, কিংখাব বা ছিট যোগ করে। পোস্তিন নানাবিধ। প্রথম, নীলজু। ইহা এক প্রকার ক্ষুদ্র জলচর পক্ষী। ইহার পক্ষ নানা বর্ণের চিত্রে বিচিত্র, স্ততরাং দেখিতে অতি সুন্দর। কাশ্মীরীরা ইহার মাংস ভক্ষণ করে। কেবল ইহার শির এবং গ্রীবার চৰ্ম্মেই পোস্তিন হইয়া থাকে। স্ততরাং শত শত নিরপরাধী ক্ষুদ্র প্রাণীর প্রাণ বধ না করিলে আর একটী

পোস্তিন প্রস্তুত হয় না। একারণ, ইহা দুশ্রাপ্য এবং মহার্ঘ। এপ্রকার এক একটা পোস্তিনের মূল্য ২০০ হইতে ৫০০ মুদ্রা পর্য্যন্ত হইয়া থাকে।

দ্বিতীয়, সোমুর। ইহা এক প্রকার সুন্দর লোম বিশিষ্ট প্রাণীর চর্ম। ইহাও অতি সুদৃশ্য ও সুকোমল। ইহা ইয়র্কন্দ প্রভৃতি স্থান হইতে আইন্দে। ইহার মূল্য ৫০ হইতে ১৫০ মুদ্রা পর্য্যন্ত।

তৃতীয়, কল্হন্। ইহার অপর নাম উদ্র বা উদড়। ইহাকে আমাদের দেশে উদ্বিরাল কহে।

চতুর্থ, উংগোগ্রু। ইহা ইন্দুর জাতীয় অথবা বাবু অক্ষয়-কুমার দত্ত মহাশয়ের সুপ্রসিদ্ধ চারুপাঠ বর্ণিত বিবর নামা জীবশ্রেণীর অন্তর্গত বলিয়া বোধ হয়। ইহার পোস্তিন দীর্ঘকাল স্থায়ী নহে—ইহার লোম দুই তিন বৎসরের মধ্যেই শিথিল হইয়া যায় এবং দুর্গন্ধ হইয়া উঠে।

পঞ্চম পেরু। ইহা মেঘশাবক। ইহার পোস্তিন সর্ব্বা-পেক্ষা স্থায়ী এবং স্বল্প মূল্যেই অর্থাৎ ৫ হইতে ১৫ মুদ্রায় পাওয়া যায়।

নবন পরিচ্ছেদ ।

কেশর বা জাক্রান্ ।

কাশ্মীর প্রদেশে যে জাক্রান্ উৎপন্ন হইয়া থাকে, তাহা পৃথিবীর সমুদয় স্থানাপেক্ষা উৎকৃষ্ট । একারণ, জাক্রাণের অপর নাম “কাশ্মীরজ” এবং “কাশ্মীর-জন্ম ।” ইহা উপত্যকার সর্বত্র জন্মে না । কেবল মাত্র পূর্বভাগস্থ পাম্পুর নামক স্থানের নদীতটস্থ কিয়দংশে জন্মিয়া থাকে । পূর্বেই উল্লেখ করা গিয়াছে, শ্রীনগর হইতে পাম্পুর স্থলপথে চারি ক্রোশ । কিন্তু বিতস্তার গতি অতি বক্র এবং উজান আসিতে হয় বলিয়া নৌকায় গেলে ছয় সাত ঘণ্টা লাগে ।

পাম্পুরের যেস্থানে জাক্রান্ জন্মিয়া থাকে, উহা স্খলিত ও উচ্চ । ইহার এক পার্শ্ব দিয়া বিতস্তা নদী প্রবাহিত হইতেছে এবং অপর দিকে গিরিমালা দণ্ডায়মান আছে । এস্থানের মৃত্তিকা স্বেত পীতবর্ণ এবং কঙ্করের ন্যায় কঠিন ।

জাক্রাণের ক্ষেত্র সংস্করণ, বীজবপন, পুষ্পোদগমন, জাক্রাণাহরণ জাক্রান্ তৃণ প্রভৃতি সমুদয়ই অতি বিচিত্র । সুতরাং একাদিক্রমে ইহাদের সবিশেষ বর্ণনা করা যাইতেছে ।

প্রথম, ক্ষেত্র সংস্করণ । আমাদের দেশের পটল বুনিবার ক্ষেত্রের ন্যায় ইহা প্রস্তুত করে ; কিন্তু উহার সদৃশ কেবল দীর্ঘ আলি ও দীর্ঘ প্রণালী বিশিষ্ট নহে । ইহা ৫ বা ৬ ফিট

পরিমাণের সমচতুর্কোণ ক্ষুদ্র ক্ষুদ্র খণ্ডে পূর্ণ। শীঘ্র জল অপ-
সৃত হইবার জন্য প্রত্যেক খণ্ডের মধ্যদেশ ঈমং উচ্চ ও
চতুঃপার্শ্ব ঈমং ঢালু এবং পরস্পরের মধ্যে ন্যূনাধিক দেড়
পাদ পরিমিত প্রণালী আছে। প্রতি বৎসর সব ঐ ভূ-খণ্ডের
উপরিভাগ অল্প পরিমাণে খুসিয়া দিতে হয়—নচেৎ হল
চালনা; সার দান বা অন্য কোনো প্রকার সংস্করণই করিতে
হয় না। পরে প্রকাশ করা যাইবে, যে, বীজ বপনেরও প্রয়ো-
জন নাই। স্ততরাং একবার কেয়ারি সমুদয় প্রস্তুত হইলে
অল্প বা বিনা পরিশ্রম ও ব্যয়ে অনেক বৎসর পর্য্যন্ত জাফ-
রান্ উৎপন্ন হইয়া থাকে।

দ্বিতীয়, বীজ বপন। ইহার বীজ দেখিতে রত্ননের মত।
এই বীজ বপন করিতে হয় না—প্রথম রোপিত বীজ আধুনিক
কাল পর্য্যন্ত চলিয়া আসিতেছে। সর্ব্বদৌ যে কোন্ পুরুষ
ইহা রোপণ করেন, তাহা কোনো ইতিহাসপাঠে অবগত
হওয়া যায় না। মুসলমান কৃষাণেরা এতৎসম্বন্ধে আপনাদের
প্যাগম্বরের গুণগান সহকৃত অনেক কল্পনা ভুলনা করিয়া
থাকে। প্রত্যুত, ইহা যে ঈশ্বরের বিশেষ কৃপা ও মহিমার
নিদর্শন, তাহার সন্দেহ নাই। অতি প্রাচীনকাল হইতে
ঈশ্বর যে প্রথম বীজ সংলগ্ন করিয়া দিয়াছেন, অদ্যাবধি তাহা
হইতেই জাফরান্ উৎপন্ন হইয়া আসিতেছে। এক এক
বীজের উৎপাদিকা শক্তি দশ হইতে পঞ্চদশ বৎসর পর্য্যন্ত
অবিকৃত থাকে। পরে উহা অকর্ম্মণ্য হইয়া গেলে উহার
স্থানে আর একটা আপনা হইতেই জন্মে।

তৃতীয়, পুষ্পোদগমন। বীজ হইতে যে অঙ্কুর উদগত হয়,

উহার অগ্রভাগে পুষ্প বিকসিত হইয়া থাকে এবং প্রত্যেক অঙ্কুরে কেবল এক একটা পুষ্পমাত্র উদগত হয় ; কিন্তু এক এক বীজ হইতে চারিটার অধিক অঙ্কুর হয় না । স্ততরাং পুষ্পও চারিটার অতিরেক দেখা যায় না । অঙ্কুর সমুদয় ভূমি হইতে ন্যূনাধিক ৫ বা ৬ ইঞ্চি উন্নত হইয়া থাকে । এই সঙ্গে মূলদেশ হইতে যে তৃণ জন্মে, উহাও পুষ্প প্রস্ফুটিত হইবার কালে উক্ত পরিমাণে উন্নত হয় । পুষ্প ষট্‌দল বিশিষ্ট এবং ইহার বর্ণ ঈষৎ নীল । প্রত্যেক পুষ্পে ছয়টা করিয়া কেশর হয় । ইহাকেই কেশর বা জাফ্রান্ কহে । এতন্মধ্যে তিনটা ঘোর রক্তমা বর্ণ এবং ইহাই আসলি অর্থাৎ প্রকৃত জাফ্রান্ । অপর তিনটা কেশর বাসন্তী অর্থাৎ পীত বর্ণ । ইহাকে নকুলী অর্থাৎ কৃত্রিম জাফ্রান্ কহে । ইহা প্রকৃত কেশর অপেক্ষা কিঞ্চিৎ সূল ও ক্ষুদ্র ।

প্রকৃত রসাল কেশর চর্চণ করিলে আশ্র মণ্ডল রমণীয় গন্ধে পূর্ণ হইয়া যায় এবং বোধ হয়, যেন তাম্বুল চর্চণ করিতেছি । কোনো কোনো কাশ্মীরী কবি তিন রক্তমা কেশরকে ব্রহ্মা, বিষ্ণু ও মহেশ্বর এবং তিন পীত কেশরকে তাঁহাদের ভার্য্যা এবং ষট্‌দলকে ছয় জনের সিংহাসন রূপে বর্ণনা করিয়াছেন । এই বর্ণনা অসঙ্গত নহে !

পুষ্প প্রস্ফুটিত হইলেই চয়ন করে । একবার সংগৃহীত হইলে তৃতীয় বা চতুর্থ দিবসে পুনর্বার উদগত ও বিকসিত হইয়া থাকে । এইরূপ প্রত্যেক অঙ্কুর হইতে একাদি ক্রমে চারি বা পাঁচবার পুষ্প প্রস্ফুটিত হইয়া তিন সপ্তাহের মধ্যেই পুষ্পোদ্যমান শেষ হইয়া যায় ।

কার্ত্তিক মাসের প্রারম্ভেই পুষ্প বিকসিত হইতে থাকে । তখন ক্ষেত্রের শোভা অতি বিচিত্র । বিশেষতঃ সূর্য্যোদয়ের প্রাক্কালে যখন উহাদের উপর শিশির-বিন্দু পতিত হয়—যখন দিবাকরের প্রথর কর দ্বারা উহাদের কমনীয় কান্তি ম্লান হয় নাই—যখন কৃষ্ণাণদিগের নৃশংস হস্তে কেহ বৃন্তচ্যুত হয় নাই—তখন দেখিতে যে কি রমণীয়, তাহা প্রকাশ করিবার শব্দ নাই ! ভূই ক্রোশ স্থান পর্য্যন্ত গো দিকে নয়ন-পাত কর, কেবলই মনোহর পুষ্প প্রস্ফুটিত হইয়া রহিয়াছে ; উহা ভূমির উপর হইতে অধিক উন্নত নহে, কেবল পাঁচ ইঞ্চি মাত্র উচ্চ—লঘু তৃণও লক্ষিত হইতেছে না—দেখিলে বোধ হয়, যেন নীল বর্ণের ভূমিচম্পক (ভূই চাঁপা) ফুটিয়া রহিয়াছে । প্রত্যুত, জাফরাণের পুষ্প কাশ্মীরের নৈসর্গিক সৌন্দর্য্যের মধ্যে একটা অত্যাৎকৃষ্ট ।

চতুর্থ, জাফরাণাহরণ । পুষ্প ফুটিলেই কৃষ্ণাণেরা উত্তোলন করিতে আরম্ভ করে । পরে হস্ত দিয়া ঝাড়িলেই পুষ্প দল স্বতন্ত্র হইয়া যায় । কিন্তু লাল ও পীত কেশর একত্র থাকে । ব্যবসায়ীরা ইহাদিগকে পৃথক করে না । বরং কেহ কেহ পীত কেশর রক্তমা বর্ণে বা রক্তিম কেশরের জলে রঞ্জিত করিয়া উভয়কেই প্রকৃত জাফরাণাকারে বিক্রয় করিয়া থাকে । সে যাহা হউক, ইহাদিগকে স্বতন্ত্র করিতে হইলে জলপূর্ণ পাত্রে নিক্ষেপ করে । তখন লাল অর্থাৎ প্রকৃত কেশর আপনা হইতেই তলদেশে নিমগ্ন হয় এবং পীত অর্থাৎ কৃত্রিম কেশর উপরিভাগে ভাসিতে থাকে । পরে আতপ তাপে উভয়কেই শুষ্ক করিয়া লয় ।

পঞ্চম, জাফ্রান্ তৃণ। পুষ্পোদগমন শেষ হইয়া গেলে তৃণ বাড়িতে থাকে। পূর্বেই উল্লেখ করা গিয়াছে, যে, যৎকালে পুষ্প বিকসিত হয়, তখন তৃণ অক্ষুর অপেক্ষা উন্নত হয় না। কিন্তু পুষ্প বিকসিত হইয়া গেলেই উহা বাড়িতে আরম্ভ করে। এই তৃণের এমত গুণ, যে, গাভীগণ ইহা ভক্ষণ করিয়া যে দুগ্ধ দেয়, উহা হইতেও জাফ্রাণের স্নগন্ধ বাহির হইয়া থাকে এবং এই দুগ্ধে অতি উৎকৃষ্ট স্নত প্রস্তুত হয়। একারণ, পাম্পুরের দুগ্ধ ও স্নত যেমন অত্যুত্তম ও স্নস্বাদু, কাশ্মীরের কুত্রাপি তদ্রূপ নহে। অপর, সেই স্নরাভি তৃণভোজী মেঘের মাংস ও স্নমধুর। অধিক কি, জাফ্রান্ক্ষেত্রের সমীপস্থ ভূমিতে যে সমুদয় ফল মূলাদি উৎপন্ন হইয়া থাকে, তন্নাং অপরাপর স্থানাপেক্ষা অধিকতর রসাল ও মিষ্ট।

ষষ্ঠ, জাফ্রাণের ব্যবহার। কাশ্মীরী পণ্ডিত মাত্রেই ইহার দীর্ঘ তিলক সেবন করেন। পলায়, স্নাংস ও অপরাপর রন্ধনে—কি প্রধান, কি ইতর ব্যঞ্জন মাত্রেই জাফ্রান্ দিলে যে তাহা স্নগন্ধ ও স্নস্বাদু হইয়া থাকে, তাহা আমি কি বলিব, পাঠক মহাশয়েরা তাহা বিলক্ষণ অবগত আছেন।

স্বর্গগত মহাত্মা সার রাধাকান্ত দেব বাহাদুরকৃত স্নপ্রসিদ্ধ শব্দকল্পদ্রুমে জাফ্রান্ সম্বন্ধে লিখিত আছে;—

“কুকুমং দেশভেদে ত্রিবিধং। যথা

১। কাশ্মীরদেশজে ক্ষেত্রে কুকুমং বৃদ্ধবেদ্ধি তৎ।

সূক্ষ্মকেশরমারক্তং পদ্মগন্ধি তদুত্তমং ॥

২। বাহ্লীকদেশসংজাতং কুকুমং পাণ্ডুরং ভবেৎ।

কেতকীগন্ধযুক্তং তন্মধ্যমং সূক্ষ্মকেশরং ॥

३। कुकुमं पारसीकेयं मधुगन्धि तदीरितं ।

सैषंपाण्डुरवर्णं तदधमं सुलकेशरं ॥

अस्य गुणाः ।

स्मरतिहृं । त्रिक्लहृं । कटुहृं । उष्णहृं ।

कास, वात, कफ, कर्णरोग, मूर्च्छशूल, विषदोषनाशित्वं ।

रोचनहृं । तनूकान्ति करहृं । इति राजनिर्घण्टः ।

रोचकहृं । विवर्णता कणुनाशित्वं । इति राजवल्लभः ।

स्निग्धहृं । शिरोरूग्ण, जन्तु, वमि व्यस्य दोष त्रयापहहृं ।

बल्यहृं । इति भावप्रकाशः ।

हृग्दोष नाशित्वं । इति रत्नावली ।

দশম পরিচ্ছেদ—পরিশিষ্ট ।

পর্যটকদিগের প্রতি উপদেশ ।

যদি কোনো পাঠক এই সামান্য পুস্তক পাঠে স্বর্গসম কাশ্মীর দর্শন করিবার জন্য উৎসুকচেতা হইলেন, তাঁহার সুবিধা ও সৌকর্যার্থ ভুক্তভোগীর বহুদর্শন জনিত কতিপয় উপদেশ বাক্য এস্থলে অপ্রযুক্ত হইবে না । যদিও এই পুস্তকের স্থানে স্থানে বিশেষতঃ দ্বিতীয় পরিচ্ছেদে পথের বিবরণে কিয়ৎ পরিমাণে এরূপ উপদেশাদি আছে, তথাপি এক স্থানে কাজের কথা সমস্ত সন্নিবেশ করা আবশ্যিকবোধে এই পরিশিষ্ট অধ্যায় লিখিতে প্রবৃত্ত হইলাম ।

কলিকাতা হইতে লাহোর দিয়া কাশ্মীর যাইতে হইলে “জম্মু ও বনহাল পথ” এবং “ভিন্ডের পথ” উপাদেয় । যদি কোনো পর্যটক জম্মু দেখিবার মানস করেন, তিনি তথায় শাসিয়া মহারাজার সাক্ষাৎ লাভ করিতে পারেন । বনহাল পথে যাইতে হইলে মহারাজার বিশেষ আঞ্জা আবশ্যিক বটে, কিন্তু বাঙ্গালীদিগের প্রতি কোনো নিষেধ নাই । অপিতু যদিও সমুদয় পথে ভ্রমণকারীদিগের কষ্ট নিবারণ ও সুখোৎপাদনের জন্য মহারাজার কর্মচারীরা নিযুক্ত আছে, তথাপি সর্বপ্রকার সুখের নিমিত্ত মহারাজার বা প্রধান সচিবের পরোয়ানা সংগ্রহ বা পরামর্শসিদ্ধ ।

সমগ্র পথের প্রত্যেক আড্ডাতেই উত্তম বাসগৃহ এবং মঞ্জী (চারপাই) পাওয়া যায়, তথাপি কাশ্মীর উপত্যকার সর্বত্র স্থখে ভ্রমণ করিবার জন্য এক ক্ষুদ্র শিবির (Hill-tent অথবা shiouldari) এবং শিবির চারপাই (Camp-bed) সঙ্গে লওয়া উচিত। আবার, যদিও প্রত্যেক আড্ডাতেই চাউল, আটা, স্নাত, ছন্ধ, ছাগ প্রভৃতি আহারীয় দ্রব্য পাওয়া যায়, তথাপি রন্ধনোপযোগী চূর্ণ মসলা, মুগ প্রভৃতি হিঁদল এবং কিছু আলু (পথে কোনো প্রকার তরকারি পাওয়া যায় না) সমভিব্যাহারে রাখা অত্যন্ত আবশ্যিক। কিছু শীত বস্ত্র এবং বৃষ্টি হইতে পরিত্রাণার্থ (Water-proof-cloth) কোনোরূপ বস্ত্রবিশেষ সঙ্গে লওয়াও নিতান্ত প্রয়োজনীয়। ভ্রমণকারীদিগের এটা স্মরণ রাখা কর্তব্য, যে, পথ দুর্গম ও পার্শ্বত। স্তরায় অপরিহার্য নিতান্ত আবশ্যকীয় দ্রব্য সম্ভার যতই অল্প লইতে পারেন, অর্থাৎ ভার যতই লঘু হয়, ততই উত্তম।

প্রত্যেক আড্ডাতেই ঝাঁপান ও ভারবাহী পাওয়া গিয়া থাকে; কিন্তু সাহাবাদ ও বন্থাল নামক স্থানদ্বয়ের ঝাঁপান-বাহকেরা সর্বাপেক্ষা দৃঢ় ও পার্শ্বত পথের সম্যক উপযোগী। জন্মতে উত্তীর্ণ হইয়া কোনো উপায়ে ইহাদিগকে বন্দোবস্ত করিয়া লইতে পারিলে বড় ভাল হয়।

বাহকেরা সাধারণতঃ এক আড্ডার অধিক গমন করে না। প্রত্যেক আড্ডাতে নূতন নূতন যান ও বাহক নিযুক্ত করিতে হয়। একারণ, এক আড্ডাতে পৌঁছিয়াই অগ্রবর্তী আড্ডার বন্দোবস্ত জন্য একজন চতুর ভৃত্যকে অগ্রে প্রেরণ করণ

আবশ্যক। তাহা হইলে পর্যটককে সেখানে গিয়া কোনো বিষয়ের নিমিত্তই প্রতীক্ষাজনিত ক্লেস পাইতে হয় না।

পথে সর্বত্রই ইংরাজ গবর্ণমেন্টের মুদ্রা চলিয়া থাকে। পাহাড়ীরা নোট কখনো চক্ষেও দেখে নাই, স্ততরাং কেহই লয় না।* একারণ, কেবল নগদ টাকা মাত্র এবং কিছু আতুলি, সিকি ও ছয়ানি সঙ্গে রাখা আবশ্যক।

মণ্টগোমারি সাহেবের “কাশ্মীর রুটম্যাপ” এবং “জম্মু ও কাশ্মীর ম্যাপ” এই দুইখানি মানচিত্র এবং কাশ্মীরের বিবরণ ও ভ্রমণ সম্পর্কীয় দুই একখানি পুস্তক সঙ্গে রাখা নিতান্ত আবশ্যক। একজন চতুর পথপ্রদর্শক সঙ্গে থাকিলে পুরোবর্তী পথের অবস্থা এবং জ্ঞাতব্য বিষয়াদির জ্ঞান সংগ্রহ পক্ষে অনেক উপকার হয়। স্তদক্ষ বাহক এবং উপত্যকার স্তচতুর নাবিকদিগের দ্বারা এ কার্য উত্তমরূপে সমাধা হইয়া থাকে।

কোনো আড্ডা হইতে প্রস্থান করিবার পূর্বে অতি প্রত্ন্যষে স্নান ও আহার করিয়া লওয়া উচিত। যদিও পথি মধ্যে মনোহর উৎস ও নিব্বারিণীর নিম্নল জলে প্রীতিকর স্নান হইতে পারে বটে, কিন্তু আহার প্রস্তুত করিবার অনুকূল স্থান নাই। এতদ্ব্যতীত “জলখাবার” নিমিত্ত কিছু বেদানা, বাদাম, পেস্তা, কিস্‌মিস্‌ অথবা রুটী, হালুয়া প্রভৃতি (প্রস্তুত করিয়া) প্রতিদিন সঙ্গে রাখা আবশ্যক।

ভ্রমণকারীরা অশ্ব বা ঝাঁপান, যে যান আরোহী হইউন, দুর্গম পথে এবং কাষ্ঠ নিম্নিত সেতুর উপর দিয়া যাইতে

* কাশ্মীর উপত্যকায় সকলেই নোট সাদরে গ্রহণ করিয়া থাকে।

হইলে যান হইতে অবরোহণ পূৰ্ণক পদব্রজে গমন করাই পরামর্শ ; নচেৎ প্রাণনাশ হইবার সম্ভাবনা । যদি তাঁহাদের সমভিব্যাহারে কোমলাঙ্গিনীরা থাকেন, তাহা হইলে আপনাদের বাহকদিগকে তাঁহাদের ঝাঁপানে নিযুক্ত করিয়া আপজ্জনক স্থান সমূহ অতি সাবধানে বাহিত করাই শ্রেয়ঃ । পাহাড়ে ঝাঁপান দ্বারা উত্থান করিতে হইলে পশ্চাত্তাগে মুখ ফিরাইয়া উঠিতে এবং অবতরণ কালে সোজা হইয়া অর্থাৎ সম্মুখের দিকে মুখ করিয়া নামিতে হয় । তাহা হইলে আরোহণ ও অবরোহণের বিশেষ কষ্ট হয় না ।

শ্রীনগরের পর্য্যটকদিগের জন্য মহারাজা অনেক উত্তম বাঙ্গালা নিৰ্ম্মাণ করিয়া দিয়াছেন । কিন্তু ইংরাজদ্বারা সর্বদা পূর্ণ—একটিও প্রায় শূন্য পাওয়া যায় না । নগরাভ্যন্তরে অনেক বাটী ভাঙা পাওয়া যায় । কিন্তু নগর অতি মলিন, স্ততরাং বাসোপযোগী নয় । নৌকা বাসই অতি প্রীতিকর । এতদ্ভিন্ন শিবির স্থাপনোপযোগী অনেক উৎকৃষ্ট ভূমি আছে । স্ততরাং সঙ্গে একটি শিবির থাকিলে ‘বেদের টোলের’ মত বাস করিয়া সমুদয় মনোহর স্থান অতি স্বেচ্ছা ও স্বাধীনতায় দেখা যাইতে পারে ।

কাশ্মীর রাজ্যে প্রথম উপস্থিত হইয়াই পর্য্যটক রাজকীয় শাসন প্রণালী ও লোকদিগের আচার ব্যবহার আপনাদিগের সে সব হইতে বিষম দেখিয়া ব্যথিত-হৃদয় হইতে পারেন । কিন্তু তাঁহার এটা স্মরণ করা আবশ্যিক, যে, তিনি যে প্রদেশে পদচারণা করিতেছেন, তথাকার লোক অপেক্ষাকৃত অজ্ঞ ও অসভ্য এবং তথাকার শাসনকর্ত্তা সম্পূর্ণ স্বাধীন,

প্রভূত প্রতাপশালী এবং কিয়দংশে স্বেচ্ছাচারী। হুতরাং পর্যটকের চরিত্র যেন কোনোরূপ দোষাবহ এবং প্রজা-পীড়ক না হয়। যদিও এস্থলে ইন্দ্রিয়সুখাভিলাষ চরিতার্থ করিবার অনেক অনুকূল পদার্থ আছে, কিন্তু ইন্দ্রিয়সংযম করাই মানুষের কাজ। অনেকে ইন্দ্রিয় দমনে অসমর্থ হইয়া নানা পাপাচরণ বশতঃ অবশেষে অপমানিত ও কাশ্মীর রাজ্যের সীমা হইতে দূরীভূত হইয়াছেন!

ভ্রমণকারীদিগের উপদেশ ও শাসনार्थ পঞ্জাব গবর্নমেন্ট যে কয়েকটি নিয়ম প্রচলিত করিয়াছেন, তাহার কতিপয় প্রয়োজনীয় ধারার অভিপ্রায় এস্থলে অনুবাদ করিয়া দেওয়া আবশ্যিক বোধ হইতেছে। যথা ;—

১। কাশ্মীরে যাইবার কেবল * চারিটি প্রকাশ্য রাজ-পথমাত্র আছে। বনহাল পথ দিয়া যাইতে হইলে 'কাশ্মীর-ধিপতির আজ্ঞাপত্র বিনা কেহই যাইতে পারে না। সিমলা পাহাড় হইতে শৈলশ্রেণী দিয়া যে পথ আছে, তদ্বারা যাইতে হইলে পঞ্জাব গবর্নমেন্টের বিশেষ আজ্ঞা আবশ্যিক।

৩। এক আড্ডা হইতে অপর আড্ডা পৌঁছিয়াই বাহক-দিগের মজুরি চুকাইয়া দিতে হইবে। ভার-বাহকদিগের ভার ২৫ সের এবং ভারবাহী অশ্ব বা অশ্বতরীদিগের ভার দুই মণের অধিক হইবে না।

৪। কোনো আড্ডাতে উপস্থিত হইয়া তদগোঁই ভারবাহী পাওয়া যায় না। দূরবর্তী গ্রাম হইতে বাহকদিগকে সংগ্রহ করিতে হয়। একারণ, প্রতীক্ষাজনিত ক্লেশ নিবারণ করিবার

* এই পুস্তকের বিধিগণ পরিচ্ছেদ দেখ।

উদ্দেশ্যে অগ্র হইতে পুরোবর্তী আড্ডাতে সংবাদ প্রেরণ করা আবশ্যিক ।*

৮। পশ্চিমধ্যে থানাদার, কোতোয়াল প্রভৃতি মহারাজার কর্মচারী বা প্রজাদিগের উপর কেহ কোনো অত্যাচার করিবেন না। উহারা যে বিষয়ের যে মূল্য প্রার্থনা করিবে, তদগুণে তাহা দিতে হইবে। যদি কোনো কিছুতে মূল্য অধিক লয়, তাহা হইলে পর্যটক শ্রীনগরস্থ আফিসর অনু স্পেশিয়েল ডিউটী নামক কর্মচারীকে জানাইয়া প্রতীকার প্রার্থনা করিবেন।

১১ এবং ১২। যদি কোনো স্থলে মহারাজার কর্মচারী, সিপাহী বা প্রজাদিগের সহিত পর্যটকদিগের কোনো বিবাদ বিমস্বাদু অথবা মানহানিকর ব্যাপার ঘটে, তাহা হইলে তাঁহারা কোনোমতেই আপন হস্তে আইন বা শাসন ভার লইবেন না। তথাকার প্রধান কর্মচারীকে এ বিষয় জানাইবেন এবং শ্রীনগরস্থ উক্ত ইংরাজ আফিসরকে তৎক্ষণাৎ সংবাদ করিবেন। তাহা হইলেই প্রতীকার হইবে।

১৪। পর্যটকেরা কাশ্মীরে উপনীত হইয়া মনে রাখিবেন, যে, তাঁহারা এক স্বাধীন রাজার রাজ্যে আসিয়াছেন। স্ততরাং, কোনো স্থলে মহারাজা, তৎপুত্র, তৎকুটুম্ব অথবা তাঁহার কোনো প্রধান কর্মচারীদিগের সহিত সাক্ষাৎ হইলে তাঁহারা

ইঙ্গিত কথা পূর্বেই বলা গিয়াছে। বেলাবেলি কোনো আড্ডাতে গৌ-
হিয়া তথাকার কর্মচারীকে সংবাদ করিলে সে সাধারণতঃ পরদিন প্রাতঃকালে
সম্মুদয় বন্দাবস্ত করিয়া দেয়। এক দিবসে দুই আড্ডা অর্থাৎ শীঘ্র শীঘ্র
গমন আবশ্যিক হইলে উৎকোক্ত নিয়ম প্রতি দৃষ্টি রাখা বিশেষ প্রয়োজনীয়।

তঁাহাদিগকে যথোচিত সম্মান প্রদর্শন করিবেন এবং সর্বদা তথাকার নিয়ম ও ব্যবহারানুসারে চলিবেন।

১৫। কাশ্মীরের শাসনকর্তার অনুমতি ও আজ্ঞাপত্র বিনা কেহই আপনাদিগের সমভিব্যাহারে কোনো কাশ্মীরীকে কাশ্মীর সীমার বাহিরে লইয়া যাইতে পারিবেন না।*

১৬। পর্যটকেরা কাশ্মীর পরিত্যাগ করিবার পূর্বে সমুদয় লেনা দেনা অবশ্যই নিকাশ করিবেন এবং তঁাহাদিগের অনুচরবর্গ ঋণ পরিশোধ করে, তৎপ্রতি দৃষ্টি রাখিবেন।

১৮। শুনা গিয়াছে, কোনো কোনো ব্যবসায়ী কাশ্মীর গবর্নমেন্টের মাশুল হইতে নিস্তার পাইবার জন্য ভ্রমণকারীদিগের দ্রব্যের সহিত গোপন ভাবে অনেক মাল মিশাইয়া দেয়। একারণ, জানানো যাইতেছে, যে, এ প্রকার অসদ্ব্যবহার ধরা পড়িলে ফৌজদারী আইন মতে উভয় পক্ষের যথোচিত শাস্তি হইবে।†

* কাশ্মীরে যাওয়া, অনারামে কাশ্মীরী ভৃত্য নিযুক্ত করা যাইতে পারে। তাহাদিগকেও কাশ্মীর রাজ্যের বাহিরে আনিতে হইলে আজ্ঞাপত্র নিতান্ত আবশ্যিক। ভার ও পাল্কী বাচকদিগের পক্ষে এই ধারা প্রয়োগশীল নহে। কারণ, তাহারা যে আপনাই হইতেই শীঘ্র প্রত্যাগমন করিবে, তাহাষয়ে কোনো সন্দেহ নাই। এস্থলে পাঠকদিগকে স্মৃতি করণের বলা উচিত, যে, কাশ্মীর হইতে কোনো রুমী লইয়া আসা সম্পূর্ণ নিষিদ্ধ। কয়েক বৎসর হইল, একজন ইউরোপীয় এক রুমণীকে প্রচ্ছন্ন বেশে লইয়া আসিতেছিলেন। পথিমধ্যে ধৃত হইয়া তিনি অশেষ প্রকারে অপমানিত, প্রচারিত এবং ইংরাজ গবর্নমেন্ট দ্বারা লাহিত হইয়াছিলেন এবং তিনি আর কোনো কালে উপত্যকায় প্রবেশ করিতে পারিবেন না; ইংরাজ গবর্নমেন্ট এমন আজ্ঞা প্রচার করিয়া দিয়াছিলেন। সুতরাং পর্যটকেরা যেন আপনাদের উক্ত বাধা হেঁট না করেন এবং আপনাদের পায় অপর্যায়ী কুঠার না মারেন—এ বিষয়ে বিশেষ সতর্ক থাকিবেন।

† কাশ্মীরে চাইত প্রত্যাগমন কালে সকল পথে নির্দিষ্ট স্থানে এক এক জন

২০। যদি কেহ এই সমুদয় নিয়মের একটীও উল্লঙ্ঘন করেন, তাহা হইলে আফিসর অন্ স্পেশিয়েল ডিউটী পঞ্জাব গবর্ণমেন্টকে রিপোর্ট করিবেন ।

২১। যদি কেহ অতু্যৎকট অসভ্যতাচরণ, অথবা কাশ্মীর রাজ্যের নিয়ম লঙ্ঘন এবং তথাকার আচার ব্যবহারের বিপরীতাচরণ, অথবা অন্য কোনো অকৰ্ম্ম করেন, তাহা হইলে আফিসর অন্ স্পেশিয়েল ডিউটী তদগেই কাশ্মীর রাজ্যের সীমা হইতে তাহাকে দূর করিয়া দিবেন ।

করিয়া মহারাজার কর্মচারী পথিকদিগের জব্যাদির তত্ত্বানুসন্ধান করিয়া থাকে । যদি প্রকাশ পায়, যে, উহার মধ্যে বিনা নাশ্রলে কাশ্মীরজাত কোনো জব্য (পশু মিনা, দ্রাকু রান্ প্রভৃতি) নীত হইতেছে, তাহা হইলে পথিকদিগকে অপমানিত হইতে এবং অক্ষয় নাশ্রল দিয়া যাইতে হয় । ইহার প্রতি সরকারের দৃষ্টি রাখা নিতান্ত আবশ্যিক ।

সমাপ্ত ।

তৃতীয়। ভিষ্মর ও পুঞ্চপথ

লাহোর এবং তন্নিকটবর্তী স্থান হইতে আসিতে হইলে এই পথও প্রশস্ত। কিন্তু বনহাল পথের গায় ইহা অতি দুর্গম্য। বিশেষতঃ কেহটা হইতে উড়ী আড্ডা পর্য্যন্ত অতিশয় দুর্গম। ইহা কোনো কালে বরফে বন্ধ হইয়া যায় না। স্মতরাং কার্ত্তিক মাসের প্রারম্ভ হইতে কৈশাখের শেষ পর্য্যন্ত যখন পীরপঞ্জাল পথ তুমারজন্ম অগমনীয় হইয়া উঠে, তখন এই পথ দিয়া গভ্রায়াত করা পরামর্শসিদ্ধ।* ভিষ্মর হইতে খিন্নামণ্ডী নামক আড্ডা অতিক্রম পূর্ব্বক প্রায় অর্দ্ধ ক্রোশ আসিয়া বামদিগে এই পথ প্রাপ্তব্য। রতনপীর ও হাজীপীর নামক দুই পর্ব্বতের মধ্য ভাগস্থ রাজ্য পুঞ্চাধিপতি রাজা মতিসিংহের শাসনাধীন। ইনি মহারাজা গোলাব সিংহের জ্যেষ্ঠ ভ্রাতা রাজা ধ্যান সিংহের কনিষ্ঠ পুত্র। ধ্যান সিংহের মৃত্যুর পর গোলাব সিংহ আপনার এই রাজ্যাংশের স্বত্ব ত্যাগ পূর্ব্বক তাঁহাকে ইহার শাসনকর্ত্তা করিয়া দেন। ইনিও পর্য্যটকদিগের সবিশেষ তত্ত্বাবধারণ করিয়া থাকেন এবং আপন রাজ্যের সমুদায় আড্ডাতে উত্তম বিশ্রামগৃহ ও উপাদেয় জব্যাদি আয়োজন করিয়া রাখেন।

৬।* খিন্নামণ্ডী হইতে সুরন—১৬ মাইল।

খিন্নামণ্ডী হইতে প্রায় অর্দ্ধ ক্রোশ আসিয়া এই পথ

• ইহার পূর্ব্ববর্ত্তী পাঁচ আড্ডার বৃত্তান্ত (ভিষ্মর হইতে খিন্নামণ্ডী) দ্বিতীয় পথ বর্ণনায় লিখিত হইয়াছে।

বাম দিগে গমন করিয়াছে এবং পৌরপঞ্জাল পথ দক্ষিণ দিকে গিয়াছে। কিয়দূর বাইয়া রতনপীরে উঠিতে হয়। ইহার চড়াই ও উতরাই দুর্গম নহে। পরবর্তী পথ অতি গভীর ও সংকীর্ণ স্থান দিয়া গিয়াছে। ইহার উভয় পার্শ্বে অতি বিজ্ঞান অরণ্যময়। ইহার প্রান্ত ভাগে এক ক্ষুদ্র নির্ঝরিণীকে অনেকবার অতিক্রম করিতে হয়। পরে সুরনু-নদীর গর্ভে প্রবেশ করা আবশ্যিক। এই নদী এই স্থানে ন্যূনাধিক তিন শত হস্ত প্রশস্ত এবং ইহার উভয় পার্শ্বে সরল ও অত্যুচ্চ পর্বতমালা দণ্ডায়মান। উত্তর ভাগস্থ গিরিশ্রেণী অবিরল তরুরাজিপূর্ণ এবং দক্ষিণ ভাগের শৈলমালা পরম শোভায়মান দুর্বাদলাচ্ছন্ন। নদীগর্ভে প্রবেশ করিয়া প্রথমেই নদী পার হইতে হয়। ইহাতে একটীও সেতু নাই। কিন্তু জলোচ্ছ্বাস না হইলে পার হওয়া ভয়ের বিষয় নহে। কিয়দূরে বিক্লিয়াজ নামক পল্লী। ইহা পর্বতের গাত্রে স্থিত বলিয়া দূর হইতে অতি সুন্দর দেখায়। অনন্তর অবশিষ্ট পথ উক্ত নদী-গর্ভ দিয়া গমন করিয়াছে। ইহা সাধারণতঃ অতি সরল ও সমতল, একারণ অতি সুগম। কেবল নদীর জল বৃদ্ধি হইলেই কিঞ্চিৎ উর্দ্ধদেশ দিয়া গমন করিতে হয়। পথ প্রথমে চারি মাইল পর্য্যন্ত নদীর দক্ষিণ তট দিয়া গিয়াছে। পরে সুরণের প্রায় সার্ক দুই মাইল থাকিতে ইহাকে পদব্রজে পার হইয়া ইহার বাম তট দিয়া যাইতে হয়।

সুরনু একটী ক্ষুদ্র পল্লী এবং সুরনু-নদীর বাম তটে স্থিত। এখানে পাথকাদিগের বিশ্রামের জন্য যুক্তিকা ও প্রস্তরের গৃহ আছে।

৭। সুরন হইতে পুঞ্চ—১৪ মাইল।

এই পথও অতি স্নগম এবং সুরন নদীর গর্ভবাহী। সুরন পল্লী পরিত্যাগ করিয়া প্রথমে এই নদী পার হইতে হয়। এস্থলেও কোনো সেতু নাই। পরে উক্ত নদীর দক্ষিণ তট দিয়াই পথ। এ পথ সর্বত্রই সরল ও সমতল, স্থানে স্থানে সামান্য অরণ্যময়, শেষ ভাগের অধিকাংশই শস্যক্ষেত্রের মধ্য দিয়া গমনশীল এবং মধ্যে মধ্যে উত্তম উৎস দ্বারা সজ্জিত ও শান্তিহর। মধ্য পথে এক বৃহৎ নির্ঝরিণী উল্লঙ্ঘন করিতে হয়। ইহার অঙ্গ হইতে যে এক উপপথ গিয়াছে, তদ্বারা চারি আড্ডা যাইয়া স্প্রসিদ্ধ ও অতি মনোহর গুলমর্গ নামক স্থানে উপনীত হওয়া যায়। ষষ্ঠ পরিচ্ছেদের দ্বিতীয় অংশে ইহার বর্ণনা করা যাইবে। পুঞ্চ নগরটী রাজ্যমতি সিংহের রাজধানী এবং উত্তম জনপদ। ইহা অতি বিস্তৃত অধিত্যকায় স্থিত এবং সুরন বা লেয়ার নদী ইহার পার্শ্ব দিয়া প্রবাহিত হইতেছে। ইহার চতুঃপার্শ্বই গিরি-সঙ্কুল বলিয়া স্থানটী অতি রমণীয়। এখানকার বিশ্রামভবন উৎকৃষ্ট।

৮। পুঞ্চ হইতে কেছটা—৯ মাইল।

এই পথও অতি স্নগম। প্রথমে নদীগর্ভ দিয়া গমন করিতে হয়। পরে শনৈঃ শনৈঃ উচ্চ ভূমি আরোহণ করিয়া প্রায় দেড় মাইল শস্যক্ষেত্রমধ্য দিয়া গিয়া পুনরায় নদীগর্ভেই অবতরণীয়। ন্যূনাধিক এক মাইল বা লুময় নদীগর্ভ দিয়া যাইয়া নদী অতিক্রম পূর্বক ইহার বামতটে আরোহণ করিতে হয়। এই চড়াই অতি দীর্ঘ নহে, কিন্তু কিয়ৎ পরিমাণে দুর্গম্য বটে। অনন্তর দেইগোয়ার নামক এক ক্ষুদ্র পল্লী। তথা হইতে

কিয়দূর যাইয়া পুনরায় নদীগর্ভে অবতরণ আবশ্যক। পরে প্রায় চারি মাইল পর্য্যন্ত সমতল ভূমির উপর দিয়া গিয়া চারি বা পাঁচ বার নদী পার হইতে হয়। অনন্তর নদী পরিত্যাগ করিয়া ইহার দক্ষিণতটে অবরোহণ পূর্ব্বক কিয়দূর যাইয়া কেহটা পল্লীতে উপস্থিত হওয়া যায়।

কেহটা অতি ক্ষুদ্র পল্লী। এখানকার বিশ্রামভবন কেবল মাত্র একটি গৃহ। কিন্তু তাহার চারিদিকে বারাণ্ডা আছে এবং তাহার অধিষ্ঠান স্থানটী অতি মনোহর।

২। কেহটা হইতে আলিয়াবাদ—৮ মাইল।

এই পথ দুর্গম। প্রথমে সরল চড়াই দ্বারা এক গিরিশৃঙ্গে আরোহণ করিতে হয়। পরে বামদিকে প্রত্যাবৃত্ত হইয়া পর্ব্বতের পার্শ্ব দিয়া গমনীয়। ইহার কোনো কোনো স্থানে উভয় পার্শ্বে অত্যুচ্চ গিরিমাল্য থাকতে পথ অতি সংকীর্ণ। অনন্তর অনতিদীর্ঘ উতরাই দিয়া এক নিষ্কারিণীতে নামিতে হয়। ইহার গর্ভ বৃহৎ বৃহৎ প্রস্তরখণ্ডে পরিপূর্ণ। ইহা পার হইয়া বামতটে পথ। অনন্তর যদিও অবশিষ্ট পথের অধিকাংশ শিশুক্লেত্রমধ্য দিয়া গমন করিয়াছে, তথাপি উহা স্থানে স্থানে অতি অসরল ও দুর্গম। পরে আলিয়াবাদের যতই নিকটবর্তী হওয়া যায়, ততই উপত্যকা ও নিষ্কারিণী সংকীর্ণ এবং পার্শ্বস্থ গিরিমাল্য উত্তরোত্তর উচ্চ ও ভীষণ-মূর্ত্তি। অগ্রবর্তী পথ হাজীপীর ভূধরের উপর সর্পাকারে পড়িয়া আছে।

আলিয়াবাদ অতি ক্ষুদ্র পল্লী। কিন্তু বিশ্রামগৃহ নিতান্ত নিন্দনীয় নহে।

১০। আলিরাবাদ হইতে হাইদ্রাবাদ—৭ মাইল ।

এই পথে হাজীগীর শৃঙ্গ অতিক্রম করিতে হয় । ইহা সমুদ্রতল হইতে ৮,৫০০ ফিট উচ্চ । এই পথের প্রথমার্দ্ধে আরোহণ এবং অপরার্দ্ধে অবরোহণ । আরোহণ সাধারণতঃ অতি সূগম, কেবল স্থানে স্থানে কিঞ্চিৎ অসরল ও ছুরারোহ । আরোহণ পথে কোনো রক্ষ নাই । শৃঙ্গদেশে জনৈক ফকিরের প্রস্তরনির্মিত আশ্রম আছে । এই শেখর তৃণাচ্ছাদিত এবং কিয়দূর পর্য্যন্ত সমভূমি । অনন্তর যতই নিম্নে অবতরণ করা যায়, ততই পথ কঠিন ও দুর্গম এবং স্থানে স্থানে এমন অসরল, যে, প্রকৃত পথই নাই—অতি কষ্টে অবরোহণ করিতে হয় । শিখরদেশ হইতে কিয়দূরে আসিয়া এক উত্তম উৎস ও প্রাচীন মন্দিরের কয়েকটি ভগ্ন স্তম্ভ দেখিতে পাওয়া যায় । এই গিরির তলদেশে একটা নির্ঝরিণী প্রবাহিতা হইতেছে । ইহা পার হইয়া হাইদ্রাবাদে উপনীত হইতে হয় ।

হাইদ্রাবাদ অতি ক্ষুদ্র পল্লী এবং কাশ্মীর রাজ্যে স্থিত । এখানে দুইটী উত্তম বিশ্রামভবন আছে ।

১১। হাইদ্রাবাদ হইতে উড়ী—১০ মাইল ।

এই পথ সর্ব্বাপেক্ষা দুর্গম । ইহাতে কেবলমাত্র অপরিমিত চড়াই উতরাই । তাহাদের মধ্যে কতকগুলি যেমন দীর্ঘ, তেমনি দুর্গম । হাইদ্রাবাদ পরিত্যাগ করিয়া প্রায় অর্দ্ধকোশ পরিমিত এক চড়াই । অনন্তর এক সূগম উতরাই । পরে এক নির্ঝরিণী পার হইয়া অপর এক চড়াই চড়িতে হয় । ইহার প্রথমার্ধ সূগম, কিন্তু শেষভাগ অপেক্ষাকৃত অসরল । পরে এক অতি দীর্ঘ ও দুর্গম উতরাই । ইহার অধি-

কাংশই অতিশয় বন্ধুর ও সংকীর্ণ । কিন্তু তলদেশে একটা অতি উৎকৃষ্ট জলপ্রপাত আছে । উহা যেমনি অত্যাচ্ছ স্থান হইতে পতনশীল, তেমনি আয়তনে বৃহৎ । স্ততরাং দেখিতে বিস্ময়কর ও মনোহর । অনন্তর আবার কিছু উর্দ্ধে উঠিয়া পথটা কতিপয় ক্ষুদ্র ক্ষুদ্র দুর্গম আরোহণ বিশিষ্ট হইয়া তলাবারী নাম্নী ক্ষুদ্র পল্লীতে গিয়াছে । এই পল্লী হাইদ্রাবাদ হইতে ন্যূনাধিক ছয় মাইল হইবে । এস্থান হইতে কিয়দূর সমতল ভূমির উপর দিয়া গিয়া একটা চড়াই পাওয়া যায় । ইহা যেমনি সরলোচ্চ ও বন্ধুর, তেমনি সংকীর্ণ এবং দৈর্ঘ্যে প্রায় অর্ধ মাইল । ইহারি সদৃশ এক দুর্গম উতরাই দিয়া ইহা হইতে নামিতে হয় । পরে কিয়দূর সরল পথ দিয়া যাইয়া এক ক্ষুদ্র নদী পার হওয়া আবশ্যিক । অনন্তর কতিপয় মাইল শস্ত্র-ক্ষেত্রোপরি গমন করতঃ পথটা উড়ী জনপদের নিকটবর্তী হইয়া কাশ্মীরের চতুর্থ অর্থাৎ মরী পথের সহিত সংযুক্ত হইয়াছে ।

উড়ী একটা বিশিষ্ট পল্লী । ইহার চারিদিক অত্যাচ্ছ ভূধর বেষ্টিত । ইহার উত্তর ভাগে বিলম্ব অর্থাৎ বিতস্তা নদী এমনি ভীষণ রেগে প্রবাহিত হইতেছে, যে, ষাঁহারা কেবল মাত্র কাশ্মীর বা পঞ্জাবের সমতল ভূমিতে উহার সাম্য নৃর্ত্তি দেখিয়াছেন, তাঁহাদের মনে উহা সেই বিতস্তা বলিয়া সহসা প্রতীতি হয় না । অতি দূর হইতে ইহার বজ্র-নিনাদ সদৃশ গভীর শব্দ শ্রুত হইতে থাকে । ইহার বাম তটে একটা প্রস্তর নির্মিত প্রাচীন দুর্গ এবং ইহার সমীপে এক অত্যাশ্চর্য্য রঞ্জুর সেতু আছে । এখানকার বিশ্রামভবন অতি উপাদেয় ।

১২। উড়ী হইতে নাওসেরা—১৪ মাইল ।

উড়ী পরিত্যাগ করিয়া এক দীর্ঘ, বন্ধুর ও ক্লেশকর পথ দিয়া সাঁ কাকুটা নামা নদীর তট পর্য্যন্ত যাইতে হয়। এই নদী বিভাগে বিভক্ত হইয়াছে। উভয় শাখার উপরেই কাষ্ঠ নির্মিত সেতু আছে। এই প্রকার সেতু কাশ্মীরের সর্বত্রই দেখিতে পাওয়া যায়। নদী পার হইয়া যে চড়াই পাওয়া যায়, তাহাও প্রথমোক্ত অংশের ন্যায় অতি দুর্গম। অনন্তর কিয়দূর যাইয়া এইরূপ আর একটা কঠিন চড়াই অতিক্রম পূর্বক এক ক্ষুদ্র নিব্বারিণী পার হইতে হয়। পরে দুই মাইল মধ্যে আরো দুইটা দুর্গম চড়াই ও উতরাই ছাড়াইলে যে পথ পাওয়া যায়, তাহা অতিশয় স্নগম। এই পথ দুর্গম বটে, কিন্তু চতুর্দিকের শোভা অতি বিচিহ্ন। উভয় পার্শ্বে অত্যন্ত পর্বতশ্রেণী জলধর ভেদ করিয়া গগনস্পর্শ করিবার জন্য মস্তক উন্নত করিয়া রহিয়াছে; উহার গাত্রে কৃষিজাত শস্য ও নৈসর্গিক মহীরুহ অপূর্ব শোভায় সজ্জিত আছে; সহস্র সহস্র হস্ত নীচে বিস্তৃত নদী বনুহাল পথের চন্দ্রভাগার ন্যায় ভীষণ মূর্তিতে প্রবাহিত হইতেছে। উহার দুষ্কফেণনিভ বক্ষের ক্রমান্বয়ে উত্থান ও পতন দেখিয়া বোধ হয়, পার্শ্বস্থ পর্বত-শৃঙ্গের সমান হইবার জন্য সে যেন প্রয়াস করিতেছে; স্থানে স্থানে উহার শব্দে কর্ণ বধির হইয়া যাইতেছে; ইত্যাকার রমণীয় শোভা দর্শনে পথ-ক্লেশ অনেক পরিমাণে দূর হয়।

এই পথের সপ্তম অংশের (স্মরন হইতে পুঞ্চ) ন্যায় এস্থান হইতেও স্নবিখ্যাত গুলমর্গে যাইবার এক পথ আছে। যথাস্থলে তাহার বর্ণনা করা যাইবে।

নাওশেরা অতি ক্ষুদ্র পল্লী। এখানে দুইটী উত্তম বিশ্রাম-ভবন আছে।

১৩। নাওশেরা হইতে বারমুলা—১০ মাইল।

এই অংশ সর্ব্বাপেক্ষা স্তম্ভম। ইহাতে চড়াই ও উতরাই নাই বলিলেই হয়। ক্রমাগত ৮ মাইল পর্য্যন্ত সমতলভূমি ও ক্ষেত্রের উপর দিয়া আদিয়া বারমুলা পাহাড় অতিক্রম করিতে হয়। ইহা সমতল ভূমি হইতে প্রায় পাঁচ শত ফিট উচ্চ। ইহার আরোহণ অতি স্তম্ভম। বন্থাল পথে গীর পাহাড়ের শিখরদেশ হইতে কাশ্মীর উপত্যকা দর্শনে মনে যেরূপ আনন্দের উদয় হইয়া থাকে, এই গিরিশৃঙ্গ হইতেও তদ্রূপ দৃশ্য-জনিত অনির্ব্বচনীয় প্রীতি অনুভব করা যায়। এস্থান হইতে বারমুলা দুই মাইল মাত্র। আরোহণের ন্যায় অবরোহণও অতি স্তম্ভম।

বারমুলা কাশ্মীর উপত্যকার পশ্চিম প্রান্তে স্থিত এবং বৃহৎ জনপদ। বিতস্তা নদী ইহার নিকট দিয়া প্রবাহিত হইতেছে। এখানকার বিশ্রামভবন অত্যুত্তম। এস্থান হইতেও গুলমর্গে যাইবার পথ আছে।

১৪। বারমুলা হইতে শ্রীনগর—৩০ মাইল।

বারমুলা হইতে শ্রীনগরে যাইবার দুই পথ আছে। প্রথম স্থল পথ। দ্বিতীয় জল পথ। স্থল পথে দুই আড়া—বারমুলা হইতে পত্তন ১৪ মাইল এবং পত্তন হইতে শ্রীনগর ১৬ মাইল। এই পথ সমতল ভূমি এবং ইহাতে অশ্বারোহণ পূর্ব্বক চারিদিকস্থ নৈসর্গিক শোভা বিলোকন করিতে করিতে গমন করা অতি প্রীতিদায়ক। পরন্তু এতদিন অসীম পাহাড় উল্লঙ্ঘন

জনিত দুর্বিবসহ কষ্ট সহ্য করিয়া কোন ব্যক্তি সোৎফুল্ল চিত্তে অধিকতর প্রীতিদায়ক নৌকাযান অবলম্বন না করিবে? নদী জলের হ্রাস বৃদ্ধি অনুগারে জল পথে ন্যূনাধিক ২০ ঘণ্টা লাগে ।

এই পথে যে সমুদয় জনপদ, হ্রদ ও অপরাপর দ্রষ্টব্য পদার্থ আছে, কাশ্মীরের পাশ্চাত্য বিভাগের বর্ণনাকালে তৎ-সমুদয়ের বিশেষ বিবরণ বর্ণিত হইবে ।

চতুর্থ—মরিপথ ৭

পূর্বেই উল্লেখ করা গিয়াছে, এইপথ সর্বাপেক্ষা স্নগম ও হ্রস্ব এবং রাউলপিণ্ডি ও পেশোয়ার প্রভৃতি স্থানবাসীদিগের পক্ষে অতি উপাদেয় । এই পথ কোনো কালে নীহার পাত জন্ম অগমা হইয়া উঠে না । এই পথেও উত্তম উত্তম বিশ্রামভবন আছে এবং অনায়াসে যান ও বাহকাদি পাওয়া যায় ।

১ । মরি হইতে দেউল—১০ মাইল ।

এই পথ অতিশয় স্নগম । ইহা সরল ও প্রশস্ত এবং মনোহর উপত্যকা ও অরণ্য মধ্য দিয়া গমন করিয়াছে । ইহাতে সৃষ্টির শোভা অতি বিচিত্র ।

দেউল ক্ষুদ্র পল্লী এবং ইংরাজ রাজ্যের অন্তর্গত । এখানকার বিশ্রামভবন উত্তম । কিন্তু এখানে বিশ্রাম না করিয়া এক দিবসে অনায়াসে দ্বিতীয় আড্ডায় যাওয়া যাইতে পারে ।

২। দেউল হইতে কোহালা—১০ মাইল।

এই অংশও পূর্বের ন্যায় সুগম। প্রথম ৪ বা ৫ মাইল অতি সুগম উতরাই দিয়া বিতস্তা নদী গর্ভে অবরোধ করিতে হয়। পরে উহার দক্ষিণ তট দিয়া ক্রমাগত যাইয়া কোহালা আড্ডাতে উপনীত হইতে হয়।

কোহালা অতি ক্ষুদ্র পল্লী। ইহাও ইংরাজ রাজ্যের সীমান্তগত। ইহার সম্মুখ দিয়া বিতস্তা নদী প্রবাহিত হইয়া ইংরাজ ও কাশ্মীর রাজ্যকে পৃথক করিয়াছে।

কোহালা হইতে দুই পথ বাহির হইয়াছে। প্রথম প্রাচীন, দ্বিতীয় নূতন। উহাদিগের তালিকা এইরূপ।

প্রাচীন পথ।			নূতন পথ।		
দম্বা	...	৬ মাইল	চত্রকলাশ্	...	১১ মাইল
ময়রা	...	৮।০ ,,	রাড়	...	১২ ,,
চিক্‌ড়	...	৭।০ ,,	ত্রিগালী *	...	১২ ,,
হতী	...	১০ ,,	ঘরা	...	১০ ,,
		৩২ মাইল।	হতী	...	১২ ,,
					৫৭ মাইল

পূর্বোক্ত তালিকা দৃষ্টে প্রতীতি হইবে প্রাচীন পথ অনতিদীর্ঘ। কিন্তু উহা অতিশয় দুর্গম। মরীপথের এই অংশ এবং চকোতী হইতে উড়ী কেবল কষ্টসাধ্য ও বন্ধুর চড়াই ও উতরাই বিশিষ্ট বলিয়া দুর্গম পদে বাচ্য হইতে পারে। সুতরাং উহা পরিত্যাগ করিয়া নূতন পথে গমন করা সর্ব্বতোভাবে শ্রেয়স্কর। বর্তমান পথ অতি সুগম। উহাতে চড়াই ও উতরাই নাই বলিলেই হয়। মধ্যে মধ্যে যাহা আছে,

তাহাও অতি দীর্ঘ ও অসরল নহে । সমুদয় আড্ডায় বিশ্রাম ভবন উত্তম ।

৭। হতী হইতে চকোতী—১৫ মাইল ।

এই পথ তরঙ্গাকারে বিতস্তা নদীর বাম তট দিয়া গিয়াছে । স্থানে স্থানে ইহা নদীগর্ভের সহিত মিলিত হইয়াছে এবং কোনো কোনো স্থানে উহা হইতে উর্দ্ধে গমন করিয়াছে । এই পথে অনেক ক্ষুদ্র ও পাঁচটা বৃহৎ নির্ঝরিণী অতিক্রম করিতে হয় । শেষোক্তের উপরিভাগে সেতু আছে এবং তথাকার সমীপবর্তী পথ অন্যান্য স্থানাপেক্ষা কিয়ৎ পরিমাণে বন্ধুর ও সরলোচ্ছ, নচেৎ এই অংশও সাধারণতঃ সরল ও সুগম ।

• চকোতী অতি ক্ষুদ্র পল্লী । এখানকার বিশ্রাম-গৃহ নিন্দনীয় নহে ।

৮। চকোতী হইতে উড়ী—১৬ মাইল ।

মরী পথের এই অংশ সর্বাপেক্ষা দীর্ঘ, দুর্গম ও কষ্টপ্রদ । প্রথম দশ মাইলের মধ্যে নানাধিক আটটা চড়াই ও উতরাই অতিক্রম করিতে হয় । উড়ী হইতে দুই মাইল দূরে এক বৃহৎ নদী অতিক্রম পূর্বক যে চড়াই দ্বারা বিশ্রামভবনে উপনীত হইতে হয়, উহা যেমনি দীর্ঘ, তেমনি অসরল ও কষ্টদায়ক ।

উড়ী আড্ডার সমীপবর্তী হইয়া, এই পথ পূর্ববর্ণিত পুঞ্চ পথের সহিত মিলিত হইয়াছে । সুতরাং ইহার অবশিষ্টাংশ বর্ণনা করা দ্বিরুক্তি মাত্র ।

পঞ্চম। আবোটাবাদ পথ।

যখন কাশ্মীর রাজ্য পাঠানশাসনকর্তাদিগের অধীন ছিল, তখন তাঁহারা এই পথ দিয়া গতয়াত করিতেন। ইহা মরি পথের ন্যায় সুগম। কিন্তু বন্থাল পথের ন্যায় অতি দীর্ঘ। ইহার সমুদয় অংশই সুপ্রশস্ত এবং ইহা সাধারণতঃ সরল ও সমতল ভূমির উপর দিয়াই গিয়াছে। স্তরান্ত সর্বত্র নির্ভয়ে অশ্বারোহণ পূর্বক যাইতে পারা যায়। ইহাতে যে চড়াই ও উঠরাই আছে, তাহা অধিক সংখ্যক ও অতি বন্ধুর নহে। চতুর্থ আড্ডা অর্থাৎ মোজাকেরাবাদ হইতে বারমুলা পর্যন্ত কেবল বিতস্তানদীর দক্ষিণ তট দিয়া গমন করিতে হয়। ইহার সর্বত্র বিশেষতঃ উপরোক্ত আড্ডা কয়টীতে প্রচণ্ড মর্দত্ত ও তাপে দগ্ধ হইতে হয় এবং ইহাতে স্থিতির শোভা অপরাপর পথের ন্যায় মনোমোহন নহে। ইহা কোনো সময়ে নীহারপাত জন্ম অগম্য হয় না।

১। আবোটাবাদ হইতে মানসেরা—১৩।।০ মাইল।

এই অংশ অতিশয় সুগম। পথ প্রশস্ত, সরল এবং ক্ষেত্রের উপর দিয়া গিয়াছে। মানসেরা বৃহৎ পল্লী এবং এক বৃহৎ নিৰ্ব্বরিণীর বাম তটে স্থিত। তথাকার বিশ্রামভবনও উত্তম।

২। মানসেরা হইতে ঘরী—১৯ মাইল।

এ পথও অতি সুগম। প্রথমার্দ্ধ পূর্বোক্ত পথের সদৃশ

এবং অপারাদি পার্বত্য দেশ দিয়া গিয়াছে বটে, কিন্তু সরল ও প্রশস্ত, স্ততরাং কোনো প্রকারেই কষ্টদায়ক নহে । ঘরী রহৎ পল্ল এবং এক বৃহৎ নিৰ্কারিণীর বাম তটে স্থিত । এখানকার বিশ্রামভবনও উত্তম ।

৩। ঘরী হইতে মোজাকেরাবাদ—৯ মাইল ।

এই অংশ দুর্গম । প্রথমে এক মাইল পথ অতি স্নগম । পরে ছুব্বলী নামক পাহাড় আরোহণ করিতে হয় । ইহা ঘরী হইতে ন্যূনাধিক তিন মাইল দূরবর্তী । চড়ারের প্রথমার্দ্ধ অতিশয় বন্ধুর এবং কষ্টগম্য । কিন্তু অপারাদি অপেক্ষাকৃত অনেক সরল ও স্নগম । উতরাই প্রায় তিন মাইল দীর্ঘ, কিন্তু দুর্গম নয় । প্রথমে এক নিৰ্কারিণীর পার্শ্ব দিয়া, পরে উহার তলদেশ দিয়া গমন করিতে হয় । এই নিৰ্কারিণী কৃষ্ণগঙ্গা (কিমেণ্ গঙ্গা) নদীর সহিত মিলিত হইয়াছে । এই নদী ন্যূনাধিক একশত হস্ত প্রস্থ এবং অতি ভয়ানক বেগে গমনশীল । ইহার উপরে এক রজ্জুর সেতু এবং পার হইবার জন্য এক নৌকাও আছে । কিন্তু তখন নদী সাম্য মূর্তি ধারণ করে, তখন ব্যতীত নৌকা চালাইবার যো নাই । ইহার বামতটে পাঠানদিগের নিৰ্ম্মিত এক দুর্গ আছে ।

উক্ত সেতু হইতে মোজাকেরাবাদ প্রায় দুই মাইল দূরবর্তী । ইহা বিশিষ্ট জনপদ এবং পর্বতের গাত্রে স্থিত । ইহার কিয়দূরে উৎকৃষ্ট বিশ্রামভবন । এস্থলে স্নান করিবার জন্য একটা উত্তম ঘাট আছে । কিন্তু নদীজল অতিশয় শীতল ।

৪। মোজাকেরাবাদ হইতে হতীয়ান—১৭ মাইল ।

এই পথ যেমনি দীর্ঘ, তেমনি কষ্টপ্রদ । ইহার প্রথমার্দ্ধ

কতিপয় অতি দুর্গম ও বন্ধুর চড়াই ও উতরাই আছে, কিন্তু অপারার্ধি অশেষাকৃত অনেক উত্তম। মোজাফেরাবাদ হইতে প্রায় এক মাইল দূরে কৃষ্ণগঙ্গা বিতস্তার সহিত সংযুক্ত হইয়াছে এবং এস্থান হইতে বারমুলা পর্য্যন্ত শেমোল্ড নদীর দক্ষিণতট দিয়া ক্রমাগত গমন করিতে হয়।

হতীয়ান অতি ক্ষুদ্র পল্লী এবং পর্ব্বতের তলদেশে স্থিত। এখানকার বিশ্রামভবন পূর্ব্বোল্লিখিত আড্ডার সদৃশ।

৫। হতীয়ান হইতে কণ্ডা—১১ মাইল।

এই অংশ নিতান্ত দুর্গম নহে। যদিও ইহাতে অনেক চড়াই ও উতরাই আছে, তৎসমুদয় অসরল ও অধিক কষ্টদায়ক নহে। কেবল হতীয়ান হইতে ন্যানাধিক তিন মাইল আদিয়া এক দুর্গম উতরাই দিয়া এক নির্বাধিপীতে নামিতে হয় এবং শেষাংশে আরো দুই বা তিনটী কষ্টপ্রদ উতরাই আছে। শেমোল্ড যাইতে যাইতে দেখা যায়, যে, বিশুদ্ধ নদীর অপর তট দিয়া মরিপথ গিয়াছে এবং এই দুই পথ নদীর উভয় তট দিয়া পরস্পর সমরেখানুসারে বারমুলা পর্য্যন্ত গমন করিয়াছে।

কণ্ডা অতি ক্ষুদ্র পল্লী। এখানকার বিশ্রামভবন উত্তম।

৬। কণ্ডা হইতে কধাই—১২ মাইল।

এই অংশ পূর্ব্বোল্লিখিত অংশের ন্যায় উভয়দিকক্রান্ত। ইহাতে তিন চারিটী অতি বন্ধুর ও দুর্গম স্থান আছে। বিশেষতঃ কণ্ডা হইতে চারি ও আট মাইল দূরবর্তী স্থানদ্বয় সর্ব্বব্যাপী দুর্গম। এই পথে কয়েকটী পার্শ্বত্যা নদীও অতিক্রম করিতে হয়। উহাদের উপরে সেতু আছে।

কথাই অতি ক্ষুদ্র পল্লী এবং অতি বিস্তৃত অধিত্যকার মধ্য ভাগে স্থিত । ইহার সমীপে এক মূলিকা নির্মিত ছুর্গ আছে । এখানকার বিশ্রামগৃহ পূর্বোক্ত স্থানের তুল্য ।

৭। কথাই হইতে সাহদেৱা—১২ মাইল ।

এই অংশও পূর্ব পথ দ্বয়ের শব্দশ । চারি মাইল দূরে এক অত্যুৎকৃষ্ট জল-প্রপাত আছে ।

কথাই পল্লীর ন্যায় সাহদেৱা অতি ক্ষুদ্র এবং বিস্তৃত অধিত্যকার মধ্য দেশে স্থিত । এখানকার বিশ্রাম ভবনও উত্তম ।

৮। সাহদেৱা হইতে গিংগল—১৪ মাইল ।

এই পথ অতি সুগম । প্রথমার্ধে তিন বা চারিটা চড়াই ও উতরাই আছে । কিন্তু উহা অতি সামান্য এবং অবক্ষুর । অপূরাক্ষি সাধারণতঃ সমতল ভূমি ।

গিংগল অতি ক্ষুদ্র পল্লী । এস্থান হইতে স্থষ্টির শোভা অতি রমণীয় । এখানকার বিশ্রামভবন উত্তম ।

৯। গিংগল হইতে বারমুলা—১৮ মাইল ।

এই অংশ অতি দীর্ঘ বটে, কিন্তু অতিশয় সুগম । প্রথম ১৩ মাইল বিতস্তা নদীর দক্ষিণ তটস্থ সমতল ভূমির উপর দিয়া যাইতে হয় । পরে বাম ভাগে প্রত্যাবৃত্ত হইয়া কতিপয় ক্ষুদ্র পর্বত শ্রেণী আরোহণ পূর্বক অল্প, অনতিদীর্ঘ ও সংকীর্ণ শিখর দেশে উঠিতে হয় । এস্থান হইতে কাশ্মীর প্রদেশ নয়ন পথে পতিত হইয়া থাকে । অনন্তর সমতল ভূমিতে অবতীর্ণ হইয়া পূনর্ব্বার নদীর দক্ষিণ তট দিয়া গমন করত বারমুলাতে উপনীত হওয়া যায় ।

১০। বারমুলা হইতে ত্রীনগর—৩০ মাইল।

এই অংশের বিবরণ পূর্বে প্রকটন করা গিয়াছে। তৃতীয় অর্থাৎ ভিষ্বর ও পুঞ্চ পথের শেষ ভাগে দেখুন।

তৃতীয় পরিচ্ছেদ।

ত্রীনগর এবং তন্নিকটবর্তী স্থানাদি।

প্রথম অংশ

ত্রীনগর। বিতস্তা নদী। নগরের অভ্যন্তর। শঙ্করাচার্যের
টিকা। দুর্গ বা হরিপর্কত।

পুরাকালিক শাসনকর্তাদিগের অভিলাষানুসারে অথবা সাময়িক প্রয়োজনানুরোধে কাশ্মীরের রাজধানী সতত এক স্থান হইতে স্থানান্তরে পরিবর্তিত হইয়া আসিয়াছে। পাণ্ডুতন একদা রাজধানী ছিল। ইং ৬৩০ খৃষ্টাব্দে কান্যকুজাধিপতি অভিমন্যু ইহা অগ্নিসাৎ করিলে নরপতি অবন্তীবর্মা এক নূতন রাজধানী স্থাপন করেন। ইহা তাঁহার নামানুসারে অবন্তীপুর নামে খ্যাত হয় এবং বহুকালাবধি ইহাই রাজপাট হইয়া আসিতেছিল। পরে ইহা পরিত্যক্ত হইয়া মটন অর্থাৎ মর্ত্তণ্ড এবং সোপুর নামক জনপদ দ্বয় একাদিক্রমে সমুদয় উপত্যকার উপর নিয়ম ও শাসন প্রচারণ করিতেছিল। কিন্তু

বর্তমান কালে শ্রীনগর কাশ্মীরের রাজধানী । অনেকে এই নগরকে কাশ্মীরও কহিয়া থাকে ।

∴ ন্যূনাধিক পঞ্চদশ শত বৎসর অতীত হইল, রাজা প্রবর-সেন এই নগর সংস্থাপন করেন । পূর্বে ইহার নাম নূর্যানগর ছিল এবং বোধ হয়, শ্রীনগর শব্দ উহারই অপভ্রংশ হইবে । শ্রীনগরের অক্ষাংশ ৩৪°-৪'-৩০" ল্যাটিটিউড এবং ৭৪°-৫০'-৫৪" লংগিটিউড । ইহা কাশ্মীর উপত্যকার মধ্যভাগে স্থিত এবং বিতস্তানদীর উভয় তটে দুই মাইল বিস্তৃত । ইং ১৮৭৩ খৃষ্টাব্দে গণনা করিয়া দেখা যায়, ইহার লোকসংখ্যা ১,৩২,০০০ এক লক্ষ বত্রিশ সহস্র । তন্মধ্যে হিন্দু কেবল ৪০,০০০ চল্লিশ সহস্র, অবশিষ্ট মুসলমান ।

∴ বিতস্তানদী শ্রীনগরের মধ্য দিয়া মন্দ মন্দ বেগে প্রবাহিত হইতেছে । উহা প্রস্থে ন্যূনাধিক ১৭৬ হস্ত । ইহার জল অতি স্বাচ্ছন্দ্য এবং স্বাস্থ্যকর । ইহা সম্বৎসর সমগভীর থাকে না । কিন্তু সচরাচর ১২ হস্তের অধিক গভীর নহে । একে তো সহরটী নদীদ্বারা দ্বিভাগে বিভক্ত, তাহাতে আবার মিরাকদল (কদল অর্থাৎ সেতু) হাবাকদল, ফতেকদল, জানাকদল, আলীকদল, নয়াকদল এবং সাফাকদল নামে কাষ্ঠনির্মিত সপ্ত সেতু দ্বারা উভয় তট সংযুক্ত, এবং কোনো কোনো সেতুর উপরিভাগে আপণ-শ্রেণী দেখিতে অতি সূন্দর । নদীর উভয় পার্শ্বে অনেকানেক সুবিস্তৃত খাল সুদীর্ঘ বাহুর দ্বারা নিঃসৃত হইয়া কোনো কোনোটা হ্রদের সহিত মিলিত এবং কোনো কোনোটা বা নগর অতিক্রম করিয়া পুনরায় নদীর সহিত সংযুক্ত হইয়াছে ।

এখানে নৌকাবান দ্বারা গতায়ত হইয়া থাকে। নদী ও প্রণালী সমুদয়ের উপরিভাগে সেতু আছে বটে, কিন্তু কার্য্য-সৌকর্য্যার্থ দরিদ্রলোকেরাও নৌকা দ্বারা গমনাগমন করে। নদীর স্রোত নাই বলিলেই হয় এবং কুম্ভীর প্রভৃতি কোনো প্রকার হিংস্র জলজন্তুরও ভয় নাই। একারণ, নৌকাভ্রমণ অতি প্রীতিপ্রফুল্লকর এবং সম্যক্ প্রকারেই আপদশূণ্য। দূর-বর্তী রম্য স্থানাদির কথা দূরে থাকুক, শ্রীনগরের সন্নিকটবর্তী স্থান সমূহে যে কোনো সময়ে নৌকারোহণ পূর্ব্বক ভ্রমণ করিবে, তখনই শরীর ও মন প্রফুল্ল হইতে থাকে। গর্ভিণী তরুণীর ন্যায় তরুণী মন্থর গতিতে গমন করিতেছে—মন্দ মন্দ দক্ষিণানিল বহিতেছে—উভয়পার্শ্বে সফেদা নামক বৃক্ষশ্রেণী সুশিক্ষিত সৈন্যদলের ন্যায় সমদূরে সরলভাবে দণ্ডায়মান রাইয়াছে—সুশ্রাব্য বিহগগণ বৃক্ষশাখায় বসিয়া স্তমধুর গান করিতেছে—তটস্থ উপবনে সুধার আধার পুষ্পরশ্মি বিকসিত হইয়া প্রমত্ত মধুকরকে আলিঙ্গন দান করিতেছে, ইত্যাকার নৈসর্গিক শোভা বিলোকন করিলে যে অভূতপূর্বি খানন্দ উপলব্ধ হয়, তাহা যে সৌভাগ্যবান পুরুষ উপভোগ করিয়াছেন, তিনিই হৃদয়ঙ্গম করিতে পারেন। প্রত্যুত, যিনি এখানে সৃষ্টির রমণী যত্ন দর্শনে মানবজীবন সার্থক করিতে আইসেন, অথবা স্বাস্থ্য-কর জলবায়ু সেবনে রুগ্নশরীর সস্থ করিতে চাহেন, তাঁহার পক্ষে নৌকাবাস চিকিৎসা-তত্ত্বানুসারে যেমন পরামর্শসিদ্ধ, সাদা বুদ্ধির মতে তেমনি প্রীতিকর। 'অপর ইহা বহুব্যয়সাধ্য নহে। প্রত্যেক নাবিকের মাসিক বেতন তিন টাকা এবং নৌকাভাড়া এক টাকা মাত্র। স্ততরাং চারিজন নাবিক এবং

দুই খানা নৌকা (এক খানা ডুঙ্গা এবং এক খানা শিকারী) নিযুক্ত করিলে পরম সুখে জলে বাস করা যায় এবং ইচ্ছামতে ইতিস্তুতঃ ভ্রমণ পূর্বক অভীষ্ট সিদ্ধ হইতে পারে ।

এখানকার বাটী সকল কাষ্ঠনির্মিত । কেবল মহারাজা, দেওয়ান এবং কতিপয় ধনাঢ্য ব্যক্তিদিগের সুদৃশ্য অট্টালিকা আছে । নদীতটে রম্য রাজবাটী; মনোহর অট্টালিকা ; দ্বিতল, ত্রিতল বা চারিতল দারুণময় আলয় এরূপ ভাবে নির্মিত, যে, বোধ হয়, যেন উহার নদীগর্ভ হইতে মস্তকোত্তলন করিতেছে । ইহা দেখিতে অতি রমণীয় বটে, কিন্তু নামরিক জলোচ্ছ্বাসে একবারে সর্বনাশ উপস্থিত হয়—তখন গৃহ সকল বৃক্ষপত্রস্থ জলবিন্দুর ন্যায় ভূমিসাৎ হইতে থাকে । ১৮৬৯ খ্রীষ্টাব্দের জুন মাসে যখন কাশ্মীর গমন করি, তখন এইরূপ হৃদয়-বিদায়ক ভয়ঙ্কর ব্যাপার ঘটিয়াছিল । অন্যান্য চব্বিশ ঘণ্টা টিপুট পিনী রুষ্টি হওয়ারে শৈলশিখরস্থ ভূবার রাশি দ্রবীভূত হইয়া নদীর জল একবারে এত উচ্ছ্বসিত করিল, যে, ত্রিংশৎ বৎসরের মধ্যে সেরূপ আর ঘটে নাই । নদীর উভয় তট ভাঙ্গিতে লাগিল—তটস্থ গৃহ সকল গড়্‌গড়্‌ শব্দে ভূতলে পতিত হইতে লাগিল—দেখিতে দেখিতে চারিদিক এরূপ প্লাবিত হইয়া উঠিল, যে ভূমির চিহ্নমাত্রও রহিল না বলিলেই হয় । সকলেই স্ব স্ব ভবন পরিত্যাগ পূর্বক কেহ কেহ বা শঙ্করাচার্য্যের টিক্বা নামক উচ্চ স্থানে এবং অধিকাংশ লোক নৌকায় আশ্রয় গ্রহণ করিল—চারি দিকে হাহাকার রব উঠিল এবং বোধ হইল, যেন প্রলয়কাল উপস্থিত । শ্রীনগরের অনতিদূরে একটা হ্রদ আছে । উহার জল বৃদ্ধ হইলে নগর এককালে প্লাবিত ও

উচ্ছিন্ন হইয়া বাইবার সম্ভাবনা । এ কারণ উভয়ের মধ্যে একটা বাঁধ আছে । ঐ প্রলয় জলস্রোত ঐ বাঁধকেও অতিক্রম পূর্ব্বক নগর মধ্যে প্রবেশ করিবার উদ্যোগ করিয়াছিল । কিন্তু প্রজাহিতবৎসল মহাদয় নরেশ্বর তৎকালে ঐ স্থানে স্বয়ং উপস্থিত থাকিয়া উহাকে রক্ষা না করিলে শ্রীনগরের চিহ্নমাত্রও থাকিত না । যখন তিনি এই ভয়াবহ সংবাদ শ্রবণ করিলেন, তখন তাঁহার শরীর অস্থির ছিল । কিন্তু আপন শরীর রক্ষার দিকে দৃকপাতও না করিয়া চিকিৎসকদিগের পরামর্শ অবহেলন পূর্ব্বক পুত্রসম প্রজাগণের প্রাণ রক্ষার্থ বাঁধে উপস্থিত হইয়া স্বহস্তে মৃত্তিকা খনন পধ্যস্ত করিতেও উদ্যত হইলেন । তখন সকলেই আপনাপন প্রাণ রক্ষার্থ ব্যস্ত ছিল । কিন্তু মহারাজার এই অনুপম প্রজাবৎসল্য দেখিয়া সকলেই তথায় উপনীত হইল এবং অন্যতিলম্বেই বাঁধকে আপদশূন্য ভাবে উচ্চ করিয়া বাঁধিয়া ফেলিল । ইহাতেই নগর রক্ষা পায় । তথাপি এই জলোচ্ছ্বাস বিস্তর অনিষ্ট উৎপাদন করে এবং চারি দিবস সমভাবে থাকিয়া অপস্থত হয় । ইহার কিয়দিবস পরে আরো দুইবার উচ্ছ্বাস হইয়াছিল । কিন্তু অগ্রজ ভাই অগ্রেই সমুদয় শাস্ত্রক্ষেত্র, লোকের ঘর দ্বার প্রভৃতি জলমাং করিয়া গিয়াছিলেন—কনীয়ানদিগের আগমন প্রতীক্ষায় কিছুই প্রায় রাখিয়া যান নাই ; সুতরাং ইহারা আর কি করিবেন ? কেবল দর্শন দিয়াই অন্তর্দান করেন ।

গত বৎসরেও এইরূপ জলোচ্ছ্বাস হইয়া গিয়াছে এবং মধ্যে মধ্যে প্রায় এই ভয়ঙ্কর ব্যাপার ঘটিয়া থাকে ।

শ্রীনগরে উল্লীর্ণ হইয়া নৌকারোহণ পূর্ব্বক এক প্রান্ত

হইতে অপার প্রান্ত পর্য্যন্ত গমন করিলে ইহার সমুদয় সৌন্দর্য্য অবলোকন করা যায় । সহরের অভ্যন্তরে স্থলপথে দ্রুতব্যবসয় কিছুই নাই এবং উহা এত মলিন, যে নাসিকারক্ষু বন্ধ না করিয়া পাদবিক্ষেপ করা যায় না । কাজেই আমরা জলপথেরই পক্ষপাতী । অতএব বিতস্তা নদীর গতি অনুসরণ পূর্ব্বক একাদিক্রমে বিশেষ বিশেষ সমুদয় স্থলের বর্ণনা করা যাইতেছে ।

নগরের প্রবেশ পথে দক্ষিণ দিগে যে সমুদায় বাংলা অর্থাৎ বিশ্রাম ভবন আছে, মহারাঙ্গা উহা ইংরাজ পর্য্যটক দিগের জন্মই নির্মাণ করিয়া দিয়াছেন । ইহা ত্রি-শ্রেণীতে বিভক্ত । প্রথমশ্রেণী বিবাহিত পুরুষ দিগের নিমিত্ত নির্মিত এবং মুনসি-বাগ নামক উপবনে স্থিত । দ্বিতীয় শ্রেণী অবিবাহিত দিগের নিমিত্ত এবং হরিং সিংহ-কা-বাগ, গুরুমুখ সিংহ-কা-বাগ ও হারু সিংহ-কা-বাগ নামক স্থানাদিতে প্রতিষ্ঠিত । ইহাদের মধ্যস্থলে যে উৎকৃষ্ট ভবন আছে, উহাকে “ রেসিডেন্সি ” কহে । প্রতি বৎসর তিনি ইংরাজ গবর্ণমেণ্ট দ্বারা “ অফিস-সু অন্ স্পেশিয়াল ট্রিউটী ” অভিধের হইয়া মনোনীত হইয়েন তিনিই এই স্থলে বাস করিয়া থাকেন । ইহার ঠিক দক্ষিণ পার্শ্বে কতিপয় মহীরুহ সমন্বিত একটা ক্ষুদ্র দ্বীপ আছে । এস্থান হইতে প্রথম সেতু ন্যূনাধিক ৫০০ হস্ত দূর-বর্তী এবং এই অংশের জল এত অগভীর, যে আশ্বিন মাসের প্রথমেই দক্ষিণ পার্শ্ব হইতে অপসৃত হইয়া চড়া বাহির হয় । গীতকালে নদীটা বাম দিকে এক সংকীর্ণ প্রণালীর আকারে বহিতে থাকে ।

কিয়দ্দূরে যাইয়া স্বেচ্ছিত ময়দানের উপর ও নদীর বাম তটে একটা রমণীয় হর্ম্য দেখিতে পাওয়া যায়। উহাকে বারাদরী কহে। তিন বৎসর হইল, মহারাজা ইহা প্রস্তুত করিয়াছেন এবং মধ্যে মধ্যে সমাগত ইংরাজ পর্য্যটক দিগকে নিমন্ত্রণ পূর্বক এস্থলে নৃত্য ও ভোজ দ্বারা কৃতিধি-সংকার করিয়া থাকেন। পঞ্জাবের লেফটেন্যান্ট গবর্নর বা অপর কোনো উচ্চ পদারূঢ় সম্ভ্রান্ত ইংরাজ অথবা অপর কোনো জাতীয় মান্য লোক আসিলে এখানে তাঁহাদের বাস নিয়োজিত হইয়া থাকে।

এ স্থান হইতে কয়েকপাদ গমন করিলেই বাম তটে মহারাজার দাতব্য চিকিৎসালয়। সম্মুখে যেসেতু দেখিতে পাওয়া যায়, ইহাকে মিরাকদল কহে। এই সেতু হইতে প্রায়শ্চু হইয়া সাফাকদল অর্থাৎ শেষ সেতু পর্য্যন্ত বিস্তৃত। নদী নগরের মধ্য দিয়া গমন করিয়াছে। পূর্বকালে এই অংশের উভয় তট প্রস্তর রক্ষিত ছিল। স্মরণ্য উহা দেখিতে যেমন সুন্দর, তেমনি তীরসমাশ্রিত লোকের নির্ভয়ে বাসযোগ্য ছিল। কিন্তু এক্ষণে স্থানে স্থানে উহার ভগ্নাবশেষ মাত্র আছে এবং কোনো কোনো স্থলে তট এমনি শিথিল হইয়া গিয়াছে, যে স্পর্শমাত্রেই ভাঙ্গিয়া যায় এবং জলোচ্ছ্বাসে ও তরঙ্গঘাতে দিন দিন নদীগর্ভে লীন হইতেছে। পূর্বেই উল্লেখ করা গিয়াছে, লড়ী সমূহের দ্বার নদীর দিকে স্থিত বলিয়া সকলেরই পৃথক পৃথক ঘাট আছে। এই ঘাটকে ইয়ারবল কহে। মধ্যে মধ্যে কয়েকটা অত্যুৎকৃষ্ট পাষণ নির্মিত ইয়ারবল দেখিতে পাওয়া যায়। এতদ্ভিন্ন প্রায় প্রত্যেক ঘাটে মুসলমানদিগের

কাষ্ঠ নিৰ্মিত স্নান গৃহ, বস্ত্র ধোত করিবার জন্য উত্থল সদৃশ প্রস্তরের গর্ত, স্ত্রীলোকদিগের অপরূপ রূপ মাধুরী, উহাদিগের বিবসনা হইয়া স্নান, কোমল করে মুদগর ধারণ পূর্বক স্নান দিয়া বস্ত্র ধোত করণ ও মুসল দ্বারা উত্থলে ধাত্য সংস্করণ, উহাদের জঘন্য কলহপ্রিয়তা প্রভৃতি অনেক লৌকিক আচার ব্যবহার নয়নপথে পতিত হইয়া থাকে ।

মিরা কদল অতিক্রম পূর্বক বাম তটে যে কয়েকটি সুন্দর লড়ী দৃষ্টিগোচর হয়, উহা দেওয়ান ও উজীর দিগের বাস গৃহ । ইহাদিগের সংলগ্ন যে সৰ্ব্বাপেক্ষা উৎকৃষ্ট প্রাসাদ আছে, উহা সের-গড়ী অর্থাৎ রাজবাটী । ইহাতে আরোহণ করিবার নিমিত্ত আদৌ কয়েকটি অভ্যুত্থম কৃষ্ণবর্ণ প্রস্তরের সোপান আছে । পরে এক দীর্ঘ কাষ্ঠময় অধিরোহিণী দ্বারা উঠিয়া রাজবাটীতে প্রবেশ করিতে হয় । এখানকার রাজবাটী জঙ্গুর অপেক্ষা অনেকাংশে নিরুষ্ক । কিন্তু ইহা নদীগর্ভে স্থিত, প্রস্তর নিৰ্মিত ও কোণ-বিশিষ্ট বালিয়া অতি রমণীয় দেখায় ।

রাজবাটীর পার্শ্বিক দেশে ও নদী তটে গদাধর দেবের উৎকৃষ্ট মন্দির আছে । ইহার উপরিভাগ নিম্নল স্বর্ণে মণ্ডিত ।

ইহার পার্শ্ব দিয়া এক খাল প্রবাহিত হইতেছে । ইহাকে কুট কোল কহে । উহার উপরিভাগস্থ সেতুর নাম টেকী কদল । এই প্রণালী নগরের পশ্চিম বিভাগ পরিক্রম পূর্বক নয়া কদল অর্থাৎ ষষ্ঠ সেতুর নীচে গিয়া বিতস্তার দহিত পুনর্মিলিত হইয়াছে ।

সের গড়ীর সম্মুখে অর্থাৎ নদীর দক্ষিণ তীরে যে আর একটা খাল পূর্বদিকে চলিয়া গিয়াছে, উহাকে চুটকোল

কহে। ইহা প্রায় ৬০ হস্ত প্রস্থ এবং ইহার জল অধিক গভীর নহে বটে, কিন্তু কোনো কালেই শুষ্ক হয় না। ইহা উল্-অর্থাৎ নাগরিক লুদ যা ইহার পথ। ইহার প্রবেশ পথে মহারাজার বিচিত্র তরণী সমৃদ্ধ্য অবস্থিতি করে।

এই প্রণালীর বামভাগে অর্থাৎ বিতস্তা নদীর দক্ষিণ তটে বসন্ত বাগ। ইহা রাজবাটীর বিপরীত ভাগে স্থিত এবং যেমন উহাতে আরোহণ করিবার কতিপয় কৃষ্ণপাষাণের সোপান আছে, এখানেও তরুণ থাকতে অতি সুন্দর দেখায়। ইহার উপরিভাগে কৃষ্ণবর্ণ প্রস্তরের এক স্টিচাসন আছে। এস্থলে প্রতি বৎসর মহারাজা কার্তিক মাসীয় শুরুপক্ষের প্রতিপদ তিথিতে গদাধর দেবকে আনয়ন পূর্বক গো গবর্কন পূজা ও অন্নকুট উৎসব সমাপন করেন। এই উৎসব উপলক্ষে মহারাজা বিস্তর অর্থ ব্যয় পুস্তক প্রজাদিগকে অন্নদান করিয়া থাকেন। কাশ্মীরী হিন্দু ও মুসলমানদিগের অন্ন প্রস্তুত হইবার জন্য স্বল্প স্বল্প স্থান নির্দিষ্ট আছে। এই স্থানে রাজবংশীয়দিগের, ডোগ্রা জাতির এবং প্রধান প্রধান কৰ্মচারীদিগেরও রন্ধন হইয়া থাকে। অপরাহ্নে মহারাজা সমুদয় প্রজাদিগের পাক কন্বাবধারণ করিয়া আসিয়া ডোগ্রা, অসাত্য ও রাজপুত্রদিগকে লইয়া এস্থলে ভোজন করিয়া থাকেন।

বসন্ত বাগের সংলগ্ন মে এক লড়া আছে, উহা ছোট আদালত বাটী। ইহাকে পার আদালত কহে। এই দক্ষিণ তটে কিয়দূর অগ্রবর্তী হইয়া কয়েকটী উত্তম মন্দির দেখা যায়।

পরে হাবা কদল বিতীয় সেতু। ইহার উপরিভাগে সুদৃশ্য

আপণশ্রেণী ছিল। ইং ১৮৭০ খৃষ্টাব্দে অগ্নি লাগিয়া তত্রাবত দক্ষ হইয়া গিয়াছে।

কিয়দ্দুরে বামভাগে প্রধান রাজপুত্রের অতুচ্চ ও উৎকৃষ্ট বাস মন্দির দেখিতে পাওয়া যায়। অনন্তর ফতে কল্লন তৃতীয় সেতু।

এস্থান হইতে কয়েক পাদ অগ্রসর হইলে দক্ষিণ তটে সাহ হম্দানের জেয়ারৎ অর্থাৎ মসজিদ। ইহা কাশ্মীরের অতি প্রাচীন ও অতুৎকৃষ্ট মসজিদের মধ্যে একটি। কিম্বদন্তী আছে, পূর্ব্বে এই স্থলে হিন্দুরাজাদিগের শাসন কালে কালী দেবী স্থাপিতা ছিলেন। পরে মুসলমানদিগে রাজত্ব ও প্রভুত্বের প্রাতুর্ভাব হইলে তাহারা তাঁহাকে নীচ প্রোথিত করিয়া এই মসজিদ নিৰ্ম্মাণ করে। সেই অবধি ইহার নিম্নতল হইতে এই অভিপ্রায়ে এক শব্দ আসিয়া থাকে, যে “যদি কেহ হিন্দু গ্লাকিন, তবে আনাকে উদ্ধার কর”। মহারাজা গোলাপ সিংহ নাকি ইহা শ্রবণ করিয়া তাঁহাকে উদ্ধার করিবার কল্পনায় ছিলেন। কিন্তু মসজিদ খনন করিলে রাজবিপ্লব ঘটবার সম্ভাবনা। একারণ তিনি ঐ মানস ত্যাগ করেন; স্ততরাং অদ্যাবধি দেবীর পরিত্রাণ হয় নাই! এই প্রবাদ সত্য মিথ্যা বাহাই হউক, ইহা অত্যন্ত আশ্চর্যের বিষয়, যে মসজিদের বহির্দেশস্থ নিম্ন প্রাচীরের (নদীর দিকে) একটি দেবীমূর্ত্তি খোদিত আছে। প্রত্যহ সহস্র সহস্র হিন্দুরা সিন্দূর ও কুসুম দিয়া তাঁহার পূজা করিয়া থাকে।

শাহ হম্দানের বিপরীত ভাগে নদীর বামতটে আর একটি উত্তম মসজিদ আছে। উহার নাম নয় মসজিদ বা পত্তর মসজিদ। বিখ্যাত বেগম মুরজেহান ইহা স্থাপিত করেন।

কিয়দূরে জানা কদল—চতুর্থ সেতু। ইহার উপরিভাগে কতিপয় বিপণি আছে। দক্ষিণ তটে যে একটি উত্তম ভগ্নাবশেষ দৃষ্টিগোচর হয় উহাকে বাদশাহ কহে। ইহা বিখ্যাত জানালব উদ্দীনের গোর। ইনি ১৪২৩ খৃষ্টাব্দে কাশ্মীরের অধিপতি হইয়া অত্যন্ত প্রতাপ ও গৌরব সহকারে তিপ্পান বৎসর রাজত্ব করেন। ইনি শিল্পবিদ্যা ও সাহিত্য প্রভৃতি অনেক বিষয়ের উন্নতি সাধন করিয়াছিলেন। কথিত আছে, ইনিই প্রথমে তুর্কিস্থান হইতে তন্তুবায় আনাইয়া কাশ্মীরে শাল প্রস্তুত করান এবং প্রিন্স কলমদানি কশ্ম ও কাচ প্রস্তুত করিবার প্রথা প্রভৃতি শিক্ষা দেন। প্রত্যুত, অদ্যাবধি কাশ্মীরীরা মাণ্ড ও ভল্লিসহকারে ইহাঁর নামোচ্চারণ করিয়া থাকে এবং ইহাঁর নামানুসারে পূর্বোক্ত সেতুকে জানা কদল কহে।

বাদশাহ ঘাট হইতে কয়েকপাদ স্বল্পপথে গমন করিলে একটি উৎকৃষ্ট মসজিদ দেখিতে পাওয়া যায়। ইহাকে মুম্মা মসজিদ বা প্রধান মসজিদ কহে। সাহজেহান বাদশাহ ইহা স্থাপিত করেন।

জনাংকদল অতিক্রম করিয়া দক্ষিণ তটে একটি অতি সুন্দর নূতন বাজার দেখিতে পাওয়া যায়। ইহা বর্তমান শাসন কর্তা প্রস্তুত করিয়াছেন। এ কারণ, ইহাকে মহারাজ গঞ্জ কহে।

কিয়দূরে আলী কদল—পঞ্চম সেতু। সেতু অতিক্রম করিয়া যে একটি অতি প্রাচীন মসজিদ দেখা যায়, উহাকে বুল্‌বুল্‌ লঙ্কর কহে। লোকে কহিয়া থাকে, যে, কাশ্মীর প্রদেশে এই মসজিদ গর্বাদৌ নিশ্চিত হয় এবং বুল্‌বুল্‌ সাহ নামক জনৈক ফকীর মহম্মদীয় ধর্ম উপত্যকামধ্যে প্রথম প্রচার

করেন এবং এই মসজিদে তাঁহার অস্থি রক্ষিত আছে ।
ইহা এক্ষণে ধ্বংস হইয়া যাইতেছে এবং ইহার উপরিভাগে
বৃহৎ বৃহৎ বৃক্ষ উৎপন্ন হইয়াছে ।

অনন্তর নয়া কদল—ষষ্ঠ সেতু । ইহা পার হইয়া কিয়দ্দূর
গমন করিলে দক্ষিণ তটে পণ্ডিত রাজকাকের উত্তম লড়ী
দেখিতে পাওয়া যায় । ইনি অতি সম্ভ্রান্ত ও ধনশালী ছিলেন ।
ইহার বিপরীত ভাগে অর্থাৎ নদীর বাম তটে যে প্রণালী
আছে, উহা কুটুকোল । উহা সেরগড়ী হইতে বাহির হইয়া
এই স্থলে নদীর সহিত মিলিত হইয়াছে ।

কিয়দ্দূরে যাইয়া দক্ষিণ তটে লচ্মনজু-কা-ইয়ারবল
নামে এক ঘাট । এই ঘাটে উঠিয়া কয়েক পদ গমন করিলেই
ইদগা নামক অতি রমণীয় স্থান দেখিতে পাওয়া যায় । ইহা
দৈর্ঘ্যে এক মাইল এবং প্রস্থে এক মাইলের চতুর্থাংশ । ইহার
চতুঃপার্শ্বে বৃহৎ বৃহৎ বৃক্ষ আছে এবং ইহার পূর্বদিক দিয়া
মার প্রণালী প্রবাহিত হইতেছে । ইহার উত্তর প্রান্তে এক
অত্যুত্তম কাষ্ঠ-নির্মিত মসজিদ । উহার নাম আলী মসজিদ ।

পরে সাফা কদল—সপ্তম সেতু । ইহাই ত্রীনগরের শেষ
সীমা । সেতু পার হইয়া বামতটে সাহ নেইমাতুল্লার মসজিদ ।
ইহার এক প্রস্তরাক্ষিত উৎকীর্ণ পাঠে জানিতে পারা যায়, যে,
ছুইশত বৎসরের কিঞ্চিদধিক হইল, সেফ খাঁ এই সেতু নির্মাণ
করেন । একারণ, ইহাকে সাফা কদল কহিয়া থাকে ।

শঙ্করাচার্যের টিলা ।

কাশ্মীরে বহুসংখ্যক পৌরাণিক কীর্তিস্তম্ভ আছে । ভিগ্নি
সাহেব ইহা অশীতি সংখ্যক নির্ণয় করিয়াছেন । কোন্ কাঁলে

যে তৎসমুদায় নিৰ্মিত হইয়াছিল, তাহা নিশ্চয় করা সূক্ষ্ণচিন্তা ; কিন্তু প্ৰাণুপুত্রেরা যখন এ দেশে আইসেন, তখন যে তাঁহারা ইহার অধিকাংশ নিৰ্মাণ করিয়া যান, তাহার কোনো সন্দেহ নাই। সুবিখ্যাত প্রাচীন কীর্তিস্তম্ভের মধ্যে “ শঙ্করাচার্য্যের টিক্কা ” (টিক্কা অর্থাৎ পাহাড়) একটা প্রধান। মুসলমানেরা ইহাকে “ তক্ত-হি-সলিমান ” অর্থাৎ সলোমনের সিংহাসন কহিয়া থাকে। উহারা কহে, যে, এই অনুচ্চ শৈলশিখরে সলোমনের সিংহাসন অধিষ্ঠিত ছিল। প্রবাদ আছে, পুরাকালে এক সময় কাশ্মীর প্রদেশ জলে প্লাবিত হইলে কয়েক জন এখানে পলায়ন করিয়া রক্ষা পায়। পূর্বে উল্লেখ করা গিয়াছে, কোনো কোনো ভূতত্ত্ববেত্তা প্রতিপন্ন করিয়াছেন, যে, কাশ্মীর মনুষ্যের আদিম নিবাস ছিল। স্ততরাং বোধ হয়, এই জনপ্রবাদ ঐ বাক্যের সপক্ষতা করিতেছে। সে যাহা-হউক, ভারতবর্ষের অলঙ্কার স্বরূপ সুপণ্ডিত শঙ্করাচার্য্য আপন বিদ্যাবলে এবং জনৈক নরপতির মন্ত্রবলে বৌদ্ধদিগকে ভারতবর্ষ হইতে দূরীভূত করিয়া দেন এবং ক্রমে ক্রমে সমুদয় খণ্ড জয় করিয়া পরিশেষে এই স্থলে আগমন পূর্বক এই টিক্কাতে বাস করেন। একারণ, ইহা তাঁহার নামানুসারে খ্যাতাপন্ন হইয়াছে। এখানকার লোকে তাঁহার অসামান্য বিদ্যা, বুদ্ধি এবং ঐশিক ক্ষমতা সম্বন্ধে অনেক প্রকার অলৌকিক উপন্যাস কল্পনা করিয়া থাকে। উল্লিখিত টিক্কা শ্রীনগরের সমতল ভূমি হইতে ১০৩৮ ফিট উচ্চ এবং রাজবাটী হইতে প্রায় অর্ধ ক্রোশ দূরবর্তী। ইহা এমত স্থলে স্থিত, যে সকল দিক হইতে উহা সম্যক প্রকারে দৃষ্টি গোচর হয়।

এজন্য কাশ্মীরীরা শঙ্করাচার্যের লোকাভীত গুণানুবাদ সম্বন্ধে কহিয়া থাকে, যে, যেখান হইতে এই টিকা দেখা যায়, তথায় সর্প দংশনের ভয় নাই ।

ইহাতে উঠিবার দুইটা পথ আছে । কিন্তু পশ্চিমদিগেরটা অপেক্ষাকৃত উত্তম । মহারাজা গোলাপ সিংহ পরলোক গমন করিবার কিছু দিবস পূর্বে ইহা প্রস্তুত করিয়া দেন । সোপান-শ্রেণী এই পর্বতের প্রস্তরেই নির্মিত, স্থবিস্তৃত এবং অতি উচ্চ । সর্বশেষে প্রায় চত্বারিংশ হস্ত পরিমিত পথ অতি ভয়ানক । উহা কাটিয়া সোপান হইবার উপায় নাই । স্ততরাং এমন দুর্গম, যে, আরোহণ বা অবরোহণ কালে দুই হাত দিয়া ধরিয়া ধরিয়া অতি সাবধানে হামাগুড়ি ভাবে পাদ বিক্লেপ করিতে হয় । শিখর দেশে উপনীত হইতে আমাদের ৪৫ মিনিট লাগিয়াছিল ।

এই শৈলশিখরে একটা অত্যুৎকৃষ্ট প্রস্তর-নির্মিত মন্দির আছে । ইহা খৃষ্টাব্দের দুইশত বৎসর পূর্বে অশোক রাজার পুত্র জলোকা কর্তৃক নির্মিত হইয়াছিল । প্রথমে দ্বাদশ সোপান অতিক্রম করিয়া একটা ক্ষুদ্র খিলানের মধ্যে প্রবেশ করিতে হয় । ইহা প্রস্থে ২২ ইঞ্চ এবং উচ্চতায় ৬১০ ফিট । দুই পার্শ্বে দুর্ভেদ্য পাষাণ-প্রাচীর এবং সম্মুখে একটা কাষ্ঠের দ্বার থাকাতে ইহা রমণীয় গৃহ রূপে প্রতীয়মান হয় । মন্দিরে প্রবেশ করিবার নিমিত্ত ইহার অভ্যন্তরে স্ফটিক প্রস্তরনির্মিত ১৮টা সোপান আছে । এক একটা আট ফিট দীর্ঘ, এক ফুট উচ্চ এবং এক ফুট প্রশস্ত । ইহার অধিকাংশ কেবল মাত্র এক এক খানি প্রস্তর । মন্দিরের অভ্যন্তরে দেড় ফুট উচ্চ এবং

আড়াই ফিট পরিধি বিশিষ্ট এক শিবলিঙ্গ স্থাপিত এবং তাঁহার গাত্রে একটা সর্প খোদিত আছে। মহারাজার আদেশানুসারে প্রত্যহ ইহার পূজা হইয়া থাকে। বাম পার্শ্বস্থ স্তম্ভদ্বয়ের একটাতে দুই উৎকীর্ণ পারশ্বভাষায় খোদিত আছে। একের তাৎপর্য্য এই, যে, সম্বৎ ৫৪ সালে হাজিহস্তি নামক স্বর্ণকার এই লিঙ্গ প্রস্তুত করেন। অপরটাতে লিখিত “ যিনি এই লিঙ্গ স্থাপিত করেন, তিনি মুজার পুত্র কোরাজা রুকম, সংবৎ—।” ইহার অবশিষ্টাংশ নিম্নে প্রোথিত, স্তত্রাং পাঠ করা স্মকঠিন। মন্দিরের চতুষ্পার্শ্বে নয় ফিট প্রশস্ত বৃহৎ বৃহৎ প্রস্তরের রক আছে। এবং তদ্বারা উহার শোভা বিগুণ হইয়াছে।

এই গিরিস্থলে পূর্বোক্ত মন্দির ব্যতীত আরো কয়েকটা প্রস্তরালয়ের ভগ্নাংশ দেখা যায়। এই মন্দিরের নিৰ্ম্মাণ-কৌশল বিষয় অনুধাবন করিয়া দেখিলে বিস্ময়সাগরে মগ্ন হইতে হয় এবং নিশ্চয়ই বুঝা যায়, যে, এককালে ভারতবর্ষে শিল্পবিদ্যানুশীলনের একশেষ হইয়া গিয়াছে। কারণ, যে সমুদয় প্রস্তরে ইহা নিৰ্ম্মিত, তাহার একখানিও শৈলাধারের নহে—সমস্তই বহু দূর হইতে আনীত হইয়াছে। এক এক খণ্ড (যেমন সোপান ও রকের) এত বৃহৎ, যে, অনুমান হয়, পাঁচ শত লোকেও নাড়িতে পারে না। তাৎকালিক লোকদিগের পদার্থবিদ্যা প্রভৃতিতে বিলক্ষণ ব্যুৎপত্তি না থাকিলে এত উচ্চ শিখর দেশে এমন মনোহর নিৰ্ম্মাণ কিরূপে সম্ভবে? প্রত্যুত, ইহা পৌরাণিক জনগণের অসাধারণ বুদ্ধি এবং বিচিত্র নিৰ্ম্মাণ কৌশলের স্পষ্ট সাক্ষ্য প্রদান করিতেছে।

এস্থান হইতে সমুদয় কাশ্মীরপ্রদেশ দৃষ্টিগোচর হয়। সৃষ্টির

রমণীয়তা এককালে নয়ন পথে পতিত হইয়া অতুল আনন্দ উৎপাদন পূর্বক গিরিশিরোথান-কন্ঠে দ্বিগুণ প্রতিশোধ করে । সৌধশিখর, তৃণাচ্ছাদিত এবং বৃক্ষগণ নবপল্লবিত বলিয়া নগরটী একখানি হরিবর্ণের গালিচা বলিয়া বোধ হয় । সম্মুখে বিতস্তা নদী বক্রভাবে গমন করিতেছে (যদৃক্ষে এখানকার শালের দৌড়দার কঙ্কা প্রথম আবিষ্কৃত হইয়া থাকিবে)—উত্তর পশ্চিমভাগে হরিপর্বতোপরি অভেদ্য দুর্গ রহিয়াছে—উত্তর দিকে ডল্ অর্থাৎ নাগরিক হ্রদ—তাহার মধ্যে মধ্যে বিচিত্র বিচিত্র দ্বীপপুঞ্জ ও ভাসমানক্ষেত্র—পার্শ্বে পার্শ্বে মনোরম ক্রীড়া উপবন শ্রেণী—দেখিতে অতি চিত্তবিমোহিতকর । এই স্থলে দণ্ডায়মান হইয়া কাশ্মীরের এক প্রাস্ত হইতে অপর প্রাস্ত স্নন্দয় লক্ষ্য হইয়া থাকে । স্মরণ্য কি নিকটস্থ, কি দূরস্থ, সকল রমণীয় স্থান একাদিক্রমে নয়নগোচর হওয়াতে বিমলানন্দ উৎপন্ন হয় । যাঁহারা এখানে ভ্রমণোদ্দেশে আসিবেন, তাঁহা-দিগের উচিত, যে, সর্ব্বদা এই শঙ্করার্যের টিকা এবং নিম্ন লিখিত হরিপর্বত (দুর্গ) আরোহণ করিয়া কাশ্মীর প্রদেশের রমণীয়তা ও দর্শনীয় স্থানের পরম্পর দূরতা অনুভব করেন ।

হরিপর্বত বা দুর্গ ।

হরি পর্বত একটী অসংল্লিষ্ট ক্ষুদ্র পর্বত । ইহা নগরের উত্তর প্রান্তে স্থিত এবং উর্দ্ধে প্রায় ২৫০ ফিট । ১৫৯০ খৃঃ অব্দে দিল্লীর অধিপতি আকবায় বাদসাহ ইহার চারি দিক অভেদ্য প্রস্তর প্রাকার দ্বারা বেষ্টিত করেন । উহা দৈর্ঘ্যে প্রায় দেড়ক্রোশ, উর্দ্ধে ১৮ হস্ত, প্রস্থে ৮ হস্ত এবং তাহাতে ন্যূনাধিক এক এক শত হস্ত অন্তরালে এক এক গ্রহরী-স্থান আছে ।

ইহার তিনটী প্রবেশ দ্বার ; দক্ষিণ পূর্বভাগে কাচী দরোয়াজা, পশ্চিমে বাচী দরোয়াজা এবং উত্তর-পশ্চিমে সঙ্গিন দরোয়াজা ।

এই পর্বতের শিখরপ্রদেশে প্রস্তর নির্মিত দুর্গ সংস্থাপিত আছে । ইহাতে প্রবেশ কালে এখনকার শাসনকর্তার আজ্ঞাপত্র আবশ্যিক । ইহাতে উঠিবার দুইটী পথ আছে । উত্তরদিকেরটী প্রশস্ত ও সুগম এবং দক্ষিণেরটী অতিশয় বন্ধুর ও দুর্গম । দূর হইতে দুর্গ দুর্ভেদ্য এবং অতি সুন্দর দেখায় । কিন্তু অভ্যন্তরে প্রবেশ করিলে হতাশ হইতে হয় । তথায় কয়েকটী যৎসামান্য কুটীর, দুইটী কদর্যা ক্ষুদ্র জলাশয় এবং মহাদেবের লিঙ্গ ও কালীগুৰ্ত্তি সমন্বিত একটী দেবালয় ভিন্ন আর কিছুই নাই । প্রবেশদ্বারে এক কামান এবং প্রত্যেক রক্ষণীয় স্থলে তিন তিন ক্ষুদ্র ও দুই দুই বৃহৎ কামান স্থাপিত আছে । তৎসমুদয়ের নির্মাণ কৌশল অতীব প্রশংসনীয় । এতদ্ব্যতীত কয়েকজন সুশিক্ষিত সৈন্য প্রহরী রূপে নিযুক্ত আছে । যে অভেদ্য শৈলপ্রাকার কাশ্মীরকে শত্রুহস্ত হইতে রক্ষা করিতেছে, তাহাতে মনুষ্যের ক্ষীণ বল তিলার্দ্ধমাত্র আবশ্যিক নহে; এষ্ট কারণেই এখানকার নরেশ্বর দুর্গ সুরক্ষিত করিতে উপেক্ষা করিয়া থাকেন ।

শঙ্করাচার্যের টিবারায়ে এখান হইতেও কাশ্মীরের শোভা স্পষ্ট লক্ষ্য হয় । স্তূতরাং পর্য্যটকেরা যেন দুর্গ দর্শন-চ্ছলে এই অনুপম আনন্দ উপভোগ করেন ।

দ্বিতীয় অংশ

ডল্ অর্থাৎ নাগরিক হ্রদ।

পাঠক চল, এখন একবার নাগরিক হ্রদের রমণীয়তা দর্শন করিয়া আসি। ইহার সমুদয় দর্শনীয় স্থান তন্ন তন্ন করিয়া সন্দর্শনপূর্বক সম্যক প্রকারে পরিতোষ লাভ করা এক আধ দিনের কাজ নহে। কোনো মনোহর ক্রীড়া উপবনে কিয়দ্বিবস বাস করত ইতস্ততঃ পর্যটন করিলে তৃপ্তিপূর্বক ক্ষুণ্ণ-বৃত্তির সম্ভাবনা বটে। পাঠক, না হ্রদে আর এক কাজ কর; উৎসূর্যপরি এক পক্ষ গতায়ত করত সমুদয় স্থানে পরিচিত হও। পরে কোনো পৌর্ণমাসী শরৎশরীর স্নাতল স্তবিমল কিরণে প্রিয়তম স্তম্ভদের সহিত কোনো উপবনের প্রস্তরাসনে আসীন হইয়া হ্রদয় দ্বার উদ্ব্যটন পূর্বক প্রকৃতির শোভা বিলোকন কর এবং প্রেমাভিসিক্ত চিত্তে সৃষ্টিকর্তার মহিমা ও গুণানুবাদ কীর্তন দ্বারা মানবজীবন সার্থক কর।

সের-গড়ী অর্থাৎ রাজবাটীর সম্মুখে চুটকোল নাম্নী প্রণালী পূর্ববাহিনী হইয়া বিস্তৃত নদীর সহিত এই হ্রদকে সংলগ্ন করিতেছে। প্রণালীর প্রবেশ দ্বারে দেখিতে পাইবে, মহারাজার পালিত হংস ও রাজহংসকুল নির্ভয়ে কেলি করিয়া বেড়াইতেছে এবং নানাবিধ মনোহর রাজ-তরণী ভাসমান রহিয়াছে। অনুমান ৪০০ ফিট বাইয়া একটা সেতু দেখিতে পাইবে। উহার নাম গাওকদল। সেতু পার হইয়া বাম পার্শ্বে

সুদৃশ্য সফেদা শ্রেণী এবং সূর্যাতপ বর্জিত একটা সুন্দর উপবন । এই উপবনে প্রণালীতটে যে কাষ্ঠ নির্মিত দ্বিতল লড়ী (বাটী) দেখিতেছ, উহাতে লেখক কিয়দ্দিবস বাস করিয়াছিল । দক্ষিণ পার্শ্বে বারুদ খানা । কিয়দ্দূর গমন করিলে বাম ভাগে মনোহর চেনার বাগ । ইহাতে শিবির স্থাপনপূর্বক বাস অতি প্রীতিদায়ক । কিন্তু নদীর জলোচ্ছ্বাসে প্লাবিত হইবার সম্পূর্ণ সম্ভাবনা ।

অনতিদূরে দ্রোগজন্ অর্থাৎ হ্রদের দ্বার । সেরগড়ী হইতে ইহা অর্ধক্রোশ দূরে স্থিত এবং নৌকা দ্বারা এখানে আসিতে ৩৬ মিনিট লাগে । হ্রদের দ্বার একরূপ কৌশলে নির্মিত, যে, যৎকালে নদীর জল নিম্ন থাকে, তৎকালে কবাট উদ্বাটিত, এবং যখন জল কিয়দ্দূর উর্দ্ধে উখিত হয়, তখন উহা আপীনা হইতেই রুদ্ধ হইয়া যায় । সুতরাং নদীর জলোচ্ছ্বাসে হ্রদের মধ্য ও পার্শ্বস্থ গ্রাম নগর ও ভূমি প্লাবিত হইবার ভয় নাই । দ্বারের উপরিভাগে সেতু আছে এবং তথা হইতে একটা সুদৃঢ় বাঁধ (যে বাঁধের বিময় পূর্বে উল্লেখ করা গিয়াছে) নির্গত হইয়া নগর মধ্যে প্রবেশ করিয়াছে । পাঠান নরপতিরা এই সেতু ও বাঁধ প্রস্তুত করিয়াছিলেন । কোন্ জাতীয় শাসন-কর্তাদিগের রাজত্ব কালে যে দ্বার নির্মিত হয়, তৎ সন্দেহে কেহ একবাক্য নহে । সুতরাং নিশ্চয় করা সুকঠিন । পরন্তু ইহা যে অতি প্রাচীন, তাহার কোনো সন্দেহ নাই । দ্বারদেশ মৎস্য ধরিবার প্রিয়স্থান এবং ইহার জল ১০ হইতে ৩০ হস্ত পর্য্যন্ত গভীর ।

হ্রদ দৈর্ঘ্যে প্রায় তিন ক্রোশ এবং প্রস্থে দেড় ক্রোশ । ইহার গভীরতা সকল স্থানে সমান নহে, কিন্তু গড়ে ছয়

হস্তের অধিক হইবে না। ইহার জল অতিশয় স্বচ্ছ ও স্বাস্থ্য-কর। নিম্নদেশ ও পার্শ্বস্থ অসংখ্য অসংখ্য উৎস হইতে ইহার জল উৎপন্ন বা নিঃসৃত হইয়া থাকে। এতদ্ব্যতীত উত্তর পশ্চিম ভাগস্থ অত্যন্ত গিরিমাল্য হইতেও অনেক বারিধারা নির্গত হইয়া ইহাতে পতিত হইতেছে। ইহাতে অনেক জল-জলতা, পানীফল, কমলিনী এবং কুমুদিনী প্রভৃতি আছে। এখানকার অনেকে খাল পরিত্যাগ পূর্বক স্থলভ ও সুবিস্তৃত পদ্মপত্রের আহার করিয়া থাকে। ইহাতে মৎস্য প্রচুর। মধ্যে মধ্যে দ্বীপ, তরুপরি লোকালয় এবং চতুঃপার্শ্বে বাসবের নন্দন কানন সদৃশ মনোহর ক্রীড়া উপবন থাকাতে হৃদয়ী দেখিতে অতি রমণীয়।

পাঠক, হ্রদে প্রবেশ করিয়া অত্যুচ্চ জলজলতার মধ্য দিয়া অনেক মার্গচিহ্ন দেখিতে পাইতেছ। কোন্টীকে অবলম্বন করিজন ভাবিয়া স্থির করিতে পারিতেছ না। আইস, আমার সহিত আইস। এই যে বামপার্শ্বস্থ নালামার নাম্নী প্রণালী উত্তরবাহিনী হইয়া ইহার সহিত আঞ্চল হৃদকে সংযুক্ত করিতেছে, চল, ইহাই অবলম্বন করিয়া দর্শনীয় স্থান সমুদয় একাদিক্রমে শৃঙ্খলা পূর্বক দর্শন করি।

দ্রোগ্জন্ হইতে ১৫ মিনিট আসিয়া বাম ভাগে যে একটা ক্ষুদ্র পল্লী দেখিতে পাইতেছ, উহার নাম বুদমর্গ। উহার সম্মুখে যে বড় বড় বিংশতি খানি প্রস্তর পড়িয়া রহিয়াছে, উহাতে শাল ধৌত হয়। এস্থানের জলের এমনি গুণ, যে, উহাতে শাল ধৌত করিলে যেরূপ কোমল ও চিকণ

হইবে, উহার এক হস্ত পরিমিত দূরে ধৌত করিলে তদ্রূপ উৎকৃষ্ট না হইয়া বরং অপকৃষ্ট হইয়া যাইবে।

কিয়দ্দূরে জ্বালিয়া নামক গ্রাম। এস্থলে কয়েকটা পুরাতন ঘাট এবং হর্শের ভগ্নাংশ ব্যতীত আর কিছুই দ্রষ্টব্য নাই।

এস্থান অতিক্রম করিয়া সম্মুখে যে প্রস্তর নির্মিত সেতু দেখিতেছ, ইহার নাম নেউইদিয়ার। ইহাতে তিনটা খিলান আছে এবং মধ্যস্থলের দুই পাশ্বে পারস্ব ভাষায় যাহা লিখিত ছিল, তাহা স্পষ্ট লক্ষ্য হইতেছে না।

অদূরে সতু নামক বাঁধ। ইহা প্রাপ্ত সেতুর দক্ষিণদিক হইতে আরম্ভ হইয়া হৃদের অপর পাশ্বে নিষাৎবাগ নামা তপোবনের সমীপবর্তী হওতঃ হৃদকে বিখণ্ডে বিভক্ত করিতেছে। ইহা নৈর্ঘ্যে দুই ক্রোশ এবং প্রস্থে গড়ে আট হস্ত। ইহার এই দীর্ঘ দেহের মধ্যে মধ্যে সেতু আছে—সমষ্টির সংখ্যা নয়টা। দুইটা প্রস্তর এবং সাতটা কাষ্ঠ নির্মিত। অতিশয় প্রাচীনত্ব বশতঃ এবং জীর্ণ সংস্কারভাবে ইহার স্থানে স্থানে খণ্ডিত হইয়াছে। পরন্তু কিঞ্চিৎ কষ্ট স্বীকার পূর্বক ইহার এক প্রান্ত হইতে অপর প্রান্ত পর্যন্ত পর্যটন করিলে (যাহাতে ন্যূনাধিক ১০ ঘণ্টা লাগে) যে অনুপম আনন্দ উপলব্ধ হয়, তাহাতে অনুরোধ করা যাইতে পারে, যে, পাঠক সাবকাশমতে তাহা উপভোগ করিতে কদাচ বিস্মৃত হইও না। কিন্তু আপাততঃ এস্থল পরিত্যাগ করিয়া অগ্রসর হও। সম্মুখে কত কত চিত্ত-বিমোহিত-কর ঐশিক ব্যাপার দেখিয়া পুলকিত ও চমৎকৃত হইবে।

এই দেখে আমরা কমল বনে প্রবেশ করিলাম । কিয়দ্দিবস পূর্বে পদ্মপত্র সমুদয় জলে শয়িত ছিল । এক্ষণে জলের অ-
ধোগমন ও নীহারপাতের হ্রাসতা নিবন্ধন পত্রগুলি গাত্রোথান
করিয়াছে । বোধ হইতেছে যেন নিম্ন দেশস্থ স্বকোমল ভোগ-
বিলাসী পানীফলকে আতপ তাপ হইতে রক্ষা করিবার জগ্ঘই
প্রকৃতি দেবী ছত্রধারণ করিয়াছেন । কমলিনী বিকসিতা হই-
য়াছে । ইহা যেরূপ বিপুল-শরীরা, সুবাসিতা ও মনোহারিণী,
তেমন বোধ হয়, আর কুত্রোপি নাই । জলসীমা হইতে
দুই হস্ত উর্ধ্বে মৃগালাসনে গর্বিতা রাজ্যেখরীর ন্যায় অধি-
ষ্ঠিতা হইয়া নির্বিবাদে রাজত্ব করিতেছে । কিন্তু নির্বিবাদেই
বা কিরূপে বলি ? তাহা হইলে পবনভরে যুছু যুছু দৌছুল্যমানা
হইবারই বা কারণ কি ? কল্পনা অনুমান করেন, পাছে কেহ
ইহাক্কে এখানকার মহিলাগণের অনুপম বদন-মণ্ডলের সহিত
তুলনা করতঃ ইহার গর্বি খর্বি করে, সুদ্ধ এই ভয়েই কাঁপি-
তেছে !

পাঠক, কিঞ্চিৎ অগ্রসর হও । সম্মুখে ঐ যে কয়খানি
ক্ষেত্র দেখিতেছ, উহা কি বোধ হয় ? উহাতে মহোন্লাসে
কৃষকগণ কৃষিকর্ম করিতেছে ; কাঁকুড়, শসা, তরমুচ, বেগুণ
প্রভৃতি আহাৰ্য্য দ্রব্য অতিসুন্দর জন্মিয়া রহিয়াছে ; বিক্রয়ার্থ
মহিলাগণ ফল সঞ্চয় করিতেছে ; কোনো কোনো ক্ষেত্রের
উপর পর্ণকূটীর রহিয়াছে, ঠিক যেন আমাদিগেরই দেশের
শস্যক্ষেত্র । কিন্তু এত অগাধ জলে ক্ষেত্র কিরূপে আইল ?
চল, আরো কিছু সমীপবর্তী হইয়া ইহার তত্ত্ব অনুধারন
করিয়া দেখা যাউক । স্পষ্ট প্রতীয়মান হইতেছে, ইহা ছিন্ন-

মূল ভাবে অর্থাৎ নিম্নদেশস্থ মৃত্তিকার সহিত অসংলগ্ন অবস্থায় জলের উপর ভাসিতেছে। কেননা, ঐ যে উহা কৃষকদিগের পদভরে কম্পিত হইতেছে! ইহার একাংশ জলে নিমগ্ন করিবার জন্য আমরা এত প্রযত্ন করিলাম, কিন্তু কিছুতেই কৃতকার্য হইতে পারিলাম না। ইহাই সেই চিরশ্রুত কাশ্মীরের ভাসমান ক্ষেত্র। মেক্সিকোর ভাসমান উপবন পৃথিবীর সপ্ত অদ্ভুতকাণ্ডের মধ্যে পরিগণিত—ইহাও কি সেই শ্রেণীতে গণ্য হইতে পারে না?

কাশ্মীরীরা নিম্নলিখিতরূপে ভাসমান ক্ষেত্র নির্মাণ করিয়া থাকে। হুদে অনেক জলজলতা আছে। যে স্থানের জল গভীর নহে, তথাকার লতা সকল জলের নীচে প্রায় দেড় হস্ত পরিমাণ রাখিয়া কাটিয়া দেয়। জলের গতি মন্দ বলিয়া লতাগুলি ছিন্নমূল হইলেও কোনো স্থানে যাইতে না পারিয়া এক স্থলেই পরস্পরে সংলগ্ন রহে। কৃষকেরা তদুপরি ক্রমে ক্রমে ক্ষুদ্র লতা ও মৃত্তিকা জমাইতে থাকে। চারি বা পাঁচ স্তর করিতে করিতে উহা বিলক্ষণ দৃঢ় এবং কৃষিকর্ষ্মোপযোগী হইয়া উঠে। এইরূপেই ভাসমান ক্ষেত্র প্রস্তুত হয়। পাছে জলে ভাসিয়া যায়, অথবা হ্রদের হ্রাস বৃদ্ধি অনুসারে কোনো অনিষ্ট ঘটে, এইজন্য কয়েকটা লম্বা মোটা কাষ্ঠ ইহার স্থানে স্থানে দিয়া মৃত্তিকাতে প্রোথিত করিয়া রাখে। পাঠক, শুনিয়া থাকিবে “কাশ্মীরে জমি চুরি হইয়া থাকে”—ইহা তাই। কোনো ক্ষেত্র অপেক্ষাকৃত উর্বরা বা ফলযতী হইলে দুই লোকে স্তুবিধা পাইলেই অপহরণ করিয়া আপন ক্ষেত্রের সহিত এমন অলক্ষিতরূপে সংলগ্ন করিয়া দেয়, যে, অপহরণ কার্য্য

ধৃত করা ছুফর । মধ্যে মধ্যে এইরূপ রহস্য জনক অনেক অভিযোগ রাজদ্বারে উপস্থিত হয় । এমন কি, ক্ষেত্র ক্ষুদ্র হইলে কখনো কখনো আকর্ষিত হইয়া হৃদ ও প্রাণালী অতিক্রম পূর্বক উহা বিচারালয়েও আনীত হইয়া থাকে । ভাসমান ক্ষেত্র কেবল মাত্র এই হুদে আছে, অপর কোনো জলাশয়ে নাই ।

কিয়দূরে হজরৎবল নামে একটা গ্রাম । ইহা হুদের ঠিক পশ্চিম দিকে । এস্থলে মুসলমানদিগের একটা বৃহৎ মসজীদ আছে । উহার অভ্যন্তর সুবিস্তৃত, অভ্যুচ্চ, নানাবর্ণের বস্ত্রাচ্ছাদিত এবং বাড় লার্ঠন দ্বারা শোভিত । এক প্রান্তে একটা প্রকোষ্ঠ । উহাতে কাচের আচ্ছাদন বিশিষ্ট ক্ষুদ্র রজত বাস্মে এক গাছি কেশ আছে । মুসলমানেরা কহিয়া থাকে, ইহা মহম্মদের শাশ্বতলোম । প্রতিবৎসর এস্থলে চারিটা মেলা হইয়া থাকে । তন্মধ্যে শ্রাবণমাসে সর্বাপেক্ষা মহত্তর মহোৎসব হয় । পাঠক মনে কর, আ'জ্ মেই মেলার দিন উপস্থিত । স্ততরাং চল, একবার অবতরণ পূর্বক উহার কৌতুক দর্শন করা যাউক । কি হিন্দু, কি মুসলমান, কি স্ত্রী, কি পুরুষ, কি বালক, কি বৃদ্ধ, কি ধনী, কি নির্ধন, এত লোকের সমাগম হইয়াছে, যে, সহর ও চতুষ্পার্শ্ববর্তী গ্রাম সকল শূন্য-প্রায় হইয়া গিয়াছে । ঐ দেখ, আপণশ্রেণী কত প্রকার মনোহর দ্রব্য বিক্রয় হইতেছে । ক্রেতা ও বিক্রেতা-দিগের কলকল রবে এত উচ্চরব হইতেছে, যে আমাদিগের পরস্পরের বাক্য শ্রবণগোচর হইতেছে না । ঐ দেখ, স্থানে স্থানে প্রকাণ্ড উষ্ণীষধারী মৌলবীরা উচ্চ কাষ্ঠাসনে উপবেশন করতঃ দোহুল্যমান হইয়া কোরাণ

পাঠ করিতেছে—কেহ কেহ বা দণ্ডায়মান হইয়া শ্রোতৃবর্গকে স্বধর্মের সনাতনত্ব ও মুক্তিদাতৃত্ব মাহাত্ম্য প্রতিপন্ন করিতেছে। মসজীদাভাস্তরে প্রবেশ করিয়া দেখ লোলচর্ম; বিগলিতদন্ত, শুভ্রকেশ, শুভ্রবাস, স্তম্ভিত উষ্মীমধারী এক অশীতিপর বুদ্ধ ভক্তি সহকারে সকম্পহস্তে পূর্বোক্ত মহম্মদের শ্মশ্রুলোম উর্দ্ধদেশে ধারণ করতঃ দর্শকদিগকে দেখাইতেছে এবং অর্ধক্ষুট স্বরে মহম্মদের গুণগান করিতেছে। দর্শকদিগের মধ্যে অনেকে ভক্তিরসে দ্রব হইয়া গদগদ ভাবে আপাদমস্তক বাহু বিস্তার পূর্বক প্রণিপাত করিতেছে—চারিদিক “আল্লা আল্লা” রবে প্রতিধ্বনিত হইতেছে। এদিকে দিবা অবসান প্রায়। পাঠক, চল, একবার হৃদে নৌকাদৌড়ের রঙ্গ দেখা যাউক। উৎসব উপলক্ষে অন্যান্য পাঁচশত তরগী একত্র হইয়াছে। উহার মধ্যে যে সমুদয় বাহকদিগকে মল্লবেশে ও রণ সজ্জায় সজ্জিত দেখিতেছ, তাহাদিগেরই নৌকাদৌড় হইবে। সম্মুখে হৃদের জল ধু ধু করিতেছে। তথায় মধ্যস্থলে বিশ হস্ত পরিসর স্থান রাখিয়া দর্শকদিগের তরগীমালা দুই অবিচ্ছিন্ন শ্রেণী হইল। মধ্যস্থলে নৌকাদৌড় হইতে লাগিল। পবন বেগে নৌকা সকল দৌড়িতেছে, চাপ্পার * আঘাতে হৃদ কম্পিতা হইতেছে, জয়ীদিগের জয়ধ্বনিতে চারিদিক প্রতিধ্বনিত হইয়া উঠিতেছে, দেখিতে শুনিতে অতি আনন্দজনক। দেখিতে দেখিতে দিগ্‌মণ্ডল তমসাচ্ছন্ন হইল। বিহগকুল নীড়ে প্রত্যাগমন কালে কলরব করিতেছে—বোধ হইতেছে, তাহারা যেন সন্ধ্যা আগত দেখিয়া মানবগণকেও

* নৌকার দাঁড়কে এখানে, চাপ্পা কহিয়া থাকে।

জনতা ভাঙ্গিয়া স্ব স্ব ভবনে গমন করিতে বলিতেছে ! অতএব পাঠক, চল, আমরাও আপনাপন আশ্রমে বিশ্রাম করিতে যাই। অন্য ক্রীড়া উপবনের একটাও দেখা হইল না। সুবিধামতে কল্যা তাহা হইবে।

[নসীম বাগ] (পারস্য ভাষায় নসীম শব্দের অর্থ মন্দ মন্দ বায়ু) দ্রোগ্জন হইতে ১১০ ঘণ্টা নৌকাপথে আসিলে হজরৎবলের অনতিদূরে নসীম বাগ। ইহা দৈর্ঘ্যে প্রায় এক ক্রোশের চতুর্থাংশ এবং প্রস্থে এক ক্রোশের অষ্টমাংশ। ইহা আকবর বাদসাহ নিৰ্ম্মাণ করেন এবং ত্রয়াংশ দেখিয়া বোধ হয়, ইহা আদৌ প্রস্তর প্রাকার দ্বারা বেষ্টিত ছিল। অধুনা ইহাতে কেবল মাত্র অন্যান্য পাঁচশত অতি বৃহৎ ও পুরাতন চেনার বৃক্ষ আছে। এক একটা এত স্থলায়তন, যে, পাঁচ জন লোকে হস্ত প্রসারণ পূৰ্ব্বক পরিবেষ্কন করিতে পারে না। বৃক্ষশ্রেণী শৃঙ্খলা পূৰ্ব্বক দণ্ডায়মান হইয়া সূশীতল ছায়া দান করিতেছে বলিয়া স্থানটী অতি রমণীয়।

চা'রচেনার অর্থাৎ চারিটী চেনার সম্বলিত দ্বীপ। ইহাকে রূপা লং অর্থাৎ রজতদ্বীপও কহিয়া থাকে। ইহা নসীম বাগের সম্মুখে এবং হ্রদের উত্তর প্রান্তের মধ্যস্থলে স্থিত। পরিমাণে এই দ্বীপ ৯২ চতুরস্র হস্ত এবং জল হইতে প্রায় দুই হস্ত উচ্চ। নিৰ্ম্মাণ কালে ইহার চারিকোণে চারিটী চেনার বৃক্ষ ছিল। এইজন্য ইহার নাম চা'রচেনার হইয়াছে। কিন্তু অধুনা কেবল দুইটীমাত্র বিদ্যমান আছে। ইহার মধ্যস্থলে তিন হস্ত উচ্চ ৩৬ হস্ত দীর্ঘ এবং ৩০ হস্ত প্রশস্ত প্রস্তর-নিৰ্ম্মিত আসন রহিয়াছে। তদুপরি ১১০ হস্ত উচ্চ এবং ১৭ চতুরস্র হস্ত আয়-

তন বিশিষ্ট আর একটা ক্ষুদ্র প্রস্তরাসন দৃষ্ট হয়। তদুপরি উপবেশন পূর্বক দর্শন করিলে হৃদের কি রমণীয়তা! চারিদিকে জলরাশি ধুধু করিতেছে—ছয় হাত জলের নীচে মৎস্যগণ ক্রীড়া করিয়া বেড়াইতেছে—জলজলতা জল হইতে নিজ্রাস্ত হইবার জন্ত যেন প্রয়াস পাইতেছে, স্পর্শ লক্ষ্য হয়—নীলবর্ণ আকাশ পবিত্র হৃদগর্ভে প্রতিফলিত—তটস্থ বৃক্ষ, উপবন, পর্বত সমূহ মূলদেশ উল্লে সংস্থাপন পূর্বক নতশিরে প্রতিবিন্ধিত—সমাগত তরণীর চাপ্পাঘাতে সমুদয় ছিন্ন ভিন্ন হইয়া আর এক প্রকার নূতন আকারে পরিণত—সম্মুখে ক্ষেত্র সমুদয় জলের উপর ভাসমান—দক্ষিণ পাশ্বে হজরৎবল ও নসীমবাগ শোভায়মান—পশ্চাৎ ও বামভাগে শালামার, নিষাৎ ও চশমাসাহী প্রভৃতি মনোহর ক্রীড়া উপবনের ঝয়দংশমাত্র প্রত্যক্ষীভূত—পাছে তৎসমুদয় ঝটিকারূপ অনিবার্য নৈসর্গিক দগ্ন্য দ্বারা উচ্ছেদদশা প্রাপ্ত হয়, একারণ করুণাময় ঈশ্বর উহাদিগের পশ্চাদ্ভাগে অভেদ্য ও অনুল্লংঘনীয় শৈল-প্রাকার নির্মাণ করিয়া দিয়াছেন, এ সব দেখিলে অভূতপূর্ব আনন্দের উদয় হয়।

পূর্বতন ভ্রমণকারীরা বর্ণনা করিয়াছেন, যে, এই চারচেনারের মধ্যদেশস্থ আসনোপরি একটা প্রস্তরের মন্দির এং তাহার চতুষ্পাশ্বে পুষ্পবাটিকা ছিল। কিন্তু অধুনা তাহার নিদর্শন মাত্রও নাই। মহারাজা রণজিৎ সিংহের অধিকার কালে দেওয়ান কুপারাম * নামক এক জন শাসনকর্তা এই ক্রীড়াদ্বীপ নির্মাণ করেন।

* কুপারাম অভিশয় ইঞ্জিয়-ভোগ-বিলাসী ছিলেন। তিনি যে সমুদয় তরণীতে বিহার করিতে যাইতেন, তাহার অধিকাংশ তরুণ-বয়স্ক পরমা সুন্দরী

[রঘুনাথপুর] হ্রদের উত্তর প্রান্তে এই ক্ষুদ্র পল্লী। ইহাতে একটা উৎস আছে। উহার জল অতিশয় স্বাদু ও শীতল। এখানে মহারাজার চাউল, ময়দা প্রভৃতির জলযন্ত্র আছে। এবং এখানে বাবু নীলান্বর মুখোপাধ্যায় মহাশয় জলযন্ত্র দ্বারা রেসম প্রস্তুত করিবার কারখানা নূতন প্রতিষ্ঠিত করিয়া আপন অসীম বুদ্ধির পরিচয় দিয়াছেন ও রেসমের প্রচুর উন্নতি সাধন করিয়াছেন।

[শালামার বাগ] (শালা—গৃহ এবং মার—কন্দর্প) প্রত্যুত ইহা যেরূপ মনোহর, তাহাতে ইহার এই নাম প্রকৃতই হইয়াছে। ইহা সর্বোৎকৃষ্ট ক্রীড়া উপবন এবং জাহাঙ্গীর বাদসাহ দ্বারা নিৰ্ম্মিত। ইহা হ্রদের উত্তর-পূর্ব-কোণে স্থিত এবং ২৪ হস্ত প্রশস্ত ও প্রায় অর্ধ ক্রোশ দীর্ঘ এক কৃত্রিম প্রণালী দ্বারা সংযুক্ত। এই প্রণালীর উভয় পার্শ্বে বৃহৎ বৃহৎ বৃক্ষচ্ছায়াময় ও দুর্বিদল-শোভিত সুবিস্তৃত বর্জ আছে। হ্রদ ও প্রণালীর সঙ্গম-স্থানে ভগ্নাংশ দেখিয়া বোধ হয়, পূর্বকালে প্রস্তর নিৰ্ম্মিত মনোহর দ্বার ছিল।

শালামার দৈর্ঘ্য ১১৮০ হস্ত এবং প্রস্থে নিম্ন দেশে ৪১৪

মহিলাবৃন্দের স্ককোমল হস্তে বাহিত হইত। আবার কোমো কোনোটাতে মাঝিরা খ খ প্রণয়িনী সমভিব্যাহারে উপবেশন পূর্বক বাহিত। তিনি নাবিক-দিগকে প্রণয় সম্বলিত নূতন প্রকারের চাপ্পা আঘাত করিতে শিখাইয়া-ছিলেন। একারণ অন্যান্যি তৎসমুদয় “ কুপারামী চাপ্পা ” নামে খ্যাত আছে। সেই সমুদায়, বিশেষ ঃ চাপ্পা পরিভাগ পূর্বক কেবলমাত্র গদাঘাতে নৌকা চালন, ভোগবিলাসী প্রণয়ী জনগণের অতি প্রিয়। যেহেতু তদ্বারা আরোহীদিগের শরীরে রোমাক প্রভৃতি সাত্ত্বিকভাবের লক্ষণ আবির্ভূত হইয়া থাকে।

ও উপরিভাগে ৫৩৪ হস্ত। ইহার চারিদিকে ইস্টক ও প্রস্তর নির্মিত ছয় হস্ত উচ্চ প্রাচীর আছে। ইহা চারিতল। সকল তলই প্রায় সম-আয়তন।

এই উপবন এবং পশ্চাৎলিখিত কয়েকটি যেরূপ প্রণালীতে প্রণীত এবং কৃত্রিম উৎস ও জল-প্রপাতাদি থাকাতে যেরূপ প্রীতিকর, তাহা বিনা দৃষ্টিতে বোধগম্য হওয়া স্ককঠিন। কেননা আমাদিগের দেশে এমন কোনো পদার্থই নাই, যাহার সহিত ইহাদিগের তুলনা হইতে পারে। বোধ করি, বাগান যে আবার ত্রিতল, চারিতল, দশতল হয়, ইহাই অনেকের কল্পনা পথে আইসে না। ইহা দ্বিতল কি ত্রিতল কোটার ন্যায় এক তলের উপরি অপর তল সংস্থাপিত, এরূপ ভাবে নহে। মনে কর, কোনো অত্যুচ্চ অনরল পর্বতের নিম্নদেশে প্রথম তল, তদুপরি স্তবক দ্বিতীয় তল, তদুপরি তৃতীয় তল, এই ভাবেই উপবন সমূহের তল কথিত হইতে পারে। যিনি কখনো কোনো পর্বতের গায়ে স্তর-বিশিষ্ট শস্যক্ষেত্রের শ্রেণীপরম্পরা দেখিয়াছেন, তিনি ইহাদিগের নিৰ্ম্মাণ কৌশল কথঞ্চিৎ হৃদয়-ঙ্গম করিতে পারিবেন।

পূর্বোক্ত উদ্যানের এক প্রান্ত হইতে অপর প্রান্ত পর্য্যন্ত, ঠিক মধ্যদেশ দিয়া, ক্ষুদ্র ক্ষুদ্র জলাশয় শ্রেণী আছে; এবং এক হস্ত গভীর ও ১৮ হইতে ২৮ হস্ত পর্য্যন্ত প্রশস্ত প্রণালী দ্বারা একের সহিত অপরটী সংমিলিত। এই সমুদয় জলাশয় ও প্রণালী সূচিকর্ণ কৃষ্ণবর্ণ প্রস্তরে নির্মিত এবং বৃহৎ, বৃহৎ অতি সুন্দর কৃত্রিম উৎস (ফোয়ারা) পরিপূরিত। সমুদয়ে ১৬৭ ফোয়ারা আছে। ইহার অধিকাংশই উপরিতল অর্থাৎ

চতুর্থ তলে স্থিত । উদ্যানের পশ্চাদ্ভাগস্থ গিরিদেশ হইতে জলধারা নিঃসৃত হইয়া উপরিতন তলে প্রবেশ করিতেছে । তথাকার ফোয়ারা সমুদয়কে বিবিধ প্রকার ক্রীড়াশালী করিয়া চিত্র-বিমোহিতকর প্রপাত দ্বারা ঐ জলধারা নিম্নতলে পতিত হইতেছে । এইরূপে একাদিক্রমে সমুদয় তল পরিভ্রমণ পূর্বক উদ্যান পরিত্যাগ করিয়া বহির্দেশস্থ প্রণালীতে পতিত এবং পরিশেষে হ্রদে মিলিত হইয়া যাইতেছে ।

উপরিতন তল সর্বাপেক্ষা উচ্চ, মনোহর এবং প্রাচীর দ্বারা বেষ্টিত । ইহাতে বিচিত্র প্রস্তুত-নির্মিত বিলাস-ভবন আছে । এখানকার জলাশয় এমন প্রণালীতে নির্মিত, যে, দণ্ডায়মান হইলে কোনো স্থলে কটি, কোনো স্থলে বক্ষঃ ও কোনো স্থলে বা গ্রীবাদেশ জলে নিমগ্ন থাকে । স্তম্ভরাং পাঠক, বুঝিয়া লও, ইন্দ্রিয়স্থখাসক্ত বাদশাহগণ এস্থলে অপরূপ রূপ-লাবণ্যবতী শত শত কামিনীগণকে উলঙ্গিনী করিয়া কিরূপ নির্লজ্জ আমোদ সহকারে জলবিহার করিতেন । সমুদয় ফোয়ারা ক্রীড়া করিতেছে—তাহাদের প্রত্যেকের মুখ হইতে ভিন্ন ভিন্ন প্রকার জলধারা নিঃসৃত হইতেছে—কতক ধারা ঠিক সরলভাবে উখিত—কতক বা অতি সুন্দর বক্রভাবে পতিত । আবার কোনো কোনো ফোয়ারার মুখ অপ্রশস্ত করিয়া দেওয়াতে নিম্নলিখিত পারস্য কবিতার যাথার্থ্য প্রতিপন্ন করিতেছে ;—

হিন্মতে সাহেব দিল দর তজ্ দস্তী তজ্-নেস্ত ।

আবে কল্পরা যে তজ্ দী মাল্ বাল্ মে কুনদ্ ॥

অর্থাৎ মহানুভব লোকের সদাশয় সমুদয় বিপন্নকালে

ত্রিয়মাণ না হইয়া অধিকতর উন্নত হইয়া থাকে। যেমন ফোয়ারার মুখ যত অপ্রশস্ত করিয়া দিবে, ততই জলের ভেজ উর্দ্ধগামী হইবে।

আবার উল্লেখিত জলধারা সমুদয়ের উপরে সূর্য্যরশ্মি প্রতিবিম্বিত হওয়াতে সহস্র সহস্র ইন্দ্রধনু উৎপন্ন হইতেছে—নিষ্কিপ্ত জলকণা কতক বা উৎকৃষ্ট নীলবর্ণে, কতক বা উজ্জ্বল পীতবর্ণে, কতক বা অপর কোনো মনোহর বর্ণে শোভা ধারণ করিয়া পতিত হইতেছে—উদগত বাষ্পরাশি তরল অলক মেঘ বা কুজ্ঝাটিকার ন্যায় চারিদিক আবৃত করিতেছে—এক তল হইতে অপর তলে জল গন্তীর শব্দে পড়িতেছে—দেখিতে যে কি মনোহর, তাহা প্রকাশ করিবার শব্দ নাই। কথিত আছে, একদা শারদীয় রজনীর্ষোগে সাহ আলম বাদসাহ এই উপবনে বিহার করিতেছিলেন; এমত সময় সহসা দেখিতে পাইলেন, কোনো বৃক্ষশাখায় একটা উজ্জ্বল পদার্থ চন্দ্রকিরণে প্রতিবিম্বিত হইয়া মনোহর কিরণজাল বিস্তার করিতেছে। তদর্শনে প্রীতিপ্রফুল্ল মনে অনুসন্ধানের পর অবগত হইলেন, যে, উহা সোণার ঝগ্‌ঝগা মাত্র, কোনো পতাকাচ্যুত হইয়া বৃক্ষশাখায় সংলগ্ন রহিয়াছে। মনে মনে আন্দোলন করিলেন, যখন এক বিন্দু ঝগ্‌ঝগাতে এত বিচিত্র শোভা উৎপাদন করিয়াছে, তখন উপবনস্থ সমুদয় বৃক্ষ স্বর্ণে মণ্ডিত হইলে অনির্বচনীয় শোভা ধারণ করিবে। বাদশাহ্-দিগের যে চিন্তা, সেই কাজ। প্রধান সচিবকে আদেশ করিলেন, যে আগামী পৌর্ণমাসী রজনীতে এই উপবনের সমুদয় বৃক্ষ স্বর্ণপাতে মণ্ডিত হয়। সচিব এই আজ্ঞা কার্যে পরিণত

করিল। প্রত্যুত, অতুল ঐশ্বর্যশালী ভোগবিলাসী বাদশাহগণ
ঐদৃশ নন্দনবন সদৃশ উপবনে ইন্দ্রিয়স্বথের একশেষ করিয়া
গিয়াছেন।

[নিষাংবাগ] পারস্য ভাষায় নিষাং শব্দের অর্থ আনন্দ।
এই উপবন শালামার উদ্যানের অদূরে স্থিত এবং উহারি ন্যায়
স্বরম্য ক্রীড়াকুঞ্জ। ইহাও জর্নৈক মোগলসম্রাট দ্বারা প্রণীত।
ইহা হ্রদের পূর্বভাগের মধ্যদেশে স্থিত। চতুর্পার্শ্বে গগনস্পর্শী
সফেদাশ্রেণী এবং সম্মুখে প্রথমতলে স্বরম্য হর্ম্য থাকাতে
ইহা দূর হইতে স্পর্শাক্ষরে দৃষ্টিগোচর হয় এবং দেখিতে অতি
সুন্দর। ইহা ন্যূনাধিক সহস্র হস্ত দীর্ঘ, ৭২০ হস্ত প্রশস্ত এবং
ইষ্টক ও প্রস্তরনির্মিত অভূচ্চ প্রাচীরে বেষ্টিত। ইহা দশ তল।
উপরিতন তিন তল অপেক্ষাকৃত উচ্চতর। শালামারের ন্যায়
ইহারও মধ্যদেশ দিয়া জলাশয়শ্রেণী আছে এবং ৮ ইঞ্চ গভীর
ও ৮ হস্ত প্রশস্ত প্রণালী দ্বারা পরস্পরে মিলিত। জলাশয়
সমূহ ও প্রণালীটী সূচিকণ প্রস্তরনির্মিত এবং সমুদয়ে ১৬৪টী
ফোয়ারা আছে। যে জলধারা শালামার উদ্যানে প্রবেশ
করিয়া তথাকার ফোয়ারা সমুদয়কে জল প্রদান করিয়া থাকে,
উহারি এক প্রবাহ এস্থলে প্রত্যাবৃত্ত হইয়া তদ্রূপ প্রণালীতেই
সমুদয় ফোয়ারাকে ক্রীড়াসক্ত করে। কিন্তু এখানকার
প্রপাতগুলি ৮ হস্ত হইতে ১২ হস্ত পর্য্যন্ত উচ্চ, ঈষৎ ঢালু
এবং খোদিত নানাবিধ প্রতিমূর্তিতে শোভনীয়। স্ততরাং এক-
তল হইতে অপরতলে, জলপতনকালে অনির্বচনীয় শোভা
উৎপন্ন হয় এবং এমন গভীর শব্দ হইতে থাকে, যে, কণ
বধির করিয়া ফেলে।

ইহাতে দুইটি মনোহর বিলাসভবন আছে। একটা নিম্নতলে, অপরটা সর্বোচ্চতলে স্থিত। ইহাদিগের নিৰ্মাণকৌশল প্রশংসনীয় এবং ইহাদিগের মধ্যদেশস্থ ও চতুর্পার্শ্বস্থ ফোয়ারাশ্রেণী অতীব মনোহর।

[সোণা লং অর্থাৎ স্বর্ণদ্বীপ] ইহা হৃদের দক্ষিণ ভাগের মধ্যস্থলে এবং নিম্নাংশে হইতে ২০ মিনিটের নৌকা পথে স্থিত। জনৈক মোগলসম্রাট রূপা লঙের সহিত সমকক্ষ করিবার জন্য এই দ্বীপ নিৰ্মাণ করেন। ইহা দৈর্ঘ্যে ৮০ হস্ত, প্রস্থে ৭২ হস্ত এবং জলের উপরিভাগ হইতে প্রায় দুই হস্ত উচ্চ। ইহার চতুর্পার্শ্ব দুর্বাদলরঞ্জিত এবং অতি সরলভাবে জলের সহিত মিলিত। ইহাতে যে সমুদয় ইক্ষক ও প্রস্তরালয় ছিল, (যাহা পূর্বকালে কারাগার স্বরূপে ব্যবহৃত হইত) এক্ষণে তাহাদিগের ভগ্নাবশেষ মাত্র দেখিতে পাওয়া যায়।

[চশমাসাহী] (চশমা—উৎস) হৃদের দক্ষিণপূর্ব তট হইতে অর্ধ ক্রোশ দূরবর্তী এক অত্যুচ্চ পর্বতের পার্শ্বদেশে একটা মনোহর ক্ষুদ্র উপবন আছে। তথায় একটা অতি সুন্দর চশমা অর্থাৎ উৎস থাকিতে উহার নাম চশমাসাহী হইয়াছে। উদ্যানের দৈর্ঘ্য ২২৬ হস্ত, প্রস্থ ৮৪ হস্ত এবং চারি দিকে প্রায় ৪ হস্ত উচ্চ প্রাচীর আছে। শালামার ও নিম্নাংশে যে প্রণালীতে প্রণীত, ইহাও তদ্রূপ। ইহা ত্রিতল। উদ্যানের দক্ষিণ প্রান্তে উক্ত উৎস স্থিত। উহার জল অতিশয় স্বচ্ছ ও স্বাদু এবং এমন শীতল, যে “ জলের উঠেছে দাঁত, কার সাধ্য দেয় হাত ? ” জ্যৈষ্ঠ বা আষাঢ় মাসেও পান করা হয়। ইহার জল উপবনস্থ সমুদয় ফোয়ারাতে গমন পূর্বক

হৃদে পতিত হইতেছে। এ হলে দুইটী লড়ী অর্থাৎ কাষ্ঠনির্মিত দ্বিতল বিলাসভবন আছে।

[পরীমহল] হৃদের দক্ষিণ দিগস্থ অত্যুচ্চ পর্বতের গাত্রে ইহা স্থিত এবং তট হইতে প্রায় অর্ধক্রোশ দূরবর্তী। ইহাতে উঠিতে ২০ মিনিট লাগে। নামটী শ্রবণ করিলেই সহসা বোধ হয়, ইহা কোনো বিচিত্র রম্য স্থান হইবে। পূর্বে হয় তো তাহাই ছিল। কিন্তু দুঃখের বিষয় অধুনা ইহার সৌভাগ্য-সূর্য্য অন্তমিত হইয়াছে—এখন কেবল ভগ্নাংশ পড়িয়া রহিয়াছে। ইহা ত্রিতল। প্রত্যেক তলে এক এক স্বদীর্ঘ প্রাচীর এবং বারাণ্ডার কিয়দংশ ব্যতীত আর কিছুই নাই। জেহাঙ্গীর বাদশাহ স্বীয় গুরু আখুন মোল্লা সাহের পরামর্শে ইহাকে বিদ্যালয়ের জন্য নিৰ্ম্মাণ করেন।

পরীমহলের উপরিভাগ হইতে হৃদটী দেখিতে অতি সুন্দর। অতএব পাঠক চল, একবার ইহার সর্ব্বোপরি প্রাসাদে আরোহণ পূর্ব্বক উহার রমণীয়তা বিলোকন করা যাউক। ঐ দেখ, চারিদিকে অগাধ জলরাশি ধূ ধূ করিতেছে, মধ্যে মধ্যে ক্ষেত্র, দ্বীপ, কমলবন জলের উপর ভাসিতেছে; তটদেশে স্থানে স্থানে লোকালয় রহিয়াছে; গমনশীল তরণী (ব্যবধান জন্য) কখনো লক্ষ্য ও কখনো অদৃশ্য হওয়াতে বোধ হইতেছে, যেন গঙ্গা নদীতে শশক ভাসিতেছে; অতি দূরে হ্রদপুলিনে নদীম, শালামার, নিষাৎ প্রভৃতি উদ্যান সমূহ মস্তকোন্নত করিয়া সেন হৃদের গভীরতা একতান-নয়নে নিরীক্ষণ করিতেছে, ইত্যাকার নানাবিধ চিত্তাকর্ষণীয় পদার্থ দৃষ্টিগোচর হয়।

[খীড়] পরী মহলের বাম ভাগে হৃদতটে এই পরী। এস্থান হইতে পরীমহলে উঠিবার এক স্তম্ভ চড়াই আছে।

[সেখ সফীবাগ] এই উপবন উক্ত পরীীর নিকটবর্তী। ইহা বাদশাহদিগের দ্বারা প্রণীত নয় বলিয়া অতি সামান্য। ইহার দুই প্রান্তে জনৈক পণ্ডিতের দুইটী ইষ্ককনির্মিত অট্টালিকা আছে।

[চা'র-চেনার] পূর্বোক্ত স্থান হইতে বাম ভাগে কিয়দূরে অগ্রসর হইয়া কতিপয় ক্ষুদ্র ভাসমান ক্ষেত্র অতিক্রম পূর্বক এই স্থানে উপনীত হইতে হয়। ইহা সুপ্রশস্ত ক্ষেত্রবক্ষে স্থিত এবং কোনো ক্রীড়া উপবন নহে। ন্যূনাধিক ৩০ চতুরস্র হস্ত পরিমিত ভূমির চারি কোণে চারিটী বৃহৎ চেনার বৃক্ষ আছে। একারণ, ইহাকে চা'র-চেনার কহে। এস্থানটী অতি রমণীয় এবং ইহাতে শিবির সংস্থাপন পূর্বক বাসী অতি উপাদেয় ও প্রীতিকর।

এস্থান পরিত্যাগ পূর্বক বাম ভাগে কিঞ্চিদূর যাইলে সেই দ্রোগ্‌জন্ অর্থাৎ হৃদ দ্বারে উপনীত হইতে হয়।

চতুর্থ পরিচ্ছেদ

অদ্ভুত নৈসর্গিক ব্যাপার ।

ক্ষীরভবানী । জটগঙ্গা । চলৎশক্তি বিশিষ্ট স্বীপ । ত্রিসঙ্খ্য । কল্পসঙ্খ্য বা পবনসঙ্খ্য । কঁাস'রে কুঠ' অর্থাৎ প্রস্তরভক্ষণ গৃহ । দশক্রোশ দূরবর্তী চশমাঘরের পরস্পর সংযোগ । প্রস্তরের জলদান ।

কাশ্মীরে কতিপয় সংখ্যক অদ্ভুত নৈসর্গিক ব্যাপার আছে । উহা এমত অলৌকিক, যে, দর্শন করিলে মুগ্ধ এবং হতচ্ছান হইতে হয় । অনাদি অনন্ত বিশ্বপাতা ধরণীতলে কত স্থানে যে কত বিচিত্র ভৌতিক কাণ্ড সৃজন করিয়াছেন, তাহার ইয়ত্তা নাই । কিন্তু এক স্থলে অনেকের সমবেত দর্শন অতিশয় বিস্ময়কর । অধিকন্তু আশ্চর্যের বিষয় এই, যে, অদ্যাপি উহাদিগের (দুই একটীর ব্যতীত) প্রকৃত কারণ স্থিরীকৃত হয় নাই এবং কোনোকালে যে মনুষ্যের ক্ষীণবুদ্ধি এ বিষয়ে কৃতকার্য হইবে, এমত আশা তো এখন করা যায় না । অনেক স্থলে উষ্ণ প্রস্রবণ বা গন্ধকের আকর, অথবা অপর কিছু, কারণ স্বরূপে নিরূপিত হইয়াছে—কোনো স্থলে বা স্বার্থপর প্রতারণাজীবী পুরুষদিগের প্রবঞ্চনা প্রকাশিত হইয়াছে, কিন্তু এখানকার নৈসর্গিক ব্যাপার সমূহ এরূপ স্বভাবাপন্ন, যে, যিনি স্থায় মার্জিত বুদ্ধিবলে যত কিছু কারণ নির্দেশ করিতে প্রয়াস করিয়াছেন, তাহার একটীও প্রয়োগ-

শীল হয় নাই এবং কোনো কালে যে হইবে, এমনও বোধ হয় না। এ কারণ এখানকার লোকে এতৎসমুদয়কে ঐশিক বলিয়া স্বীকার করে এবং এই কারণেই তন্মধ্যে কয়েকটী হিন্দুদিগের তীর্থস্থান বলিয়া প্রসিদ্ধ হইয়াছে। এস্থলে পাঠক সাধারণের গোচরার্থ প্রকাশ করা উচিত, যে, আমি ইহার, অনেক গুলি চক্ষুঃ দর্শন করিয়াছি এবং সাবকাশ বিরহে বা অপর কোনো প্রতিবন্ধকতা বশতঃ যে কয়েকটী দেখিতে বঞ্চিত আছি, (সম্পূর্ণ মানস, সুবিধামতে অবশিষ্টগুলি দেখিয়া চক্ষুকর্ণের বিবাদ ভঞ্জন করিব এবং তজ্জনিত অনুপম বিশ্বায়-রসে মগ্ন হইব) তৎসমুদয়ের প্রকৃত বিবরণ (যাহা এস্থলে প্রকটিত হইতেছে) সরিদ্দান ও কুসংস্কার বর্জিত বান্ধব মহোদয়গণের মুখেই শ্রবণ করিয়াছি। তাঁহারা আপনাপন চক্ষেই সে সব দর্শন করিয়াছেন এবং তাঁহাদিগের বাক্যে বিশ্বাস না করিলে প্রত্যবায় আছে। তাঁহাদিগের দেখা ও আমার নিজের দেখা, প্রায় একই কথা। কুসংস্কারাপন্ন অন্ধ লোকে এতৎসমুদয় সম্বন্ধে যে কত অলৌকিক কাল্পনিক আখ্যায়িকা প্রকাশ করিয়া থাকে, তাহার সীমা নাই। আমি তৎসমুদয় উপেক্ষা পূর্বক প্রত্যেকের প্রকৃত বিবরণ বিবৃত করিতেছি।

[প্রথম, ক্ষীরভবানী] ইহা উত্তরভাগস্থ সায়ের মোয়াজ-পাই (নিম্ন দেশস্থ) পরগণায় স্থিত এবং শ্রীনগর হইতে সেস্থান ন্যূনাধিক তিন ঘণ্টার নৌকাপথ। শ্রীনগর অতিক্রম করিয়া বিতস্তা নদী পরিত্যাগ পূর্বক দক্ষিণ পার্শ্বস্থ প্রণালী দ্বারা গমন করা আবশ্যিক। তদনন্তর নল, হোগলা প্রভৃতি জলজলতা পূর্ণ কতিপয় জলপথ উল্লঙ্ঘন পূর্বক একটী ক্ষুদ্র

দ্বীপে উপনীত হইতে হয় । উহাতে কয়েকখানি সামান্য লোকালয় আছে । উপকূল সন্নিকটে প্রবেশ দ্বারে একটী ক্ষুদ্র কুণ্ড । উহা আনুমানিক দশ চতুরশ্র হস্ত পরিমিত এবং তিন হস্ত গভীর । মধ্যস্থলে ইষ্টক নির্মিত ক্ষুদ্র উচ্চাসনে ধ্বজপতাকা সংস্থাপিত । ইহাই ক্ষীরভবানী দেবী । ইহা হিন্দুদিগের প্রধান তীর্থ । যাত্রীগণ ক্ষীর অর্থাৎ পায়সাম্ন প্রস্তুত করিয়া ইহাতে নিষ্ক্রেপ পূর্বক দেবীর উপাসনা করিয়া থাকে, একারণ ইহার নাম ক্ষীরভবানী হইয়াছে । এখানকার আশ্চর্য্য বিষয় এই, যে, কুণ্ডের জলের বর্ণ নিয়ত পরিবর্তিত হইয়া থাকে । কোনো কোনো সময়ে অহোরাত্রি মধ্যে সবুজ, গোলাপী, রক্তিম প্রভৃতি নানাবিধ বর্ণ একাদিক্রমে দৃষ্ট হয় । আন্নার কোনো কোনো সময়ে বা একবর্ণই উপযু্যপরি বহু দিবস ব্যাপিয়া থাকে । লোকে কহিয়া থাকে, যে, যখন দেবী কুপিতা বা অপ্রসন্নাবস্থায় দীর্ঘকালব্যাপী শোণিতাক্ত মূর্তি ধারণ করেন, তখন রাজ্যমধ্যে কোনো দৈব দুর্ঘটনা উপস্থিত হইয়া প্রজাবর্গের সমূহ বিপদ উৎপাদন করে । নিষ্কিণ্ড পায়সাম্ন এবং তদাধার মুগ্ধয় পাত্রে নিম্নদেশ পূর্ণ হইয়া গেলে মধ্যে মধ্যে কুণ্ডের পঙ্কোদ্ধারও করা হয় । কিন্তু তাহাতে ইহার স্বভাবের কোনো বৈলক্ষণ্যই জন্মে না ।

অনেকে এই অদ্ভুত ব্যাপারের তথ্যানুসন্ধানে প্রবৃত্ত হইয়াছিলেন, কিন্তু কেহই কৃতকার্য্য হইতে পারেন নাই । কুণ্ডের মূর্তিকার এমন কি গুণ, যে, ক্ষণে ক্ষণে জলের বর্ণকে পরিবর্তিত করিয়া ফেলে ! জড়পদার্থ সমুদায়ের গুণাগুণ ভৌতিক নিয়মাধীন । উহা সেই নির্দিষ্ট নিয়মের সীমা তিলা-

র্দ্ধমাত্রও উল্লঙ্ঘন করিতে পারে না। নীল, পীত, লোহিতাদি
 বর্ণ সমূহ সকল স্থানে ও সকল সময়েই আপনাপন স্বাভাবিক
 গুণ প্রকাশ করিয়া থাকে এবং পরস্পরে মিশ্রিত হইলে
 এক নূতন বর্ণ উৎপন্ন করে। সুতরাং যদি জলের বর্ণ
 কোনো নির্দিষ্ট নিয়মে পরিবর্তিত, অথবা তাহাতে বিশেষ
 বিশেষ সময়েই বিশেষ বিশেষ বর্ণ লক্ষিত হইত, তাহা হইলে
 স্বীকার করা যাইত, যে, এই কুণ্ডে নানাবিধ বর্ণোৎপাদক
 দ্রব্য সংস্থাপিত আছে। কিন্তু তাহা তো নয়—সময় ও নিয়-
 মের কিছুমাত্র স্থিরতা নাই—একাধারে ভিন্ন ভিন্ন সময়ে
 ভিন্ন ভিন্ন বর্ণ একাদিক্রমে প্রত্যক্ষ হইবার কারণ কি?
 এবং কেনই বা এক এক বর্ণ অপরকে অতিক্রান্ত করিয়া দীর্ঘ-
 কাল ব্যাপিয়া থাকে? নিম্নদেশ পক্ষে পরিপূর্ণ হইয়া গেল
 তো ইহার স্বভাবের কোনো ইতর বিশেষ লক্ষ্য হয় না, ইহা-
 রই বা কারণ কি? এ সমুদয়ের সিদ্ধান্ত করা অতি দুর্লভ।
 অপর, এই কুণ্ডের নিকটে এমন কোনো পর্বত বা বৃক্ষাদি
 উচ্চ পদার্থ নাই, যাহার প্রতিবিম্বাদি দ্বারা ইহার জলের
 বর্ণের প্রতি ভ্রম জন্মিবার সম্ভাবনা। অনেকে মনে করিয়া
 থাকেন, যে, ইহাতে দক্ষিণাজীবী পুরোহিতদিগের প্রবঞ্চনা
 আছে। কিন্তু অদ্যাবধি তাহা ধৃত হয় নাই এবং একথা সম্পূর্ণ
 অসম্ভব বলিয়াই প্রতীত হয়। ঐন্দ্রজালিক নটীস্বরূপা প্রকৃতি
 দেবী ধরারূপ নাট্যশালায় যে কত সন্মোহিনী মূর্তি ধারণ
 করিয়া আমাদের দৃষ্টিভ্রম জন্মাইতেছেন, তাহার ইয়ত্তা ও
 সম্পূর্ণরূপ কারণ নির্দেশ করা মনুষ্যের সামান্য বুদ্ধির কত
 সাধ্য হইবে!

[দ্বিতীয়, জটগঙ্গা] শ্রীনগরের দক্ষিণ ভাগে ডেঁসু নামক পরগণায় বনহামা নাম্নী এক গ্রাম আছে। ইহা স্থল পথে ন্যূনাধিক পাঁচ ক্রোশ ; নৌকার পথ নাই। এস্থলে আনুমানিক ৫০ হস্ত উর্দ্ধ এক উচ্চ ভূমি আছে। উহা ঈষৎ ঢালু ও অস-রল। নানাবিধ তরু, লতা ও গুল্মমাচ্ছাদিত এবং বিহঙ্গম কুলের স্ত্রশ্রাব্য কণ্ঠস্বরে কুজিত হওয়াতে স্থানটী অতিরমণীয়। ইহার অধোভাগে ২০ হস্ত প্রশস্ত একটা নালা আছে। উহা সম্বৎসর কালই শুষ্ক থাকে। কিন্তু প্রতি বৎসর ভাদ্র মাসের শুরুপক্ষ অষ্টমী তিথিতে প্রাপ্ত উচ্চ ভূমির নানা স্থান হইতে জলবিন্দু নিঃসৃত হইয়া এই নালায় পতিত হয় এবং ইহাকে পরিপূর্ণ করিয়া দেয়। লোকে এই অবসরে মহা সমারোহ পূর্বক তথায় উপনীত হইয়া স্নানাদি করিয়া থাকে। ইহাকেই 'জটগঙ্গা' কহে।* আহা! কি আশ্চর্য্য! যে স্থান সম্বৎসর শুষ্ক, তথায় কোথা হইতে কেবল মাত্র এক নির্দিষ্ট দিবসেই যে বারিধারা দৃষ্টিগোচর হইয়া থাকে, ইহার তত্ত্ব কে নির্ণয় করিয়া দিবে ?

[তৃতীয়, চলৎশক্তি-বিশিষ্ট দ্বীপ] পূর্বোক্ত পরগণার সান্নিধ্য মাচিহামা নামক পরগণায় একটা বৃহৎ জলাশয় আছে। লোকে উহাকে 'হাকের সর' কহিয়া থাকে। এই জলাশয়ে দ্বীপাকার কতিপয় বৃহৎ বৃহৎ ভূমিখণ্ড আছে। তৎসমুদয় একরূপ দৃঢ় ও বিস্তৃত, যে, তছুপরি বৃহৎ বৃহৎ রক্ষাদি

* ঐ উচ্চ স্থান মধ্যে ষোণীখর মহাদেব বসিয়া আছেন, তাঁহারই জট হইতে কাম্বীরী নির্গত হন, এবং তদানুযায়িক অন্যান্য কথার কল্পনায় একখানি পুরাণে স্বেচ্ছা রচিত হয় নাই, ইহাই আশ্চর্য্য!

জন্মিয়া রহিয়াছে এবং গো বৎসাদি তথায় তৃণ ভক্ষণ পূর্বক বিচরণ করে। আশ্চর্যের বিষয়, যখন প্রবল বায়ু বহিতে থাকে, তখন এই সমুদয় ভূখণ্ড স্থান-ভ্রষ্ট হইয়া ইতস্ততঃ পরিচালিত হয়। তখন উহারা স্ব স্ব উপরি ভাগস্থ ঐ বৃক্ষাদি উদ্ভিদ ঐ আশ্রিত পশ্চাবলী ও তদ্রক্ষকগণকে বহন পূর্বক ভারবাহী তরণীর ন্যায় মন্দ মন্দ গতিতে গমন করে, দেখিলে যেমন বিস্ময়ান্বিত মগ্ন হইতে হয়, হর্ষে শরীর তেমনি লোমাঞ্চিত হইতে থাকে। ইহারা নিম্ন দেশস্থ মৃত্তিকা হইতে অসংলগ্ন, এজন্যই প্রবল বাত্যাঘাতে চালিত হয়। নাগরিক হ্রদের বর্ণনায় উল্লেখ করা গিয়াছে, যে, তথাকার ভাসমান ক্ষেত্র আবশ্যিক মতে মনুষ্যকর্তৃক ইতস্ততঃ আকর্ষিত ও নীত হইয়া থাকে। কিন্তু এরূপ বৃহৎ বৃহৎ বৃক্ষাদি ও মনুষ্য প্লাশু পক্ষী-সমন্বিত বিস্তৃত ভূখণ্ড বাত্যাঘাতে স্থানান্তরিত হইতেছে, এদৃশ্য যেকি পরমাত্মুত, তাহা বিজ্ঞ প্ৰাচক ধ্যান করিয়া দেখুন। শুনিয়াছি, স্বকেশ মণ্ডিত নামক স্থানে কোনো হ্রদে এই রূপ চলৎশক্তি-বিশিষ্ট দ্বীপ আছে। লোকে তৎসম্বন্ধে যে সমুদয় অদ্ভুত অলীক কল্পনা করিয়া থাকে, তাহা শুনিলে হাস্য সম্বরণ করা যায় না। কিন্তু তদ্বিষয়ের সমালোচনা এস্থলে অভিপ্রেত নহে।

[চতুর্থ, ত্রিসন্ধ্যা] দক্ষিণ ভাগস্থ ত্রিং নামক পরগণায় একটা সমকোণ চশমা অর্থাৎ কুণ্ড আছে। উহাকে লোকে সাধারণতঃ স্তম্ভবেরারি কহিয়া থাকে। এখানকার আশ্চর্য্য এই, যে, বৈশাখ মাসের মধ্য হইতে জ্যৈষ্ঠের মাঝামাঝি সময় পর্য্যন্ত প্রত্যেক দিবাভাগে ঐ কুণ্ডের সপ্তস্থান হইতে জল

বিন্দু তিনবার নিঃসৃত হইয়া কুণ্ড পূর্ণ করে এবং প্রত্যেক
বারে কিয়দগুণমাত্র থাকিয়া অবসৃত হইয়া যায় । এইরূপে
বারংবার আবির্ভূত ও তিরোহিত হয় বলিয়া হিন্দুরা ইহাকে
ত্রিসঙ্ক্যা কহে এবং তীর্থস্থান বলিয়া গণনা করে ।

[পঞ্চম, রুদ্র সঙ্ক্যা বা পবন সঙ্ক্যা] পূর্বোক্ত পরগণার
দক্ষিণ পূর্ব ভাগে সাহাবাদ নামক পরগণায় একটা ক্ষুদ্র চশমা
অর্থাৎ কুণ্ড আছে । অত্যন্ত আশ্চর্যের বিষয়, এই কুণ্ড সর্বদা
শুষ্ক থাকে । কিন্তু মধ্যে মধ্যে অকস্মাৎ জল আসিয়া কিয়দগু
মাত্র থাকিয়া অপসৃত হইয়া যায় । কখনো বা উপযুপরি
কয়েক মাস পর্য্যন্ত এইরূপই চলিতে থাকে । আবার কখনো
বা কতিপয় অহোরাত্রি এই ভাবে থাকিয়া একবারে শুষ্ক
হইয়া যায় । আবার কিছুকাল পরে স্বকীয় স্বভাবানুযায়িক
কার্য্য করিতে থাকে । একবার জল উদগত হইলে ক্ষণকাল
অবস্থিতির পর এরূপে অন্তর্হিত হয়, যে, বিন্দুমাত্রও অবশিষ্ট
থাকে না । পরক্ষণেই আবার প্রকাশিত, আবার লুকায়িত
হয় ! গণনা করিয়া দেখা হইয়াছে, যে, এই রূপে একাদশ বার
আবির্ভাব ও তিরোভাব হইয়া থাকে । এ কারণ ইহাকে রুদ্র
সঙ্ক্যা কহে । কেহ কেহ ইহাকে পবন সঙ্ক্যাও বলিয়া থাকে ।
ইহা যে হিন্দুদিগের একটা তীর্থ স্থান, তাহা বলা বাহুল্য
মাত্র । ত্রিসঙ্ক্যার ঞায় এস্থলে কোথা হইতে জল আসিয়া
এইরূপ অত্যাশ্চর্য্য জোয়ার ভাঁটা খেলিয়া থাকে, ইহা
স্থিরীকৃত করিতে অনেক স্মার্জিত বৈজ্ঞানিক মস্তিষ্ক ঘূর্ণিত
হইয়া গিয়াছে ! প্রত্যুত, এ সকল যেরূপ স্বভাবাপন্ন, তাহাতে
উহাদিগের প্রকৃত গুঢ় কারণ নির্দেশ করা দূরে থাকুক, অনু-

সন্ধানার্থ অনুমিতি বৃদ্ধি তত্ত্বপথে গমন করিতেও এককালে
দিশাহারা হইয়া পড়ে !

[ষষ্ঠ, কাঁস'রে কুঠ অর্থাৎ প্রস্তর ভক্ষণ গৃহ] প্রাপ্ত
সাহাবাদ পরগণায় এক বৃহৎ গিরিগুহা আছে। ইহার নাম
মণ্ডা। নামটী যেমন মধুর, এখানকার নৈসর্গিক ব্যাপারও
তেমনি প্রীতিকর। পাঠক ! শ্রুতিমধুর মনোহর মণ্ডা নাম
শ্রবণ পূর্বক অভ্যস্তরে প্রবেশ কর, স্নশীতল সরস উপাদেয়
ভোজ্য বস্তুতে উদর পূরণপূর্বক তৃপ্তি লাভ হইবে। কিম্বদন্তী
আছে, যে, ইহাতে প্রবেশ পূর্বক ইহার অভ্যস্তরস্থ পদার্থ ভক্ষণ
করিলে ঠিক বরফের ন্যায় শীতল স্বাদ অনুভূত হয়। কিন্তু কি
আশ্চর্যের বিষয় ! উহা ভক্ষণ করিতে করিতে বহির্দেশে
আসিলে আর সে শীতল বরফ থাকে না—এরূপ দৃঢ় প্রস্ত-
রাকারে পরিণত হইয়া যায়, যে, আর তাহাতে কাহার সাধ্য
দস্তশ্ফুট করে ? ছুঃখের বিষয়, উপরিভাগ হইতে এক বৃহৎ
প্রস্তর খণ্ড পতিত হইয়া অধুনা তাহার প্রবেশ দ্বার সম্পূর্ণ-
রূপে রুদ্ধ হইয়া গিয়াছে। স্ততরাং তন্মধ্যে আর প্রবিষ্ট
হওয়া যায় না, কিন্তু অর্ধভুক্ত হিমশিলা দ্বারদেশের ইতস্ততঃ
স্পড়িয়া রহিয়াছে, দেখিতে পাওয়া যায়। অনুমান হয়, এই
গুহাভ্যস্তর অতি গভীর, নিবিড়াকার ও যৎপরোনাস্তি
শীতল। আগস্তক ব্যক্তি প্রবেশ মাত্রেই হয় তো শিথিলাঙ্গ
ও চৈতন্যশূন্য প্রায় হইত। স্ততরাং ভক্ষণ কালে গহ্বরস্থ
যুতিকার প্রকৃত স্বাদ অনুভব করিতে পারিত না। অথবা
সূর্যাতপ ও বায়ু বর্জিত গুহাভ্যস্তরস্থ পদার্থ সমুদয় নীহার-
ক্রারে পরিণত হইবে আশ্চর্য্য কি ? পরে ভুক্ত দ্রব্য বহির্দেশে

অনীত হইলে বায়ু সংশ্রবে দৃঢ় হইয়া যায় । যদিও ইহার কারণ এইরূপে অনুমিত হইতে পারে এবং ইহাই প্রকৃত বলিয়া বোধ হয়, তথাপি এই ব্যাপারটী কতদূর অদ্ভুত তাহা পাঠকগণ অনুভব করুন ।

[সপ্তম, দশক্ৰোশ দূরবর্তী চশমাঘরের থরস্পার সংযোগ]
দক্ষিণ বিভাগস্থ দেবসর নামক পুরগণায় বাসুকিনাগ নামে এক চশমা অর্থাৎ কুণ্ড আছে । বসন্তকালের আগমন হইতে শস্ত্র পরিপক্ব হইবার সময় পর্যন্ত এই চশমা জলে পরিপূর্ণ থাকে । এই সময় অতিবাহিত হইয়া গেলে আর ইহাতে বিন্দুমাত্রও জল থাকে না । ঐ জল ইহা হইতে অপসৃত হইয়া পীর-পঞ্জাল পর্বতশ্রেণীর অপর পার্শ্বস্থ গোলাবগড় নামক চশমা পূর্ণ করে । তথায় ছয়মাস অবস্থিতির পর তাহাকে পরিত্যাগ করিয়া পুনরায় এস্থলে আসিয়া আবির্ভূত হয় । এইরূপে এক এক চশমাতে বার্ষিক ক্রীড়া করিতে থাকে । এই চশমাঘরের পরস্পর দূরতা ন্যূনাধিক দশক্ৰোশ হইবে । এবং উভয়ের মধ্যে অভেদ্য পীর ভূধর ও কত কত স্রোতস্বতী, কানন, লোকালয় প্রভৃতি ব্যবধান রহিয়াছে । স্মরণ্য ইহা-দিগের পরস্পর সংযোগ যে কতদূর আশ্চর্য্য তাহা বলিবার শব্দ নাই । অপর, যদিও এই সংযোগ কল্পিত বলিয়া মনে করা যায়, তথাপি উহারা যে পর্য্যায়ক্রমে এবং নিয়মিত রূপে ছয়মাস শুষ্ক ও ছয়মাস পূর্ণ থাকে, তাহারই বা কারণ কি ? বোধ হয়, এ প্রশ্নের উত্তরে কেবল এই মাত্র বলাই সম্ভব, যে, যে অনন্ত-জ্ঞান অচিন্ত্য-শক্তি পূর্ণ-পুরুষ অনুপম কৌশল-পূর্ণ এই অখিল ব্রহ্মাণ্ড সৃজন করিয়াছেন, ইহার নিশ্চিত

একটী রেণু হইতে অসংখ্য গ্রহ উপগ্রহ পর্য্যন্ত সকলই পর-
মাত্মত, তিনিই বলিতে পারেন, পৃথিবীর কোন্ স্থানে কিরূপ
অদ্ভুত ব্যাপার কি প্রয়োজনে সংযোজন করিয়া রাখিয়াছেন !

[অষ্টম, প্রস্তরের জলদান] উত্তরপূর্ব ভাগস্থ লার পর-
গণায় একখণ্ড বৃহৎ প্রস্তর আছে । উহার নাম হলদর ।
উহার সন্নিহিতে গমন পূর্বক “ হলদর জল দেও ” বলিয়া
কয়েকবার উচ্চৈঃস্বরে জল ভিক্ষা করিলেই হলদর স্বীয় স্তম্ভী-
তল গাত্র হইতে বিন্দু বিন্দু পরিমাণে জলদান করিয়া থাকে ।
এই ব্যাপারটী যে কতদূর অদ্ভুত, তাহা সকলে সহজেই হৃদ-
য়ঙ্গম করিতে পারেন—আমার বলিয়া দেওয়া বাহুল্য !

পঞ্চম পরিচ্ছেদ ।



কাশ্মীরের পূর্ববিভাগ ।

প্রথম অংশ ।

দৌড়দার কঙ্কার উৎপত্তি । রাম মুনসি বাগ । পাণ্ডুন । পাম্পুর—কেশ-
রের জন্মস্থান । ফুক নাগ ও কাদীশ নাগ । অবন্তীপুর । সমা গং । বিজ্
বেহাড়া । খান বল । অনন্তনাগ বা ইসলামবাদ । মার্ত্তণ্ড বা মটন । বায়ন ।
চুমজু গুহা ।

যে সমুদয় দ্রষ্টব্য স্থানের নাম দ্বারা এই অধ্যায়ের শিরো-
দেশ অঙ্কিত করা গেল, ঐ সকল দেখিতে গেলে খানবল
পর্য্যন্ত নৌকাপথে এবং অবশিষ্ট ভাগ (যাহা অধিকতর রম-
ণীয়) স্থলপথেই গমন করিতে হয় ।

শ্রীনগর পরিত্যাগ পূর্বক মুনসিবাগ (যথায় ইংরাজ-দিগের নিমিত্ত বিরামভবন নির্মিত আছে) অতিক্রম করিয়া উজান যাইতে হইলে আদৌ কতিপয় বাঁক দৃষ্ট হয় । কোনো উচ্চ স্থান হইতে দেখিলে উহা যেন দৌড়দার কঙ্কা, এমন স্পষ্ট প্রতীতি জন্মে এবং উহা দেখিয়াই যে ছোড়দার কঙ্কার সৃষ্টি হইয়াছে তাহাও মনে লাগে । এস্থানে বিতস্তানদী এমন বক্র-গতিতে গমন করিয়াছে এবং পূর্ববর্ণিত শঙ্করাচার্য্যের টিক্বার স্থিতি-ভাব এরূপ আশ্চর্য্য, যে, কয়েক ক্রোশ পর্য্যন্ত যতই অগ্রসর হই এবং যেস্থান হইতেই দেখি, টিক্বাটী অমনি সেই দিগেই যেন সম্মুখে দণ্ডায়মান রহিয়াছে !

[রামমুনসিবাগ] কিয়দূর গমন করিলেই এই উপবন । ইহাতে সেউ, নাসপাতি, তুঁত, আঙ্গুর প্রভৃতি স্বস্বাছু ফলের বহুসংখ্যক বৃক্ষ আছে । স্বতরাং স্থানটী অতি রমণীয় এবং এখানে শিবির স্থাপন পূর্বক বাস অতি প্রীতিকর ।

[পাণ্ডুতন] বোধ হয়, “ পুরাতন আদি স্থান ” শব্দের অপভ্রংশ । ইহা একদা কাশ্মীরের রাজধানী ছিল । কাশ্মীরের পুরাতন পাঠে অবগত হওয়া যায়, যে, স্বপ্রসিদ্ধ নৃপতি চন্দ্র-গুপ্তের পৌত্র অশোক (যিনি খৃষ্টাব্দের ২৬৩ পূর্ব হইতে ২২৬ বৎসর পর্য্যন্ত রাজত্ব করেন) এই স্থানে একটী অত্যাৎ-কৃষ্ট মন্দির স্থাপন করেন । এবং ইহাতে বুদ্ধের এক দন্ত রক্ষিত ছিল । অনন্তর ৬৩০ খৃষ্টাব্দে কাণ্যকুজাধিপতি অভি-মন্যু অগ্নি সংযোগে এই জনপদ একবারে উচ্ছিন্ন করিয়াছেন । অদ্যাপি অনেকানেক দেওয়ালয় ও হর্ম্যের ভগ্নাংশ চারিদিকে নিক্ষিপ্ত রহিয়াছে এবং অনুমান ৮০ চতুরশ্র হস্ত পরিমিত

কুণ্ডের মধ্যে প্রস্তরনির্মিত একটা অত্যাশ্চর্য ও অতি প্রাচীন দেবালয়ও দেখিতে পাওয়া যায়। বোধ হয়, ইহা কুণ্ডের মধ্যে স্থিত বলিয়া হতাশনের সর্ব-ভোগ্য প্রভাব হইতে নিস্তার পাইয়া থাকিবে।

[পাম্পুর—কেশরের (জাফরান) জন্মস্থান] ইহা নদীর দক্ষিণতটে স্থিত। শ্রীনগর হইতে ইহা স্থলপথে চারি ক্রোশ। কিন্তু নদীর গতি অতিশয় বক্র এবং উজান আসিতে হয় বলিয়া নৌকা দ্বারা ছয় বা সাত ঘণ্টা লাগে। এক সহস্র বৎসরাধিক হইল, পদ্ম নামে জনৈক নরপতি এই নগর স্থাপন করেন। পূর্বে ইহার নাম পদ্মপুর (পদম্পুর) ছিল। আধুনিক পাম্পুর উক্ত নামের অপভ্রংশ এবং উহার পূর্বতন গৌরবের ধ্বংসাবশেষ মাত্র। এই স্থানে কেশরের বিচিত্র ক্ষেত্র আছে। কার্তিক মাসে উহার পুষ্প প্রস্ফুটিত হইলে অনুপম শোভা উৎপন্ন হইয়া থাকে। কেশর অর্থাৎ জাফরাণের ক্ষেত্র-সংস্করণ, বীজ-বপন, পুষ্প উদ্যমান এবং জাফরাণ আহরণ অতীব বিস্তারিত ব্যাপার। স্বতন্ত্র অধ্যায়ে তাহার সবিশেষ বর্ণনা করা যাইবে।

[ফুকনাগ ও কালীশনাগ] পাম্পুরের উত্তর-পূর্ব ভাগে স্থলপথে ন্যূনাদিক দেড়ক্রোশ দূরে এক ক্ষুদ্র পল্লী আছে। তথায় তিনটা ধাতু-মিশ্রিত এবং একটা পরিষ্কার জলময় উৎস দৃষ্ট হয়। প্রথমোক্ত তিনটিকে ফুকনাগ কহে। উহাদিগের জল গন্ধক-বিশিষ্ট। গন্ধ দ্বারা দূর হইতেই উহাদিগের স্থিতি অনুভব করিতে পারা যায়। উক্ত পল্লীর দক্ষিণ ভাগস্থ পাহাড়ের তলদেশের তিন স্থান হইতে জল নিঃসৃত

হইয়া এক ক্ষুদ্র প্রণালীতে পতিত হইতেছে । প্রণালী প্রস্তর
নির্মিত, এক ফুট গভীর ও এক ফুট প্রশস্ত । উহাতে ক্ষুদ্র
ক্ষুদ্র মৎস্য আছে । এই প্রণালী দিয়া জল নির্গত হইয়া
অনুমান ষষ্ঠি হস্ত দূরবর্তী মহম্মদ শার কার্শ্বনির্মিত প্রাচীন
জেয়ারতের মধ্য দিয়া গমন করতঃ প্রবাহিত হইতেছে ।

ঐ পরিষ্কার জলের উৎসটিকে কালীশ নাগ কহে । ইহা
ফুকনাগ হইতে অল্পদূরবর্তী এবং পূর্বোক্ত পাহাড়ের পশ্চিম
দিক হইতে নির্গত । ইহার জল একটা কুণ্ডে পতিত হই-
তেছে । কুণ্ডটী এক ফুট গভীর, সমকোণ ও এক এক দিকে
বিংশতি হস্ত পরিমিত । ইহার চতুঃপার্শ্ব প্রস্তর নির্মিত ।
ইহাতেও ঐরূপ মৎস্য আছে । ইহা হইতে জল নিঃসৃত
হইয়া পূর্বোক্ত জেয়ারতের পশ্চিম ভিত্তির নিম্ন ভাগ দিয়া
গমন করতঃ ফুকনাগের সহিত মিলিত হইয়াছে এবং দক্ষিণ-
বাহী হইয়া অন্য দিগে চলিয়া গিয়াছে ।

ফুকনাগের জলে লৌহ ও গন্ধকের অধিক পরিমাণ আছে ।
এ কারণ উহা অতিশয় স্বাস্থ্যকর ও ভৈষজ্য-গুণ-বিশিষ্ট ।
যে সমুদয় বিখ্যাত ডাক্তার ইহার জল পরীক্ষা করিয়া দেখি-
য়াছেন, তাঁহারা কহেন, যে, ইহার জল পান ও ইহাতে স্নান
করিলে বহুকালব্যাপী বাতরোগ, কুষ্ঠ, কণ্ডু ও বিবর্ণতা প্রভৃতি
ত্বক্ব্যাধি, শারীরিক দৌর্বল্য, রক্তাতিসার ও আমাশয়াদি
উদর পীড়া এবং প্লীহারোগ প্রভৃতি উৎকট উৎকট ব্যাধি
উপশম হইয়া থাকে ।

[অবস্খীপুর] ইহা দক্ষিণ তটে স্থিত । ত্রীনগর হইতে
স্থলপথে ১৭ মাইল ; নৌকাপথে গেলে ১৫ পঞ্চদশ ঘণ্টা

লাগে। নরপতি অবন্তী বর্ষা ইহা স্থাপন করেন বলিয়া ইহার নাম অবন্তীপুর হইয়াছে। ইহাও এককালে কাশ্মীরের রাজধানী ছিল। ভগ্নাংশ সমূহ দেখিয়া স্পষ্ট প্রতীতি হয়, যে, ইহা প্রাচীর দ্বারা পরিবেষ্টিত এবং অতি উৎকৃষ্ট জনপদ ছিল। কিন্তু বর্তমান সময়ে কতিপয় মন্দিরাদির অবশিষ্টাংশ ব্যতীত আর কিছুই নয়নগোচর হয় না।

[সমা থং] কিয়দূর অগ্রসর হইয়া বামতটে এক উচ্চ গিরি দেখিতে পাওয়া যায়। উহার শিখর দেশে একটা অতি প্রাচীন মন্দির আছে। উহাকেই সমা থং কহে। লোকে কহিয়া থাকে, যে, যখন কাশ্মীর প্রদেশ জলে মগ্ন ছিল, তখন মহাত্মা কশ্যপ এই স্থানে যোগাসনে বসিয়া সহস্র সহস্র বৎসর অতিবাহিত করেন।

[বিজ্বেহাড়া] বোধ হয়, ইহা “বিদ্যাবিহার” শব্দের অপভ্রংশ হইবে। এই প্রাচীন জনপদ অবন্তীপুর হইতে চারি ক্রোশ দূরবর্তী। কিন্তু নৌকা করিয়া যাইতে হইলে ন্যূনাদিক দশ ঘণ্টা লাগে। এস্থানে একটা কাষ্ঠনির্মিত সেতু আছে। খৃষ্টাব্দের ২৫০ বৎসর পূর্বে অশোক রাজা এই স্থলে একটা উৎকৃষ্ট মন্দির নির্মাণ করিয়াছিলেন। কিন্তু মুসলমানদিগের শাসনকালে সিকন্দর নামা জর্নৈক শাসনকর্তা উহা ধ্বংস করিয়া উহার প্রস্তরাদিতে মসজিদ প্রস্তুত করেন। মহারাজা গোলাপ সিংহ উক্ত মসজিদ নষ্ট করতঃ অপর এক মন্দির নির্মাণ পূর্বক ধর্মের বিজাতীয় প্রতিশোধ লইয়াছেন। নগর অতিক্রম করিয়াই এক অভ্যুত্তম ক্রীড়া উপবনের চিহ্ন নয়নগোচর হয়। ভগ্নাংশ দেখিয়া স্পষ্ট বুঝা যায়, ইহা

মদীর উভয় তট পর্য্যন্ত বিস্তৃত এবং প্রস্তর-নির্মিত সেতু দ্বারা সংযুক্ত ছিল।

বিজ্বেহাড়া পরিত্যাগ করিয়া যতই পুরোবর্তী হওয়া যায়, ততই বিতস্তানদী প্রস্থে ও গভীরতায় হ্রাস হইয়া আসিয়াছে। কিয়দ্দূরে (খান্বলের দুই এক মাইল থাকিতে) লিঙ্গর নদী দুই স্ববিস্তৃত শাখা বিস্তার দ্বারা উহার সহিত মিলিত হইয়াছে।

[খান্বল] ইহা বিতস্তানদীর দক্ষিণতটে স্থিত এবং অতি ক্ষুদ্র পল্লী। বিজ্বেহাড়া হইতে ইহা প্রায় ৪ মাইল। কিন্তু জলপথে প্রায় ৩ ঘণ্টা লাগে। এস্থলেও একটা কার্ঠনির্মিত সেতু আছে। ইহা অতিক্রম করিয়া নদী অতি অগভীর বলিয়া নৌকা আর যাইতে পারে না। একারণ, পর্য্যটকদিগকে স্থলপথেই গমন করিতে হয়। বন্থহাল পথ দিয়া কাশ্মীরে আসিলে এই স্থানে নৌকারোহণ পূর্ব্বক শ্রীনগরে যাইতে হয়।

[অনন্তনাগ বা ইস্লামাবাদ] অতি প্রাচীন কালাবধি হিন্দু রাজাদিগের শাসনসময়ে এই জনপদের নাম অনন্তনাগ ছিল। পরে মুসলমান অধিপতির ইহার নাম ইস্লামাবাদ রাখেন এবং এই নামে ইউরোপীয় সমাজে ও ভূগোল গ্রন্থে খ্যাত হইয়াছে। ইহা খান্বল হইতে প্রায় এক মাইল দূর-বর্তী, অতি প্রাচীন জনপদ এবং বন্থহাল পথের শেষ আড্ডা। কয়েকটা অত্যুত্তম উৎস থাকাত্তে এই স্থানটী অতি রমণীয়। উহাদের মধ্যে অনন্ত-নাগই সর্ব্বোৎকৃষ্ট।

অনন্তনাগ এক পাহাড়ের তলদেশ হইতে নিঃসৃত হইয়া এক কুণ্ডে পতিত হইতেছে। কুণ্ডটী ৫৫ চতুরস্র ফিট পরি-

মিত এবং প্রায় তিন ফিট গভীর। ইহার চতুষ্পাশ্ব কৃষ্ণবর্ণ প্রস্তরে বাঁধানো। এই অগভীর জলে অসংখ্য অসংখ্য মৎস্য নির্ভয়ে কেলি করিয়া বেড়াইতেছে, দর্শকদিগের প্রদত্ত ময়দা, চাউল, রুটি বা লুচি প্রভৃতি আহার করিবার নিমিত্ত এক স্থলে সহস্র সহস্র একত্র হইতেছে, এক অংশ লইয়া অনেকগুলি পরস্পরে কলহ করিতেছে—দেখিতে অতি বিচিত্র। উহাদিগকে ধৃত করিলে রাজদ্বারে দণ্ডিত হইতে হয় এবং কেই বা এমন পায়র আছে, যে, এই সুদৃশ্য ও লোচনানন্দদায়ক জীবদিগকে ধরিয়া আপন উদরপূর্তির লালসা রাখে? পঞ্চাশ ফিট দীর্ঘ ও সার্ক সাত ফিট প্রশস্ত এক প্রণালী দ্বারা উক্ত কুণ্ড হইতে জল নির্গত হইয়া দ্বিতীয় কুণ্ডে পড়িতেছে। এই জলাশয়ও প্রথমোক্তের ন্যায় অতি মনোহর, বরং উহা অপেক্ষা কিঞ্চিৎ বৃহৎ। ইহাতেও অনেক মৎস্য আছে। অনন্তর আর একটা প্রণালী দ্বারা ইহার জল নির্গত হইয়া ৭ ফিট উচ্চ ও ৭ ফিট প্রশস্ত অতি সুন্দর প্রপাত পৃষ্ঠে সংলগ্ন ভাবে অতি প্রখর বেগে উপবনের বহির্দেশে পতিত হইতেছে। এই প্রপাতের উপরিভাগে উত্তম বিশ্রাম-ভবন আছে।

অনন্তনাগের পূর্বভাগে কতিপয় পাদ দূরে আর একটা উত্তম উৎস দেখা যায়। উহা গিরিতল হইতে নিঃসৃত হইয়া এক কুণ্ডে পতিত হইতেছে। ইহার জল অতিশয় স্বাদু ও স্বাস্থ্যকর এবং প্রণালী দ্বারা ইস্লামাবাদের অনেক স্থানে নীত হয়। এই কুণ্ডে আরো দুইটা উৎস আসিয়া সংমিলিত হইয়াছে। উহার মধ্যে একটীর জল মূলদেশে বিশ্বাকারে যেন ফোয়ারা

হইতে নির্গত হইতেছে এবং অতিশয় নির্মল ও স্বাচ্ছন্দ্য। অপরটির জল ঈষৎ গন্ধকময় এবং পূর্ববর্ণিত ফুকনাগের জলের ন্যায় ভৈষ্ণব্যগুণ-বিশিষ্ট ।

[মার্ভগু বা মটন] অনন্তনাগের উত্তরে পাঁচ মাইল দূরে ইহা স্থিত । ইহা হিন্দুদিগের অতি প্রসিদ্ধ তীর্থ । আমাদিগের দেশে যেমন গয়াধামে স্বর্গগত পিতৃলোকের শ্রাদ্ধ ও পিণ্ডদানাদি করে, এখানেও কাশ্মীরীরা এবং আগস্তক হিন্দু-মাত্রেই তক্রপ করিয়া থাকে । এখানকার জীর্ণ-দেবায়তন অতি বিচিত্র ও বিস্ময়কর । কোন্ কালে যে ইহা নির্মিত হয়, তাহা নিশ্চয় করা স্ককঠিন । কিন্তু বোধহয়, ইহা পাণ্ডবদিগের একটা অক্ষয় কীর্তি এবং এই কারণেই কাশ্মীরীরা ইহাকে পাণ্ডুলড়ী কহে । ভিগ্নি সাহেব এতৎসম্বন্ধে লিখিয়াছেন, যে, এই প্রাচীন দেবালয় কেবলই যে কাশ্মীর প্রদেশের উৎসাদনের মধ্যে সর্বশ্রেষ্ঠ এমত নহে, পৃথিবীর সর্বত্র যে সমুদয় পূর্বকালীন স্থপতি বিদ্যার অতুৎকৃষ্ট চিহ্ন দেখিতে পাওয়া যায়, ইহা তত্তাবতের অগ্রগণ্য । এস্থান হইতে কাশ্মীরের শোভা কি রমণীয় দেখায় !

[বায়ন] মার্ভগু হইতে দেড় মাইল দূরে এই ক্ষুদ্র পল্লী । এস্থলে একটা উৎকৃষ্ট উৎস আছে । ইহাও হিন্দুদিগের এক প্রধান তীর্থ । উৎসটা অনন্তনাগ অপেক্ষা অনেক বৃহৎ এবং গিরিতল হইতে নির্গত হইয়া উহার ন্যায় একাদিক্রমে অনেকগুলি কুণ্ড ও প্রণালী বাহিয়া প্রবাহিত হওতঃ বহির্দেশস্থ মনোহর চেনার উপবনের মধ্য দিয়া ১৫ ফিট নীচে

এক জলাশয়ে পতিত হইতেছে। অনন্তনাগের সদৃশ এখানকার জলাশয়নিচয়ে স্ফূট মৎস্ত আছে।

[ভূমজু গুহা] ইহাও হিন্দুদিগের প্রসিদ্ধ তীর্থ এবং পূর্বোক্ত পল্লীর অনতিদূরে স্থিত। এস্থলে কতিপয় ক্ষুদ্র ক্ষুদ্র এবং দুইটা অতি দীর্ঘ ও অদ্ভুত গিরিকন্দর আছে। ক্ষুদ্র ক্ষুদ্র গুলি দেখিয়া স্পর্শ প্রতীতি হয়, উহা পুরাকালিক যোগীদিগের আবাসস্থল ছিল। অপর দুইটা এমন বিচিত্র, যে, উহা হয় নিসর্গোৎপন্ন নয় মহাবলাক্রান্ত দ্বিতীয় পাণ্ডব ভীমসেন অথবা তৎসদৃশ কোনো মহাপুরুষ কর্তৃক রচিত। প্রথম গুফা এমন দীর্ঘ ও নিবিড় অন্ধকারাচ্ছন্ন, যে, দীপালোক ব্যতীত ইহাতে প্রবেশ করা যায় না। একারণ নিকটবর্তী পল্লী হইতে প্রকাণ্ড প্রকাণ্ড মণ্ডল সংগ্রহ করা আবশ্যিক। ইহাকে কালদেবের গুফা কহে। প্রথমে কয়েকটা অসরল সোপান শ্রেণী দ্বারা ৪০ ফিট উর্দ্ধে আরোহণ করতঃ প্রবেশ দ্বারে উপনীত হইতে হয়। ইহা উর্দ্ধে ৬১০ ফিট এবং প্রস্থে ৩১০ ফিট। কন্দরাত্যস্তর ন্যূনাধিক দেড়শত হস্তের পর এমন সংকীর্ণ, যে, আর অগ্রসর হওয়া যায় না। স্মতরাং ইহার প্রকৃত দৈর্ঘ্য নির্ণয় করা নিতান্তই অসম্ভব। অনেকে কহিয়া থাকে, যে, ইহার অন্ত নাই। ইহাতে বিস্তর বাছড় বাস করে। স্থানে স্থানে ছাদ হইতে জলবিন্দু নিপতিত হইয়া সুন্দর সুন্দর বিবর নির্মিত হইয়াছে। প্রবেশ দ্বার হইতে কিয়দূর গমন করিয়া বামভাগে এক সংকীর্ণ পথ পাওয়া যায় এবং এস্থান হইতে অনুমান ৪০ হস্ত দূরে এক ক্ষুদ্র গোল প্রাকোষ্ঠ দৃষ্ট হয়। কয়েক বৎসর হইল, ডাক্তার ইন্স

সাহেব ইহাতে মনুষ্যকাল দেখিয়াছিলেন । প্রত্যুত, এই কন্দর এবং পশ্চাল্লিখিত গুহাটী এমনি বিচিত্র, যে, ইহা-দিগকে চতুর্থ পরিচ্ছেদ অর্থাৎ অদ্বিত নৈসর্গিক ব্যাপার অধ্যায়ের অন্তর্গত করা যাইতে পারিত ।

এই গুহার সন্নিকটে আর একটী রমণীয় গুফা আছে । অনুমান এক শত ফিট উর্দ্ধে আরোহণ পূর্বক উহাতে প্রবেশ করিতে হয় । প্রবেশদ্বার ১০ ফিট উচ্চ, ১০ ফিট প্রশস্ত এবং অপূর্ব খিলানবিশিষ্ট । কন্দরটী ন্যূনাধিক ৪৮ ফিট দীর্ঘ, ২৭ ফিট প্রশস্ত এবং ১৩ ফিট উচ্চ । ইহা অতি পরিপাটী । ইহার মধ্যভাগে একটী প্রস্তরনির্মিত উৎকৃষ্ট দেবালয় আছে । এই কন্দরের অনতিদূরেই এক জেয়ারৎ অর্থাৎ মসজিদ এবং একটী গোর দৃষ্ট হয় । এস্থান হইতেও সৃষ্টির শোভা অতি রমণীয় ।

দ্বিতীয় অংশোক্ত এই গুহা বিলোকনানন্তর অনন্তনাগে প্রত্যাগমন পূর্বক নিম্নলিখিত স্থান সমুদয় দর্শন করা উচিত ।

পঞ্চম পরিচ্ছেদ ।

দ্বিতীয় অংশ ।

আচ্ছাবল । কুড়ুনাগ । বৈরনাগ । কৌশানাগ । হীম বা হরবল ।

[আচ্ছাবল] ইহা অভ্যুৎকৃষ্ট চশমা অর্থাৎ উৎস । ইহা অনন্তনাগের পূর্বভাগে ছয় মাইল দূরবর্তী । এই উৎস একটী অভ্যুত্তম প্রাচীন ক্রীড়াউপবনের উপরিতন প্রান্তে স্থিত । উদ্যানে অনেক সুস্বাদু ফলের বৃক্ষ, বৃহৎ চেনার মহীকুহ এবং

কতিপয় জীর্ণ হ্রদ আছে। জেহান্গীর বাদশাহ ইহা নিৰ্মাণ করেন এবং প্রাণাপেক্ষা প্রিয়তমা পরমা সুন্দরী নূরমহল (নূর জেহান) বেগমকে লইয়া ইহাতে সৰ্ব্বদা বিলাসসুখ অনুভব করিতেন। উৎসের জল অতিশয় শীতল এবং অনেক ছিদ্র দ্বারা নিৰ্গত হইয়া বাইতেছে। একটা ছিদ্র অতি বৃহৎ। উহা হইতে যে জলপ্রবাহ নিঃসৃত হইতেছে, তাহার আয়তন এক ফুট এবং প্রবাহ দেড় ফিট উর্দ্ধে উঠিতেছে, স্তরাং দেখিতে অতি সুন্দর। শালামার প্রভৃতি উপবনের ঞায় ইহার জল কতিপয় প্রণালী, জলাশয় ও প্রপাত দ্বারা প্রবাহিত হইয়া বহির্দেশে পতিত হইতেছে।

বাদশাহদিগের অধিকার কালে এই ক্রীড়া উপবন যে কিরূপ পরিপাটী ও মনোহর ছিল, তাহা পাঠকগণ অন্বেষণে হৃদয়ঙ্গম করিতে পারেন। ১৬৬৪ খৃষ্টাব্দে বার্নিয়্যার সাহেব এতদর্শনে এই রূপ বর্ণনা করিয়াছেন—“আচ্ছাবল মোগল সম্রাটদিগের উপনগরীয় মনোহর বাসস্থান। একটা উৎস জন্ম স্থানটা আরো রমণীয়। উহার জল উপবনস্থ প্রাসাদের চারিদিকে প্রবাহিত হইয়া শত শত ধারাতে বহির্গমন করিতেছে। উহা সমতলভূমি হইতে এত প্রবলবেগে এবং সহস্র সহস্র ধারাতে উর্দ্ধোদ্ধিত হইতেছে, যে, উহা উৎস অপেক্ষা নদী নামেই বাচ্য হইতে পারে। উহার জল অতি প্রশংসনীয় এবং এমন শীতল; যে, উহাতে হাত রাখা যায় না। উপবন গ্রাম্য প্রকৃতির সমুদয় শোভাবিশিষ্ট। বক্রপথমালা; সেউ, বাদাম প্রভৃতি সুস্বাদু ফলের বৃক্ষশ্রেণী; নানা প্রকারের ফোয়ারা; মৎস্যপূর্ণ জলাশয় এবং সৰ্ব্বাপেক্ষা সুন্দর

অত্যুচ্চ জলপ্রপাত থাকাতে স্থানটী অতি চিত্তবিমোহিতকর । অতি উর্দ্ধ স্থান হইতে প্রপাতের জল পড়িতেছে । বিশেষতঃ রাত্রিকালে যখন উহার উপরিস্থ প্রাকারের উপর দীপমালা প্রজ্জ্বালিত হয়; তখন উহার দৃশ্য নিতাস্তই মনোমুগ্ধকর । আমি এই স্থান ত্যাগ করিয়া অদূরবর্তী অপর এক মন্সোহর উপবন দেখিতে গেলাম । উহা আচ্ছাবলের ন্যায় প্রীতিকর ও মনোমোহন । উহার জলাশয় সমূহের মধ্যে একটীতে বৃহৎ বৃহৎ মৎস্য আছে । উহাদিগকে ডাকিলে অথবা রুটী নিক্ষেপ করিলে উহারা জলের উপর আসিয়া দেখা দেয় । তখন দেখিতে পাওয়া যায়, বড় বড় মৎস্যের নাসিকাতে স্বর্ণের মাকড়ি ঝুলিতেছে এবং উহাতে পারসীক উৎকীরণ আছে । জেহাঙ্গীর বাদশাহের প্রাণেশ্বরী নূরমহল উহাদিগকে এই অলঙ্কার পরাইয়া দিয়াছিলেন । ” কিন্তু দুঃখের বিষয়, উহা এক্ষণে অদৃশ্য হইয়াছে ।

[কুক্কুড় নাগ] আচ্ছাবলের দক্ষিণ পূর্ব ভাগে আট মাইল দূরে এই নাগ অর্থাৎ উৎস আছে । ইহা একটী উৎস নহে—কতিপয় অবিরল উৎসের সমাবেশ মাত্র । গিরিতলের ছয় স্বতন্ত্র স্থান হইতে জল নিঃসৃত হইয়া কয়েক পাদ দূরে একত্র মিলিত হইয়াছে এবং ন্যূনাধিক ১২ ফিট প্রশস্ত প্রণালীর আকারে পরিণত হইয়া প্রবাহিত হইতেছে । এই জল অতিশয় স্বচ্ছ ও শীতল ।

[বৈরনাগ] ইহা কুক্কুড়নাগ হইতে ৭১০ মাইল দূরে স্থিত এবং বনহালপথের একটী আড্ডা । এস্থান হইতে অনন্তনাগে যাইবার যে স্বেগম পথ আছে, তাহার সবিশেষ বিবরণ পূর্বে প্রকাশ করা গিয়াছে ।

বৈরনাগ অতি রমণীয়, উৎকৃষ্ট ও সর্বাপেক্ষা প্রসিদ্ধ উৎস। ইহাকে উৎস না বলিয়া প্রকৃত জলাশয় নামেই বাচ্য করা যাইতে পারে। কারণ, এই জলাশয়রূপী উৎসের জলাধার অষ্টকোণ-বিশিষ্ট, প্রায় ১১০ ফিট প্রশস্ত এবং ৫০ ফিট গভীর। উহার চতুর্পার্শ্বে ৬ ফিট প্রশস্ত পথ এবং প্রস্তরনির্মিত উচ্চ ও প্রশস্ত প্রাচীর। চিহ্ন দেখিয়া বোধ হয়, পূর্বকালে প্রাচীরের উপরিভাগে অট্টালিকাদিও নির্মিত ছিল। ইহার গায়ে জলাশয়ের দিকে ১৪টি খিলান আছে। মধ্যভাগস্থ খিলানে এক খণ্ড পাষণোপরি নিম্নলিখিত গদ্য ও পদ্য (পারসীক ভাষায়) লিখিত আছে ;—

গদ্য।

পাদশায়ে হফৎ কিস্বর, সেয়েন শায়ে, আদালত গুস্তর,
আবুল মুজাফ্ফর, নুরউদ্দীন, জেহান্নীর পাদশা, ইবনে আকবর
পাদশাহে গাজী, বিতারিখ সন ১৫ জলুস দরেঁ সর চশ্মে
ফয়েজ আইন নজুলে ইজ্জাল ফরমুদন্দ। তা ই ইমারৎ
বহকুমে আঁ হজরৎ সুরতে এৎনাম ইয়াফৎ।

পদ্য।

আঁজ্ জেহান্নীর শাহে আকবর শা।

ইঁ বিনা সর্ কশীদ বর আক্ লাক্ ॥

বানীয়ে আকল্ ইয়াক্ ৎ তারিখস্ ।

কসর্ আবাদ্ চশমে বৈরনাগ ।

সন ১০২৯।

গদ্যার্থ।

স্বধর্মরক্ষক আকবর বাদশাহের পুত্র জেহান্নীর বাদশাহ,
যিনি সপ্ত সাত্রাজ্যের সাত্রাট, অধীশ্বরের অধীশ্বর, স্তায়পথাব-

লক্ষী, জয়ের পিতা অর্থাৎ সর্বত্র জয়শীল এবং ধর্মের জ্যোতিঃ স্বরূপ, তিনি পঞ্চদশ বৎসর শাসনকালে এই পরমোপকারী এবং স্বচ্ছ উৎসতটে শিবির সংস্থাপন পূর্বক অবস্থিতি করেন । তাঁহার আদেশক্রমে এই প্রাসাদ নির্মিত হয় ।

পদ্যার্থ ।

আকবর শাহের পুত্র জেহাঙ্গীর শাহ হইতে এই হর্ম্মা "সন্তকোতোলন করিয়া গগন স্পর্শ করিয়াছে । শেষ চরণ অর্থাৎ " কসরু আবাদ্ চশমে বৈরনাগ " শব্দ চতুর্কয়ের সাংকেতিক গণনা হইতে বুদ্ধিমান ব্যক্তি ইহার নির্মাণকাল বুঝিয়া লইবেন ।

প্রাপ্তকৃত শব্দ চতুর্কয়ের গণনা ১০২৪ এবং পদ্যাংশের নীচেসন ১০২৯ অঙ্কিত আছে । স্তত্রাং স্পর্শ প্রতীতি হইতেছে, যে, সন ১০২৪ সালে জেহাঙ্গীর বাদশাহের আদেশক্রমে এই জলাশয় ও হর্ম্মাদির নির্মাণ আরম্ভ হয় । সন ১০২৯ সালে উহা সম্পূর্ণ হইয়া গেলে উক্ত উৎকীরণ যথা স্থলে স্থাপিত হইয়া থাকিবে ।

জলাশয়ে ক্ষুদ্র ও বৃহৎ অসংখ্য মৎস্য আছে । উহাদিগের বধ নিষিদ্ধ । উহারা নির্ভয়ে ক্রীড়া করিয়া ইতস্ততঃ বিচরণ করিতেছে—আহার্য্য বস্তু নিক্ষেপ মাত্রেই সহস্র সহস্র এক স্থলে পিণ্ডাকারে সংগৃহীত—একটি অপরের উপর শয়িত—উহাদিগের কল্কল শব্দে ও 'পুচ্ছাঘাতে মনোহর ধ্বনি নিনাদিত—আহার লইয়া পরস্পরে বিবাদমত্ত—দেখিতে অতি আশ্চর্য্য—পরম রমণীয় । জলাশয়স্থ জল নীল মিশ্রিত গভীর সবজ । কিন্তু যৎকালে প্রবাহ দ্বারা বহির্দেশে নিঃসৃত

হয় এবং ব্যবহারার্থ উত্তোলন করা যায়, তখন এমনি স্বচ্ছ ও স্বাভাবিক বর্ণ বিশিষ্ট দেখায়, যে, উভয় অবস্থার বৈলক্ষণ্য দর্শনে অবাক হইতে হয় এবং একই উৎসের জল নয় বলিয়া ভ্রম জন্মে। অপর, উহা এমনি শীতল, যে, দারুণ নিদাঘ কালে স্পর্শ করিলে অঙ্গ স্ফূরণ হইয়া পড়ে।

এগার ফিট প্রশস্ত ও ন্যূনাধিক তিন ফিট গভীর পাষণ-নির্মিত এক প্রণালী দ্বারা জল নিয়ত অনর্গলভাবে ও প্রবল বেগে বহির্ভাগে নিঃসৃত হইতেছে, তথাপি জলাশয়ের জল কিছুমাত্র হ্রাস হয় না। বর্তমান নরপতি এই প্রণালীর উপরি-ভাগে ভ্রমণকারীদিগের নিমিত্ত এক অত্যুত্তম বারাদরি অর্থাৎ কাষ্ঠ-নির্মিত অট্টালিকা নির্মাণ করিয়া দিয়াছেন। এই প্রবাহ জলাশয় পরিত্যাগ করিয়াই দ্বিভাগে বিভক্ত হইয়াছে। প্রথমটা মৃত্তিকার ভিতর দিয়া কিয়দূর যাইয়া ছুই স্থলে ফোয়ারার আয় স্ফীত হইতেছে। আত্মো কিঞ্চিৎ অগ্রসর হইয়া অপর প্রবাহের সহিত মিলিত হওতঃ ক্ষুদ্র নদীর আকারে প্রবাহিত হইয়া বিতস্তা নদীর আয়তন বৃদ্ধি করিতেছে। অনেকে অনুভব করেন, যে, বৈরনাগ হইতেই বিতস্তা নদী উৎপন্ন হইয়াছে। কিন্তু একথা, ভ্রমমূলক!

উক্ত প্রণালীর বহির্দারের বামভাগস্থ প্রাচীরে এক পাষণ খণ্ডে নিম্নলিখিত স্তললিত, রসপূর্ণ ও অর্ধগর্ভ পারস্য-কবিতা খোদিত আছে, যথা ;—

হাইদর বজ্রকুমে শাহে জাহান বাদশাহে দহর।

শুকুরে খোদা কি সাক্ত চে কি আব্ সর্ জোয়ে ॥

ই জোয়ে দাদা অস্ত্ ব জোয়ে বেহিস্ত আব্ ।

জি আব্ সর্ ইরাক্তা কান্দীর আব্ ॥

. ডারিখ জোয়ে আব্ বৃৎকতা সরোসে গ্যারেব্ ।

. আজ্ চশমে বেহিস্ত বেক আম্দা অন্ত্ জোয়ে ।

অন্যার্থ ।

. হাইদর ঈশ্বরানুগৃহীত ও সার্বভৌম শাহেজান সত্ৰাটের অনুমত্যানুসারে এই প্রণালী নিৰ্ম্মাণ করিলেন । এই প্রবাহ স্বর্গীয় জলধারাকে বিশুদ্ধ করিতেছে এবং এতদ্বারা কাশ্মীরের গৌরব বৃদ্ধি হইয়াছে ।

স্বরলোকবাসীরা কহিতেছেন, “ চশ্মে বেহিস্ত ” হইতে “ জোয়ে ” উৎপন্ন হইয়াছে—(শেষ চরণ দেখ) । অর্থাৎ “ চশ্মে বেহিস্ত ” (স্বর্গীয় প্রস্রবণ) হইতে এই “ জোয়ে ” (প্রবাহ) উৎপন্ন হইয়াছে । এই চরণের অপর অর্থ এই, যে, “ চশ্মে বেহিস্ত ” শব্দের গণনা হইতে “ জোয়ে ” শব্দের সংখ্যা অন্তর করিলে এই প্রবাহের নিৰ্ম্মাণ দিন অবধারিত হইতেছে । অর্থাৎ “ চশমে বেহিস্ত ” শব্দের সাক্ষেতিক গণনা বা চিহ্ন ১০৬৩ এবং “ জোয়ে ” শব্দের চিহ্ন ১৯ । বাদ দিয়া ১০৪৪ হইল । সতরাং সন ১০৪৪ সালে এই প্রবাহ নিৰ্ম্মিত হয় ।

প্রত্যুত, বৈরনাগ অতি রমণীয় স্থান । বাদশাহদিগের শাসনকালে ইহা আরো উৎকৃষ্ট ছিল । চিহ্ন নিচয় দেখিয়া স্পর্শ হৃদয়ঙ্গম হয়, এস্থলে অনেক হর্ষ্যাদি এবং প্রবাহে ফোয়ারা মালা শোভা বিস্তার করিত । কথিত আছে, জেহান্সীর সত্ৰাটের প্রিয়তমা রাজ্ঞী নূরমহল বা নূরজেহান তৎসমুদয় আপন অভিরুচি অনুসারে বিন্যাস করেন । এই-স্থানটী সমুদয় দিল্লীশ্বর অপেক্ষা জেহান্সীর বাদশাহের অধিক-

তর প্রিয় বিলাসস্থান ছিল। একদা কাশ্মীর গমন কালে পথি মধ্যে বরমগোলা নামক আড্ডাতে তাঁহার সাংঘাতিক পীড়া হয়। মৃত্যু সন্নিকট জানিয়া যাহাতে জীবদশায় আপন প্রিয় বিলাসভবন বৈরনাগে যাইতে পারেন, সহচরগণকে তদ্বিধান করিতে আজ্ঞা দিলেন। পুনশ্চ বলিলেন, যদি কৃতান্ত একান্তই সে সাধ পূর্যাইতে না দেয়, তবে যেন সেই প্রিয়তম স্থানেই আমার মৃত দেহ সমাধিস্থ হয়। কিন্তু বেগম নূর জেহান তাঁহার মৃত শরীর লাহোরের সন্নিকটস্থ সাদেরা নামক স্থানে লইয়া গিয়া গোর দেন এবং তথায় আপন বৈধব্য জীবন অতিবাহিত করেন।

[কৌশানাগ এবং হরীবল বা হরবল] কৌশানাগ অতি সুন্দর পার্বত্য হ্রদ। ইহা পীর পঞ্জাল পর্বতের শিখর দেশে স্থিত এবং সমুদ্র তল হইতে ১৩০০ ফিট উচ্চ। ইহা দৈর্ঘ্যে অর্দ্ধ মাইল এবং প্রস্থে উহার অর্দ্ধাপেক্ষা ত্রিবিধিক। ইহার জল পশ্চিম প্রান্তস্থ পর্বত বিদীর্ণ করিয়া মন্দ মন্দ বেগে নির্গত হইতেছে। কিন্তু কিয়দূরে বৃহৎ বৃহৎ শিলা খণ্ডে প্রতিঘাত হইয়া অতি ভয়ঙ্কর মূর্তি ধারণ করিয়াছে এবং প্রবল বেগে ও ভয়ানক গর্জন সহকারে গভীর তলদেশে পড়িতেছে। তজ্জন্য কয়েকটা বিচিত্র ও মনোহর প্রপাত উৎপন্ন হইয়াছে। ইহাদের মধ্যে হরবল সর্বোৎকৃষ্ট। বিশেষতঃ বসন্তঋতুর আগমনে যখন দ্রবীভূত তুষার ইহার অবয়ব বৃদ্ধি করে, তখন ইহার সৌন্দর্যের ইয়ত্তা থাকে না। যাহারা কখনো ঝবলপুরের সন্নিকটস্থ নর্মদা নদীর সুবিখ্যাত পতন (যাহাকে ধূমাধার ও মার্বেল রক্ কহিয়া থাকে) দেখিয়া-

ছেন; তাঁহারা এই স্থলের রমণীয়তা বিশিষ্টরূপে হৃদয়ঙ্গম করিতে পারিবেন। এই কৌশানাগ হইতে যে জলধারা নিপতিত হয়, উহা নিম্নভাগে যতই প্রবাহিত হইয়া যায়, ততই অপরাপর উৎসের জলদ্বারা পুষ্টদেহ হইয়া, নদীর আকারে পরিণত এবং অবশেষে বিতস্তা নদীর সহিত সংমিলিত হইয়াছে।

পঞ্চম পরিচ্ছেদ।

তৃতীয় অংশ।

অমরনাথ তীর্থ :

অমরনাথ হিন্দুদিগের অতি প্রসিদ্ধ ও প্রধান তীর্থ। কাশ্মীরের পূর্বপ্রান্তে চিরনীহারমণ্ডলস্থ বিজন প্রদেশের গুহাভ্যন্তরে মহাদেবের স্বয়ম্ভু ভূষারলিঙ্গ আছে। প্রতি বৎসর কেবল মাত্র ভাদ্রমাসের রাথীপোর্ণমাসী দিবসে ইহার দর্শন হইয়া থাকে। এই স্থান যেরূপ ভূষারমণ্ডিত, নিভৃত, উদ্ভিদ ও জীবশূন্য, স্মতরাং ভীষণ, তাহাতে অপর কোনো দিবসে এস্থলে একাকী গমন করিতে গৃহস্থ ব্যক্তিদিগের সাহস ও সাধ্য হয় না। একারণ, উক্ত দিবসে সহস্র সহস্র যাত্রী সমবেত হইয়া দর্শন করিয়া থাকে। কিন্তু কোনো কোনো নির্ভীক উদাসীন এস্থলে উপর্যুপরি দুই তিনমাস বা ততোধিক দীর্ঘকাল ব্যাপিয়াও তথায় অবস্থান করে। হিন্দুস্থানের সমুদয় অংশ হইতে দর্শনাভিলাষী লোক সমাগত হয় এবং প্রতি

বৎসর স্ত্রী ও পুরুষে দ্বিসহস্রাধিক যাত্রী হইয়া থাকে। রাখী-পূর্ণিমার পঞ্চদশ দিবস পূর্বে সকলকে সংগ্রহ করিবার নিমিত্ত কাশ্মীরাদিপতির “রাণী” বা “ছটী” অর্থাৎ পতাকা। শ্রীনগরের সন্নিকটবর্তী রামবাগ নামক উপবনে উড্ডীন হয় এবং আট দিবস থাকিস্ত শ্রীনগর হইতে যাত্রা করে। সম্যাসী প্রভৃতি ছুঃখী যাত্রীদিগকে মহারাজা পাথের ব্যয় দিয়া থাকেন।

অনন্ত-নাগে পতাকা পৌঁছিলে যাত্রীদিগের যে যেখানে থাকে, সকলে আসিয়া একত্র হয় এবং পথে আহাৰ্য্য ও ব্যবহার্য্য দ্রব্য কিছুই পাওয়া যায় না বলিয়া এখান হইতে সকলেই স্ব স্ব প্রয়োজনীয় সামগ্রী সংগ্রহ করিয়া লয়। পরে উড্ডীয়মান পতাকা সৰ্ব্বাগ্রে নীত হইতে থাকে এবং যাত্রীগণ উহার অনুসরণ করে। অনন্ত-নাগ হইতে অমরনাথ ২৮ ক্রোশ—পাঁচ আড্ডা। পথ যেরূপ দুর্গম ও কৃচ্ছসাধ্য, তাহা বলিবার শব্দ নাই। ইহা যেমন কঠিন, তেমনি সমূহ বিপজ্জনক। কারণ, কোনো কোনো স্থান এমন ভয়ঙ্কর, যে, তথায় পদশব্দ বা বাক্যোচ্চারণ মাত্রেই পৰ্ব্বত শিখরাগ্রস্থিত পতনোন্মুখ হিমশিলা ও শিলাখণ্ড সকল স্থানচ্যুত হইয়া শব্দকারীদিগের মস্তকোপরি পতিত হইয়া উহাদিগকে একবারে প্রোধিত করিয়া ফেলে। সৃষ্টির তো কথাই নাই। আবার মধ্যে মধ্যে ভয়ানক নীহারপাতও হইয়া থাকে। এই সমুদয় কারণ বশতঃ প্রতি বৎসর অনেক যাত্রী মৃত্যুগ্রাসে পতিত এবং অনেকেই পথ হইতে প্রত্যাগমন করিতে বাধিত হয়।

অমরনাথের এক ক্রোশ থাকিতে পঞ্চতরুণী নামে একটা

নির্ঝরিণী পার হওয়া আবশ্যিক । ইহার পাঁচটি শাখা । এই কারণেই ইহাকে পঞ্চতরুণী কহে ! যাত্রীগণ ইহার জলে স্নান পূর্বক বসন ভূষণাদি পরিত্যাগ করে । অনন্তর সকলে ভূর্জপত্রের কোপীন ধারণ পূর্বক (কেহ কেহ উলঙ্গাবস্থায়) মহাদেবের জয়ধ্বনি করিতে করিতে গুহার পুরোবর্তী হয় ।

কন্দরটী অতি বৃহৎ । প্রবেশ-দ্বার ৫০ ফিট প্রশস্ত । ইহাতে প্রবেশ করিয়া প্রথমে ন্যূনাধিক ৭৫ ফিট সরল পথ ; পরে দক্ষিণভাগে ঈষৎ প্রত্যাবৃত্ত হইয়া প্রায় ২৫ ফিট যাইতে হয় । উহা ১০ হইতে ৫০ ফিট পর্য্যন্ত উচ্চ । গুহাভ্যন্তর অতি-শয় শীতল এবং ছাদ হইতে সর্বত্র অনবরত জলবিন্দু নিপতিত হইতেছে । এই স্থলে মহাদেবের স্ফটিকসদৃশ হিমানীর লিঙ্গ আছে । ইহা যে কাহারো দ্বারা স্থাপিত নহে, তাহা বলা বাহুল্য । যে সমুদয় মহাত্মারা এই স্থলে দীর্ঘকাল বাস করিয়াছেন, তাঁহাদের অনেকের মুখে শুনিয়াছি, যে, প্রত্যেক পৌর্ণমাসে এই লিঙ্গ পূর্ণাবয়ব হইয়া থাকেন । পরে প্রতিপদ হইতে এক এক কলা করিয়া হ্রাস হইয়া অমাবস্যাতে সম্পূর্ণ অদৃশ্য হইয়া যান । আবার শুরু প্রতিপদ হইতে এক এক কলা করিয়া বৃদ্ধি পাইয়া পূর্ণিমা দিবসে পুনরায় সেই ষোলকলায় পূর্ণ হইয়া প্রাপ্ত হন । এইরূপে শশধরের হ্রাস বৃদ্ধি অনুসারে শশিভূষণেরও হ্রাস বৃদ্ধি হয় । এই লিঙ্গ ব্যতীত একটা পাষণ নির্ম্মিত শঙ্কর বাহন (বৃষ) আছে, এবং কতিপয় দেব দেবীর ভগ্ন প্রতিমূর্ত্তিও ইতস্ততঃ দেখিতে পাওয়া যায় ।

অর্কবাটীনেরা কহিয়া থাকে, যে, অমরনাথের ঐ লিঙ্গরূপ তো দেখাই যায়, তদ্ব্যতীত কপোতরূপ ধারণ করিয়াও

অমরনাথ দর্শন দিয়া থাকেন। কিন্তু ইহা অলীক। পাণ্ডা (পুরোহিত) গণ পূর্ব হইতে কতিপয় কপোত রক্ষাবৃত করিয়া লইয়া যায়। পরে গুহার সমীপবর্তী হইয়া উহাদিগকে উড়াইয়া দেয়। যাত্রীগণ মহাদেবকে দর্শন ও পূজা করিয়া সেই দিবসেই প্রত্যাবৃত্ত হয়। এস্থলে কেহ রাত্রি যাপন করে না। একদা মহারাজা গোলাপ সিংহ রাত্রিবাস করিয়াছিলেন। কিম্বদন্তী আছে, যে, মহেশ্বর সর্পাকারে তাঁহাকে দর্শন দিয়াছিলেন। প্রত্যাগমন কালে যাত্রীরা অপর পথ অবলম্বন করে এবং তৃতীয় আড্ডা বন্ধনবাড়ী নামক স্থানে আসিয়া পূর্ব পথের সহিত মিলিত হয়।

ষষ্ঠ পরিচ্ছেদ।

কাশ্মীরের পশ্চিমবিভাগ।

প্রথম অংশ।

হুথগঙ্গা নদী। কাঁসিকাঠ। ছাউনি। কীর ভবানী। নিরুজন চেমার। মানসবজ। উলর হুদ। সোপুর। বারমুলা।

শিরোদেশে যে সমুদয় স্থানের নামোল্লেখ হইল, তন্মধ্যে নৌকারোহণ পূর্বকই অবলোকিত হইয়া থাকে। সন ১২৭৬ সালে (ইং ১৮৬৯) জর্নৈক স্ফুদ সমভিব্যাহারে এই সমুদয় মনোহর স্থান দর্শন করিয়া আমার প্রিয় অনুজকে যাহা লিখিয়াছিলাম, তৎসম্মিবেশ দ্বারাই অভীষ্ট সিদ্ধ হইতে পারিবে—স্বতন্ত্র লিপির আবশ্যকতা কি? অন্তএব তাহাই করিতেছি।

২৭শে আষাঢ় শনিবার। কাশ্মীরের পাশ্চাত্য বিভাগ ভ্রমণ করিবার মানসে আহার ও ব্যবহারোপযোগী সামগ্রী সস্তার আহরণ পূর্বক একজন প্রিয় মিত্রকে সমভিব্যাহারে লইয়া সঙ্ক্যার প্রাক্কালে নৌকারোহণে ত্রীনগর হইতে যাত্রা করিলাম। শেষ সেতু সাফা কদল অতিক্রম করিয়া দেখিলাম, দুধ গঙ্গা নদী বাম দিকে প্রবাহিত হইতেছে। দুধগঙ্গা নামটী পাঠ করিয়াই মনে করিতে পার, ইহা জলের পরিবর্তে দুধের আধার বলিয়া বুঝি ইহার নাম দুধগঙ্গা হইয়াছে। পুরাণে বর্ণিত আছে, ইহার জল দুগ্ধই ছিল। ইহার সত্যাসত্যতা বিষয়ে কোনো কথা বলিতে ইচ্ছা করি না। প্রত্যুত, বর্তমানকালে ইহার জল যেরূপ নিশ্চল ও পুষ্টিকর, তাহাতে ইহাকে দুগ্ধ শব্দে বাচ্য করা নিতান্ত অসঙ্গত নয়। এই নদী ত্রীনগর পরিক্রমণ করিয়া প্রবাহিত হইতেছে।

কিয়দূর অগ্রসর হইয়া দেখিতে পাইলাম, বামতটে ফাঁসি কাঠ দণ্ডায়মান রহিয়াছে। দর্শন মাত্রেই মনে কি ভীষণ ভাবের আবির্ভাব হয় ! হায় ! ইহা দ্বারা কত নর নারীর অমূল্য জীবনরত্ন হরণ করিয়া লওয়া হইয়াছে ! হয়তো কত নির্দোষী অভাগা ব্যক্তি অবস্থাগত প্রমাণের দোষে দোষী রূপে সাব্যস্ত হইয়া অথবা দুর্দান্ত শাসনকর্তাদিগের ইচ্ছানুসারে নিরপরাধেই এই দণ্ডে এক দণ্ডের মধ্যেই প্রাণদণ্ডে পড়িয়াছে ! পূর্বকালে ইহাতে প্রায় প্রত্যহই দুই একটা লোক ঝুলিত। কিন্তু অধুনা করুণহৃদয় রাজার গুণে ফাঁসি উঠিয়া গিয়াছে বলিলেই হয়।

কিঞ্চিৎ দূরে ছাউনি। ইহা অতি রমণীয় স্থান। ইহার

চতুঃপাশ্বে সফেদা বৃক্ষরাজি গগণ স্পর্শ করিবার জন্য মস্তকো-
স্তোলন করিতেছে এবং মধ্য ভাগে পর্যটকদিগের নিমিত্ত এক
উত্তম লড়ী (কাষ্ঠ নির্মিত বাটী) আছে ।

এই স্থানে বিভাবরী সমাগতা হইল । প্রকৃতি দেবী মনু-
ষ্যের কৃত অসংখ্য পাপ ও প্রভাকরের খরতাপ আর
সহিতে না পারিয়া লজ্জায় যেন তিমির রূপ অবগুণ্ঠন ধারণ
করিলেন । ক্রমে ক্রমে অন্ধকার বৃদ্ধি হইতে লাগিল । আর
কিছুই দৃষ্টিগোচর হয় না এবং তরণীও আর চলে না ।
অগত্যা এই স্থানেই রাত্রি অতিবাহিত করিতে হইল ।

২৮শে আষাঢ়, রবিবার । রথযাত্রা । প্রত্যুমেই নৌকা
ছাড়িয়াছিলাম এবং সপ্তম ঘটিকা কালে স্নবিখ্যাত ক্ষীরভবানী
নামক তীর্থ স্থানে উপনীত হইলাম । এখানে যথাবিধি স্নান,
পূজা, প্রদক্ষিণ এবং আহাৰাদি করিয়া বেলা দুই প্রহর সময়ে
যাত্রা করিলাম । এই অদ্ভুত কুণ্ডের বিবরণ ইতিপূর্বে তোমাকে
লিখিয়াছি ; (পাঠক ! চতুর্থ পরিচ্ছেদ দেখুন) স্ততরাং তৎ-
সমুদয় আর এস্থলে পুনর্ব্যক্ত করিবার আবশ্যিকতা নাই ।
কেবলমাত্র ইহাই বলিলে যথেষ্ট হইবে, যে যখন আমরা
উপস্থিত হইলাম, তখন কুণ্ডের জল সবুজ ছিল । বেলা
দশম ঘটিকাকালে দেখি, উহা গোলাপী বর্ণে পরিবর্তিত হইয়া
গিয়াছে ।

যাইতে যাইতে নদী-গর্ভে একটা ক্ষুদ্র দ্বীপ দেখিতে পাই-
লাম । উহার উপরিভাগ প্রস্তর নির্মিত । উহাতে একটা
চেনার মস্তীকুহ আছে । একারণ, উহাকে নির্জ্জন চেনার শব্দে
বাচ্য করা যাইতে পারে । লোকে কহিয়া থাকে ইহা কস্মিন্-

কালে বাড়ে না। ১৮৬৫ খৃষ্টাব্দের ১৫ই আগস্ট তারিখে ডাক্তার ইন্স সাহেব পরিমাপ করিয়া দেখেন, ইহার আয়তন প্রায় ১১ ফিট। আমরা দেখিলাম, ইহার মূলদেশের আয়তন সেই “প্রায় ১১ ফিটই” আছে। কিন্তু স্কন্ধদেশ প্রায় ১৩ ফিট। ইন্স সাহেব যদি ইহার মূলের পরিমাপ করিয়া থাকেন, তাহা হইলে বিগত চারি বৎসরের মধ্যে কিছুই বৃদ্ধি প্রাপ্ত হয় নাই বলিতে হইবে। আর যদি তিনি স্কন্ধ মাণিয়া থাকেন, তবে ইহা অবশ্যই বাড়িয়াছে।

ইহা হিন্দুদিগের তীর্থস্থান। বৃক্ষতলে একটা শিবলিঙ্গ স্থাপিত। কথিত আছে, অতি পুরাকালে এই স্থলে অনেক পতিব্রতা স্ত্রী সহায়তা করেন এবং অনেকে মোক্ষ পদ লাভার্থ আত্মহত্যা দ্বারা প্রাণত্যাগ করেন। এস্থানটী অতি ক্ষুদ্র বটে, কিন্তু অতি রমণীয়। কেননা, এইখানে সিন্ধু নদী বিস্তার সহিত সংমিলিত এবং পশ্চিম দিকে নুরুখাল প্রবাহিত, স্তরাং চতুর্বাহিনী হইয়াছে। একারণ, এখানকার লোকে ইহাকে প্রয়াগ কহে। চতুর্বাহিনীর ঠিক মধ্যস্থলে অট্টালিকা-দির কিছু ভগ্নাংশ আছে। অতএব এক সময়ে যে ইহাতে একটা পরম রমণীয় হস্ত্য ছিল, তাহার কোনো সন্দেহই নাই।

যাইতে বাইতে উভয় তটে অনেক গ্রাম দেখিতে পাইলাম। কোনো কোনো স্থানে নৌকা লাগাইয়া ভ্রমণ করিতে লাগিলাম। স্নানীতল চেনারের কুঞ্জবন রহিয়াছে; স্মিফট পবন মন্দ মন্দ বহিতেছে; স্নানীতল ফল পরিপক হইতে আরম্ভ হইয়াছে; যেদিকে নয়নপাত করি, কেবল দুর্বাদলপূর্ণ হরি-দ্বর্ণ ক্ষেত্র—এমন স্থান নাই, যেখানে স্নানীতল স্নানীতল

দৃষ্ট হয় না—প্রকৃতি যেন নিজ হস্তে সমস্ত কাশ্মীরে দুর্ব্বার কেয়ারি করিয়া বা গালিচা পাতিয়া রাখিয়াছেন—মধ্যে মধ্যে নদী ও খাল দ্বারা বিভক্ত হওয়াতে ক্ষেত্রগুলি দ্বিগুণ শোভা-ময় হইয়াছে—ইত্যাদি সৌন্দর্য্য দেখিতে দেখিতে কাশ্মীরকে স্বর্গ না বলিয়া নিরস্ত থাকা যায় না ! অপর, কোনো কোনো স্থানের জল এমনি স্বাস্থ্যকর এবং পাচক, যে, আমাদিগের আহার উত্তরোত্তর বিলক্ষণই বাড়িতে লাগিল—শরীর ও মন দ্বিগুণ স্বচ্ছন্দ ও সবল বোধ হইতে লাগিল । প্রত্যুত, এমনি রমণীয় স্থান আর কুত্রাপি নাই !

কিয়ৎক্ষণ পরে আমরা মানসবল হ্রদে উপনীত হইলাম । ইহা একরূপ রম্য, যে, বোধ হয়, ইহাই শাস্ত্রোক্ত ব্রহ্মার সেই মানসসরোবর—ব্রহ্মকালে তাহারই অপভ্রংশে মানসবল নাম হইয়াছে । ইহা এখানকার সকল হৃদ্যাপেক্ষা সুন্দর ও গভীর । ইহা দৈর্ঘ্যে দেড় ক্রোশ ও প্রস্থে অর্দ্ধ ক্রোশ । এক প্রান্ত হইতে অপর প্রান্তে যাইতে হইলে ঠিক এক ঘণ্টা লাগে । কোনো কোনো স্থল এত গভীর, যে, তথায় যাইতে ছৎকম্প উপস্থিত হয় । কোঁতুকাবিষ্ট হইয়া আমরা সকল স্থান পরিভ্রমণ করিলাম । অতি গভীর জলই অতি রমণীয় । তথায় জলজলতা নাই এবং এমনি স্বচ্ছ, যে, দশ হাতের নীচের পদার্থও স্পর্শ লক্ষিত হয়—তত নিম্নে মৎস্যগণ ক্রীড়া করিয়া বেড়াইতেছে, স্পর্শই দেখিতে পাইলাম । এখানকার ইতিবৃত্তে ইহা অতলস্পর্শ বলিয়া বর্ণিত আছে । কিন্তু কেহ কেহ পরিমাণ করিয়া দেখিয়াছেন, ইহা প্রায় ত্রিশ হস্ত গভীর । কথিত আছে, এক তর্পস্বী ইহার

গভীরতা নির্ণয় করিবার জন্য বহুকালাবধি এক পরিমাপক সূত্র প্রস্তুত করেন। কিন্তু পরিশেষে ইহার তলস্পর্শ করিতে না পারিয়া হতাশ হইয়া মনোদুঃখে ইহাতেই লক্ষ প্রদান পূর্বক প্রাণত্যাগ করেন। ইহার জন অতিশয় স্বাচ্ছন্দ্য, নির্মল ও লঘু; অত্যন্ত গভীর বলিয়া শ্যামবর্ণ দেখায়। ইহার অভ্যন্তরস্থ উৎস হইতে জন নির্গত হইতেছে। এখন সলিল হাস হইয়া যায়, তখন তটস্থ বহুসংখ্যক উৎস স্পষ্ট দৃষ্ট হয়—কোনো কোনোটা হইতে বা ক্ষুদ্র ক্ষুদ্র বালুকাকণা নিঃসৃত হইয়া থাকে। যেখানে জল গভীর নহে, তথায় জলজ-লতা—বিশেষতঃ শ্বেত ও রক্তিম। বর্ণের পদ্মবন আছে। অত্যন্ত দিবসের মধ্যেই ইহা বিকসিত হইয়া হ্রদের শোভা বিগুণ বৃদ্ধি করিবে।

প্রবেশদ্বারে হইতে হ্রদটী দেখিতে অনুপম মনোহর। বামপার্শ্বে কঙ্করবিশিষ্ট উপত্যকা; উহার অধোভাগে এবং হ্রদতটে মানসবল গ্রাম; কিয়দূরে বাদশাহবাগের ভগ্নাংশ (ইহা জেহাঙ্গীর বাদশাহ স্বীয় প্রিয়তমা ভার্ব্যা নূরমহলের জন্যই নির্মাণ করেন) দক্ষিণপার্শ্বে পর্বতশ্রেণী—ইহার অভ্যুচ্চ শৃঙ্গের নাম আখুং এবং ইহা ৬২৯০ ফিট উচ্চ; কিঞ্চিদূরে এবং এই পর্বত-মালার নিম্নদেশে কুণ্ডবল নামক গ্রাম, এস্থানে সন্নিকটস্থ পর্বত হইতে চূর্ণ প্রস্তুত হইতেছে; সম্মুখে অভ্যুচ্চ পর্বত শ্রেণী, তাহা হইতে একটা সুন্দর জল-প্রপাত সপ্ত ধারায় পড়িতেছে; উহার সঙ্গম স্থানের প্রায় পাঁচ হস্ত দূরে একটা পুরাতন মন্দির জলের উপরিভাগে দণ্ডায়মান রহিয়াছে। হ্রদ-সলিল শ্যামল; মধ্যস্থল পরিষ্কার এবং ধারে ধারে লতা

ও কমলবন রহিয়াছে ; তটস্থ পর্বত এবং গ্রামাদির প্রতিবিশ্ব সরলভাবে পতিত হইয়াছিল, আমাদিগের গমনের শব্দে যেন ক্রমাশ্বয়ে নানা খণ্ডে খণ্ডিত, পরস্পরে মিলিত এবং বিচিত্র নূতন আকারে পরিণত হইল।

হ্রদের ঈশান কোণে এক মুসলমান ফকিরের আশ্রম আছে। তাঁহার জন্মস্থান বোখারা। তিনি কাশ্মীরের সমুদায় স্থান তন্ন তন্ন করিয়া অবশেষে এই স্থানটী মনোনীত করিয়াছেন এবং এখানে ২৭ বৎসর বাস করিতেছেন। ফলতঃ এই স্থানই তপোবনের উপযুক্ত স্থান। তিনি স্বহস্তে পর্বত কাটিয়া ভূমি সমতল করিয়া এই আশ্রম প্রস্তুত করিয়াছেন। চারিদিকে সুস্বাদু ফলের বৃক্ষ—এত নিবিড় যে, সূর্য্যরশ্মি প্রবেশ করিতে পারে না ; পর্বত শিখরস্থ নির্ঝর বক্রগতি ভাবে ঝর ঝরশব্দে পতিত হইতেছে ; সম্মুখে হ্রদ ; পশ্চাৎদিকে অভেদ্য পর্বত-শ্রেণী ; স্তরাং স্থানটী অনির্কবচনীয় রূপে গমণীয় ও গুণীতল। এমন সকল স্থানই পূর্বকাল তপস্বীদিগের আশ্রম ছিল— তাঁহার লোকালয় পরিত্যাগ পূর্বক এমন স্থানেই ঈশ্বরের আরাধনায় দিনযামিনী পরম স্নেহে যাপন করিতেন। প্রভূত, বোধ হইল, ফকিরজী অতি মনোস্থখে আছেন। অপর, অদ্য চারি দিবস হইল, মৃত্তিকা এবং তৃণাদি দ্বারা পূর্বোক্ত নির্ঝরের গতিরোধ হইয়া গিয়াছিল বলিয়া তিনি যেমন পরিক্ষার করিতেছিলেন, অমনি একটা কঠিন পদার্থ হস্তে ঠেকিল। কৌতুকাবিষ্ট হইয়া খনন করিয়া দেখেন, যে, উহা একখানি প্রস্তর নিষ্কিত, স্তদীর্ঘ ও অতি সুন্দর আসন (চৌকি)। বৃক্ষতলে এই আসনোপরি ছাগচর্ম্ম বিছাইয়া বসিয়া আছেন,

আমরা গিয়া দেখিলাম। গমন মাত্রেই তিনি আমাদেরকে যথোচিত সমাদর পূর্বক ফল মলাদি দ্বারা অতিথিসংকার করিলেন এবং বৃক্ষতলে বসিতে আসন দিলেন। কিয়ৎক্ষণ মিষ্টালাপের পর তিনি আপন শিম্যকে আহ্বান পূর্বক আমাদেরকে তাঁহার তপোবন এবং স্বহস্ত রচিত স্তূপ দেখাইতে আদেশ করিলেন। আমরা তাঁহার তপোবনের রমণীয়তা দর্শনে প্রীত এবং স্তূপ দেখিয়া অবাক হইলাম। এই স্তূপ তিনি স্বহস্তে পর্বত কাটিয়া প্রস্তুত করিতেছেন। ১৮৬৫ খৃষ্টাব্দের সেপ্টেম্বর মাসে ডাক্তার ইন্স সাহেব পরিমাণ করিয়া দেখেন, ইহা দৈর্ঘ্যে প্রায় ৩০ হস্ত। কিন্তু অদ্য (১২ই জুলাই ১৮৬৯) আমরা দেখিলাম, ইহা ঠিক ৩৮ হস্ত পর্য্যন্ত হইয়াছে। ফকির বলিলেন, তিনি যত কাল জীবিত থাকিবেন, ততকারি ইহা খনন করিবেন। স্তূপের কত লম্বা হইয়া যে ইহা শেষ হইবে, বলা যায় না। প্রবেশের প্রায় তিন হস্ত উচ্চ। অভ্যন্তর চারি হইতে সার্কি চারি হস্ত উচ্চ এবং প্রস্থে প্রায় তিন হস্ত। স্তূপের তন্মধ্যে অনায়াসে মস্তকোত্তোলন পূর্বক ইতস্ততঃ ভ্রমণ করা যায়। ইহার অভ্যন্তর যে কি পর্য্যন্ত শীতল, তাহা অনুভব করিয়া লও—প্রবেশ করিবার মাত্রেই এমন শীত বোধ হইল, যে, অধিকক্ষণ থাকিতে পারিলাম না। রোজার সময় ফকির সাহেব এই স্থলে বাস করেন।

আমরা সমুদয় দেখিয়া তাঁহার নিকট প্রত্যাগত হইলাম এবং এক তরুণমূলে উপবেশনপূর্বক তাঁহার সহিত বাক্যালাপ এবং ঈশ্বরবিষয়ক কথোপকথন করিতে লাগিলাম। প্রত্যুত্বে

প্রতীতি হইল, তিনি ঈশ্বরপ্রেমে মগ্ন হইয়া অতি সুখে কালা-
তিপাত করিতেছেন। যে কোনো দর্শক এখানে আইসেন (কি
ইংরাজ, কি এদেশীয়) সকলেই এই স্থান দর্শন পূর্বক প্রীত
হয়েন এবং ফকিরকে কিছু কিছু পুরস্কার দিয়া থাকেন।

হ্রদের পূর্বভাগস্থ অত্যন্ত পর্বতশ্রেণী হইতে (ফকিরের
আশ্রমের পার্শ্বে) একটা জলপ্রপাত সপ্তধারায় পতিত হই-
তেছে। উহা যেস্থলে হ্রদের সহিত মিলিত হইয়াছে, আমরা
তথায় যাইয়া উহার সৌন্দর্য্য নিরীক্ষণ করিতে লাগিলাম
এবং পর্বতের যে দেশ হইতে পতন হইতেছে, সেস্থল
কিরূপ এবং কোথা হইতেই বা অনর্গল বারিধারা আসিতেছে
জানিতে অত্যন্ত উৎসুক হইলাম। উর্দ্ধদিকে নয়ন নিমীলন
করিয়া দেখি, পর্বতে উঠিবার কোনো পথ নাই এবং ঐরূপ
সরল উচ্চ, যেন এক মহাকায় দানব দণ্ডায়মান হইয়া মানবকে
উঁচিতে নিষেধ করিতেছে! কিন্তু আমরা অত্যন্ত কৌতু-
হলাক্রান্ত এবং আবেশচিত্ত হইয়াছিলাম। স্তবরাং কৃতনিশ্চয়
হইলাম, যেন তেন প্রকারেণ পাহাড়ের শিখরদেশে আরো-
হণ করিতেই হইবে। উহার গাত্রে ক্ষুদ্র ক্ষুদ্র বৃক্ষলতা
আছে; ঈশ্বরের নামোচ্চারণ পূর্বক তাহাই অবলম্বন করিয়া
অতি কষ্টে, কিন্তু নিরাপদে উপরে উঠিলাম। উপনীত হইবা-
মাত্রই আশাতীত পরিতোষ লাভ করিলাম। দেখিলাম,
তথায় একটা ক্ষুদ্র স্রোতস্বতী (প্রস্থে প্রায় পাঁচ হস্ত)
প্রবাহিত হইতেছে এবং উহারই এক দেশ হইতে
পূর্বোক্ত জলধারা পতিত হইতেছে। স্থানটা অতি রমণীয়।
স্রোতস্বতীর দক্ষিণপার্শ্বে আর একটা অত্যন্ত পর্বতশ্রেণী

এবং বামপাশ্বে কেবলমাত্র একহস্ত পরিনিত বাঁধ। এই বাঁধের উপরেই আমরা হওয়ায়মান হইলাম। বাঁধ থাকাতেই নিৰ্বরিণীর জলরাশি এককালে হুদে নিপতিত হইতে পারিতেছে না। এই বামপাশ্বে প্রায় ২৫০ হস্ত নিম্নে হ্রদ। এস্থান হইতে হৃদটি পরম সুন্দর দেখায়। নিৰ্বরিণীর উৎপত্তি স্থান দেখিবার নিমিত্ত আমরা আরো কোঁতুহলাক্রান্ত হইলাম। কিন্তু কি প্রকারেই বা তথায় যাই? পথ নাই— কেবলমাত্র উল্লু বাঁধ। যাইতে হইলে ঐ বাঁধ দিয়াই যাইতে হইবে। কিন্তু যদি দৈবাৎ পদস্থলন হয়, তাহা হইলে হয় তটিনীর জগদগর্ভে নিমগ্ন হইতে হইবে, নয় ২৫০ হস্ত উর্দ্ধ হইতে গড়াইতে গড়াইতে আসিয়া হ্রদে পড়িয়া তদন্তর্গত প্রাণ হারাইতে হইবে। অথচ চিন্তাবেগ সম্বরণ করাও দুষ্কর। অতএব পুনরায় ঈশ্বর ভরসা করিয়া ঐ দুর্গম বাঁধ দিয়া যাইতে লাগিলাম। প্রায় অর্ধক্রোশ গিয়া দেখি, ইহার সীমা নাই এবং যেরূপ ভাবে প্রবাহিত হইতেছে, তাহাতে বোধ হইল, ইহার উৎপত্তিস্থান অতি দূরে হইবে। সন্মিকটে কোনো মনুষ্য নাই, যে, তাহাকে কিছু জিজ্ঞাসা করি। ইতস্ততঃ দৃষ্টি নিক্ষেপ করিতে করিতে দেখিতে পাইলাম, নিম্নদেশে অতি দূরে একটা লোকালয়ে কয়েকজন মনুষ্য রহিয়াছে। একে তো দূর, তাহাতে আবার তাহারা কাশ্মীরী! কিন্তু ইঙ্গিত দ্বারা জিজ্ঞাসা করাতে বুঝিতে পারিলাম, এই স্রোতস্বতীর উৎপত্তি স্থান তিন ক্রোশ দূরে। এ দিকে দিবাকরের করজাম হ্রদ হইতে বৃক্ষোপরি, বৃক্ষোপরি হইতে পর্বতশিখর আবোহণ করিল, স্তত্রাং আর অধিক

দূর না যাইয়া অবতরণ করাই শ্রেয়স্কর বিবেচনা করিলাম । যদিচ আমরা মনোভিলাষ পূর্ণ করিতে পারিলাম না, তথাপি মেই মেই প্রদেশের রমণীয়তা দর্শনে অত্যন্ত প্রীত হইলাম । তথাকার স্মৃষ্টি এবং স্বাস্থ্যকর বায়ুর কথা কি কহিব— তথা হইতে প্রত্যাগমন করিতে ইচ্ছা হয় না । এক স্থানে দেখি, তিনটা বন্য ছাগ চরিতেছে, তাহাদের অঙ্গসৌষ্ঠব এমন মনোহর, বিশেষতঃ তাহাদের শৃঙ্গ এমন সুন্দর, যে, দূর হইতে হরিণ বলিয়া ভ্রম জন্মিয়াছিল । পদশব্দে তাহারা একবার মাত্র সচকিতনয়নে আমাদের প্রতি খরদৃষ্টি নিক্ষেপ করিল এবং এমন ঋজুস্বভাব যে, কোনো আশঙ্কা না করিয়া নির্ভয়ে পুনরায় তৃণ ভক্ষণ করিতে লাগিল । অপর স্থানে দেখি, বন্য আঙ্গুর অপৰ্য্যাপ্ত পরিমাণে জন্মিয়া রহিয়াছে । সে সমুদয় এত বড়, যে, লোকালয়ে তদ্রূপ দেখা যায় না । প্রত্যুত, এই সব স্থান নিতান্তই রমণীয়, কিতান্তই নিশ্চল ও নিতান্তই পবিত্র উচ্চভাবের উদ্ভেজক !

এস্থলে বাস করিবার কোনো গৃহাদি নাই । স্ততরাং এই পর্বতশ্রেণীর এক প্রান্তে হৃদতটে শিবির স্থাপন করিয়া থাকিতে হয় । তথায় চেনারের যে একটা কুঞ্জ আছে, তাহার রমণীয়তা প্রকাশ করিবার শব্দ নাই । শিরোদেশে পূর্বোক্ত শ্রোতস্বতী প্রবাহিত এবং এক স্থানে উহার জলধারা বক্র হওয়াতে ঝর ঝর শব্দে পতিত হইতেছে—পদতলে নিসর্গোৎপন্ন হরিদ্বর্ণ গালিচা । সন্ধ্যাগমে আমরা তছুপরি শয্যা প্রস্তুত করিয়া শয়ন করিলাম এবং মানস করিলাম, এইরূপেই বিভাবরী যাপন করিব । কিন্তু শুনিলাম, নিশীথ

সময়ে ভল্লুক প্রভৃতি হিংস্র জন্তু তথায় জল পান করিতে আইসে । একারণ, সেস্থান পরিত্যাগ পূর্বক নৌকায় শয়ন করিতে বাধিত হইলাম ।

মানসবলের জলবায়ু অতি স্বাস্থ্যকর, শ্রীনগরের নিকট-বর্তী কোনো স্থান এতদ্রূপ নহে । ভাদ্র মাসে নগর কথঞ্চিৎ উত্তপ্ত হইলে ভ্রমণকারীরা এই স্থলে কিয়দ্দিন বাস করিয়া থাকেন ।

২৯শে আষাঢ়, সোমবার । ক্রমে ক্রমে উষা দেবী পূর্বদিকে দেখা দিলেন । পক্ষীর প্রভাত সমীরণ স্পর্শ করিয়া বাসা হইতে বাহির হইল । আমরাও মানসবল হইতে যাত্রা করিলাম । কিয়দ্দূর গমন করিয়া বেলা অষ্টম ঘটিকাকালে এক উপবনে নৌকা লাগাইয়া স্নানভোজনাদি হইল । কিয়ৎকাল বিশ্রাম এবং ইতস্ততঃ পদব্রজে ভ্রমণের পর পুনরায় নৌকা ছাড়িয়া দিলাম । যতই যাইতে লাগিলাম, ততই মনে নব নব প্রীতির উদয় হইতে লাগিল । চারিদিকে অপার জলরাশি ধূ ধূ করিতেছে—চতুস্পার্শ্বে পর্বতশ্রেণী—দেখিয়া বোধ হয়, পাছে এখানকার স্বাস্থ্যকর জলবায়ু অপর প্রদেশকে গৌরবান্বিত করে, এই ঈর্ষায় যেন ইহাকে অতি সাবধানে রক্ষা করিতেছে—মধ্যে মধ্যে শ্যামল দুর্বাদলপূর্ণ ক্ষেত্র—স্থানে স্থানে লোকালয়—কোনো কোনো স্থানে শত শত পালিত অশ্বপাল চরিতেছে—কোনো কোনোটা বা জলমধ্যে নিমগ্ন হইয়া গাভীর ঝায় জলজ লতা খাইতেছে—একটা অপরের গাও চাটিতেছে—মাতা বৎসকে বাৎসল্য ভাবে দুগ্ধ পান করাইতেছে—যদি একটা দৌড়িতে আরম্ভ করিল; তাহা হইলে

ভেড়ার পালের ঞায় সকলেই তাহার পশ্চাৎ ধাবিত হইল—
কোনো কোনো লোকালয়ে পাহাড়ী কুকুর রহিয়াছে, উহা-
দিগের গাত্রলোম দীর্ঘ, চিকণ এবং কৌকড়া কৌকড়া। পুচ্ছ
ঘূর্ণায়িত এবং লোমশ, গঠন অতি ভয়ঙ্কর এবং দোঁধতে অতি
সুন্দর, কিন্তু কোনো কার্যকর নহে; ইহারাও এখানকার
লোকদিগের ঞায় ভীকর।

কিয়ৎক্ষণ পরে আমরা উলর হ্রদে উপনীত হইলাম।
এই হ্রদ এখানকার সকল হ্রদাপেক্ষা বৃহৎ। বিতস্তা নদী
ইহার মধ্য দিয়া প্রবাহিত। ইহা শ্রীনগর হইতে ১০ ঘণ্টার
জলপথে স্থিত। ইহা দৈর্ঘ্যে প্রায় ৬ ক্রোশ এবং প্রস্থে প্রায়
৫ ক্রোশ। ইহা ১৬ ফিট পর্য্যন্ত গভীর। ইহার জল অতিশয়
স্বচ্ছ, কিন্তু গভীর শ্যামবর্ণ দেখায়। ইহারও জল অভ্যন্তরস্থ
উৎস হইতে নিঃসৃত হইতেছে—(কোনো কোনো স্থানের
বিশ্ব দেখিয়া ইহার অভ্যন্তরস্থ কোনো কোনো উৎস স্পষ্ট
প্রতীয়মান হয়) এবং পার্শ্ববর্তী পর্বতমালা হইতে নির্ঝর এবং
ক্ষুদ্র ক্ষুদ্র স্রোতস্বতী আসিয়া ইহাতে পতিত হইতেছে।
ইহার তলা পঙ্কিল। অগভীর জলে অনেক জলজলতা, পাণি-
ফল এবং কমলবন আছে। পূর্ব এবং দক্ষিণপার্শ্বে অভ্যুচ্চ
পর্বতশ্রেণী। ইহার চারিতটে অনেক ক্ষুদ্র ক্ষুদ্র পল্লী। তথা-
কার লোকে ইহার মৎস্য, পাণিফল ও পদ্মমধু আহরণ এবং
পক্ষী শিকার দ্বারা জীবিকা নির্বাহ করে এবং মহারাজাকে
অনেক করদান করিয়া থাকে। হ্রদটি অতি বৃহৎ বলিয়া মৃদু
পবনবেগেই প্রবল বাটিকা উৎপন্ন হয়। তাহাতে আবার
এদেশীয় নৌকা বাত্যা কালের বড় উপায়োগী নহে। একারণ,

নাবিকগণ ইহাৰ মধ্যদেশ দিয়া নৌকা চালনা কৰিতে সহজে স্বীকৃত হয় না । বিশেষ অপৰাধে পাব হওয়া কাহাৰ সাধ্য ? আমাৰা বেলা দুইটাৰ সময় তথায় উপনীত হইলাম । উৎকালে য়ুছু য়ুছু সমীৰণ-বেগে উহা একৰূপ ভয়ঙ্কর মূৰ্ত্তি ধারণ কৰিল, যে, দেখিয়াই আমাদেৱ হুংকম্প উপস্থিত হইল । কিন্তু ঐশ্বৰানুগ্রহে অতি সত্বৰেই শান্ত হইয়া গেল, ততৰাং আমাৰা নিৰাপদেই অপর পারে উল্লীৰ্ণ হইলাম । পৌছিবামাত্ৰেই এমন ঝটিকা আসিল, যে, সে সময়ে হুদেৱ উপৰে থাকিলে-পৰিণাম অতি শোকাবহ হইত—তরঙ্গকুল যেন গগণ স্পৰ্শ কৰিবাৰ নিমিত্ত উন্নত হইতে এবং হুদ গভীৰ গৰ্জন কৰিতে লাগিল । সৌভাগ্যক্রমে তখন ততুপৰি কোনো নৌকাদি ছিলনা । কেবল একখানিমাত্ৰ ক্ষুদ্ৰ প্ৰমোদজাহাজ *—যাহা ইতিপূৰ্বে স্বমন্দ মাৰুতহিল্লোলে ইতস্ততঃ বিচরণ কৰিতেছিল—এক্ষণে ওতপ্লোত হইতে লাগিল এবং ভয় হইল, পাছে হুদ-গৰ্ভে নিমগ্ন হয় । কিন্তু ঐশ্বৰ-ৰূপায় কোনো বিপদ ঘটিল না ।

দিনমণি পশ্চিমপ্ৰান্তস্থ পৰ্ব্বতের অন্তরালে চলিয়া পড়িলেন । মহানুভব ব্যক্তি আসন্নকালে মহতেরই আশ্ৰয় গ্ৰহণ কৰিয়া থাকেন বলিয়া যেন দিবাকর হুদ পৰিত্যাগ কৰিয়া গিরিচূড়াবলম্বী হইলেন । আমাৰা এক মনোহর তটে নৌকা সংলগ্ন কৰিলাম ।

* এখানে উত্তরের নামে একজন ফরাসিস সাহেব শালের সওদাগর আছেন । তিনি সম্প্রতি এই জাহাজ গ্ৰহণ কৰিয়াছেন । এখানকার লোকে কখনো জাহাজ দেখেনাই । সুতরাং তাহাৰা ইহাৰ গঠন এবং গতি দেখিয়া ইহাকে অলৌকিক পদাৰ্থ জ্ঞান কৰে ।

৩০শে আষাঢ়, মঙ্গলবার। রাত্রি প্রভাত হইলে লঙ্কা দ্বীপ দর্শনে চলিলাম। আমরা নুরুখাল দিয়া হ্রদে প্রবেশ করিয়াছিলাম, নচেৎ বিতস্তা নদী দিয়া আসিতে হইলে ইহা ঠিক দক্ষিণ ভাগে থাকে। সাদ্দ চারি শত বৎসর হইল, মুসলমানাধিপতি জানালুব উদ্দীন ইহা নিশ্চাণ করেন। ইহা দৈর্ঘ্যে প্রায় ২০০ এবং প্রস্থে প্রায় ১৫০ হস্ত হইবে। বৃহৎ বৃহৎ পাদপ, বিশেষতঃ তঁত মহীরুহ ইহার সর্বত্র এমন নিবিড়ভাবে জন্মিয়াছে, যে, বনে সূর্যালোক প্রবেশ করিতে পারে না। ফলভারাবনত আঙ্গুরলতা উহাদিগকে আলিঙ্গন করিয়া উঠিয়াছে। এই দ্বীপের সর্বত্রই প্রাচীন হর্ম্য ও স্তম্ভ প্রভৃতির ভগ্নাবশেষ এবং কোনো কোনো স্থলে বা চিহ্নমাত্র আছে। ইহাতে বোধ হয়, উহাদের উন্নতাবস্থায় এবং যতদিন পর্যন্ত জীর্ণসংস্কার হইত, ততদিন এই স্থান অতি রমণীয় ছিল। দক্ষিণ দিকে কতিপয় পাষণনির্মিত সোপানশ্রেণী এবং ইহার পশ্চিমদেশে জলের উপরিভাগে একটা বৃহৎ শিবলিঙ্গ স্থাপিত আছে। দ্বীপ নির্মিত হইলে পর কোনো হিন্দু রাজা ইহা স্থাপন করিয়া থাকিবেন, তাহার কোনো সন্দেহ নাই।

অপরাহ্নে আমরা শকর উদ্দীন পাহাড় দেখিতে গেলাম। ইহা লঙ্কাদ্বীপের বিপরীত ভাগে অর্থাৎ হ্রদের পশ্চিমতটে স্থিত। ইহা প্রায় ৭০০ ফিট উচ্চ এবং ইহাতে উঠিবার দুইটা পথ আছে। ইহাতে উঠিতে আমাদের ন্যূনাধিক অর্ধ ঘণ্টা লাগিল। পথ নিতান্ত সুগমনহে—স্থানে স্থানে অসরল ও দুর্গম। মধ্যে মধ্যে বিশুদ্ধ শ্বেতবর্ণের কোয়ার্টজ পাষণসম্বিত ঈষৎ সবুজ বর্ণের বৃহৎ বৃহৎ প্রস্তরখণ্ড আছে। শৈলশিখরে বাবা

শকর উদ্দীন নামক জ্ঞানৈক বিখ্যাত ফকিরের জেয়ারৎ অর্থাৎ মসজিদ আছে। ইহা অতি প্রাচীন, সংস্করণভাবে স্বংস প্রাপ্ত হইতেছে। এস্থান হইতে কাশ্মীরের পাশ্চাত্যবিভাগ অতি রমণীয় দেখায়। পদতলে উলর হ্রদ বিতস্তা নদীকে বক্ষে ধারণ করিয়াছে বলিয়াই যেন গর্বিতা হইয়া সগর্বে ফুলিয়া ফুলিয়া উঠিতেছে—পাশে পাশে মৃদু মৃদু সমীরণহিল্লোল, সেই সঙ্গে হ্রদগর্ভে আকাশও দোতুল্যমান হইতেছে, সূর্য্যদেব যেন খণ্ড খণ্ড হইয়া গিয়াছেন—হ্রদতটে গ্রামসমূহ শোভা পাইতেছে। পূর্বদিকে লঙ্কাদ্বীপ—ইহার অদূরে আখং পর্বতের পদতলে স্তম্ভশ্র মানসবল রৌপ্যপদকসদৃশ বাক্মক্ করিতেছে। দক্ষিণ দিকে সোপুর এবং বারমুলা স্পষ্টাক্ষরে দৃষ্ট হইতেছে— অতি দূরে উন্নত অচল-শ্রেণী যেন একতান-নয়নে গুলমর্গ প্রভৃতি মনোহর স্থানের রমণীয়তা দর্শন করিতেছে। বিতস্তা নদী পূর্ব দিক হইতে হ্রদে প্রবেশ করিয়া ইহাতে লীন হইয়াছে, কিঞ্চিদূরে পুনঃপ্রকটিত হইয়া দক্ষিণপশ্চিমবাহিনী ভাবে বারমুলার তট ধৌত করতঃ উপত্যকা পরিত্যাগ পূর্বক চলিয়া গিয়াছে। এই সমুদয় সৌন্দর্য্য দেখিতে দেখিতে দিবা অবসান হইল। আর এস্থলে থাকা উচিত নয় বুঝিয়া আমরা অবরোহণ করিলাম।

হ্রদের দক্ষিণপশ্চিমতটে সোপুর নামে এক জনপদ আছে। তথায় রাত্রিযাপন করিবার মানসে নৌকা লাগাইলাম।

৩১শে আষাঢ়, বুধবার। প্রভাত হইলে পাদচারণে ইতস্ততঃ পরিভ্রমণ করিয়া জনস্থানে প্রবেশ করিলাম। দেখিলাম, অতি পুরাকালে ইহা বৃহৎ জনপদ ছিল। ইহাও একদা কাশ্মীরের

রাজধানী অভিধেয় গৌরব ভোগ করিয়াছে ; কিন্তু আধুনিক সময়ে একখানি গণ্ডগ্রাম মাত্র । ইহার প্রকৃত নাম সুরাপুর । প্রাচীনকালে ইহার নাম কাম্বুরা বা কাম্বুর ছিল । পরে, সহস্রবর্ষাধিক হইল, অবন্তীবন্দী নরপতির মন্ত্রী সুরঃ ইহার পুনঃনির্মাণ এবং উৎকর্ষসাধন করেন বলিয়া ইহার নাম সুরাপুর হইয়াছিল । বর্তমান সোপুর ঐ শব্দের অপভ্রংশ মাত্র ।

এই উগনগর বিতস্তা নদীর উভয়তটে স্থিত এবং অর্ধ পামাণ ও অর্ধ কাঠ-নির্মিত সেতু দ্বারা পরস্পর সংযুক্ত । এস্থলে পর্যটকদিগের জন্য দুইতটে দুইটি উত্তম ভবন আছে । নদীর দক্ষিণতীরে প্রাপ্ত সেতুর অপর প্রান্তে প্রস্তরনির্মিত যৎসামান্য প্রাচীন দুর্গ । ইহা এক্ষণে মহারাজার থানা অর্থাৎ পুলিশ রূপে ব্যবহৃত হইতেছে । কিয়দ্দূরে একটি উত্তম দ্বেলায় । ইহার বহির্ভাগে একটি অতি বৃহৎ শিবলিঙ্গ আছে । তাহার বিপরীত ভাগে অর্থাৎ নদীর বামকূলে একটি স্বর্ণচূড় মসজিদ থাকতে বোধ হয়, যেন হিন্দু ও মুসলমান ধর্ম প্রতি-কক্ষতা দেখাইতেছে ।

এখানকার জলবায়ু অতিশয় স্বাস্থ্যকর । এজন্য অনেক ইংরাজ কিয়দিবসের জন্য এস্থলে আসিয়া বাস করিয়া থাকেন । মৎস্যশিকার তাঁহাদের প্রধান বিলাস ।

সন্ধ্যাগমে শুনিলাম, বারমুলা নামক জনপদে ইংরাজেরা গুপ্তধনাগারের এক স্থান খনন করিতেছেন । উহা এখান হইতে সার্দ্ধ তিন ঘণ্টার নৌকাপথ । এই জনপ্রবাদের তথ্য জানিবার নিমিত্ত এবং স্বচক্ষে সমুদয় দেখিবার জন্য আমরা অত্যন্ত কৌতুহলাক্রান্ত হইলাম । কিন্তু এদিকে রজনী সমাগত ।

ভাস্কর অস্তাচলচূড়াবলম্বী হইল দেখিয়াই তস্কররূপ তামসী
অমনি ধীরে ধীরে আসিয়া দেখা দিল—আমাদের কোঁতুহলের
সঙ্গে সঙ্গে অঙ্ককার বাড়িতে লাগিল। অগত্যা এই স্থলে
রাত্রিযাপন করিতে হইল।

১লা শ্রাবণ, বুধস্পতিবার। প্রভূষেই নৌকা ছাড়িলাম।
দেড় ঘণ্টা নৌকাচালনা করিয়া এক সঙ্গমে উপস্থিত হইলাম।
এস্থলে পোড়ানদী বিতস্তার সহিত মিলিত হইয়াছে। সংযোগ
স্থলের দক্ষিণতটে দব্গাও নামক পল্লী। এখানে মহারাজার
কাষ্ঠের কারখানা আছে। এস্থান অতিক্রম পূর্বক কিয়দুরে
যাইয়া এক পরম সুন্দর উপবন দেখিতে পাইলাম এবং
নৌকা লাগাইয়া স্নান ভোজনাদি করিলাম। আহারান্তে
আমরা স্ককোমল হরিৎ দুর্বাদলের উপর শয্যা প্রস্তুত করিয়া
শয়ন করিয়া আছি, এমন সময় চারিদিক ঘোর তমসাচ্ছন্ন
হইল। আকাশমার্গে নিবিড় মেঘ ; তন্মধ্যে সৌদামিনী প্রকা-
শিতা এবং বজ্র নিনাদিত হইতে লাগিল। প্রবল ঝটিকা
সম্বলিত বৃষ্টি আসিল—বৃষ্ণ হইতে ফল সমুদয় পতিত হইয়া
মৃত্তিকা আচ্ছাদন করিল। আমরা নৌকায় আশ্রয় লইলাম।
কিয়দণ্ড পরেই সমুদয় অপগত এবং দিনমণি দ্বিগুণ প্রতাপে
প্রকাশিত হইল বটে, কিন্তু নদীর তরঙ্গ পর্বতাকারে উঠিতে
লাগিল। এদিকে বেলা দুইটা। স্ততরাং আর বিলম্ব করিতে
না পারিয়া আমরা তটস্থ হইয়া তটের নিকট দিয়া যাইতে
লাগিলাম। তখন সৃষ্টির শোভা কি রমণীয় ! প্রকৃতি যেন নব
পরিচ্ছদ ধারণ করিল—পর্বতশ্রেণী ধৌত তুষাররাশিতে ঠিক
যেন দুগ্ধফেণনিভ হইয়াছে—তদুপরি সূর্যরশ্মি প্রতিবিন্দিত



হওয়াতে নানাৰ্ণ দেখা দিতেছে ; দুৰ্ব্বাদলোপরি জলকণা সূৰ্য্য-কিরণে মুক্তাকলাপবৎ প্রতীয়মান হইতেছে ; পৰ্ব্বতের গাত্রে কোনো স্থানে মেঘের ছায়া পতিত হওয়াতে কৃষ্ণবর্ণ হইয়াছে ; কোনো স্থানে মেঘ দণ্ডায়মান রহিয়াছে ; কোনো কোনো স্থানে বা পবনহিল্লোলে ক্রীড়াসক্ত শিশুর ন্যায় ইতস্ততঃ খেলা করিয়া বেড়াইতেছে—দেখিতে নিতান্তই উল্লাসকর।

বেলা অপরাহ্ন চতুর্থ ঘটিকাকালে আমরা বারমুলায় উপনীত হইলাম। উপস্থিত হইবামাত্রই দীর্ঘতিলক ও পিরানধারী দক্ষিণাজীবী পাণ্ডাগণ মহাজনী খাতায় ন্যায় বৃহৎ বৃহৎ পুস্তক কক্ষে করিয়া আমাদিগকে ঘেরিল। সকলেই একে একে কল্যাণসূচক শ্লোক উচ্চৈঃস্বরে পাঠ পূৰ্ব্বক আমাদিগের হস্তে আশীৰ্ব্বাদী পুষ্প দিতে লাগিল—আমার বজ্রমান হইতে হইবে, আমি এখানকার মাণ্ড, গণ্য ও বর্দ্ধিষু পুরোহিত, আমি শৈশবাবস্থা হইতেই বাঙ্গালীদিগের পুরোহিত হইয়া আসিতেছি, প্রভৃতি স্তোভবাক্যে ব্যতিব্যস্ত করিয়া তুলিল। কেহ কেহ আপন কক্ষস্থিত পুস্তক উদঘাটিত করিয়া কহিতে লাগিল—“দেখিয়ে, সাড়ে কেতাবনে দেখিয়ে, আগে জিতনে বাবুলোগ আয়ে সান, সব্ সাড়ে বজমান ছয়ে সান, ইখে সব্দা নামা লিখ্খা হায়” এই বলিয়া পূৰ্ব্বাগত বাঙ্গালীদিগের নাম, ধাম, ও পিতৃপুরুষদিগের নাম অনর্গল পড়িতে লাগিল। তাহাদিগের অশুদ্ধ উচ্চারণ এবং বিকৃতভঙ্গিতে পাঠ শুনিয়া আমরা হাস্য সম্বরণ করিয়া থাকিতে পারিলাম না। অবশেষে উহাদের মধ্যে পরস্পরে ঘোর বাধিতণ্ডা চলিতে লাগিল। এই

শিরঃপীড়ক গোলযোগ হইতে শীঘ্র পরিত্রাণ পাইবার জন্য আমরা এক জনের পুস্তকে নামধামাদি লিখিয়া দিলাম এবং সকলকে আশ্বাস ও মিষ্টবাক্যে বিদায় করিলাম।

মহারাজা পর্যটকদিগের জন্য একখানি বাংলা প্রস্তুত করিয়া দিয়াছেন। আমরা ইহাই অধিকার করিলাম এবং আর এক দণ্ড বিলম্ব না করিয়া সেই জনপ্রবাদের সত্যাসত্য জানিবার নিমিত্ত উৎসুক হইলাম। অনুসন্ধানের পর জানিলাম, যে, বহুকালাবধি প্রবাদ আছে, চীন সম্রাটেরা পরাজিত হইয়া এদেশ পরিত্যাগ করিলে এই বারমুলার সন্নিবর্তী কোনো স্থানে অনেক বহুমূল্য রত্নাদি নিহিত করিয়া যান। কিন্তু কেহই স্থান নির্দেশ করিতে পারে নাই। পরে ডাক্তার বেণু নামক এক জন মান্য ইংরাজ কোনো সূত্রে ইহা নিরূপণ করিতে ইংরাজগবর্নমেণ্ট ও মহারাজার সম্মতিক্রমে ইহা খাত হইতেছে।

ঐ স্থান দর্শন করিবার নিমিত্ত আমরা আরো কৌতুকবিষ্ট হইলাম এবং একজন পথপ্রদর্শক সমভিব্যাহারে লইয়া তথায় যাইতে যাইতে একটা অতি বৃহৎ শিবলিঙ্গ দর্শন করিলাম। উহা এরূপ বৃহৎ যে দেখিলে আশ্চর্য্য হইতে হয়। পরিমাণ করিয়া দেখিলাম, উহা উর্দ্ধে ছয় এবং আয়তনে সার্ক দ্বাদশ হস্ত। শিরোদেশে পুষ্প এবং জলদান করিবার জন্য একখানি মৈ লাগানো আছে। চৌকো প্রত্যহই পূজা করিয়া থাকে। ভগ্নাংশ দেখিয়া বোধ হইল, এতদুপযোগী মন্দিরও নির্মিত ছিল। আশ্চর্য্যের বিষয়, ইহা একখানি মাত্র প্রস্তর। একে তো এত উচ্চ, তাহাতে আবার সরলভাবে দণ্ডায়মান

রাখিবার জন্য মৃত্তিকাভ্যন্তরে অবশ্যই দুই বা তিন হস্ত প্রোথিত আছে। এই শিবলিঙ্গ পাণ্ডবদিগের দ্বারা স্থাপিত।

এই শিব লক্ষ্য করিয়াই পূর্বোক্ত ধন স্থান স্থিরীকৃত হয়। শিবের ন্যূনাধিক ৫০০ হস্ত দূরে সেই স্থান। দূর হইতে দেখিলাম, কয়েকজন মনুষ্য একটা ক্ষুদ্র পাহাড় খনন করিতেছে। নিকটে গিয়া দেখি, ইহা একটা কৃত্রিম পাহাড়। এত পুরাতন, যে, বৃহৎ বৃহৎ বৃক্ষ জন্মিয়া উহার উপরিভাগ হিংস্র জন্তুদিগের আবাস ভূমি হইয়াছে—নিমর্গোৎপন্ন পর্বত শ্রেণীর একাংশ বলিয়াই ভ্রম হয়। নিৰ্ম্মাণকালে ইহার চতুঃপার্শ্ব প্রস্তর প্রাকার দ্বারা যে সুরক্ষিত ছিল, তাহা ভগ্নাংশ দেখিয়া স্পষ্ট অনুভব করা যায়। আমরা গিয়া দেখিলাম, প্রায় অর্ধেক খনন করা হইয়াছে। ক্ষুদ্র ক্ষুদ্র প্রস্তরের গাঁথনি। (প্রস্তর গুলি আকারে আমাদিগের দেশীয় প্রাচীন কালের ইষ্টক সদৃশ) গাঁথনি এরূপ দৃঢ়, যে, অতি কষ্টেই খাত হইতেছে। নিৰ্ম্মাণ এবং রক্ষণাবেক্ষণ কৌশল দেখিয়া প্রতীতি হয়, ইহার অভ্যন্তরে অবশ্যই কিছু না কিছু আছে—হয় অসীম ধন সম্পত্তি, নয় কোনো সত্রাটের মৃতদেহ। ফলে ব্যাপারটা সাতিশয় কৌতুকাবহই বটে। অত্যল্প দিবসের মধ্যেই যাহা হয় একটা টের পাওয়া যাইবে। প্রত্যুত, কাশ্মীরের অনেক স্থানে বহুমূল্য রত্নাদি নিহিত আছে, তাহার কোনো সন্দেহ নাই। অপর, ইহার চারিদিক হিমালয় পর্বতে বেষ্টিত। স্ততরাং এস্থানে স্বর্ণ, রজতাদি ধাতুর আকর নিশ্চয়ই থাকিতে পারে। কিন্তু দুঃখের বিষয়, অদ্যাপি উহার একটাও আবিষ্কৃত হয় নাই।

.এস্থলে বিতস্তা নদী সকল স্থানাপেক্ষা প্রশস্ত—অন্যান্য তিন শত হস্ত হইবে। স্ততরাং ইহার সেতুও সৰ্ব্বাপেক্ষা বৃহৎ। নদীর দক্ষিণ তটে এক অভূচ্চ পৰ্ব্বতের তলে বার-মুলা জন্মপদ। ইহাতে ন্যূনাধিক ২৫০ ঘর বসতি আছে। ইহার প্রকৃত নাম বরাহমুলা। কারণ, প্রবাদ আছে, এখানে বরাহ অবতার হইয়াছিল। এখানকার এক পৰ্ব্বতের গাত্রে বরাহের খুব চিহ্ন অঙ্কিত আছে। এতদ্ভিন্ন এখানে সীতা-কুণ্ড, রাম কুণ্ড, সূৰ্বা কুণ্ড, প্রভৃতি অনেক কুণ্ড ও অনেক তীর্থ। আমরা এক দিবস অবস্থিতি পূৰ্ব্বক এই সমুদয় তীর্থাদি দর্শন করিলাম।

বিতস্তা নদী বারমুলা অতিক্রম করিয়াই শৈলশ্রেণীর মধ্যে গিয়া অতি সংকীর্ণ হইয়াছে এবং প্রায় দুই ক্রোশ এই সংকীর্ণ ভাবে গমন করতঃ উপত্যকা পরিত্যাগ পূৰ্ব্বক চলিয়া গিয়াছে। এস্থলে ইহার মূর্তি অতি প্রচণ্ড ও ভয়াবহ—দূর হইতে ইহার গর্জন মুহুমুহু কামান শব্দের ন্যায় শ্রুত হয় এবং সন্নিগত হইলে কর্ণ বধির হইয়া যায়। স্ততরাং আর নৌকা যাইতে পারে না। বিশেষতঃ কোনো বিশেষ কার্বানুরোধে শ্রীনগরে প্রত্যাগমন করিবার প্রয়োজন ছিল। কাজেই প্রত্যাগত হইলাম। এবার কোনো স্থানে অবস্থিতি না করিয়াই দ্বিতীয় দিবসে শ্রীনগরে উপনীত হইলাম।

ষষ্ঠ পরিচ্ছেদ ।

দ্বিতীয় অংশ ।

শ্রম মৰ্গ : কিল্লন : লোলাব

গুল্মমৰ্গ ।

কাশ্মীরের অধিকাংশ পৰ্ব্বত-শিখরই সমভূমি ও স্তবিস্তৃত । এই সমুদয় অধিত্যকাকে মৰ্গ অৰ্থাৎ ক্ষেত্র কহে । গ্রীষ্মাগমে অৰ্থাৎ শ্রাবণ ও ভাদ্র মাসে নানাবিধ মনোহর বর্ণের 'পুষ্প বিকশিত হইয়া মৰ্গ নিচয়ের অপরূপ শোভা উৎপাদন করে । অতএব পর্য্যটকেরা যেন সেই বিশুদ্ধ স্তম্ভ সম্বোগে বিমুখ না হইয়েন ।

সমুদয় মৰ্গ অপেক্ষা গুল্মমৰ্গ অতি উৎকৃষ্ট ও প্রসিদ্ধ । ইহা শ্রীনগরের পশ্চিমদিকে স্থিত । ইহাতে যাইবার অনেক পথ আছে । কতিপয় স্থলপথ, কিন্তু অধিকাংশই স্থল ও জল, মিশ্র পথ । ডাক্তার ইন্স সাহেবের কাশ্মীর ভ্রমণ সম্বন্ধীয় পুস্তকে এবং মণ্টগোমারি সাহেবের কাশ্মীর মানচিত্রে ইহাদের সবিশেষ বিবরণ বর্ণিত ও অঙ্কিত আছে । অতএব তৎসমুদয় এস্থলে উল্লেখ করা বাহুল্য মাত্র ।

গুল্মমৰ্গ শ্রীনগরের সমতল হইতে প্রায় ৩০০০ তিন সহস্র ফিট উর্দ্ধে স্থিত । ইহা দৈর্ঘ্যে তিন মাইল এবং প্রস্থে সকল

স্থানে সমান নহে। পরন্তু কুত্রাপি এক মাইলের অধিক হইবে না। ইহার চতুঃপার্শ্বেই শৈলশ্রেণী। ইহার মধ্য দিয়া এক নিরক্ষরীণী প্রবাহিত। হইয়া মর্গ পরিত্যাগ কালে অপর কতিপয় স্রোতস্বতী সহিত মিলন পূর্বক অতি গভীর শব্দে সহস্র সহস্র হস্ত নীচে গিয়া পড়িতেছে। যে নিসর্গোপন্ন পুষ্পের জন্ম এই স্থান এত প্রসিদ্ধ, তাহার কথা কি বলিব! মর্গের এক প্রান্ত হইতে অপর প্রান্ত পর্য্যন্ত সনুদয় স্থানে এবং পার্শ্ববর্তী গিরি-শ্রেণীর অধিকাংশ স্থলেই পুষ্প বিকশিত হইয়া রহিয়াছে। যতদূর পর্য্যন্ত দৃষ্টি চলিতে পারে, ততদূর পর্য্যন্ত পুষ্প ভিন্ন আর কিছুই দৃষ্টিগোচর হয় না! জগতে যত প্রকার বর্ণ আছে, ততপ্রকার রঙ্গেরই পুষ্প—কোনো কোনো স্থানে কেবলই লাল, কোথায় কেবলই সবুজ—ইত্যাদি এক এক স্থানে এক এক বর্ণের পুষ্প। আবার কোনো কোনো স্থানে প্রকৃতি দেবী স্ননিপুণ উপবন রক্ষকের ঞায় বিচিত্র বিচিত্র কেয়ারি করিয়া রাখিয়াছেন—দেখিলে অবাক হইতে হয়! এই জন্মই এই স্থানের নাম গুল্মমর্গ অর্থাৎ (গুল্ম-পুষ্প এবং মর্গ-ক্ষেত্র) পুষ্পক্ষেত্র হইয়াছে। যে বর্কবর ঈশ্বরের অস্তিত্ব বিষয়ে সন্দেহ করে এবং যে ঘোর বিষয়ী পুরুষ বিষয়মদে মত্ত হইয়া একবারও বিশ্বপাতার অচিন্ত্যশক্তি ও নিরূপম সৃষ্টি-কৌশল চিন্তা না করিয়া থাকে, তাহার। এই স্থলে আহুক—আসিয়া দেখুক, সৃষ্টিকর্তা স্বীয় সৃষ্টিতে প্রতিনিয়ত নিয়মিতরূপে কি বিচিত্র খেলাই খেলিতেছেন।

এখানে সর্বদাই অতিশয় রুষ্টি হইয়া থাকে। যাহারা

আসাম প্রদেশস্থ চিরাপুঞ্জির বৃষ্টিপাত দেখিয়াছেন, তাঁহারা ইহা উপলব্ধি করিতে পারিবেন । তথাপি এখানকার জলবায়ু অতিশয় স্বাস্থ্যকর । একারণ ভাদ্রমাসে শ্রীনগরের বায়ু কথঞ্চিৎ দূষিত হইলে অনেক পর্য্যটক এখানে কিয়দিবস বাস করিয়া থাকেন । এখানে কোনো বিশ্রামভবন নাই । ভ্রমণকারীরা আপনাপন শিবির সংস্থাপন পূৰ্ব্বক বাস করেন । ইহার সন্নিহিতে অনেক গুজ্জর অর্থাৎ গোপালক এবং চোপান্ বা পহাল্ অর্থাৎ মেঘপালক বাস করে । স্ততরাং দুগ্ধ, দধি, নবনীত ও মাংস অপৰ্য্যাপ্ত পরিমাণে পাওয়া যায় । নচেৎ অপরাপর আহাৰ্য্য ও ব্যবহাৰ্য্য সামগ্রী নিম্নভাগস্থ অতি দূরবর্তী পল্লী হইতেই আনা হইতে হয় ।

কিল্লন ।

ইহাও একটী অতি রমণীয় মৰ্গ । ইহা গুল্মমৰ্গ হইতে তিন মাইল দূরে স্থিত এবং সহস্র ফিটেরও অধিক উচ্চ । এই মৰ্গ গুল্মমৰ্গ অপেক্ষা বৃহৎ এবং ছন্দয়ে বহু সংখ্যক উত্তম উৎস ধারণ করে বটে, কিন্তু পুষ্পসৌন্দর্য্য বিষয়ে প্রথমের স্থায় রমণীয় নহে এবং এস্থলে অপেক্ষাকৃত অধিকতর বৃষ্টিপাত হইয়া থাকে । পরন্তু, এখানে আর একটী অতীব আশ্চর্য্য নৈসর্গিক শোভা আছে । ইহার চতুঃপার্শ্ব তুমার মণ্ডিত পীরপঞ্জাল দ্বারা পরিবেষ্টিত । পৰ্ব্বতের স্থানে স্থানে বৃহদাকার নীহারের রাশি “গ্লেসিয়ার” অর্থাৎ চিরনীহারের বাহুস্বরূপ লক্ষ্যমান আছে । উহা অতিশয় দৃঢ় এবং আধার স্থানের আকারানুসারে উহার ভিন্ন ভিন্ন আকৃতি দেখিতে পাওয়া যায় । দক্ষিণ-পশ্চিম কোণে যে বাহু আছে, উহা স্বদৃঢ়

ও প্রকৃত ছাতের ঝায় বিস্তৃত এবং উহার নীচে কতিপয় ক্ষুদ্র ক্ষুদ্র নিৰ্বারিণী প্রবাহিতা । দেখিয়া বোধ হয়, ঐ সব ঝরণার জল হিমালী-পতনে জন্মিয়া থাকে বলিয়া ঐ গ্লেসিয়ার চন্দ্রাতপ স্বরূপ উহাদিগকে রক্ষা করিতেছে !

লোলাব ।

লোলাব একটা অত্যুত্তম পরগণা । ইহা উত্তর-পশ্চিম প্রান্ত ভাগে স্থিত । ইহা দৈর্ঘ্যে প্রায় ১৫ মাইল এবং প্রস্থে কোনো কোনো স্থানে অতি সংকীর্ণ ও কোনো কোনো স্থানে প্রায় তিন মাইল পর্য্যন্তও প্রসারিত । ইহার চারি দিকেই অনুন্নত গিরিশ্রেণী আছে । ইহার মধ্যদেশ দিয়া এক বৃহৎ নদী প্রবাহিতা হইতেছে এবং ইহার ভূমি অতিশয় উর্বরা । এই স্থলে তঁত, বাদাম, আক্ৰোট এবং চেনার প্রভৃতি পাদপ সমূহের বহু বহু রম্য কুঞ্জ । এই পরগণায় যে ন্যূনাধিক ত্রিশটা পল্লী আছে, তন্মধ্যে এই সমুদায় কুঞ্জের মধ্যেই স্থিত । এখানকার জলবায়ু যেমন শীতল ও স্বাস্থ্যকর, সৃষ্টির শোভাও তেমনি বিচিত্র । স্ততরাং পর্য্যটকেরা যেন এই উপত্যকায় কিয়দ্বিবস অবস্থিতি পূর্বক ইহার রমণীয়তা উপভোগ করেন । অপর ঞ্জিকারীদিগের ইহা অতি প্রিয় স্থান । যেহেতু, স্তস্বাদু ফল পরিপক হইলে তল্লুকেরা তল্লোভে পালে পালে দেখা দিয়া থাকে । তজ্জন্তু অনেকে ইহাকে “ঋক্ষবন” নামেও অভিহিত করিয়া থাকেন ।

দ্বিতীয় পরিচ্ছেদ

কাশ্মীরের পথ ।

কাশ্মীরে যাইবার নিম্নলিখিত কয়েকটা প্রধান রাজপথ আছে ।

১ম। জম্মু এবং বনহাল পথ, অর্থাৎ আধুনিক কাশ্মীর-ধিপতির রাজকীয় পথ ।

২য়। ভিন্সর এবং পীর পঞ্জাল পথ, অর্থাৎ পুরাতন বাদশাহী পথ ।

৩য়। ভিন্সর এবং পুঞ্চ পথ ।

৪র্থ। মরি পথ ।

৫ম। আবোটাবাদ পথ, অর্থাৎ পূর্বতন আফগান শাসন-কর্তাদিগের পথ ।

ডাক্তার ইন্স প্রভৃতি মহোদয়গণ কাশ্মীরভ্রমণ-সম্বন্ধীয় পুস্তকে এই সমুদয় পথের কিয়দংশ বর্ণনা করিয়াছেন এবং মণ্টগোমারি সাহেবের “কাশ্মীর রুট ম্যাপ” এবং “জম্মু ও কাশ্মীর ম্যাপ” মানচিত্রে প্রত্যেক পথের প্রত্যেক স্থান অঙ্কিত আছে । কাশ্মীর-দর্শনাভিলাষী ব্যক্তিগণ তৎসমুদায় সংগ্রহ করিলে যথেষ্ট উপকৃত হইতে পারেন । তথাপি তাঁহাদের সুবিধা জন্য সর্বাগ্রে স্থায় প্রত্যক্ষলব্ধ অভিজ্ঞতানুযায়ী

সমুদায় পথের সাধারণ প্রকৃতি ও জ্ঞাতব্য বিষয় সকল বর্ণনা করিয়া পরে একাদিক্রমে সকলের সবিশেষ বিবরণ প্রকটন করিব ।

উপরে যে কয়েকটী রাজপথের নামোল্লেখ করা গেল, উহার মধ্যে কেবল প্রথমটী অর্থাৎ জম্মু ও বনহাল পথ দিয়া যাইতে হইলে কাশ্মীরাদিপতির বিশেষ আজ্ঞা আবশ্যিক । এ পথে ইংরাজেরা প্রায় কেহই যাইতে পান না—মহারাজা যাহাদিগকে অনুমতি করেন, কেবলমাত্র তাহারাই এবং তাঁহার প্রজা ও কর্মচারীরা গতয়াত করিয়া থাকে । নচেৎ, অপর চারিটী পথ অনবরুদ্ধ ।

কাশ্মীরে প্রবেশ করিতে হইলে কাশ্মীরাদিপতি অথবা ইংরাজ গবর্নমেন্ট হইতে কোনো বিশেষ আজ্ঞাপত্র লইবার আবশ্যিক করে না । তবে যাহাতে পথিমধ্যে কোনো কষ্ট না হয়—অনায়াসে যান, বাহক ও আহারীয় এবং অপরাপর ঐয়োজনীয় দ্রব্যাদি নিয়মিত মূল্যে পাওয়া যায়, তজ্জন্য পূর্বোক্ত গবর্নমেন্ট দ্বয়ের মধ্যে একটীর পরোয়ানা অর্থাৎ ক্ষমতাপত্র সংগ্রহ করা পরামর্শসিদ্ধ ।

কিন্তু কাশ্মীর হইতে বহির্গমন কালে তথাকার শাসন-কর্তার স্বাক্ষরিত বা মুদ্রাঙ্কিত “রাহাধারী” অর্থাৎ বহির্গমন আদেশপত্র গ্রহণ না করিলে কি ইউরোপীয়, কি কাশ্মীরী, কি বাঙ্গালী, কি হিন্দুস্থানী কোনো জাতীয় কেহই আসিতে পারে না । এ কারণ, একটী প্রবাদ বাঁক্য আছে, যে “কাশ্মীর কয়েদ বে জিঞ্জির” অর্থাৎ কাশ্মীর বিনা শৃঙ্খলে কারাগার । অথবা অভিমন্যুর ঞ্চায় বলা যাইতে পারে, “আগম শক্তি

আছে, নির্গম শক্তি নাই!” কিন্তু সচ্চরিত্র পর্যটকেরা ইচ্ছা করিলেই অনায়াসে রাহাধারী পাইয়া থাকেন।

সকল পথের প্রতি আড্ডাতে বাসোপযোগী গৃহ আছে এবং অশ্ব, অশ্বতর, পালকী ও বাহক প্রভৃতি অতি সুলভ। লোকালয় ভেদে কোনো স্থানে দুই তিনটি দোকান এবং কোনো কোনো স্থানে বা আপণ-শ্রেণী আছে। উহাতে চাউল, আটা, স্নাত, চিনি, ছুঙ্ক, দধি প্রভৃতি আহারীয় দ্রব্য পাওয়া যায়। এই সমুদয় সামগ্রী আয়োজন করিবার জন্ম মহা-রাজার কর্মচারীরা নিযুক্ত আছে; তাহারা কোতোয়াল অথবা সার্জন নামে খ্যাত। এতদ্ব্যতীত, স্তবেদার, তহসিলদার, থানাদার, পেঞ্চার, নম্বরদার এবং ঠিকাদার সংজ্ঞাধারী কর্মচারীরাও পথিকদিগের তত্ত্বাবধারণ করিয়া থাকে। কোনো আড্ডাতে পৌঁছিয়াই উহাদিগকে সংবাদ করিবারাত্র উহারা প্রকৃত আজ্ঞাবহ রূপে সমুদয় অভাব পূরণ করিয়া দেয়। স্ততরাং পথিমধ্যে যাত্রীগণের কোনো প্রকার ক্লেশ হইবার সম্ভাবনা নাই।

এস্থলে উল্লেখ করা আবশ্যিক, যে, আহাৰ্য ও ব্যবহার্য দ্রব্যাদির মূল্য নিরূপিত আছে এবং এক আড্ডা হইতে অপর আড্ডা যাইবার জন্ম যান ও বাহকের মূল্য এইরূপ;—

১ (আরোহণোপযোগী) অশ্ব বা অশ্বতর—

	প্রতি আড্ডা	৥০ আনা
১ ভারবাহী অশ্বতর	ঐ	৥০
১ পালকী	ঐ	১০
১ পালকী-বাহক	ঐ	১০০

১ ভারবাহক

ঐ

১০

১ কসাব-বাহক (পিঠু) পিঠু } ঐ { ১০. হইতে
৬০ আনা

অশ্ব ও বাহকেরা তাহাদিগের নির্দিষ্ট এক আড়্ডার অধিক গমন করে না। অগ্রবর্তী আড়্ডায় ভার পৌঁছিয়াই আপনাপন প্রাপ্য মজুরি লইয়া প্রত্যাগমন করে। স্বতরাং প্রতি স্থানে নূতন নূতন যান ও বাহকের অনুসন্ধান করিতে হয়। পথের অবস্থানুসারে ছয় বা আট জন বেহারা নিতাস্ত প্রয়োজনীয়। কাশ্মীরের সাহাবাদ এবং বনুহাল নামক স্থান-দ্বয়ের পালকী-বাহকেরা অতিশয় দৃঢ় এবং পার্বত্য পথের সম্যক উপযোগী। কিন্তু কাশ্মীরে প্রবেশ কালে বনুহাল পথ ভিন্ন উহাদিগকে পাওয়া স্ককঠিন। তবে বহির্গমনকালে তথাকার শাসনকর্তা দ্বারা চেষ্টা করিলে উহাদিগকে পাওয়া যাইতে পারে।

যে সমুদয় রাজপথের নামোল্লেখ করা গিয়াছে, উহার মধ্যে প্রথম ও তৃতীয় পথ সর্বাপেক্ষা দুর্গম। স্বগমতা পক্ষে চতুর্থ ও পঞ্চম সর্ব শ্রেষ্ঠ এবং দ্বিতীয়টা ঐ উভয় অপেক্ষা কিঞ্চিৎ নূন। ইহাদিগের দূরতার তালিকা নিম্নে প্রকাশ করা যাইতেছে।

১। জম্মু ও বনহাল পথ ।

আড্ডার সংখ্যা	আড্ডা	আনুমানিক মাইল	মন্তব্য ।
	জম্মু		লাহোর হইতে সেয়ালকোট ৭৪ মাইল এবং সেয়ালকোট হইতে জম্মু ন্যূনাধিক ২৫ মাইল ।
১	দংশাল	১৫	পথ অতি দুর্গম, স্থানে ২ প্রকৃত পথ নাই । } অপেক্ষাকৃত সুগম ।
২	কিরিমচৌ	১২	
৩	মীর	১২	
৪	লান্দর	১২	পথ সুগম ও দুর্গম—উভধর্মাক্রান্ত ।
৫	বিলাওৎ	১৫	লান্দর পরিত্যাগ করিয়া লাডোলাডীর পাছাড়ে চড়িতে হয়, পথ অতি দুর্গম ।
৬	রামবন	৯	রামবনে যাইতে চন্দ্রভাগানদী পার হইতে হয় । অবতরণ অতি ভয়ানক ।
৭	রামসু	২০	উভধর্মাক্রান্ত । ●
৮	বনহাল	১৫	এ
৯	বৈরনাগ	১৫	বনহাল হইতে বৈরনাগ পীর পার্বত (সমুদ্রের সমতল হইতে ৯২০০ ফীট উচ্চ) অতিক্রম পূর্বক অবতরণ করিতে হয় এবং এখানে সমতল ভূমির আরম্ভ । বৈরনাগ মনোরম্য স্থান এবং কাশ্মীরের দ্রষ্টব্য স্থানের মধ্যে একটা সুন্দর স্থল ।
১০	অনন্তনাগ	১৬	সমতল ভূমি এবং স্থান রমণীয় ।
১১	ক্রীনগর	৩০	অনন্তনাগ হইতে প্রায় সকলেই নোঁকাপথে গমন করে। স্থলপথে দুই আড্ডা ।
	সর্বমুদ্র	১৭১	

এই পথ দিয়া লাহোর হইতে শ্রীনগর ২৭০ মাইল । জম্মু হইতে শ্রীনগর ১১ আড্ডা । স্তত্রাং পথিমধ্যে বিলম্ব না হইলে একাদশ দিবসে শ্রীনগরে উত্তীর্ণ হওয়া যায় । কিন্তু পূর্ব হইতে বাহকাদির বন্দোবস্ত থাকিলে অথবা প্রকৃত কাশ্মীরী-বাহক প্রথমাধি নিযুক্ত থাকিলে অশ্বেক্ষাকৃত অনেক অল্প দিবসে পৌঁছান যায় ।

২ । ভিম্বর ও পীর পঞ্জাল পথ ।

আড্ডার সংখ্যা	আড্ডা	আনুমানিক মাইল	মন্তব্য ।
	ভিম্বর ।		লাহোর হইতে গুজরাৎ ৭০ মাইল এবং গুজরাৎ হইতে ভিম্বর ২৮ মাইল ।
১	সৈদাবাদ	১৫	আদি চক চড়াই অতিক্রম করিতে হয় ।
২	নাওশেরা	১২।।০	পথ সুগম ।
৩	চংগম	১৩।।০	পথ সুগম এবং তাবী নদীর গর্ভ দিয়া গিয়াছে ।
৪	রাজোড়ী	১৪	ঐ ঐ ।
৫	ধন্নামণ্ডী	১৪	পথ অতিশয় সুগম ।
৬	বরম-গোলা	} ১০।।০	রতন পীর (সমুদ্রতল হইতে ৮২০০ ফিট উচ্চ) অতিক্রম করিতে হয় ।
৭	পৌশি-য়ানা		পথ সুগম এবং চিত্রপাণীনদী ন্যূনাধিক পঞ্চবিংশতিবার পার হইতে হয় । এইপথে অতি সুন্দর সুন্দর জলপ্রপাত আছে ।
৮	আলিয়া-বাদসরাই	} ১১	পীরপঞ্জাল (সমুদ্রতল হইতে ১১০০ ফিট উচ্চ ।) ।
৯	হীরপুর		পথ সুগম ।
১০	শোপি-য়ান	} ৮।।০	অতিশয় সুগম ।
১১	রামু		ঐ
১২	শ্রীনগর	১৮	ঐ এবং সমতল ভূমি ।
	সর্বমুদ্র	১৪৮	

এই পথ দিয়া লাহোর হইতে শ্রীনগর ২৪৬ মাইল।
ভিন্সর হইতে শ্রীনগর ১২ আড্ডা, স্ততরাং ১২ দিনের পথ।
কিন্তু এক দিবসে অনায়াসে অল্প দূরবর্তী ছই আড্ডা করিয়া
যাইতে পারা যায়।

৩। ভিন্সর ও পুঞ্চ পথ।

আড্ডার সংখ্যা	আড্ডা	আনুমা- নিক মাইল	মন্তব্য।
	ভিন্সর।		
	হইতে		
৫	ধনামতী	৬৯	
৬	সুরন	১৬	রতনপীর পাহাড়। পথ সুগম।
৭	পুঞ্চ	১৪	পথ সুগম।
৮	কেছটা	৯	ঐ।
৯	আলিয়া- বাদ	৮	পথ দুর্গম।
১০	হাইজা- বাদ	৭	হাজী পীর পাহাড়। পথ দুর্গম।
১১	উড়ী	১০	পথ অতিশয় দুর্গম।
১২	নাউশেরা	১৪	পথ দুর্গম।
১৩	বারমুলা	১০	পথ অতি দুর্গম।
১৪	শ্রীনগর	৩০	বারমুলা হইতে প্রায় সকলেই নৌকা পথে গমন করিয়া থাকে। স্থল পথে ছই আড্ডা আছে।
	কুহুম	১৮৭	

ভিন্সর হইতে শ্রীনগর ১৪ আড্ডা, স্ততরাং ১৪ দিবসের পথ।
পথ অতি দুর্গম। একারণ, এক দিনে ছই আড্ডা যাওয়া
অতি ক্লেশদায়ক ও অপরামর্শসিদ্ধ।

৪। মরি পথ ।

আড্ডার সংখ্যা	আড্ডা	আনুমা- নিক মাইল ।	মন্তব্য ।
১	মরি & দেউল	১০	পথ অতি সুগম ।
২	* কোহালা	১০	বিলম্ব (বিতস্তা) নদী। পথ অতি সুগম
৩	আটান পথ {	৬	ঐ । পথ অতি দুর্গম ।
৪		৮।০	পথ দুর্গম ।
৫		৭।০	ঐ ।
৬		১০	অপেক্ষাকৃত সুগম ।
৭		১৫	পথ সুগম ।
৮	উড়ী	১৬	পথ অতি দুর্গম ।
৯	নাওশেরা	১৪	পথ দুর্গম ।
১০	বারমুলা	১০	পথ অতি সুগম ।
১১	ত্রিনগর	৩০	{ বারমুলা হইতে প্রায় সকলেই নৌকাপথে গমন করিয়া থাকে ।
	মরুসুন্ধ	১৩৭	

লাহোর হইতে যাইতে হইলে এই পথ দিয়া যাওয়া বড়
সুবিধা নহে । রাউলপিন্ডী প্রভৃতি স্থানবাসীদিগের পক্ষে
ইহা উত্তম ।

বৃত্ত পথ ।	৩	কোহালা	হইতে	চত্রকলাশ	১১ মাইল ।	পথ সুগম ।
	৪	চত্রকলাশ	”	রাড়	১২ ”	
	৫	রাড়	”	ত্রিনালী	১২ ”	
	৬	ত্রিনালী	”	ঘরী	১০ ”	
	৭	ঘরী	”	হতি	১২ ”	

৫। আবোটাবাদ পথ

আবুজার সংখ্যা	আবুজা	আনুমানিক মাইল	মন্তব্য।
	আবো- টাবাদ।		
১	মানসেরা	১৩।০	পথ অতি সুগম।
২	ঘরী	১৯	ঐ।
৩	যোজা- ফেরাবাদ	৯	পথ দুর্গম।
৪	হতীয়ান	১৭	পথ দুর্গম।
৫	কণ্ডা	১১	পথ সুগম।
৬	কথাই	১২	পথ দুর্গম।
৭	শাহদেরা	১৬	ঐ।
৮	গিংগল	১৪	পথ সুগম।
৯	বারমুলা	১৮	ঐ।
১০	শ্রীনগর	৩০	{ বারমুলা হইতে প্রায় সকলেই নৌকা পথে গমন করে।
	সর্বমুদ্র	১৫৫।০	

এই পথও লাহোর বা তন্নিকটবাসীদিগের পক্ষে সুগম নহে। পেশোয়ার ও রাউলপিণ্ডী প্রভৃতি স্থানবাসীদিগের পক্ষে ইহা অতি উপাদেয়।

এই সমুদায় তালিকা পাঠে প্রতীতি হইবে, কলিকাতা বা লাহোর হইতে আসিতে হইলে বনুহাল, পীর পঞ্জাল অথবা পুঞ্চ পথ অবলম্বন করা পরামর্শসিদ্ধ। বনুহাল এবং পুঞ্চ পথ অতি দুর্গম ও সমূহ আপজ্ঞনক। স্ততরাং কোনো বিশেষ প্রয়োজন না থাকিলে এই দুই পথ পরিত্যাগ করিয়া পীর পঞ্জাল পথে গমন করাই সর্বতোভাবে বিধেয়। জম্মু হইতে

আর এক পথ নির্গত হইয়া ভিস্বর পথের সহিত মিলিত হইয়াছে । পর্যটক স্বেচ্ছামতে উহাও অবলম্বন করিতে পারেন । মরি পথ সর্বাপেক্ষা স্নগম ও হ্রস্ব । কিন্তু উহা এবং আবো-টাবাদ পথ তত্রত্য অথবা তৎসম্বিহিত স্থানবাসীদিগের পক্ষেই সুবিধাজনক ।

পূর্বোক্ত কয়েকটি পথ ব্যতীত কাশ্মীরে যাইবার আরো কতিপয় পথ আছে । কিন্তু তৎসমুদয় স্থানীয়পথ এবং উল্লিখিত কোনো না কোনোটির সহিত মিলিত হইয়াছে । সুতরাং তাহাদের নামোল্লেখ ও বর্ণনা দ্বারা পাঠকদিগের চিত্ত ভারাক্রান্ত করিতে ইচ্ছা করি না । সিমলা পর্বত হইতে পর্বতমালা ও শৈল শিখর দিয়া দুই পথ আছে । কিন্তু পঞ্জাব গবর্ণমেন্টের বিশেষ অনুমতি না হইলে উহা দ্বারা কেহই গতয়াত করিতে পারে না ।

যে কয়েকটি পথ স্নগম বলিয়া উল্লেখ করা গেল. তাহাতে পাঠকবর্গের মনে স্নগম শব্দের কিরূপ অর্থ প্রতিভাত হইয়াছে বলিতে পারি না । যিনি কখনো পার্বত্যদেশে পদচালনা করিয়াছেন, তিনিই বুঝিবেন, যে, উহা “মন্দের ভাল” এই মাত্র । নচেৎ যাঁহারা অদ্যাপি বঙ্গদেশের সমতল ভূমিতে সুখে ভ্রমণ করিতেছেন, এখানকার পথের কাঠিন্য ও অসরলতা তাঁহাদিগের হৃদয়ঙ্গম হওয়া স্ককঠিন । তবে সকলেই শৈশবকালে “স্বর্গের সিঁড়ীর ” উপকথা শুনিয়া থাকিবেন । সুতরাং কাশ্মীরকে স্বর্গ বিবেচনা করিয়া ইহার পথের দুর্গমতা অনুভব করিতে পারেন ।

ইংরাজরাজ্য যত দূর বিস্তৃত হইয়াছে তত দূর পর্য্যন্ত

স্বপ্রশস্ত রাজপথে স্বেথে বিচরণ করা যায়। কিন্তু উহা অতিক্রম পূর্বক পর্বতমালা সমন্বিত কাশ্মীরাধিপতির রাজ্যে গমন করিলেই আর সে স্বেথ থাকে না। কাশ্মীরের পথে সমতল ভূমি নাই বলিলেই হয়—কেবল মাত্র “চড়াই” ও “উতরাই” অর্থাৎ আরোহণ এবং অবরোহণ অথবা উত্থান ও পতন! কোনো কোনো চড়াই ছুই ক্রোশ হইতে তিন ক্রোশ পর্যন্ত উচ্চ এবং অতিক্রম করিতে ন্যূনাধিক তিন ঘণ্টা লাগে। কোনো কোনোটা এমন সরল উচ্চ, যে, উত্থানকালে ঝাঁপানে * রজ্জু বাঁধিয়া টানিতে এবং বিপরীত ভাগে অবতরণ সময়ে রজ্জু দ্বারা ঝুলাইয়া দিতে হয়। স্থানে স্থানে এমন বক্র, যে, কি ঝাঁপান, কি আরোহী, কি বাহক, সকলকেই কুণ্ডলাকারে পরিভ্রমণ করিতে হয়। এমত সমুদয় চড়াই আরোহণ কালে আরোহীর কথা দূরে থাকুক, দর্শক মাঞ্জে-রই হ্রৎকম্প হইতে থাকে। এ স্থলে বলা বাহুল্য মাত্র, যে, আরোহণ ও অবরোহণ উভয় ব্যাপারই বহু কষ্টে সাধনীয়।

কোনো কোনো স্থলে প্রকৃত পথ নাই। মনুষ্যের গতা-য়াতে যৎকিঞ্চিৎ কৃচ্ছসাধ্য পথ হইয়া গিয়াছে। আবার

* ঝাঁপান পার্বত্য দেশের শিবিকা। এখানে ইহার গঠনানুসারে ‘পালকী’ ও ‘বাল্লালা’ প্রভৃতি নামে খ্যাত। ইহা আমাদিগের দেশের বিগ্রহাদি লইয়া ঘাইবার চৌকি মাত্র। কিন্তু বাহকেরা বংশে ক্ষুদ্র দেয় না। বংশস্থয়ের দুই দিগের দুই প্রান্তে রজ্জু সংলগ্ন করে এবং তন্মধ্যে অপর এক ক্ষুদ্র বংশ প্রয়োগ পূর্বক তাহাতে স্বকারণোপন করে। সুতরাং প্রতি পদবিক্ষেপে ঘানারোহী দোদুল্যমান হয়েন ও নৃত্য করিতে থাকেন। এককালে দুই জন সম্মুখে এবং দুই জন পশ্চাত্তানে বহন করে। আবশ্যিকমতে চারিজন করিয়া আট জনও বহন করিয়া থাকে।

কোনো কোনো স্থানে প্রস্তুত এমন চিহ্ন, যে, তছুপরি পদ স্থির রাখা স্বকঠিন ; অথবা এরূপ বন্ধুর, যে, যাত্রীদিগের পদতল ক্ষত বিক্ষত হইয়া শোণিত প্রবাহ প্রবাহিত হইবেই হইবে। যে যে স্থলে পথ আছে, উহা হয়তো ন্যূনাধিক দুই হস্ত পরিমিত প্রশস্ত এবং এত উচ্চ, যে, নিম্ন তলে দৃষ্টি নিক্ষেপ করিলে শিরাদেশ ঘূর্ণিত হইতে থাকে। এস্থলে দৈবাৎ কাহারো পদস্থলন হইলে আর নিস্তার নাই, একবারে সহস্র সহস্র হস্ত নিম্নে পতিত হইয়া চূর্ণ বিচূর্ণ হইতে হয়, নিদর্শন মাত্রও থাকে না।

প্রায় প্রাপ্ত পথ সমুদয় শীতকালে তুষারমণ্ডিত হইয়া যায় এবং সম্পূর্ণ অগম্য হইয়া উঠে। বৈশাখ মাসের প্রারম্ভ কালাবধি বরফ দ্রব হইতে থাকে এবং মনুষ্যের গতয়াতের যোগ্য হয়। পরন্তু দ্বিতীয় অর্থাৎ ভিন্নর ও পীরপঞ্জালপথ কোনো বৎসর আষাঢ় মাসে পরিক্ষৃত হইয়া থাকে। মা

এখানকার পথ যৎপরোনাস্তি দুর্গম ও ভয়ানক বটে, কিন্তু বাহ্য জগতের যেরূপ রমণীয় শোভা, তাহাতে পথ-কাষ্ঠের জন্ম লোকে প্রচুর পরিমাণে পুরস্কৃত হইতে পারে। প্রথম ও তৃতীয় পথ যেমন সর্ব্বাপেক্ষা দুর্গম, নৈসর্গিক সৌন্দর্য্য পক্ষে উহা তেমনি সর্ব্বোৎকৃষ্ট। স্থানে স্থানে শ্বেত, রক্তিম, হরিৎ বা উপর কোনো বর্ণের পুষ্পবাটিকা। যত দূর নয়নপাত করা যায়, কেবলই এক এক বর্ণের পুষ্প বিকসিত হইয়া সৌরভ দান করিতেছে দেখিতে পাওয়া যায়—স্বশীতল সমীরণ চামেলি ও গোলাপ প্রভৃতি স্নগন্ধ পুষ্পের গন্ধ হরণ করতঃ চারি দিক আমোদিত করিতেছে—অলিকুল গুণ গুণ রব

করতঃ এক পুষ্প হইতে পুষ্পাস্তরে মধু পান করিয়া বেড়াইতেছে—কোনো স্থানে শেরালকাটার ঝায় কণ্টকী-বৃক্ষ কদম্বপুষ্প সদৃশ কোমল কেশর সম্বলিত গোলাকার পুষ্পাধারণ করিয়া রহিয়াছে—বিবিধ প্রকারের বৃক্ষ যেন স্থনিপুণ উপবনরক্ষকের হস্ত দ্বারা যত্নরূপে শ্রেণীবদ্ধ হইয়া দণ্ডায়মান রহিয়াছে—ক্ষুধার্ত পথিকদিগের ক্ষুৎপিপাসা ও শ্রাস্তিদূর করিবার নিমিত্তে আঙ্গুর, দাড়িম্ব, আক্ৰোট, তুঁত প্রভৃতি সুস্বাদু ফলের অযত্নসম্ভূত বৃক্ষ উৎপন্ন হইয়া রহিয়াছে—সুশীতল ছায়াপ্রদ লতামণ্ডপ অথবা বিজন নিভৃত রমণীয় কানন স্থললিত দ্বিজকুলের মধুর কণ্ঠস্বরে প্রতিধ্বনিত হইতেছে—পর্বতের গাত্র ভেদ করিয়া নির্ঝর ঝর ঝর শব্দে পতিত হইতেছে—একাদিক্রমে বহুসংখ্যক নির্ঝর সংমিলিত হইয়া প্রবাহ স্বরূপে প্রবাহিত হইতেছে—উহার দুই পক্ষ করবী প্রভৃতি পুষ্প দ্বারা শোভিত দেখিয়া বোধ হয়, যেন প্রবাহ পুষ্পহার গলদেশে সংলগ্ন পূর্বক পরিণয়ে দ্রুতগামী হইয়াছে—বিস্বাকারে শীতল সুস্বাদুজল সহস্র সহস্র উৎস হইতে নির্গত হইতেছে—পর্বতের শিখর দেশ হইতে (কোনো কোনো স্থলে অনুমান চারি বা পাঁচ সহস্র ফিট উচ্চ) অসংখ্য অসংখ্য জলপ্রপাত বৈচিত্র্যাকারে পতিত হইতেছে—কোনো স্থানে বা ‘একা নদা বিশ * ক্রোশ’—

* তিস্তর এবং পীরপঞ্জাল পথে বরনগোলা এবং পোশিয়ানা নামক দুই আড়-ভার মধ্যবর্তী চিত্রপাণি নামী এক নদী আছে। উহা ন্যূনাধিক এক শত হস্ত প্রেশস্ত এবং এরূপ বক্রগতিতে প্রবাহিত হইতেছে যে, উহা অষ্টবিংশতি বার অতিক্রম করিতে হয়।

কোনো স্থানে বরফ জমিয়া একরূপ দৃঢ় ও রমণীয় সেতুর আকারে পরিণত হইয়াছে, যে, দূর হইতে যমুনা বা শোণ নদীর সেতু অপেক্ষা মনোহর ও উপাদেয় বোধ হয় ! তদুপরি মনুষ্যাদি জীব জন্তু অকুতোভয়ে গমনাগমন করিতেছে—পর্বতের গাত্রে অপূর্ব অপূর্ব শস্যক্ষেত্র বিরাজ করিতেছে—দুরারোহ শিখরদেশে পার্বত্য জাতীয়দিগের কুটীর দৃষ্ট হইতেছে—ইত্যাকার রমণীয় পদার্থ সকল সন্দর্শন করিলে মনে যে অনুপম প্রীতির উদয় হয়, তাহা প্রকাশ করিবার শব্দ নাই ! তখন ঘোর বিষয়ী লোকের মনও আকৃষ্ট না হইয়া থাকিতে পারে না এবং পথের যে এত কষ্ট, তাহা আর মনে থাকে না ।

আবার শৈলশিখরে আরোহণ করিলে সৃষ্টির কি বিচিত্র শোভা নয়নপথে পতিত হয় ! পদতলে নবীন জলধরকুল ক্রীড়া করিয়া বেড়াইতেছে—কোনো কোনো পর্বত-পার্শ্বে নিবিড় মেঘ সকল, ক্রীড়া-ক্লান্ত শিশু যেমন মাতৃক্রোড় আশ্রয় করিয়া নিদ্রিত হয়, সেই ভাবে নিশ্চল রহিয়াছে ! এই সকল দর্শন করিলে শৈশব-শ্রুত মেঘের শালপাতা খাওয়ার উপন্যাস মনে পড়ে ! চারিদিকে পর্বতমালা যেন একটা আর একটীর গাত্রে ঠেস দিয়া রহিয়াছে ! অদূরে অল্পমত পাহাড় সকল ক্ষেত্রের আইলের ন্যায় এবং অধিত্যকা সমুদয় হরিদ্বর্ণ দুর্বাদল-পল্লিপূরিত ক্ষেত্রের ন্যায় প্রতীয়মান হইতেছে । কোনো দিগে বা স্রোতস্বতী হেলিয়া সর্পের ন্যায় বক্রভাবে পড়িয়া রহিয়াছে । চীড় প্রভৃতি দেবদারু জাতীয় পাদপসমূহ সরলভাবে দণ্ডায়মান হইয়া শিরোদেশ উন্নত করিয়া যুত্বে যুত্বে পবনহিল্লোলে কম্পিত হইতেছে । ইত্যাদি স্বভাবের আশ্চর্য

মৌখিক ও মাধ্যম-ভাব বিলোকনে সহসা আশ্রয় হইতে এই কথাটা নির্গত হয়, “ ভ্রমণ রমণ কিনা দেখরে নয়ন ! ” এবং ঈশ্বরের অচিন্ত্য শক্তি, অনন্ত জ্ঞান ও অনুপম সৃষ্টি-কৌশল অনুধাবন করিয়া অন্তঃকরণ একবারে ভক্তিরসে দ্রব হইয়া যায় এবং তাঁহাকে শত শত ধন্যবাদ ও প্রণিপাত করিতে নাস্তিকেরও প্রবৃত্তি হয় !

বিধি চক্ষু দিল যারে, থাকে যদি অন্ধকারে,

অনুপম সৃষ্টি-শোভা না করি দর্শন ।

বুধায় জীবন তার বুধায় জীবন !

পাঠকবর্গ সহজেই মনে করিতে পারেন, যে, এতাদৃশ নিভৃত ও দুর্গম পথে অবগত হই দস্যু ও চৌরভয়ে অথবা হিংস্র জন্তুদিগের দৌরাণ্ড্যে পথিকদিগের সমূহ বিপত্তির সম্ভাবনা । পথের কথা দূরে থাকুক, অধিকাংশ আড়াল পার্বত্য-শিখরের একরূপ বিজন প্রদেশে স্থিত, যে, দিবাভাগে তথায় পাদবিক্ষেপ করিতে হুৎকম্প উপস্থিত হয় । কিন্তু দোদীপ্ত প্রতাপশালী মহারাজা গোলাপ সিংহ চুশ্চরিত্র পার্বত্যজাতিদিগকে একরূপ শাসিত করিয়া গিয়াছেন, যে, উহাদিগের ত্রুর স্বভাব ও শিক্কা-চার ও মিত্রবৎ ব্যবহারে পরিণত হইয়াছে । এখন কেহ আর পরদ্রব্যের উপর লোভাকৃষ্ট দৃষ্টি নিক্ষেপ করে না । ভার-বাহকেরা বহুমূল্য দ্রব্যাদি লইয়া বিনা রক্ষকে অদ্বিষ্ট-স্থলে পৌঁছিয়া দেয়—একটী সামান্য দ্রব্যও স্থানভ্রষ্ট হয় না । অমূল্য রত্নাদি পথিমধ্যে বা কোনো আড়ালে পতিত হইয়া থাকিলে কেহ স্পর্শও করে না । অধিক কি, যদি কোনো নিরাশ্রয়ী অবস্থা নানা স্বর্ণালঙ্কারে ভূষিতা হইয়া একাকিনী এই পথে

গমন করে, তথাপি তাহার কোনো শঙ্কা নাই। বোধ হয়, শাদ্দুল প্রভৃতি নরমাংসলোভী জন্তুগণও যেন মহারাজার ভুজবলভয়ে ত্রাসান্বিত হইয়া অতি দূরদেশে পলায়ন করিয়াছে। কেননা, ইহাদিগের দ্বারা যে কোনো পুথিকের প্রাণ নাশ হইয়াছে, তাহা অদ্যাপি স্মৃত হয় নাই। এই বর্ণনা সহস্রা অতি-বর্ণনা রূপে অনুভূত হইতে পারে, কিন্তু ইহার এক বর্ণও অধিক করিয়া বলা নহে—যাঁহারা এদেশে কিছুকাল আছেন বা ছিলেন, আমি তাঁহাদিগকেই সাক্ষী মানিতেছি।

পূর্বে যে ঝাঁপান যানের বিষয় উল্লেখ করা গিয়াছে, উহা সম্যক্ রূপে নিরাপদ নহে। একেতো, দুর্গম স্থান বিশেষে উহা হইতে অবতরণ পূর্বক পদব্রজে গমন করিতে হয়, তাহাতে আবার পথের কাঠিন্যে বা বাহকদিগের অসাবধানতায় উহাদিগের পদস্থলিত হইলে ঝাঁপান ভূমিতলে পতিত হইতে আরোহীর প্রাণ নাশ পর্য্যন্ত সম্ভাবনা। কয়েক বৎসর হুয়াপ-মরিপথে জর্নৈক ইংরাজ ঝাঁপান হইতে পতিত হইয়া মেরু দণ্ডে এরূপ আঘাত-প্রাপ্ত হইয়াছিলেন, যে, তাহাতে তাঁহার পঞ্চত্ব প্রাপ্তি হয়।

অনেকে অশ্বারোহণ পূর্বক গমন করে বটে, কিন্তু উহা সমূহ বিপজ্জনক। এ অবস্থায় অধিকাংশ পথ পদব্রজে গমন করিতে হয়।

বন্থাল পথ ব্যতীত অপরাপর পথে উষ্ণ, অশ্ব প্রভৃতি ভারবাহী জন্তু অতি কষ্টে গমন করিয়া থাকে। মোগল সম্রাটেরা ভিঘুর ও পীর পঞ্জাল পথ দিয়া শত শত হস্তীও লইয়া যাইতেন। কিন্তু মধ্যে মধ্যে সমূহ বিপদ ঘটিত। বারনিয়ার

গাহেব (যিনি সন ১৬৬৪ খ্রীষ্টাব্দে দিল্লীশ্বর আরঙ্গজেব বাদশাহের সহিত কাশ্মীর গমন করিয়াছিলেন) লিখিয়াছেন, যে, যৎকালে সম্রাটের হস্তীমালা পীর পঞ্জাল পর্বতের উপর আরোহণ করিতেছিল, তখন সর্বপ্রবর্তী হস্তী সম্মুখস্থ দীর্ঘ ও সরল চড়াই দেখিয়া চমকিত ও ভীত হইয়া যেমন পশ্চাদগমন করিল, অমনি পশ্চাত্তাগস্থ হস্তীর উপরে আসিয়া পড়িল। সেও তৃতীয় হস্তীর উপরে পতিত হইল। এইরূপে ক্রমান্বয়ে পঞ্চদশ মন্ব বারণ ভূপতিত হইয়া একবারে নিম্নদেশে গড়াইয়া আসিয়া পড়িল। এই সমুদায় করী-পৃষ্ঠে সম্রাটের অন্তঃপুরবাসিনী বিলাসিনীগণ ছিলেন। উহাদিগের মধ্যে চারি জন তদগোই পঞ্চম প্রাপ্ত হইল এবং হতভাগা মাতঙ্গগণ এমনি আঘাত প্রাপ্ত হইয়াছিল, যে, ধরাশায়ী হইয়া আর পথেরুখান করিতে পারিল না। এক এক করিয়া কিছুদিনের এরূপ সকলেই মরিয়া গেল। ঐ স্থান সমতলভূমি হইতে বর্কছু উচ্চ। তাহাতেই অনেক আরোহিণীর প্রাণ বাঁচিয়া যায়। নচেৎ পর্বতের আর কিয়দূর উল্কে উঠিয়া এই বিপন্ন ঘটিলে উহার পরিণাম যে কি হৃদয়-বিদারক হইত, তাহা পাঠকগণ মনে করিয়া দেখুন।

এতদ্ব্যতীত আর এক প্রকার যান আছে তাহাকে “ পিঠু বা পিঠু ” * অর্থাৎ পৃষ্ঠারোহণ কহে। কাশ্মীরীভাষায় ইহাকে কসাৰ কহিয়া থাকে। বাহকের পশ্চাত্তাগে পৃষ্ঠ সম্বলিত মোড়া অথবা বৃক্ষশাখা-নির্মিত তাদৃশ আসন সংলগ্ন থাকে এবং আরোহী তত্বপরি অধিষ্ঠিত হয়। এরূপ মোড়ায় উপ-

* আনাম প্রদেশ বাসী এবং তৈজ্যন্ত পর্বতে ইহাকে “ খাবা ” কহে।

বেশম প্রকৃত “মধুমোড়া” বলিতে হইবে! কারণ, আরো-
হীর পদদ্বয় বন্ধনীকৃত, হস্তদ্বয় আকৃষ্ট ও কৃতাজ্জলিপুট হইয়া
কটদেশের নিম্নে স্থিত এবং বাহকের বিপরীত ভাগে বদন-
মণ্ডল সংস্থাপিত দেখিলে ঠিক কপিধ্বজ বলিয়া বোধ হয়।
আবার, বাহক আনুমানিক ২০।২৫ পদ অগ্রসর হইয়াই আরো-
হীর পদতলে ঠেকেনো (আশ্রয়) প্রদানপূর্বক দণ্ডায়মানাব-
স্থায় কিয়দণ্ড শ্রান্তিদূর করিয়া লয়। পরন্তু নির্ধন ব্যক্তির
কোনো পীড়াক্রান্ত অথবা চলৎশক্তি-রহিত হইলে এই যান-
রোহণ করিয়া থাকে।

পদব্রজে ভ্রমণ ক্ষীণজীবী বাঙ্গালীদিগের পক্ষে সম্পূর্ণ অস-
ম্ভব। কিন্তু কাশ্মীরী বা পার্বত্য বলিষ্ঠ লোকে এই দুর্গম
পথে দুই মণ পর্য্যন্ত ভার বহন পূর্বক যেরূপ অবলীলাক্রমে
গতায়ত করে, তাহা দেখিলে আশ্চর্য্য হইতে হয়। ফলতঃ
সর্ব্বশুভবিধাতা ভগবান মানবজাতিকে বিশেষ বিশেষ স্থানোপ-
যোগী করিয়াই সৃজন করিয়াছেন।

১। জম্মু এবং বনুহাল পথ।

জম্মু হইতে কাশ্মীরে যাইবার দুই পথ আছে। প্রথম
বনুহাল এবং দ্বিতীয় আখ্নুর। আখ্নুর পথ চন্দ্রভাগা নদী
ও কতিপয় আড়ডা অতিক্রম করিয়া ভিস্বর পথের সহিত
মিলিত হইয়াছে, যে পথ ধন্বামণ্ডী নামক স্থান হইতে প্রায়
অর্দ্ধ ক্রোশ গমন করতঃ দ্বিভাগে বিভক্ত হইয়া এক ভাগ বাম
দিকে “ভিস্বর ও পুঞ্চ” এবং অপর ভাগ সম্মুখে “ভিস্বর ও
পীর পঞ্জাল” নামে খ্যাত হইয়াছে। এতদ্ব্যতীত, শৈলশ্রেণীর

শিখরদেশ দিয়া বন্থাল পথের সমান্তরাল আর একটা পথ আছে, উহাকে “ধার” অর্থাৎ শিখর-বন্ধু কহে। কিন্তু উহাতে যান, বাহক ও আহারীয়, পানীয় দ্রব্য প্রভৃতির ক্লেশ বলিয়া কাশ্মীরের নরপতি উহা বন্ধ করিয়া দিয়াছেন।

জম্মু ও কাশ্মীরের অধিপতি বন্থাল পথ দিয়া যাতায়াত করিয়া থাকেন। তাঁহার অনুমতি না হইলে তাঁহার প্রজা ও কর্মচারীরা ব্যতীত কোনো বিদেশীয় এই পথ দিয়া যাইতে পারেন না। কিন্তু ভারতবর্ষীয় কেহ যাইবার অভিলাষ প্রকাশ করিলে মহারাজা তাহাকে সাদরে গ্রহণ করেন এবং সহৃদয়-চিত্তে সমুদয় পাথেয় বন্দোবস্ত করিয়া দেন।

বিখ্যাত ভূপরিমাপক মণ্টগোমারি সাহেব পরিমাণ করিয়া দেখিয়াছেন, যে, পাক্ষিক গতিতে এই পথ দিয়া জম্মু হইতে শ্রীনগর ৯০ মাইল। কিন্তু পথ গিরিসঙ্কুল বলিয়া উছাদিগের দূরতা ১৭১ মাইল অর্থাৎ প্রায় দ্বিগুণ।

পূর্বের উল্লেখ করা গিয়াছে, এই পথের আড়ডার সমষ্টি একাদশ। স্ততরাং ইহা দিয়া যাইতে হইলে একাদশ দিবস লাগে। কিন্তু এক আড়ডায় পঁাছবার পূর্বের অগ্রে লোক পাঠাইয়া বাহকাদি সংগ্রহ করিয়া রাখিলে অথবা দৃঢ় কাশ্মীরী বাহক প্রথমাবধি নিযুক্ত থাকিলে অপেক্ষাকৃত অনেক অল্প দিবসে শ্রীনগরে উত্তীর্ণ হওয়া যায়। মহারাজা সতত পঞ্চম বা ষষ্ঠ দিবসে গমন এবং কোনো কোনো প্রধান কর্মচারী আবশ্যক মতে দুই দিবসেও গিয়া থাকেন।

এই পথ সর্বাপেক্ষা দুর্গম। ইহাতে তিলমাত্র সমতলভূমি পাই বলিলে অত্যাক্তি হয়না। পূর্বের সমগ্র পথের সাধারণ প্রকৃতি

বর্ণনা কালে যে সকল দুর্গমতা, অসারল্য ও কাঠিন্যের পরিচয় দেওয়া গিয়াছে, তৎসমুদয় এই পথে প্রযুক্ত্য। বিশেষতঃ প্রথম আড্ডা দংশালের পাহাড় এরূপ ভয়ানক, যে, তন্তল্য আর কুত্রাপি দৃষ্ট হয় না। অপরাপর পথ অপেক্ষা ইহার চড়াই ও উত্তরাই যেমন অধিক সংখ্যক, তেমনি দীর্ঘ ও সমূহ আপজ্ঞনক। কিন্তু ইহাতে গমন করিলে স্থষ্টির রমণীয়তা দর্শনে মনে যে অনির্বচনীয় আনন্দের উদয় হয়, এমন আর কোনোটিতে হয় না। অপর, মহারাজা ইহার দ্বারা গমনাগমন করেন বলিয়া ইহার আড্ডা গুলিও সুন্দর। প্রতি স্থানে অতি পরিপাটী বাসগৃহ ও আপন শ্রেণী আছে এবং পথের বহুভাগ বহু সংখ্যক লোকালয়ে পূর্ণ। ইহাতে যান এবং বাহকাদিও অতি স্থলভ।

এই পথ দ্বারা প্রত্যহ মহারাজার ডাক ১৮ ঘণ্টায় শ্রীনগরে যাতায়াত করিয়া থাকে। যে যে স্থান অতিশয় দুর্গম, তথায় পৌনে এক মাইল এবং সুগম পথে দেড় মাইল অন্তরে ডাক বাহকেরা বিশ্রাম লাভ করে। এই অগম্য পথে ইহারা যেরূপ নক্ষত্র-বেগে দ্রুত গমন করিয়া থাকে—রাত্রিকালে চীড় কাঠের মশাল হস্তে এক শিলা হইতে অপর শিলা খণ্ডে লক্ষপ্রদানপূর্বক গমন করে, তাহা দেখিলে অবাক হইতে হয়।

হিন্দুস্থান ও পঞ্জাবের ন্যায় জম্মু নগরীতে গ্রীষ্ম অতি ভয়ানক। ইহা অতিক্রম করিয়া দংশাল ও কিরিমটী নামক দুই আড্ডাতে মার্ভও অতি প্রচণ্ড, বরং শেষোক্ত স্থানে অপেক্ষাকৃত প্রথর বোধ হয়। কিন্তু তৎপরে যতই গমন করা

যায়, ততই শীতল সমীরণে দেহ ও মন প্রফুল্ল হইতে থাকে। বিশেষতঃ লান্দর ও বিলাওতের মধ্যবর্তী লাডোলাড়ী এবং বন্থাল অতিক্রম পূর্বক পীরপর্বত অথবা পশ্চিমধ্যে অপার কোনো উচ্চ শৈল-শিখরে আরোহণ করিলে দৃষ্টির মনোমোহন শোভা বিলোকনে মনে অভূতপূর্ব আনন্দের উদয় হয় ও নির্দয় নিদাঘের কঠোর যন্ত্রণা হইতে পরিত্রাণ পাইয়া সুমিষ্ট মলয়মারুতের মৃদু মৃদু হিল্লোলে শরীর একবারে দ্রব হইয়া যায়। আবার, মধ্যে মধ্যে মেঘ আসিয়া চারিদিক আবৃত করিয়া ফেলে—মেঘের মধ্য দিয়া গমন করিতে হয়—বামে মেঘ, দক্ষিণে মেঘ, সম্মুখে মেঘ, পশ্চাতে মেঘ, উর্দ্ধে মেঘ, অধোভাগে মেঘ—যেন নিবিড় কুজ্বাটিকার মধ্যে প্রবেশ করিয়াছি—জলদের জল সংস্পর্শে বস্ত্র আর্দ্র হইয়া যায়, কেশাগ্রভাগে বিন্দু বিন্দু বারিকণা সংলগ্ন হইতে থাকে, জলধরকে ধরিবার জন্ম হস্ত প্রসারণ কর, কিন্তু চঞ্চল পবন উহাকে লইয়া ক্রীড়া করিতে করিতে বিমান-ভাগে চলিয়া যায়! সুবিখ্যাত কবি বাবু মনোমোহন বহু-কৃত রাধিকার বিরহ সম্বন্ধীয় নিম্নলিখিত গীত সহসা মনোমধ্যে উদয় হয় ;—

জলধরে ধরিব কেমনে ?

দেখ সখি বিমানে, চঞ্চল পবনে,
ধরিব ধরিব করি, ধরিবারে পারিনে !

সাধের এ নবঘন, চিকণ কালিয়ে,
সঘনে হেলিয়ে আসিছে এখানে ! ১।

ধরা নাছি দেয় সখি, উপায় কি করি,
এখন চাহুরী করিবে কে জানে ? ২।

এই পথে কার্তিক মাসের শেষে অথবা অগ্রহায়ণের প্রথমেই লাড়োলাড়ীর পর্বতে নীহার পাত হইয়া থাকে ও স্থানে স্থানে জমিয়া প্রস্তরবৎ দৃঢ় হইয়া যায় এবং পীরশৈল একবারে তুষার মণ্ডিত হইয়া ধবল বেশে শোভা পায় । পৌষ মাসের প্রথমে সমুদায় বহ্নে তুষার পাত হয়, কিন্তু দীর্ঘকাল স্থায়ী নহে । বৃষ্টিপাতে বা রৌদ্রের ভেজে দুই বা তিন দিবসের মধ্যেই সমস্ত বরফ গলিয়া গিয়া পথ পরিষ্কৃত হইয়া উঠে । পরন্তু উক্ত মাসের শেষভাগে এত পরিমাণে বরফ পড়িয়া থাকে, যে, কোনো কোনো স্থানে ৮ বা ১০ হস্ত উচ্চ জমিয়া যায় এবং প্রায় সমুদায় পথ অগম্য প্রায় হয় । কিন্তু নির্ভীক ডাক-বাহকেরা প্রত্যহ গমনাগমন করিয়া থাকে এবং কোনো কোনো সাহসী পথিকও গমনে বিরত হয় না । কিন্তু এরূপ অবস্থায় পর্য্যটন সম্পূর্ণ অবিধেয় এবং অতিশয় আপজ্জনক । কারণ, অজস্র নীহার পাতে প্রাণনাশ হইবার সম্ভাবনা । কোনো কোনো সময়ে পথ এমন কঠিন হইয়া থাকে, যে চারি বা পাঁচ দিবসের জন্য ডাক বন্ধ হইয়া যায় । চৈত্র মাসের প্রারম্ভে পাষণীভূত হইয়া তুষার গলিয়া যায় ও পথ পরিষ্কৃত হইতে থাকে । জম্মু নগরীতে বরফ পড়ে না এবং প্রথম দুই আড়ডাতে অর্থাৎ দংশাল ও কিরিমচীতে অত্যল্প পরিমাণে পতিত হয় ।

১ জম্মু হইতে দংশাল—১৫ মাইল ।

জম্মু বর্তমান কাশ্মীরাধিপতির একটা প্রধান রাজধানী । মহারাজা বৎসরের অধিকাংশ কাল এই স্থলে ক্ষেপণ করেন ।

সুতরাং এতৎসম্বন্ধে কতক গুলি কাজের কথা বলা অসঙ্গত ও অসাময়িক নহে।

প্রায় চারি সহস্র বৎসর অতীত হইল, বর্তমান অধীশ্বরের জনৈক পূর্ব পুরুষ জানুলোচন নামক সূর্য্যবংশীয় এক নরপতি এই নগর স্থাপিত করেন। একারণ স্থাপয়িতার নামানুসারে ইহার নাম জম্মু হইয়াছে।

সেয়ালকোট হইতে ৯ মাইল গমন করিলে ইংরাজ রাজ্য শেষ হইয়া মহারাজার রাজ্য আরম্ভ হয়। উভয় রাজ্যের সংযোগ স্থলে কতিপয় সীমানিরূপক ক্ষুদ্র ক্ষুদ্র স্তম্ভ এবং মহারাজার স্থাপিত একটা দেবালয় আছে। এ স্থানকে স্লেচেংগড় কহে। ইহা হইতে আনুমানিক ৪ মাইল গমন করিলে (অর্থাৎ সেয়ালকোট এবং জম্মুর মধ্য পথে) টাউ নামক একটা ক্ষুদ্র পল্লী আছে। মহারাজা এস্থলে একটা নূতন নগর নির্মাণ করিতেছেন এবং আপন নামানুসারে উহার নাম “রণবীরপুর” রাখিয়াছেন।

সেয়ালকোট হইতে জম্মু ন্যূনাধিক ২৫ মাইল। ইহার পথ সমতল ভূমির উপর দিয়া গমন করিয়াছে—স্থানে স্থানে বন্ধুর; কিন্তু অতি কুদর্ঘ্য নহে। তবে ১৮ মাইল যাইয়া একটা নদীর গর্ভ মধ্য দিয়া গমন করতঃ পথিমধ্যে যে সমুদয় উপল ও শিলাখণ্ড পাওয়া যায়, তাহাতে একা নামক যানারোহীদিগকে যৎপরোনাস্তি উত্যক্ত ও তাপিত হইতে হয়। যাহারা কখনো এই যানারোহণ করিয়াছেন, তাহারা বিশেষ অবগত আছেন, যে, ইহাকে “গ্যালভানিক ব্যাটারী” অর্থাৎ তাড়িৎযন্ত্র সংজ্ঞাতে আখ্যাত করিলে সর্ব্বাঙ্গসুন্দর হয়! তাহাতে আবার

এই পথে উহার চক্র শিলাখণ্ড সংযোগে একাদিক্রমে উদ্ভিত ও পতিত হয় বলিয়া আরোহীর দেহ একবারে চূর্ণ হইয়া যায়। একা ব্যতীত শিবিকা ও ঘোটক যানও অতি সুলভ এবং অধিক ব্যয়সাধ্য নহে।

তাবী নদী জম্মু নগরের পার্শ্বদিয়া প্রবাহিত হইতেছে। নগরের মধ্যে প্রবেশ করিতে হইলে এই নদী পার হইতে হয়। ইহার উপরিভাগে সেতু নাই। গ্রীষ্ম ও শীতকালে জলের হ্রাসতা হইলে পথিক ও যান-বাহকেরা ইহার গর্ভ দিয়া গমনাগমন করে। কিন্তু বর্ষাকালে জলোচ্ছ্বাস হইলে সুগমতা ও আপদ নিবারণ জন্ম একখানি তরী নিযুক্ত হইয়া থাকে। তাবী পার হইয়া প্রায় এক মাইল গমন করতঃ কতিপয় অসরল সোপান-শ্রেণী আরোহণ করিলে জম্মুর প্রবেশ দ্বারে উপনীত হইতে হয়।

জম্মু একটা ক্ষুদ্র ও অসংশ্লিষ্ট পাহাড়ের উপরস্থিত। ইহার উচ্চতা সমতল ভূমি হইতে ন্যূনাধিক ৫০০ ফিট হইবে। ইহা দৈর্ঘ্যে প্রায় দুই মাইল এবং প্রস্থে এক মাইল মাত্র। বর্তমান বৎসরে ইহার লোক সংখ্যা ৪,১০০। এখানে মুসলমান অপেক্ষা হিন্দু অধিক। এখানকার লোকদিগকে ডোঁগ্রা কহে। এখানকার জল বায়ু স্বাস্থ্যকর।

অনেকে মনে করিতে পারেন, জম্মু হয় তো কাশ্মীরের ঞায়ই অতি মনোহর স্থান। কিন্তু উহার সহিত তুলনায় ইহা অতি অপকৃষ্ট। এখানে কোনো প্রকার নৈসর্গিক শোভা বা প্রকৃতির অদ্ভুত ঘটনা নাই এবং বাস সন্মুখে ইহা বড় উপাদেয় নহে। কারণ, নিদাঘ কালে প্রচণ্ড তপন তাপে পদতলস্থ

ও চতুষ্পার্শ্বস্থ পামাণ উত্তপ্ত হইয়া এত গ্রীষ্মাধিক্য হয়, যে তাহা অসহ্য হইয়া উঠে। এখানে প্রাণসংহারক “লু” চলে না বটে, কিন্তু তাপ-পরিমাপক যন্ত্রের পারদস্তম্ভকে গৃহমধ্যে ১০৮° ডিগ্রি এবং কখনো কখনো বা ততোধিক উর্দ্ধেও উখিত হইতে দেখা গিয়াছে। আমাদের বঙ্গ দেশ অপেক্ষা এখানে শীতের প্রাচুর্য্যব অনেকাংশে অধিক। কিন্তু নগর মধ্যে বরফ পড়ে না—কেবল মাত্র চতুষ্পার্শ্ববর্তী উচ্চ উচ্চ গিরিশৃঙ্গ তুমারে আবৃত হইয়া থাকে। বর্ষার ন্যায় শীতকালেও ভাস্কর তস্কর সদৃশ প্রায় সারাদিন কাদম্বিনীর অন্তরালে লুকাইয়া থাকেন এবং সন্ধ্যা দেখা ফেলন মনোহরুৎথে অশ্রুধারা দপ অন-গল বারিধারা বিসর্জন করেন। এখানকার পাহাড় এমনি শুষ্ক, যে, এস্থলে একটাও প্রস্রবণ, উৎস বা জলপ্রপাত নাই। তাবী নদী ব্যতীত কয়েকটা ক্ষুদ্র পুষ্করিণী আছে। তাহার জল পানোপযোগী নহে এবং গ্রীষ্ম ঋতুতে শুষ্ক হইয়া যায়। অপর, নদীতে অবতরণ করিবার স্তম্ভ ও সরল পথ বিরহে উহার জল আহরণ করা অতি কষ্টসাধ্য। নগরের প্রান্তভাগে দুই তিনটা গভীর কূপ আছে—তন্মধ্যে পীরখো নামা কূপের জল অতি শীতল। লোকে গ্রীষ্মকালে ইহার জল পান করিয়া থাকে। জীবন স্বরূপ জীবনের ন্যায় আহারীয় দ্রব্যেরও অতি কষ্ট। সময়ে সময়ে কেবল মাত্র অতি কদর্য্য তরকারি পাওয়া যায়। মৎস্যও সর্বদা পাওয়া স্তকঠিন।

এখানকার বাসগৃহও * সাধারণতঃ অতি সামান্য। অব-স্থানুসারে লোকে ইন্টক বা নিকৃষ্ট শিলাখণ্ড (লুড়ী) অথবা

* পরিকৃত এবং দীর্ঘায়তন স্তাড়াটিয়া বাড়ী পাওয়া অতি দুল্লভ।

মূলিকায় ভিত্তি নির্মাণ করে । কিন্তু গৃহাদি অতি অনুচ্চ এবং শৃঙ্খলা পূর্বক নির্মিত নহে এবং প্রায় বাহির মহল থাকে না । ইহার ছাদ প্রস্তুত করিবার সময় আদৌ লম্বা লম্বা রলা কাষ্ঠ সাঁজাইয়া তত্পরি বাঁগের চেটাই দিয়া পরে বাকশ্ গুল্ম বিছাইয়া দেয় । গৃহ ইস্টকনির্মিত হইলে রলা কাষ্ঠের পরিবর্তে কড়িকাষ্ঠ এবং চেটাইয়ের পরিবর্তে তক্তা দিয়া থাকে । বাকশ্ গুল্মের উপর প্রায় এক হস্ত উচ্চ মূর্তিকা জমাওয়া দেয় । স্ততরাং রুষ্টিপাত হইলে ঘরের ভিতরে সহস্র ধারা পতিত হইতে থাকে । এক পসলা ভারি রুষ্টি হইয়া গেলে দেখিতে পাওয়া যায়, অনেক অনাথের কুটীর ভূমিসাৎ হইয়াছে এবং সকলেই আপনাপন প্রাসাদোপরি উঠিয়া জীর্ণসংস্কার করিতেছে । ধনাঢ্যদিগের অট্টালিকা ইস্টকনির্মিত এবং নিন্দনীয় নহে । রাজবাটী অতি বৃহৎ আয়তন বিশিষ্ট, উচ্চ এবং পরম সুন্দর । ইহার মহল এবং গৃহের ইয়ত্তা নাই । অনেক প্রাকোষ্ঠ নানাবিধ কারুকর্মে এবং মনোহর দ্রব্যে সুসজ্জিত । বিশেষতঃ বারশিঙ্গা নামক (দ্বাদশ শৃঙ্গ বিশিষ্ট) হরিণের দ্বাদশ শাখা সমন্বিত শৃঙ্গের দেওয়ালগিরি অতি বিচিত্র শোভার পদার্থ । রাজপ্রাসাদ নদীতটে স্থিত বলিয়া আরো রমণীয় হইয়াছে । ইহাকে “ মণ্ডী ” কহে । বোধ হয়, মণ্ডী শব্দ মন্দির বা মণ্ডপের অপভ্রংশ হইবে ।

ইহার বহু সমুদয় এরূপ জঘন্য ও বন্ধুর, যে, ইহাতে গাড়ী * চলা দূরে থাকুক, দিবাভাগেও কিঞ্চিৎ অনবধানতা

* নগরের বহির্দেশস্থ সমতল ভূমিতে মহারাজার এবং প্রধান কর্মচারীদিগের গাড়ী থাকে ।

সহকারে পদসঞ্চালন করিলে ভগ্নপদ হইবার সম্পূর্ণ সম্ভাবনা।
এস্থলে ঘোটকই একমাত্র উপাদেয় যান। মহারাজা ইদানীন্তন
পথ সমুদয় সম্ভবপর সরল করিতেছেন এবং দুইপার্শ্বে আপন-
শ্রেণী স্থাপন এবং নানা প্রকারে নগরের বাহ্যিক ও আন্তরিক
উন্নতি সম্পাদন করিতেছেন।

জম্মু পাহাড়ের উপর স্থিত বলিয়া তিন বাচারি ক্রোশ দূর
হইতে অতি সুন্দর দেখায়। উত্তম মন্দির সমূহ স্বর্গাধিপতি
বিভূর চরণে উপাসকবৃন্দের অকপট প্রেম ও ভক্তি অর্পণ
করিবার জন্মই যেন মস্তক উন্নত করিয়া রহিয়াছে—গুপ্তের
মন্দিরের স্বর্ণশৃঙ্গ নূর্য্য-কিরণে প্রতিভাত হইয়া বিচিত্র শোভা
ধারণ করিয়াছে—রাজপ্রাসাদ গগনস্পর্শ করিবার জন্ম গর্বিত-
ভাবে যেন দণ্ডায়মান আছে—মধ্যে মধ্যে চূর্ণময় সৌধশিখর
দৃষ্টিপথে পতিত হওয়াতে বোধ হইতেছে, যেন পাহাড়ের
উপরে খেত পাষণ ছিন্ন ভিন্ন ভাবে শরিত রহিয়াছে—নগরের
অদূরে ও নদীর অপর পারশ্ব দুর্গ যেন উহাকে শত্রুহস্ত
হইতে রক্ষা করিতেছে—ইত্যাকার নিরীক্ষণ করিলে মনে বড়
আনন্দের উদয় হয়।

এই দুর্গ পাহাড়ের উপর স্থিত এবং ইহার সম্মুখ দিয়া
নদী প্রবাহিত হইতেছে, এ কারণ ইহার অধ্যাসন অতি দৃঢ়।
কিন্তু ইহা অসংরক্ষিত এবং ইহাতে উত্তম গৃহাদিও নাই।
এখানে এক খানি কুম্ভবর্ণ প্রস্তরে দেবী অধিষ্ঠিতা আছেন।
লোকে ইহাকে অনাদি এবং স্বয়ম্ভু বলিয়া নানা উপচারে
যথাবিধি পূজা করিয়া থাকে। মহারাজা যদিও রামাৎ তথাপি
প্রকৃত দেবোপাসক শাক্ত সদৃশ ইহাকে পূজা করেন।

প্রতি মঙ্গলবারে এবং শারদীয়া শুরু অষ্টমী প্রস্তুতি কয়েক উৎসবে এই দেবীর বৃহৎ মেলা হইয়া থাকে ।

নগরের প্রবেশদ্বারে শাসনকর্তার নিয়োজিত জনৈক কৰ্ম-চারী আগন্তুকদিগের নাম, ধাম এবং আগমনের অভিপ্রায় লিখিয়া লয় এবং দিবাবসানে সারাদিনের বিজ্ঞাপন রাজসদনে প্রেরণ করে । দ্বারে প্রবেশ করিয়া বামভাগে অতি দীর্ঘ একটা কবর দেখিতে পাওয়া যায় । উহা রোসন আলী নামক অতি দীর্ঘকায় জনৈক ফকীর মহাত্মার গোর । জম্মুর ইতিহাসে লিখিত আছে, যৎকালে সমুদয় ভারতবর্ষ হিন্দু-রাজাদিগের শাসনাধীন ছিল, তখন এই ফকীর এখানকার হিন্দু অধিপতির নিকটে আসিয়া কহেন, যে, অল্পকাল মধ্যেই ভারতবর্ষ মুসলমানদিগের অধিকারভুক্ত হইবে ; কিন্তু তাঁহার আশীর্ব্বাদে জম্মু স্বাধীন থাকিবে । ইহার পরে মোগলেরা দিল্লীর সিংহাসন অধিকার করিয়া সর্বত্র আপনাদের জয়পতাকা উড়ডীন করিল, কিন্তু জম্মু নগরের উপর কোনো আক্রমণ হয় নাই । এই মহাত্মা এই খানেই বাস করেন এবং তাঁহার মৃত্যু হইলে নগরদ্বারের এই স্থানেই গোর দেওয়া হয় । গোরটী যত দীর্ঘ, তাঁহার শরীরও নাকি তত দীর্ঘ ছিল ।

দ্বারের দক্ষিণ ভাগে ছুই বৃহৎ ব্যাঘ্র পিঞ্জরবদ্ধ থাকিয়া মনুষ্যের অসীম বুদ্ধিকৌশলের পরিচয় দিতেছে । কিয়দূর গমন করিলে বামভাগে একটা স্বর্ণমণ্ডিত এবং আর একটা বৃহৎ মন্দির দেখিতে পাওয়া যায় । ইহাকে গুম্বট কহে । প্রথমোক্ত দেবালয়ে মহাদেবের লিঙ্গ, তদ্বাহন স্ফটিকময় বৃষ এবং মহারাজা গুলাপসিংহের ভাস্কর্য্য রক্ষিত আছে । দ্বিতীয়টীতে মহা-

রাজার ইচ্ছা দেবতা শ্রী:মচন্দ্রের মূর্তি স্থাপিত আছে। এখানে বেদপাঠ হইয়া থাকে এবং অনেক বিদ্যার্থী সাহিত্য, ব্যাকরণ, ধর্মশাস্ত্র এবং বেদ অভ্যাস করে। প্রাঙ্গণে টুতুপার্বস্থ গৃহমালাতে পণ্ডিতগণ, পাঠার্থীরা এবং সমাগত পথিক ও ভিক্ষাজীবীরা বাস করে। নবাগত ব্যক্তি তিন দিবস মহারাজার নিকট হইতে অতিথি-সংকার প্রাপ্ত হইয়া থাকে। ইহার পার্শ্বদেশে একটা উত্তম জলাশয় আছে।

শুষ্ক অতি রমণীয় স্থান। কোনো স্থলে অহর্নিশি চিত্তবিমোহিতকর স্তম্ভিত কণ্ঠ-স্বরে এবং শ্রুতিমধুর সমস্বরে বেদপাঠ হইতেছে—কোনো স্থানে বিদ্যার্থীরা উচ্চৈঃস্বরে আপনাপন পাঠ কণ্ঠস্থ করিতেছে—কোনো স্থানে বা পণ্ডিতে পণ্ডিতে কোনো শাস্ত্রার্থ লইয়া মহা বাধিতণ্ডা হইতেছে—সন্ধ্যাগমে স্তম্ভিত গায়কবৃন্দের তানলয়বিশুদ্ধ স্তম্ভিত কণ্ঠস্বর এবং বাদ্যযন্ত্রের মনোমোহন ধ্বনিতে দেবালয় নিনাদিত ও প্রতিধ্বনিত হইতেছে, দেখিলে মন ভক্তিরসে দ্রব হইয়া যায়। মহারাজা প্রত্যহ দিবশেষে এই স্থলে আগমন পূর্বক পণ্ডিতদিগের সহিত শাস্ত্রানুশীলনে কয়েক দণ্ড অতিবাহন করেন।

কিষ্কদন্তী আছে, মহাত্মা গোলাপ সিংহ প্রত্যহ নিশা-যোগে ছদ্মবেশে নগর পরিভ্রমণ পূর্বক আপন প্রজাদিগের মানসিক গৃহ অবস্থা অবগত হইতেন এবং কাহারো কোনো বিষম মনঃপীড়া দেখিলে অথবা আপন শাসনদোষে রাজ্যের কোনো অনিষ্ট বা অত্যাচার হইতেছে জানিত্তে পারিলে, তাহার প্রতীকার করিতেন। একদা তিনি এইরূপ প্রচ্ছন্নবেশে

এই স্থলে উপনীত হইলেন। ইতিপূর্বে উহা শ্মশানভূমি ছিল—
কতিপয় তপস্বী মাত্র অনাচ্ছাদিত সামান্য কুটীরে অথবা
বৃক্ষতলে বাস করিতেন। তিনি তাঁহাদিগের সদনে উপস্থিত
হইলেন এবং নিজেও একজন ভিক্ষাজীবী বলিয়া পরিচয়
দিলেন। অনেক প্রকার কথোপকথনের পর মহারাজা
জিজ্ঞাসা করিলেন, মহারাজা গোলাপ সিংহ কিরূপ রাজ্য
শাসন করিতেছেন! তাঁহারা তাঁহাকে চিনিতেন না, স্মতরাং
মহারাজার উপলক্ষে অনেক নিন্দাবাদ করিয়া বলিলেন,
“গোলাপ সিংহ এমনি পাষণ্ড, যে, আপন রাজ্যে কোনো
অতিথিশালা প্রতিষ্ঠা করে নাই। তাহার উচিত, যে, এই
স্থলে একটা দেবালয় করিয়া পথিক ও ভিক্ষুকদিগের আশ্রয়
স্থান করিয়া দেয়।” গোলাপ সিংহ এই উপদেশ পাইয়া
পর দিন উহার মূলপ্রস্তর স্থাপনা করিলেন এবং যে গুম্বট
পূর্বে হিংস্র জন্তুদিগের আবাস ছিল এবং যে স্থানে মনুষ্য
দিবাভাগেও যাইতে ভীত হইত, তাহা এক্ষণে অতি রমণীয়
ও নগরের সর্বোৎকৃষ্ট স্থান হইয়াছে।

গুম্বটের সম্মুখ দিয়া প্রকাশ্য পথের দক্ষিণ ভাগে একটা
বয়ল বাহির হইয়া গিয়াছে। উহা দিয়া কিয়দূর যাইলে
ইংরাজদিগের বাসের নিমিত্ত মহারাজা যে কতিপয় স্মরণ্য
অট্টালিকা নিৰ্ম্মাণ করিয়া দিয়াছেন, তাহা দেখিতে পাওয়া
যায়। এস্থানে মহারাজার ছাউনি আছে।

গুম্বট অতিক্রম করিয়া প্রকাশ্য পথ দিয়া কিয়দূর গেলে
বামভাগে মহারাজার সংস্থাপিত নব প্রাণী-শালা দৃষ্ট হয়।
তাহাতে শ্বেত শূকর প্রভৃতি অনেক পশু ও পক্ষী সংক-

লিত আছে এবং অধ্যাপিও দিন দিন আশ্চর্য্য আশ্চর্য্য
প্রাণী সকল সংগৃহীত হইতেছে।

আরো কিয়দূর গমন করিলে চতুষ্পথ। বামভাগের পথে
মুদ্রাঙ্কণ যন্ত্রালয়। এখানে সংস্কৃত, হিন্দি, পারসীক, উর্দু
এবং ভোগ্রা ভাষায় পুস্তকাদি মুদ্রিত হয় এবং “বিদ্যা-বিলাস”
নাম্নী সাপ্তাহিক সমাচার পত্রিকা উর্দু ও ভোগ্রা অক্ষরে
প্রকাশিতা হইয়া থাকে। কিঞ্চিৎ দূরে নব প্রতিষ্ঠিত উপ-
বন। ইহা অতিক্রম পূর্ব্বক কিছু উর্দু উঠিলে সৈন্য-প্রদর্শন-
ক্ষেত্র পাওয়া যায়। কেবল মাত্র ইহাই জম্মু নগরের সমতল
ভূমি বলিলে অত্যাক্তি হয় না। ইহা অতি প্রশস্ত। প্রত্যহ
সৈন্যগণ এখানে রণবিদ্যা শিক্ষা করে এবং প্রতি রবিবারের
সায়ংকালে মহারাজা স্বয়ং উপস্থিত থাকিয়া সৈন্য-প্রদর্শন
দর্শন করেন।

চতুষ্পথের সম্মুখস্থ পথ দিয়া গেলে সর্ব্বদৌ বামভাগে
দাতব্য ঔষধালয়। তথায় ছুঃখী লোকেরা প্রত্যহ রীতিমত
ঔষধ পাইয়া থাকে। পরে কিঞ্চিৎ উর্দু উঠিলে বামভাগে
অতি সুন্দর বিদ্যালয়-বাটা। পূর্ব্বই উল্লেখ করা গিয়াছে,
যে, প্রায় তিন শত বালক এখানে ইংরাজী, সংস্কৃত, আরবী
ও পারসীক এবং ভোগ্রা ভাষায় বিদ্যাশিক্ষা করিয়া থাকে।
বিদ্যালয় অতিক্রম করিয়া আরো উর্দু উঠিলে অনতিদূরেই
“পুরাণ মণ্ডী” অর্থাৎ পুরাতন রাজ-প্রাসাদ। এক্ষণে
উহার ভগ্নাবশেষ মাত্র রহিয়াছে। ইহার বামভাগস্থ পথ
দিয়া গমন করিলে সৈন্য প্রদর্শন ভূমির পার্শ্ববর্ত্তী মাতঙ্গ-
শালায় বৃহৎকায় বারণগণ শৃঙ্খলবদ্ধ রহিয়াছে, দেখিতে

পাওয়া যায়। উহার সন্নিকটে রাণী-তলাও অর্থাৎ রাজা ধ্যানসিংহের রাণী কর্তৃক প্রতিষ্ঠিতা পুষ্করিণী এবং দেওয়ান জোয়ালা সাহের অভূচ্চ মন্দির আছে।

উক্ত চৌমাথার দক্ষিণ-দিগ্‌স্থ পথের প্রবেশ দ্বারে জগাতি অর্থাৎ যে সমুদয় দ্রব্য বাণিজ্য-সূত্রে নগর মধ্যে আনীত হয়, তাহাদের শুষ্ক আদায় স্থান। এই পথটী অতি প্রশস্ত এবং পাষণ নিশ্চিত; স্ততরাং সর্বাপেক্ষা উৎকৃষ্ট। ইহার দুই পার্শ্বে আপণ-শ্রেণী আছে।

এখানে গুম্বট, উর্দু, মস্তগড়, জোলা-কে-মহল্লা, পাঙ্কা ডাঙ্গা, ধোন্স্লী প্রভৃতি অনেক পল্লী আছে। নগরের পূর্ব-উত্তর প্রান্তভাগের নান ধোন্স্লী। তদতিক্রম করিয়া যে অব-তরণ পথ পাওয়া যায়, তাহাকে “বাবা নারায়ণ দাসকি ঢাকী” কুহে। কারণ, উহার নিম্নদেশে নদীতটে নারায়ণ দাস নামক এক তপস্বীর আশ্রম আছে। ইহাই কাশ্মীর গমনের পথ।

বাবা নারায়ণ দাসের ঢাকী দিয়া অবতরণ করতঃ সমতলভূমি পাওয়া যায় এবং কিয়দূর পর্য্যন্ত তাবীনদীর দক্ষিণ তট দিয়া গমন করিতে হয়। এই পথ অতি সরল এবং ইহাতে পর্য্যটক দিগের কোনো প্রকার ক্লেশ হয় না। বিমল চন্দ্রালোকে এবং শীতল মারুতহিল্লোলে এই পথে গমন করিতে অতি প্রীতিকর। চারি মাইল গমন করিলে একটা ক্ষুদ্র পল্লী প্রাপ্তব্য। উহাকে নাগরোটা কহে। এস্থলে স্বর্গগত রাজা ধ্যান সিংহের কনিষ্ঠ পুত্র পুষ্কাধিপতি রাজা মতি সিংহের একটা মন্দির আছে। কিন্তু থাকিবার কোনো উত্তম স্থান নাই। এ স্থান হইতে দুই মাইল দূরে আর একটা পল্লী

আছে, তাহার নাম কণ্ডোলী। এখানে কতিপয় দোকান দৃষ্ট হয়। আর এক মাইল গেলে সমতল ভূমির শেষ এবং দংশালের দূরারোহ পাহাড়ের আরম্ভ। এই পাহাড় বালু-পাষাণ-বিশিষ্ট এবং অতি মসৃণ। সর্ব্বোদ্যে আরোহণ অতি সরল উচ্চ। সম্মুখে অনন্ত গিরিমালা দৃষ্টি-রোধ করিতেছে; তদুপরি পথ সূত্রাকারে পড়িয়া রহিয়াছে; আরোহণ মন্থর গতিতে অতি কষ্টে আরোহণ করিতে করিতে এক এক ঘোঁকে কয়েক পাদমাত্র গিয়া কোনো পাষণোপরি বিশ্রাম করিতে বাধিত হইতেছে; এবং যখন শিখর দেশে উপনীত হইল, তখন অতি ক্ষুদ্রকায় দেখাইতেছে, ইত্যাদি নিরীক্ষণ করিলে যথার্থই হংকম্প হইতে থাকে। কিন্তু শৃঙ্গোপরি আরোহণ করিলে সৃষ্টির শোভা বিলোকনে মনে অতি অভূতপূর্ব্ব আনন্দের উদয় হয়—মনে লাগে, যেন নূতন জগতে উপনীত হইলাম! ইহা অতিক্রম করিয়া এক অধিত্যকা। উহা প্রায় দুই মাইল বিস্তৃত এবং উহার শেষ ভাগে একটা বৃহৎ পুষ্করিণী ও দুই একখানি দোকানও আছে। তদনন্তর পথ অতি সরল এবং তিন চারি স্থানে দুই পার্শ্বে অতি উচ্চ ও আট দশ হাত করিয়া দীর্ঘ পাষণবয়ের বিহস্তমাত্র প্রশস্ত স্তরঙ্গ আছে, তন্মধ্যে দিয়া পালকী গমন করে। ফলে কোনো কোনো স্থান এমন সংকীর্ণ, যে, তন্মধ্যে পালকী আটকাইয়া যায় এবং বাহকগণ মস্তকে করিয়া পালকী পার করিতে বাধিত হয়। এইরূপে এক মাইলের অধিক পথও যাওয়া আবশ্যক। পরে একটা ক্ষুদ্র জলাশয়। উহাতে পদ্মপুষ্প প্রকৃষ্টি হইয়া থাকে এবং উহার সম্মুখে দুইখানি দোকান

আছে। 'অনন্তর তিন মাইল দূরে সেড্ডে নামক স্থান পর্য্যন্ত এমন দুর্গম ও আপজ্ঞনক, যে, কাশ্মীরের সমস্ত পথের মধ্যে কুত্রাপিও তেমন নহে। ইহাতে পদে পদে কেবল উত্থান ও পতন। স্থানে স্থানে প্রকৃত পথ নাই। মনুষ্যের গতয়াতে যৎসামান্য পথ হইয়া গিয়াছে। আবার অনেক স্থানে অত্যন্ত সরল পামাণ গাত্রে এমন ক্ষুদ্র ক্ষুদ্র সোপান শ্রেণী (যাহাকে খুপরী কহে) আছে, যে, কেবল মাত্র পদাঙ্গুলির ভর দিয়াই হামাগুড়ি ভাবে তাহাতে উঠিতে হয়। কোনো কোনো স্থান এমন মন্থণ, যে, পদ স্থির থাকে না। এই পথে সকলকেই পদব্রজে গমন করিতে হয়। তবে ভদ্র মহিলাগণের পালকী অধিক সংখ্যক বাহক সাহায্যে পার হইয়া থাকে। গ্রহ-বৈগুণ্যে এস্থলে পদ স্থানজনিত কোনো ছর্গটনা ঘটিলে তাহার অন্তিম ফুল যে কত দূর শোকাবহ হয়, তাহা এখন গ্রাহে বসিয়া স্মরণ করিলেও শরীর কাঁপিয়া উঠে! এই ভয়ানক স্থান অতিক্রম পূর্ব্বক এক সংকীর্ণ উপত্যকায় অবতরণ করিতে হয়। উহার মধ্য দিয়া একটী নিৰ্ঝরিণী উভয় তটে করবী বৃক্ষ দ্বারা শোভিতাবস্থায় প্রবাহিতা হইতেছে। কিয়দ্দূরে সেড্ডে নামক স্থান। এখানে একগাণি দোকান এবং একটী অতি স্থান্য বাউলি (কূপ বিশেষ) আছে। ইহার পরে এক অতি দীর্ঘ ও ছুরারোহ চড়াই। উহা অতিশয় বক্র এবং বন্ধুর। উহাতে প্রশস্ত সোপান শ্রেণী আছে বটে, কিন্তু উহার প্রত্যেকটী অতি উচ্চ এবং বৃহৎ বৃহৎ প্রস্তররয়ে নিৰ্ম্মিত বলিয়া বড় সূগম নহে। গিরি শিখরে উঠিয়া একটী অপেক্ষাকৃত সূগম উত্তরাই দ্বারা নামিতে হয়। পরে কয়েকটী অসরল ও কঠিন

চড়াই ও উতরাই অতিক্রম পূর্বক দংশালের উপত্যকায় পৌঁছিতে হয়।

দংশাল বহু লোকালয় এবং আপণবিশিষ্ট বিশিষ্ট পল্লী। ইহাতে অনেকগুলি অতি সুন্দর উৎস আছে। উহাদিগের জল অতিশয় স্বচ্ছ ও স্বাদু এবং গ্রীষ্মকালে শীতল ও শীতকালে উষ্ণ থাকে। পল্লী হইতে কিয়দূরে সরকারী বাংলা অর্থাৎ মহারাজা ও পর্যটকদিগের বিশ্রাম স্থান। ইহা অতি বিস্তৃত ও পরিষ্কৃত।

২। দংশাল হইতে কিরিমচী—১২ মাইল।

দংশাল পরিত্যাগ করিয়া এক নিম্ন উতরাই দিয়া অবতরণ পূর্বক একটা নদী পার হইতে হয়। ইহার জল গভীর নহে। স্ততরাং ইহার উপরে কোনো সেতু না থাকাতেও গতায়াতের কষ্ট হয় না। অনন্তর একটা অতি দীর্ঘ ও ভয়াবহ চড়াই অতিক্রম করিতে হয়। ইহাকে বড়টী কহে। ইহা কড়াইধার নামক গিরিমালার একটা অত্যুচ্চ অঙ্গ। দংশাল হইতে এই পথকে ঠিক যেন একটা অজগর সর্প বক্র-গতিতে শয়ান রহিয়াছে, এমনি দেখায়। দর্শন মাত্রেই মনে যেমন ভয়ের সঞ্চার হয়, অতিক্রম করিতেও পদে পদে তেমনি বাস্তবিক অধিক হুৎকম্প উপস্থিত হইতে থাকে। ইহাকে তিন অংশে বিভাগ করা যাইতে পারে। প্রথমাংশ অর্দ্ধ মাইল। ইহা স্তম্ভ এবং এক ক্ষুদ্র অধিত্যকায় গিয়া শেষ হইয়াছে। তথায় একটা শীতল ছায়াপ্রদ বট বৃক্ষ আছে। এই ভাগের মধ্য পথে দক্ষিণ পার্শ্বে এক অতি-বৃহৎ ও সরল-উচ্চ পামান, খণ্ড রহিয়াছে। উহার গাত্রে কতিপয় ক্ষুদ্র ক্ষুদ্র গোপান (খসরি)

দৃষ্ট হয়। অনেক ছুঃসাহসী পুরুষ ও পালকী-বাহকেরা সময় বাঁচাইবার জন্য প্রাণের দিকে দৃষ্টি না রাখিয়া এই দুর্গম পথ দিয়া গমন করিয়া থাকে। কিন্তু এমন অসমসাহসিক কৰ্ম করিয়া ইচ্ছা পূর্বক যত্ন হস্তে পতিত হওয়া কুহারো উচিত নহে। দ্বিতীয় অংশ এক মাইল দীর্ঘ ও অতি দুর্গম। ইহার শেষ ভাগে একটা ক্ষুদ্র জলাশয় আছে। তৃতীয় অংশও প্রায় এক মাইল দীর্ঘ। কিন্তু সর্বাপেক্ষা দুর্গম, সরল-উচ্চ এবং আপজ্জনক। এই শৈল শখর হইতে স্থষ্টির শোভা অতি রমণীয় দেখায় এবং তজ্জনিত অনির্বচনীয় প্রীতির গুণে উত্থানকষ্ট ভুলিয়া যাইতে হয়। অপর পার্শ্বস্থ উতরাই অপেক্ষাকৃত সুগম। ইহাতে সমদূরবর্তী তিনটা উত্তম উৎস আছে। তন্মধ্যে প্রথমটা সর্বোৎকৃষ্ট। এবং তিনটাই অতি সুন্দর পাষণ দ্বারা বাঁধানো।

তদনন্তর এক সংকীর্ণ, বন্ধুর ও নিম্ন উপত্যকায় অবতরণ করিতে হয়। তন্মধ্যে দিয়া অনেক নিৰ্বরিণী প্রবাহিতা হইতেছে। কিয়দূরে উগ্রবাণী নামক স্থান। এখানে একটা জলাশয় ও দোকান আছে। ইহা হইতে কিঞ্চিৎ দূরে একটা স্রোতস্বতী পার হইয়া অল্প উর্দ্ধে উঠিয়া অপেক্ষাকৃত সমতল ভূমি এবং একটা পল্লী পাওয়া যায়। উহার নাম গড়ী। উহার প্রবেশ পথে একটা প্রস্তর নির্মিত ও আর একটা ইষ্টক নির্মিত অষ্টকোণ বিশিষ্ট ভবনবয়ের ভগ্নাবশেষ পড়িয়া রহিয়াছে। এই পল্লীতে কতিপয় দোকানও আছে। অনন্তর কয়েক মাইল পর্য্যন্ত উক্ত সমভূমি দিয়া গমন করিয়া এবং তন্মধ্যে-প্রবাহিত কয়েকটা নিৰ্বরিণী পার হইয়া একটা অনতি

দীর্ঘ স্বপ্নম চড়াই অতিক্রম পূর্বক কিরিমচীতে উপনীত হইতে হয়। পথের এই অন্তিম ভাগে অনেক মনোহর প্রস্রবণ আছে। বিশেষতঃ কিরিমচীর সন্নিকটে একটি অতি সুন্দর প্রস্রবণ দেখিতে পাওয়া যায়। জনৈক ধনাঢ্য তাহার সম্মুখে একটি মন্দির নিৰ্ম্মাণ করিয়া দিয়াছেন এবং উহার স্রোত-মুখ এমন ভাবে স্থাপিত করিয়া দিয়াছেন, যে, ইহা মন্দিরের মধ্যদেশ দিয়া প্রবাহিত হইয়া নীচে পতিত হইতেছে। উহার জল অতি নিৰ্ম্মল ও স্বাস্থ্যকর।

দংশালের ন্যায় কিরিমচীও উত্তম পল্লী। এখানে অনেক লোকালয় এবং বিপণি আছে। পল্লাতে প্রবেশ করিয়া দক্ষিণ ভাগে অত্যন্ত ভূমির উপরে সরকারী বাংলা। কিন্তু এখানে জল কষ্ট বলিয়া ইহা পরিত্যাগ পূর্বক অপর প্রান্তভাগে “ঠাকুর দোয়ারা” অর্থাৎ দেবালয়ে বিশ্রাম স্থান করা পরামর্শসিদ্ধ। এই স্থান অতি পবিত্র ও রক্ষণীয়। ইহার বহির্দেশে এবং অন্তঃপুরে দুইটি অতি উত্তম উৎস আছে এবং ইহার সম্মুখ দিয়া স্রোতস্বতী প্রবাহিতা হইতেছে।

৩। কিরিমচী হইতে মীর—১২ মাইল।

সরকারী বাংলা পরিন্যাস পূর্বক অপর শ্রেণীর মধ্য দিয়া আসিয়া এক নিৰ্ঝরিণী পার হইতে এবং পূর্বোক্ত ঠাকুর-দোয়ারা বামভাগে রাখিয়া সমতল ভূমির উপরে উঠিতে হয়। প্রায় অর্ধ মাইল এই সমতল ভূমির উপর দিয়া গমন করিয়া সম্মুখে আর একটি নিৰ্ঝরিণী পাওয়া যায়। ইহা পার হইয়াই একটি আরোহণ। উহা দৈর্ঘ্যে ন্যূনাধিক অর্ধ মাইল। কিন্তু অতি দুর্গম। তৎপরবর্তী পথ গিরিমালার গাত্র

দিয়া চলিয়া গিয়াছে। কিয়দূর যাইয়া এক ক্ষুদ্র নির্ঝরিনী পার হইতে হয়। ডুবার দ্রব হইলে বা বৃষ্টি হইয়া গেলে ইহাতে প্রবাহ বাহিত হইয়া থাকে। পরে একটা অতি কঠিন আরোহণ দিয়া পাহাড়ের গাত্রে উঠিতে হয়। অনন্তর পথ পূর্বোক্তের ন্যায় গিরিমালার গাত্র দিয়া কোনো স্থানে ঝড়ু, কোনো স্থানে বা বক্র, কোথাও স্তম্ভ এবং কোথাও বা দুর্গম ভাবে চলিয়া গিয়াছে। ইহার শেষ ভাগ অতি দুর্গম এবং সরল উচ্চ চড়াই রূপে পরিণত হইয়াছে। এতদ্বারা এক অতুল্য শিখরদেশে উঠিতে হয়, তথা হইতে সৃষ্টির শোভা অতি বিচিত্র দেখায়। উহা হইতে অবতরণ অতি ভয়ানক। উহা সরল ঢালু, সোপান বিহীন, স্ততরাং অতি আপজ্ঞনক। এই অবতরণ দিয়া কিয়দূর যাইয়া এক ক্ষুদ্র পাহাড়ে নামিতে হয়; তাহার পার্শ্বদেশে কতিপয় কুটীর আছে। এই কুটীরকে মীর কহে। এখানকার সরকারী বাংলো অতি উত্তম। কিন্তু এখানে কেবল একখানি মাত্র সামান্য দোকান আছে।

৪। মীর হইতে লান্দর—১২ মাইল।

মীর পরিত্যাগ করিয়া একটা ক্ষুদ্র ও স্তম্ভ চড়াই অতিক্রম করিতে হয়। পরে পথ আট মাইল পর্য্যন্ত কেবলই অবতরণ। ইহা স্থানে স্থানে অসরল, সোপানহীন, বৃহৎ বৃহৎ পাষণসমন্নিত ও ঢালু। কিন্তু সাধারণতঃ দুর্গম ও কষ্টসাধ্য নহে। অনন্তর একটা ক্ষুদ্র শ্রোতস্বতী পার হইয়া অতি ছুরুহ চড়াই পাওয়া যায়। উহার নাম কন্না। উহা দৈর্ঘ্যে প্রায় তিন মাইল এবং এমন বক্র, যে, কুস্তলাকারে আরোহণ করিতে হয়। উহার সোপান-শ্রেণী অতি উচ্চ, বৃহৎ বৃহৎ প্রস্তর-

নির্মিত, স্তূতরাং অতি বন্ধুর এবং ছুরারোহ। বিহস্ত গিরিশৃঙ্গে
 উঠিয়া চারিদিকস্থ নৈসর্গিক শোভা দর্শনে স্ফটিকভীর অচিন্ত্য
 শক্তি চিন্তা করিতে করিতে মন প্রেমাদানন্দে পূর্ণ হইয়া যায়।
 ইহার বিপরীত ভাগস্থ উতরাইকে/চুলনা কহে। ইহা যদিও
 অতি দীর্ঘ ও অতি ঢালু নহে, তথাপি গমন করিতে হৃৎকম্প
 উপস্থিত হয়। কারণ ইহা পর্বতের শিরোদেশ ও গাত্র
 দিয়া গমন করিয়াছে; পথ অতি সংকীর্ণ এবং দক্ষিণপার্শ্ব
 এগন নিম্ন ও গভীর, যে, দৃষ্টি করিলে মস্তক ঘুরিতে থাকে।
 পরবর্তী পথ উপত্যকার মধ্য দিয়া চলিয়া গিয়াছে। কিয়-
 দূর যাইয়াই লান্দর দেখিতে পাওয়া যায়।

লান্দর একটা ক্ষুদ্র পল্লী। ইহাতে কতিপয় বিপণি আছে।
 প্রবেশ পথে এক নির্ঝরিণী ও একটা অত্যুত্তম উৎস অতি-
 ক্রম করিয়া দক্ষিণ পার্শ্বস্থ অত্যুচ্চ ভূমির উপরে সরকাব্রী,
 ঝাংলা। ইহাকে দুর্গ কহে। ইহা প্রস্তর-নির্মিত এবং উত্তম
 বাসোপযোগী।

৫। লান্দর হইতে বিলাওং—১৫ মাইল।

প্রায় অর্ধ মাইল উন্নতানত ক্ষেত্রের উপর দিয়া যাইতে
 হয়। পরে বিখ্যাত লাড়োলাড়ী বা লাড়োলাড়ার পাহাড়
 দৃশ্যমান। ইহা দৈর্ঘ্যে ৭৫০ মাইল। সর্কাদৌ চড়াই অতিশয়
 বক্র ও বৃহৎ বৃহৎ প্রস্তরপূর্ণ বলিয়া অতি দুর্গম। ইহা প্রায়
 অর্ধ মাইল দীর্ঘ। পরে মাইলদ্বয় পর্য্যন্ত পথ পাহাড়ের গাত্র
 দিয়া গিয়াছে। তদনন্তর এক ক্ষুদ্র নির্ঝরিণী পার হইয়া অনুচ্চ
 আরোহণ দিয়া উঠিয়া সমতল ক্ষেত্রের উপরে পতিত হই-
 যাচ্ছে। তৎপরে আর একটা আরোহণ। ইহা দ্বিতীয় অপেক্ষা

অসরল এবং দুর্গম। অনন্তর চতুর্থ আরোহণ। ইহা অতি স্নগম। পরে অতি ছুরারোহ পঞ্চম আরোহণ। ইহাই প্রকৃত লাড়োলাড়ী। ইহা যেমন উচ্চ, তেমনি দুর্গম। এস্থলে প্রায় সতত মেঘ সঞ্চরণ করিয়া থাকে, স্তত্রাং অতিশয় শীতল। পর্বতের শিখরে প্রস্তুত-খোদিত লাড়ীলাড়ার (বর-কন্য়ার) ও চন্দ্রসূর্য্যের প্রতিমূর্ত্তি আছে। একরূপ কিম্বদন্তী, যে, অতি পূর্ব্বকালে একদা কোনো বর ও কন্যা এবং বহুসংখ্যক বরযাত্রী এই শৈলপথ দিয়া গমন করিতেছিল। পূর্ব্বে এস্থলে কোনো প্রণালী বা জলপ্রবাহ ছিল না। পূর্ব্বোক্ত হতভাগ্য ব্যক্তিগণ পিপাসায় এমনি কাতর হইয়াছিল, যে, জলাভাবে সকলকেই প্রাণত্যাগ করিতে হইল। এই শোকাবহ ঘটনায় নায়ক নায়িকার নামানুসারে ইহার নাম লাড়োলাড়ী বা লাড়ী-লাড়ী হইয়াছে। 'লাড়ী' শব্দের অর্থ কন্যা এবং লাড়ো বা লাড়া শব্দের অর্থ বর। এস্থলে এই চড়াই মেরুপ দুর্গম, তাহাতে জলাভাবে একরূপ শোচনীয় ঘটনা কোনো মতে কাল্পনিক নহে। অধুনা প্রবাহ প্রত্যাবৃত্ত হইয়া জলকন্ট দূর হইয়াছে। কার্ত্তিক মাসের শেষে এখানে তুমারপাত হইয়া থাকে। বিপ-রীত ভাগস্ব অবতরণ আদৌ অতি ঢালু ও আপজ্জনক। অঙ্গ-স্তর কয়েক মাইল দূর পর্য্যন্ত পথ পর্ব্বতের গাত্র দিয়া স্নগম হইয়া গিয়াছে। পরে আর একটী সরল ঢালু অবতরণ দিয়া মামিয়া কিয়দূর গমন করতঃ বিলাওৎ আড্ডায় পৌঁছিতে হয়।

বিলাওতে কেবল মাত্র সরকারী বাংলা এবং এক খানি দোকান আছে। বনহাল পথের সমুদয় আড্ডার মধ্যে এইটী

বিজ্ঞান প্রদেশে স্থিত। কিন্তু এস্থান হইতে সৃষ্টির অতি রমণীয় শোভা নয়নগোচর হয়।

৬। বিলাওং হইতে রামবন—৯ মাইল।

বিলাওং হইতে রামবন দৃষ্টিগোচর হয় এবং অতি নিকটস্থিত বলিয়া বোধ হইতে থাকে। কিন্তু পার্বত্য দেশের পথ স্বাভাবিক বক্রগতিতে গমন করিয়াছে বলিয়া উহার দূরতা ৯ মাইল। এই পথে চন্দ্রভাগা নদী পার হইতে হয়। বিলাওং হইতে উহাকে যেন নিশ্চল ফেণপুঞ্জ পড়িয়া রহিয়াছে এবং উহার উর্দ্ধস্থ পথ এক গাছি সূতা বক্রভাবে পতিত থাকিয়া স্থানে স্থানে উহার গর্ত্তে লীন হইয়াছে, এমনি ভ্রম জন্মায়। প্রত্যুত, দূর হইতে পথের এইরূপ অবস্থা দেখিয়া যেমন হৃৎকম্প হইয়া থাকে, কার্য্যতঃ তাহাই বটে। বিলাওং পরিত্যাগ করিয়া অবধি চন্দ্রভাগার সেতু পর্য্যন্ত সার্কি চারি মাইল কেবল অবরোধ বা পতন। প্রথমতঃ পাহাড়ের মধ্য ও পার্শ্ব দিয়া কিয়দূর আসিয়া কতিপয় বিপনি দেখিতে পাওয়া যায়। উহা অতি উর্দ্ধে স্থিত। তথা হইতে সেতু পর্য্যন্ত পথ এমন ঢালু ও চিক্ণ, যে, পদ স্থির থাকে না। তাহাতে আবার সৃষ্টি হইয়া গেলে ইহা যে কতদূর ভয়াবহ হয়, তাহা পাঠকগণ অনুভব করিয়া লউন। পথ সংকীর্ণ ও সরল ঢালু—ঠিক বাম ভাগে সহস্র সহস্র হস্ত নীচে চন্দ্রভাগা ভীষণাকারে বন্ধঃ ভুলিয়া শত শত বজ্রনিদািত স্বরে কর্ণ বধির করিয়া প্রবাহিত হইতেছে—বাম ভাগে কিছুমাত্র ব্যবধান নাই। স্ততরাং এমন স্থলে পদস্থলন-জনিত বা অণু কোনো প্রকার আপদ ঘটিলে তাহার পরিণাম যে কতদূর শোকাবহ, তাহা নিজের লেখনী

লিখিতেও কাঁপিয়া উঠে। গত বৎসরে মদগ্রজ এবং আমি সপরিবারে এই পথ দিয়া কাশ্মীর যাইতেছিলাম। যৎ-কালে আমরা এই স্থানে অবরোধ করি, তখন ন্যূনাধিক পঞ্চাশৎ বৃষ কূট-ভার* লইয়া শ্রেণীবদ্ধ ভাবে বিপরীত দিক হইতে আসিতেছিল। আমরাদিগের সমভিব্যাহারে চারি খানি পালকী ছিল। তন্মধ্যে এক খানির লাল আচ্ছাদন দেখিয়া একটা বৃষ এমন ভীত হইয়া নদীর দিকে ধাবিত হইল, যে, বৃক্ষের ব্যবধান না পাইলে সে তদগুণেই নদীগর্ভে পতিত হইয়া পঞ্চস্থ পাইত। এই ভয়াবহ ব্যাপার দৃষ্টি আরোহীগণ বাহকদিগকে সংযত করিলেন। কিন্তু আমার পালকী কয়েক পাদ অগ্রসর হইয়াছিল এবং বাহকেরা দুঃসাহসী ছিল। উহা-দিগকে পুনঃ পুনঃ নিবৃত্ত করিলেও তাহারা মহাকো উপেক্ষা করিয়া যেমন অগ্রগামী হইবে, অমনি একটা বৃষের ধাক্কা লাগিয়া পালকী বিপর্যস্ত হইয়া গেল। আমি এবং আমার ক্রোড়স্থ পঞ্চম বর্ষীয় বালক সৌভাগ্যক্রমে দক্ষিণ পার্শ্বস্থ পর্বতে পড়িয়া রক্ষা পাইলাম—বাহকদিগের কেহ কেহ আহত হইল—বৃষ বাম দিকে শত শত হস্ত নিম্নে গড়াইয়া পড়িল; একটা বৃহৎ বৃক্ষে আটকাইয়া উহার প্রাণরক্ষা হইল। কুট্টের ছালা গড়াইতে গড়াইতে নদীগর্ভে পতিত হইয়া বে কোঁথায় চলিয়া গেল, তাহার নিদর্শনও পাওয়া গেল না—বৃষ রক্ষক মাথায় হাত দিয়া কাঁদিতে লাগিল। ঈশ্বর-কৃপায় এই

* কূট এক প্রকার কাশ্মীরজ বৃক্ষের মূল। ইহা দ্বারা বস্তুর ভার হইয়া থাকে। ইহা অতি মূল্যবান : এক বৃষের ভার অর্থাৎ এক ছালা কুট্টের মূল্য চল্লিশ টাকা।

ভয়ানক ঘটনায় যে কোনো জীবের প্রাণনষ্ট হয় নাই; ইহাই স্নেহের বিষয় । পর্য্যটকদিগকে পরামর্শ দিতেছি, যে, যখন তাঁহারা এই পথ দিয়া গমন করিবেন, তখন যেন উক্ত ঘটনার প্রতি দৃষ্টি রাখিয়া সতর্ক হয়েন ।

পূর্বে চন্দ্রভাগার উপরে রজ্জুর সেতু ছিল; উহা যে কতদূর আপজ্জনক, তাহা বলিবার শব্দ নাই । মহারাজা এক্ষণে অতি উপাদেয় কার্ঠের সেতু নির্মাণ করিয়া দিয়াছেন এবং লৌহময় করিবার জন্য প্রস্তুত হইতেছেন । নদী পার হইয়া দুই মাইল পর্য্যন্ত পথ সমতল ভূমির উপর দিয়া গিয়াছে । উহাতে অনুরূপ চড়াই ও স্তম্ভ উতরাই আছে । পরে মাইল দুই অতি দুর্গম । ইহা অতি উন্নত চড়াই এবং শ্লেট বিশিষ্ট পাহাড়ের অসরল পার্শ্ব দিয়া উঠিয়াছে । এই স্থান অতি সংকীর্ণ, স্থানে স্থানে নির্ঝরিণীর জল দ্বারা সিক্ত এবং ইহার ঠিক বাম ভাগে শত শত হস্ত নীচে চন্দ্রভাগা ভীমনাদে প্রবাহিত হইতেছে । স্তূতরাং এই পথের প্রথমার্দ্ধের শেষ ভাগের ন্যায় ইহাও সমূহ আপজ্জনক । অনন্তর অর্ধ মাইল সমভূমির উপর দিয়া গিয়া রামবনে পৌঁছিতে হয় ।

রামবন অতি উত্তম স্থান । ইহা উপত্যকায় স্থিত এবং অনেক লোকালয় ও আপণবিশিষ্ট । সরকারী বাটী দ্বিতল এবং উত্তম । স্ত্রীলোকদিগের থাকিবার নিমিত্ত ইহার পশ্চাৎভাগে একটা স্বতন্ত্র অট্টালিকা আছে । আড়ডাতে প্রবেশ করিবার পথে বাম ভাগে মহারাজার একটা মনোহর উপবন । ইহাতে নানাজাতীয় পুষ্প, লেবু, ফল, তরকারি এবং বিবিধ তরু ও লতা প্রাপ্য । এই স্থলে চন্দ্রভাগা নদী পাহাড়ের মধ্য

দিয়া গমন করিতেছে বলিয়া ইহার আকার এমন ভীষণ ও শব্দ এমন বধিরকর, যে, যাঁহারা পঞ্জাবের সমতল ভূমিতে ইহার স্থির প্রকৃতি দেখিয়াছেন, তাঁহারা ইহাকে সেই চন্দ্র-ভাগা বলিয়া সহসা বিশ্বাস করেন না। চন্দ্রভাগার গর্ভস্থ অনেক উপলব্ধি সংগ্রহ করিয়া দেখা গিয়াছে, যে, তাহাতে স্বর্ণ ও রৌপ্য প্রভৃতি ধাতুর স্পষ্ট নিদর্শন আছে। সুতরাং সপ্রমাণ হইতেছে, যে, ইহাতে অনেক বহুমূল্য ধাতুর আকার গুণ্ড ভাবে থাকিতে পারে।

৭। রামবন হইতে রামসু—২০ মাইল।

এই পথ সর্বাপেক্ষা দীর্ঘ, কিন্তু অতি দুর্গম নহে। ইহা স্নগম ও দুর্গম উভয়স্বাক্রান্ত। রামবন পরিত্যাগ করিয়া অগভীর উতরাই দিয়া অবতরণ আবশ্যিক। পরে সমভূমির উপর উঠিয়া অর্ধ মাইল যাইতে হয়। অনন্তর ছয় মাইল পর্য্যন্ত পথটা চন্দ্রভাগার দক্ষিণ কূল ও অভ্যুচ্চ শ্লেটময় পাহাড়ের তল দিয়া গমন করিয়াছে। ইহা অতি স্নগম এবং অনুন্নত, এজন্য আপজ্ঞনক নহে। পরে চারি মাইল পর্য্যন্ত উক্ত তটিনীর তট দিয়া যাইতে হয় বটে, কিন্তু পথটা স্থানে স্থানে তীর হইতে অদূরবর্তী এবং সামান্য আরোহণ ও অবরোহণ বিশিষ্ট। তদনন্তর পথ উল্লুঙ্গ গিরিমালার গাত্র দিয়া গিয়াছে। ইহার চড়াই ও উতরাই অতি স্নগম। ইহার সহস্র সহস্র হস্ত নিম্নে বিশলডী নদী ভীষণ নিনাদে বক্র-গতিতে গমন করিতেছে। যতদূর গমন করা যায়, পদতলে বিশলডীকে প্রবাহিত দৃষ্ট হয়। রামসু হইতে ছয় মাইল দূরে যাইয়া এই নদীগর্ভে নামিবার প্রয়োজন। ইহাতে বৃহৎ

বৃহৎ পাষণ আছে এবং প্রকৃত পথ না থাকাতে ইহা অতি কষ্টে অতিক্রম করিতে হয়। কিয়দূর যাইয়া দুইটা অতি সুন্দর ও বৃহৎ কন্দর—এক এক বৃহৎ পাষণখণ্ড যে প্রকারে উহাদের ছাদরূপে পরিণত হইয়াছে, তাহা দেখিলে অবাক্ হইতে হয়। মনুষ্য ও পশ্বাদি অতি সুখে উহাদের অভ্যন্তরে বিশ্রাম করিয়া থাকে। অনন্তর তিন মাইল পর্য্যন্ত চড়াই ও উতরাই অতি দুর্গম এবং ভয়াবহ। পূর্বে চড়াই সরল উচ্চ এবং ছুরারোহ ছিল বলিয়া মহারাজা শৈল-তল দিয়া নূতন পথ প্রস্তুত করিয়া দিয়াছেন। এতদ্বারা চড়াই সুগম হইয়াছে বটে, কিন্তু উতরাই বিশলভীর ঠিক কিনারা দিয়া গিয়াছে এবং কুটিল বলিয়া অতি আপজ্ঞনক। কিয়দূর যাইয়া এক কাষ্ঠ-নির্মিত সেতু দ্বারা উক্ত বিশলভী পার হইয়া অপর ভাগস্থ পাহাড়ের তলদেশে রামস্ব নামক আড়ডাতে উপনীত হইতে হয়।

রামস্ব কতিপয় আপণ-সম্বিত ক্ষুদ্র পল্লী। এখানকার সরকারী বাংলা নিন্দনীয় নহে।

৮। রামস্ব হইতে বন্থাল—১৫ মাইল।

রামস্ব পরিত্যাগ করিয়া এক অনুরত চড়াই। পরবর্তী পথ সামান্য আরোহণ ও অবরোহণ বিশিষ্ট এবং বিশলভী নদীর উপত্যকা দিয়া গিয়াছে। এই রূপে তিন মাইল পর্য্যন্ত যাইয়া এক কাষ্ঠ-সেতু দ্বারা উক্ত নদী পার হওতঃ দক্ষিণ তটে যাইতে হয়। এক মাইল গমন করিলেই একটা চড়াই। ইহা প্রায় এক মাইল উচ্চ এবং সুগম। বিপরীত ভাগস্থ উতরাই প্রায় ঐরূপ দীর্ঘ এবং সুগম। অনন্তর বিশলভী পুনরায় অতি-

ক্রম করিয়া একটা কুটিল ও দুর্গম চড়াই আরোহণ করিতে হয় । উহা প্রায় দেড় মাইল দীর্ঘ এবং পাহাড়ের মধ্যদেশ দিয়া গিয়াছে বলিয়া নিতান্ত আপজ্ঞনক নহে । ইহার শিখর-দেশে এক অনতিবিস্তৃত অধিত্যকা আছে । এই অধিত্যকার উপরে উঠিয়া সম্মুখে আর একটা ভয়াবহ চড়াই দেখিতে পাওয়া যায় । উহা অত্যুচ্চ পর্বতমালার শৃঙ্গ দিয়া গিয়াছে এবং স্থানে স্থানে অতিশয় দুর্গম । অনন্তর পথ প্রশস্ত এবং স্থানে স্থানে অল্প উচ্চ ও স্থানে স্থানে অল্প নিম্ন হেতু সূগম বটে, কিন্তু উত্তুঙ্গ শৈলশিখরাগ্র দিয়া গমন করিয়াছে বলিয়া এবং দক্ষিণ ভাগে অতলস্পর্শ গভীরতা দেখিয়া হৃদয় কাঁপিয়া উঠে । এইরূপে তিন মাইল পর্য্যন্ত গিয়া একটা অতি সুন্দর উৎস দেখিতে পাওয়া যায় । অনন্তর উতরাই আরম্ভ হয় । এই স্থানে যাইতে যাইতে বিপরীত গিরি-শ্রেণীতে যে একটা অতি রমণীয় রামধনু দেখিয়াছিলাম, এমন আর কুত্রাপি দেখি নাই । উহা সম্পূর্ণ অবয়ব বিশিষ্ট ও অতি দীর্ঘ এবং বোধ হইল, যেন শৈলেশ্বর নানাবর্ণে খচিত রত্নমুকুট শিরে ধারণ করিয়া শোভা পাইতেছেন । উক্ত উতরাই অতি সূগম এবং তিন মাইল দীর্ঘ । পরে পুনরায় বিশলড়ী পার হইতে হয় এবং এক অনুন্নত চড়াই অতিক্রম করিয়া অতি সূগম উতরাই দিয়া অবরোহণ করতঃ বনহালে পৌঁছিতে হয় । এই উতরাই আদৌ গিরিতল দিয়া গমন পূর্বক উপত্যকার অভ্যন্তর ভেদ করিয়া গিয়াছে এবং তাহার মধ্য দেশ দিয়া বিশলড়ী শাম্য মূর্তিতে প্রবাহিত হইতেছে ।

বনহাল একটা ক্ষুদ্র পল্লী । ইহার স্প্রসিদ্ধ বাহকেরা

কাশ্মীরের দুর্গম পথের সম্যক্ উপযোগী। এক খণ্ড অভূচ্ছ ভূমিতে মহারাজার দুইটা উত্তম অট্টালিকা আছে।

২। বন্থাল হইতে বৈরনাগ—১৫ মাইল।

এইবার বিখ্যাত পীর পর্বত অতিক্রম পূর্বক কাশ্মীরের সমতল ভূমিতে পাদবিক্ষেপ করিতে হয়। বন্থাল হইতে ইহার তল পর্য্যন্ত প্রায় ৫ মাইল। এবং পথটা পূর্বোক্ত পথের শেষভাগের ন্যায় উপত্যকার মধ্য দিয়া গিয়াছে, এস্থলে বৃহৎ বৃহৎ পাষণ আছে এবং বিশলড়ী নদী প্রবাহিত হইতেছে। গিরিতলে কতিপয় লোকালয় এবং দোকান আছে। এই স্থলে পীরপর্বত সমুদ্রতল হইতে ৯,২০০ ফিট উচ্চ। ভ্রমণকারীদিগের স্মরণ রাখা উচিত, যে, যখন প্রবল বাত্যা বহিতে থাকে অথবা বৃষ্টি বা তুমারপাত হয়, তখন পীরপর্বত অতিক্রম করা অতি আপজ্ঞনক। কারণ, ইহার গাত্রে বা শিখরে কোনো আশ্রয় স্থান নাই। ইহাতে উঠিবার যে পথে ভাঁক-বাহকদিগের কুটীর চতুর্ভুজ আছে, তাহা অতি দুর্গম এবং পালকী প্রভৃতি যান যাইবার উপযোগী নহে। ইহার শিখরদেশ অতি উচ্চ বলিয়া সাধারণতঃ প্রবল বায়ু বহিয়া থাকে। স্তরাং ঝটিকা বা বৃষ্টি ও নীহারপাত কালে অনেকে ইহাতে আরোহণ করিয়া অনেক কষ্ট পাইয়াছে; এমন কি, কেহ কেহ প্রাণও হারাইয়াছে। প্রত্যুষে যখন আকাশমণ্ডল নিশ্চল ও প্রকৃতি স্থিরা থাকে, তখনই ইহাতে আরোহণ করা পরামর্শসিদ্ধ। ইহার চড়াই ৪৮০ মাইল দীর্ঘ। ইহাতে উঠিবার দুই পথ আছে। একটা দুর্গম—তদ্বারা ভারবাহক ও মনুষ্য এবং পশ্বাদি গতয়াত করিয়া থাকে। অপরটা অপেক্ষাকৃত

অধিক স্নগম—তাহাতে পালকী প্রভৃতি অনায়াসে গমন করিতে পারে । এই দুই পথ ব্যতীত মহারাজা আর এক স্নগম পথ প্রস্তুত করিয়া দিতেছেন। এই পর্বতে একটাও মহীরুহ নাই, কেবলই ঘন শ্যামল দুর্বাদল এবং নানাবর্ণের ও নানা আকারের মনোহর পুষ্পরক্ষপুষ্প । কার্তিক মাসের শেষে এখানে ভুষার পড়িতে আরম্ভ হয় এবং ক্রমে এত অধিক পরিমাণে পড়ে, যে, তৎসমুদয় নিঃশেষে দ্রব হইতে আবাচের প্রচণ্ড মার্ভগুতাপ ও অবিরত বারিধারা আবশ্যক করে । ইহার শিখরদেশে সতত মেঘ বিচরণ করিয়া থাকে । শৃঙ্গোপরি আরোহণ করিলে মনে যেরূপ ভাবের উদয় হয়, তাহা প্রকৃতরূপে বর্ণনা করিবার শব্দ নাই । জন্ম পরিত্যাগ করিয়া অবধি কেবলই উত্থান ও পতন ভাবে আসিতে হইয়াছে; এতদিন কেবলই সঙ্কটময় গিরিমালা অতিক্রম করিতেছিলাম, অদ্য তাহার শেষ হইল । পূর্বে একটা শৃঙ্গে আরোহণ করিলে অপরটা সম্মুখে উদ্ভিত হইয়া দৃষ্টিরোধ করিত এবং বোধ হইত সম্মুখস্থ গিরি উল্লঙ্ঘন করিলেই আর এই দুঃসহ পথ-কষ্ট সহ করিতে হইবে না ; কিন্তু তদুপরি গমন করিলে আবার আর একটা উপস্থিত হইয়া হৃদয় কাঁপাইয়া তুলিত—অদ্য সম্মুখে অপার সমতলভূমি ধূ ধূ করিতেছে—অগ্রবর্তী উতরাই দিয়া অবরোহণ করিলেই পাহাড়ভাঙ্গা শেষ হইল—সমতলভূমিতে পদচালনা করিয়া মস্তিষ্ক স্থির হইবে—যে কাশ্মীর দর্শন করিবার জন্য এত কষ্ট সহ করিয়া আসিলাম, অদ্য সেই কাশ্মীর সম্মুখে বিরাজ করিতেছে—ইত্যাকার নানাবিধ ভাব মানসপথে উদয় হইয়া অভূতপূর্বে আনন্দে শরীর ও মন নাচিতে থাকে !

আবার, সৃষ্টির কি রমণীয় শোভা! য়ুহু য়ুহু পবন-হিল্লোলে নবজলধর ক্রীড়াচ্ছলে আসিয়া আলিঙ্গন করিয়া চলিয়া গেল— যেন গেই প্রেমালিঙ্গনে সাত্ত্বিকভাবের আবির্ভাব হইয়া শরীর কাঁপিতে লাগিল—পশ্চাতে, দক্ষিণে ও বামে শৈল-শ্রেণী যেন একটা আর একটীর গায়ে ঠেস দিয়া বিশ্রাম করিতেছে— সম্মুখে কাশ্মীর উপত্যকা যেন জলের উপরে ভাসিতেছে— জনপদ সমূহ উদ্যানের মত দেখাইতেছে—বিতস্তা নদী শ্বেত উরগের মত পড়িয়া রহিয়াছে—উহার চারি দিকস্থ হিমালয়ের উত্থু শিখরনিচয় তুয়ারারুত দেখিয়া বোধ হয়, যেন শুভ্রকেশ তাপস-প্রবরেরা মলিন ও অজিনবেশে তরুরূপ লোমরাজি ও নিৰ্বাররূপ যজ্ঞোপবীত গলদেশে ধারণ পূর্বক প্রশান্তচিত্তে ও একতানমনে প্রাণায়াম যোগাদি সাধন করিতেছেন—দেখিলে উল্লাসের সীমা থাকে না!

গীরের উতরাই প্রায় চারি মাইল দীর্ঘ। ইহা কিঞ্চিৎ কুটিল ও ঢালু বটে, কিন্তু স্বগম। গিরিতলে নামিয়া কিঞ্চিদূর যাইয়া মহারাজার জগাৎ। অর্থাৎ এস্থলে মহারাজার বেতন-ভোগী কর্মচারীরা কাশ্মীরের প্রবেশার্থী ও বহির্গমনার্থীদিগের রাহাদারী অর্থাৎ অনুমতিপত্র * পরীক্ষা করিয়া দেখে এবং বাণিজ্যদ্রব্যের শুদ্ধ সংগ্রহ করিয়া থাকে। এস্থান হইতে ন্যূনাধিক এক মাইল গেলেই বৈরনাগে উপস্থিত হওয়া যায়। বৈরনাগ অতি মনোহর ও উৎকৃষ্ট দ্রব্য স্থান। কাশ্মীরের পূর্ব

* রাহাদারী সম্বন্ধে পূর্বে যাহা লিখিত হইয়াছে, তাহা স্মৃতিত হওনের পর মহারাজা উহা উঠাইয়া দিয়াছেন। অতএব ক্রমিক মাত্রেই পক্ষে বিশেষ বর্ণনা হইয়াছে।

বিভাগ অধ্যায়ে ইহার বিশেষ বর্ণনা করিয়া পাঠকদিগের কোতূহল পরিতৃপ্ত করা যাইবে । এখানে অত্যুত্তম বাসগৃহ আছে ।

১০ । বৈরনাগ হইতে অনন্ত-নাগ—১৬ মাইল ।

এই পথ সমতল ভূমি ও ক্ষেত্রের উপর দিয়া গিয়াছে, স্ততরাং অতি সরল ও সুগম্য । কিন্তু বৃষ্টি হইয়া গেলে এরূপ কৰ্দমময় এবং চিক্কণ হইয়া উঠে, যে, পদ স্থির রাখা স্বকঠিন । কিয়দূর যাইয়া সাহাবাদ নামক জনপদ । এখানকার বাহকেরা বন্থালের ন্যায় সুবিখ্যাত, দৃঢ় এবং পার্বত্য পথের সম্যক্ উপযোগী । ইহার মধ্যদেশ ও চারি দিক দিয়া জলপ্রবাহ প্রবাহিত এবং গৃহাদি এরূপে নিশ্চিত, যে, সকলের নিম্নভাগ দিয়া জলধারা নিঃসৃত হইতেছে । স্ততরাং ইহা দেখিতে অতি সুন্দর । এস্থলেও মহারাজার উত্তম বাসগৃহ আছে ।

বৈরনাগ হইতে ছয় মাইল দূরে কতিপয় অসংশ্লিষ্ট ক্ষুদ্র ক্ষুদ্র পাহাড় আছে । তদর্শনে মনোমধ্যে আশঙ্কা হয়, যে, আবার বুঝি উত্থান ও পতন আসিল । কিন্তু পথ উহাদের তলদেশ দিয়া গিয়াছে । এস্থান অতিক্রম করিয়া এক পল্লীর মধ্য দিয়া যাইতে হয় । এইরূপে সমতল ভূমির উপর দিয়া যাইয়া অনন্তনাগে উপনীত হওয়া যায় !

অনন্তনাগ উত্তম জনপদ । এখানে অত্যুৎকৃষ্ট বাসস্থান আছে । বৈরনাগের ন্যায় ইহাও কাশ্মীরের দ্রষ্টব্য স্থানের মধ্যে গণনীয় । স্ততরাং পূর্ববিভাগ পরিচ্ছেদে ইহারও বিশেষ বর্ণনা করা যাইবে । অনন্তনাগকে ইস্লামাবাদ বা খানবলও কহিয়া থাকে । কিন্তু প্রকৃত অর্থে, যেস্থানে (ন্যূনাধিক

এক মাইল দূরে) বিতস্তানদীতটে নৌকাদি অবস্থিতি করে, তাহাকেই খানবল্ কহে।

১১। অনন্তনাগ হইতে শ্রীনগর—৩০ মাইল।

অনন্তনাগ হইতে শ্রীনগরে যাইবার দুইটা পথ আছে। প্রথম স্থলপথ, দ্বিতীয় জলপথ। স্থলপথে দুই আড্ডা। অনন্তনাগ হইতে নূনাধিক এক মাইল দূরে বিতস্তানদী প্রবাহিত হইতেছে। পূর্বে উল্লেখ করা গিয়াছে, যে, যেখানে নৌকা থাকে, তাহাকে খানবল্ কহে।

প্রায় সকলেই জলপথ দিয়া গমন করে। প্রত্যুত, এতদিন পাহাড় ভাঙ্গিয়া আসিয়া এবং কারাগাররূপ ঝাপান আরোহণ করিয়া যেরূপ দারুণ শারীরিক ও মানসিক কষ্টে ব্যতিব্যস্ত হইতে হয়, তাহাতে কোন্ ব্যক্তি প্রীতিপ্রফুল্লচিত্তে পরম সুখদায়ক নৌকাযান অবলম্বন না করিবে? জলের হ্রস্ব বৃদ্ধি অনুসারে অধিক বা অল্প সময়ের মধ্যে শ্রীনগরে উত্তীর্ণ হওয়া যায়। অর্থাৎ যদি নদী-জলের উচ্ছ্বাস থাকে, তাহা হইলে সন্ধ্যাকালে নৌকারোহণ করিলে পর দিবস প্রত্যুষেই নির্দিষ্ট স্থানে উপনীত হওয়া সম্ভব। নচেৎ জলের হ্রাসতা নিবন্ধন এতদপেক্ষা দীর্ঘকাল লাগে।

স্থল ও জলপথে যে সমুদয় স্থান দৃষ্ট হইয়া থাকে, কাশ্মীরের পূর্ব বিভাগ বর্ণনাকালে তাহাদিগের উল্লেখ করা অভি-প্রেত, এজন্য এস্থলে আর লিপি-বাহুল্য করিলাম না।

২য়। ভিঘর ও পীর পঞ্জাল পথ

এই পথ স্নগম্য। পূর্বে মোগল সম্রাটেরা এই পথ দিয়া কাশ্মীরে গতায়িত করিতেন। একারণ ইহাকে বাদশাহী পথ কহে। ইহার সর্বত্র কতিপয় মাইল অন্তরে তাঁহাদিগের নির্মিত অভ্যংকুষ্ঠ সরাই অর্থাৎ পাছশালার ভগ্নাবশেষ অদ্যপি দৃষ্টিগোচর হইয়া থাকে। বর্তমান কাশ্মীরাধিপতি ইহার প্রতি আড্ডাতে উত্তম উত্তম বাসগৃহ নির্মাণ করিয়া দিয়াছেন, এবং পর্যটকদিগের আহারীয় দ্রব্য ও যানবাহকাদির অভাব নিরাকরণার্থ কর্মচারী নিযুক্ত করিয়া রাখিয়াছেন এবং মধ্যে মধ্যে অধিক ব্যয়ে ইহার জীর্ণসংস্কার করিয়া থাকেন। ইহার সমুদয় আড্ডা কোনো স্থানে অল্প এবং কোনো স্থানে বা অধিক লোকালয়ে পূর্ণ—কেবলমাত্র আলিয়াবাদসরাই নামক আড্ডা বন্থাল পথের বিলাওৎ স্থানের ঞায় অতি নিভৃত ও জনশূন্য পর্বতপ্রান্তে স্থিত। এই পথেও সৃষ্টির শোভা অতি বিচিত্র ও মনোমোহন।

এই পথে পর্বত অপেক্ষা নদীই অধিক অতিক্রম করিতে হয় এবং প্রতি আড্ডাতে এক নদী অনেকবার—এমন কি, আট হইতে আটাইশবার পর্যন্তও পার হইতে হয়! পার্কিকগতিতে ভিঘর হইতে শ্রীনগর ৮৬ মাইল। কিন্তু পার্কিত্যপথের কুটিলতানিবন্ধন ইহাদিগের পরস্পর দূরতা ১৪৮ মাইল অর্থাৎ প্রায় দ্বিগুণ হইয়াছে।

পীর পঞ্জাল সমুদ্রতল হইতে ১১,৪০০ ফিট উচ্চ। কার্তিক মাসের শেষে ইহাতে নীহারপাত আরম্ভ হইয়া ক্রমে এত অধিক পড়ে যে, তৎসমুদয় বৈশাখমাসের শেষ ভিন্ন দ্রবীভূত, পরিষ্কৃত এবং গতারাতের উপযুক্ত হয় না।

লাহোর বা তম্বিকটবর্তী স্থান হইতে আসিতে হইলে এই পথ অবলম্বন করা সর্বতোভাবে যুক্তিযুক্ত। লাহোর হইতে গুজরাৎ ৭০ মাইল এবং ডাকগাড়ী দ্বারা প্রায় ১২ ঘণ্টার পথ। গুজরাৎ হইতে ভিন্সর ন্যূনাধিক ২৮ মাইল দূরবর্তী এবং পালকীডাক দ্বারা ৮ বা ১০ ঘণ্টায় উপনীত হওয়া যায়।

ভিন্সর পর্য্যন্ত পথ সমভূমির উপর দিয়া গিয়াছে। পরে উহা অতিক্রম পূর্বক অপরাপর পার্বত্য পথের ন্যায় দুর্গম ও কুটিল। ভিন্সর উত্তম জনপদ এবং কাশ্মীরাধিপতির রাজ্যের অন্তর্গত। ইহা ভিন্সর নাম্নী নদীর দক্ষিণতটে স্থিত এবং উত্তর পূর্ব ও পশ্চিম ভাগে অনুন্নত এবং নিবিড় তরুরাজি সমষ্টিত গিরিমাল্য দ্বারা পরিবেষ্টিত। ইহার মধ্যস্থলে মোগল সম্রাটদিগের নির্মিত পান্থশালা এবং মহারাজা গোলাপ সিংহের ভ্রাতা মহারাজা ধ্যান সিংহ কর্তৃক নির্মিত দুর্গের ভগ্নাবশেষ আছে। পর্য্যটকদিগের আবাসগৃহ দুইটি এবং তাহা উত্তম প্রস্তরে রচিত।

১। ভিন্সর হইতে সৈদাবাদ—১৫ মাইল।

ভিন্সর অতিক্রম করিয়া নদী পার হইতে হয়। ইহা গভীর নহে এবং বালুকাপূর্ণ। স্ততরাং ইহার উপরে কোনো নেতু না থাকিলেও গতারাতের কষ্ট নাই। অনন্তর কতিপয় ক্ষেত্রের উপর দিয়া গিয়া পুনরায় উক্ত নদীগর্ভে পড়িতে

হয় । কিন্তু উহা এস্থলে বৃহৎ বৃহৎ প্রস্তরময় বলিয়া অতি
 বিস্ময়জনক । উহাকে অষ্টবার পার হইয়া বাম দিকে
 গমন করতঃ এক সংকীর্ণ ও উত্তম উপত্যকার প্রবেশ করিতে
 হয় । সেস্থলে এক ক্ষুদ্র নিৰ্ব্বরিণী প্রবাহিত হইতেছে ।
 তাহাকেও ন্যূনাধিক দশবার অতিক্রম না করিলে আদিচক
 পর্বতের উচ্চদেশে উপস্থিত হওয়া যায় না । এই পথে এই
 পর্বতই হিমাচলের আদ্য সোপান বলিয়া ইহার নাম আদিচক
 অর্থাৎ প্রথম চড়াই হইয়াছে । ইহা প্রায় ২১০ মাইল দীর্ঘ ।
 প্রথম আরোহণ স্থগম, পরন্তু যত উর্দ্ধে উঠা যায়, ততই
 সরল-উচ্চ, কুটিল এবং দুর্গম । স্থানে স্থানে বালুকাময় এবং
 কোনো কোনো স্থানে এমন চিক্রণ ও বালুপাষণ বিশিষ্ট, যে,
 পদ স্থির থাকে না । ইহার গাত্রে কতিপয় পাইন* এবং অপ-
 রাপর মহীরুহ আছে । ইহার শিখরে জগৎ অর্থাৎ বাণিজ্য
 ক্রব্যের শুদ্ধ আদায় গৃহ এবং কয়েকটা কুটার আছে । এস্থান
 হইতে সৃষ্টির শোভা অতি রমণীয় দেখায় । ইহার উতরাই প্রায়
 এক মাইল দীর্ঘ, অতি কুটিল এবং স্থানে স্থানে অতি সংকীর্ণ
 ও দুর্গম । গিরিতল হইতে সৈদাবাদ প্রায় চারি মাইল ।
 পথ আদৌ উচ্চ ও কর্ণিত ভূমির উপর দিয়া এক বৃহৎ
 নিৰ্ব্বরিণীর দক্ষিণ তটে গিয়া পড়িয়াছে । এস্থলে নদীগর্ভে
 কতিপয় গভীর ও প্রচুর মৎস্য বিশিষ্ট জলাশয় আছে । ইহাকে
 দুইবার অতিক্রম পূর্বক কিয়দ্দূরে যাইয়া বাম ভাগে এক

* ইহাকে এখানে চীড় কহে । কাশ্মীরের সমুদয় পথের সর্বত্র পর্বতগাত্র
 ইহা অপৰ্য্যাপ্ত পরিমাণে জন্মিয়া থাকে ।

ক্ষুদ্র নিৰ্ব্বরিণী পার হইতে হয় । অনন্তর কিছু দূর ক্ষেত্রের উপর দিয়া গিয়া সৈদাবাদে উপনীত হওয়া যায় ।

সৈদাবাদ একটা ক্ষুদ্রপল্লী এবং অতি উৰ্ব্বরা উপত্যকার মধ্যভাগে ও পার্বত্য নিৰ্ব্বরিণীর দক্ষিণতটে স্থিত । এখানকার সরকারী বাংলা দুইটা অতি উত্তম ও প্রস্তর নিৰ্ম্মিত । ইহার নিকটে এক অতি প্রাচীন পান্থশালার ভগ্নাবশেষ আছে এবং ইহার উত্তর পূৰ্ব্বদিকে অল্পদূরে মোগল সম্রাটদিগের নিৰ্ম্মিত এক অভ্যুৎকৃষ্ট হস্ত্য আছে । ইহাকে সামানি সরাই কহে ।

২ । সৈদাবাদ হইতে নাওশেরা—১২।।০ মাইল ।

সৈদাবাদ পরিত্যাগ করিয়া পূৰ্ব্বোক্ত নদীতীর দিয়া অল্প দূর যাইতে হয় । পরে ঐ নদী অনেকবার পার হইয়া পথটা বক্রগতিতে ক্ষেত্রের উপর দিয়া গিয়াছে এবং কতিপয় নিম্ন পাহাড় অতিক্রম পূৰ্ব্বক্ কামানগোশী নামক পাহাড়ের তলদেশ স্পর্শ করিয়াছে । এই পাহাড় সৈদাবাদ হইতে প্রায় ৫ মাইল দূরবর্তী । ইহা পূৰ্ব্বোক্ত আদিচকের ন্যায় উচ্চ ও দুৰ্গম নহে । ইহার চড়াই প্রায় এক মাইল । ইহারও শিখর হইতে নৈসর্গিক শোভা দর্শনে অনিৰ্ব্বচনীয় প্রীতির উদয় হয় । এস্থলে গুজ্জর অর্থাৎ গোপদিগের কতিপয় কুটীর আছে । চড়াই অপেক্ষা উতরাই অতি দীর্ঘ । কিন্তু ইহা অতি সুগম—কেবল স্থানে স্থানে অসারল্য ও কাঠিণ্য সহ্য করিতে হয় । এই পাহাড়ের মূলদেশ হইতে প্রায় তিন মাইল সমতল ভূমির উপর দিয়া গিয়া নাওশেরা আড়ডাতে উপস্থিত হওয়া যায় ।

নাওশেরা প্রস্তর নিৰ্ম্মিত বৃহৎ জনপদ । যে তাবী নদী

জম্মু নগরীর পার্বদেশ দিয়া প্রবাহিত হইতেছে, ইহা সেই নদীর তটে প্রায় ৩০০ ফিট দূরে স্থিত । এই নগরের মধ্যভাগে মোগলদিগের নির্মিত এক অভ্যুত্তম সরাই আছে । কিন্তু জীর্ণ-সংস্কারাভাবে উহা ধ্বংস প্রাপ্ত হইতেছে । মহারাজার প্রধান কর্মচারী ইহাতে বাস করেন । এখানেও পর্য্যটকদিগের দুইটা উত্তম বিশ্রামগৃহ আছে । উহা নগর হইতে কিয়দূরে বাউলীবাগ নামক বৃহৎ উপবনে স্থিত ।

৩। নাওশেরা হইতে চংগস—১৩।০ মাইল ।

নাওশেরা হইতে আরম্ভ হইয়া চংগস পর্য্যন্ত তাবী নদীর গর্ভ দিয়া যাইতে হয় । এস্থলে দুই পথ আছে । প্রথম পথ নদীগর্ভ দিয়া গিয়াছে, স্ততরাং বৃহৎ বৃহৎ পাষাণ বিশিষ্ট বলিয়া অতি ক্লেশকর । কিন্তু ইহা দ্বিতীয়াপেক্ষা অনেক তৃষ্ণ ; এক্কারণ ভারবাহক ও পদব্রাজকগণ ইহা দ্বারা গমনাগমন করিয়া থাকে । দ্বিতীয় পথ (ইহাকে উপরিভাগস্থ পথ বা তীর-বল্ল বলাই সম্ভব) উক্ত নদীর দক্ষিণ তট দিয়া গিয়াছে— কেবল কোনো কোনো অংশ নদী হইতে কিঞ্চিৎ দূর । ইহা বাঁপান ও অশ্ব পক্ষে সম্যক উপযোগী । প্রথমাপেক্ষা ইহা অতি দীর্ঘ । নাওশেরা পরিত্যাগ করিয়া এই পথ দিয়া কিয়দূর আসিয়া এক ক্ষুদ্র গিরিশৃঙ্গ অতিক্রম করিতে হয় । উহার আনুমানিক উচ্চতা ১০০ ফিট । অনন্তর একাদিক্রমে এই রূপ প্রায় দশটা শৃঙ্গ পার হইয়া আসিতে হয় । এখানকার পথ স্থানে স্থানে অতি দুর্গম । কিন্তু বাহ্য জগতের শোভা অতি বিচিত্র । চংগসের সমীপবর্তী স্থানে দুইটা প্রাচীন

উৎকৃষ্ট হস্তোৎপন্ন অবশিষ্টাংশ আছে। উহা মোগল সম্রাট-দিগের কৃত হইবে।

চংগস প্রশস্ত অধিত্যকায় স্থিত এবং কতিপয় কুটীর-বিশিষ্ট ক্ষুদ্র পল্লী। ইহার দুই শত ফিট দূরে তাবী নদী প্রবাহিত হইতেছে। ভ্রমণকারীদিগের দুইটি উত্তম আবাসগৃহ আছে এবং তৎপশ্চাতে মোগলদিগের নিৰ্ম্মিত একটা প্রাচীন পাহুশালা ভগ্নাবস্থায় রহিয়াছে। নিম্নদেশে তাবী নদী ভীষণ-নিম্নাদে ধাবিত, চারি দিকে অভেদ্য পৰ্ব্বতমালা স্পষ্ট প্রাকারের ন্যায় দণ্ডায়মান, এবং ন্যূনাধিক ৬০ মাইল দূরবর্তী পীর-শৈল শুভ্রবেশে নয়নপথে পতিত হইতেছে—ইত্যাকার মনোহর নৈসর্গিক শোভা দর্শনে মন উল্লাসিত হয়।

৪। চংগস হইতে রাজোড়ী—১৩ মাইল।

পূৰ্ব্বোক্ত পথের ন্যায় ইহাও তাবীনদীর গৰ্ভবাহী এবং দুই ভাগে বিভক্ত। নিম্ন অর্থাৎ নদীগৰ্ভস্থ পথ পূৰ্ব্বের ন্যায় কেবল পদব্রজে ভ্রমণের উপযোগী। দ্বিতীয় অর্থাৎ পুলিন-বর্ত্ত (বাহা বাঁপান ও অশ্বদিগের পক্ষে স্বগম) উক্ত নদীর দক্ষিণ তট দিয়া গিয়া ন্যূনাধিক আটটা অনুন্নত গিরিশৃঙ্গ অতিক্রম করিয়াছে। ইহার স্থানে স্থানে পথ অসরল এবং শ্লেটপ্রস্তরবিশিষ্ট চিহ্ন। চংগস হইতে ৬ মাইল দূরে কল্পর নামে এক ক্ষুদ্র পল্লী আছে। উহার প্রায় তিন মাইল দূরে আর একটা ক্ষুদ্র জনপদ। তাহার নাম মোরদপুর। এস্থলে দুই পুরাতন পাহুশালা আছে। রাজোড়ী হইতে ন্যূনাধিক অর্ধ মাইল দূরে তাবীনদী পার হইতে হয়। এস্থলে কোনো সেতু নাই। স্ততরাং নদীর জল ও জল-বেগ বৃদ্ধি

হইলে উহার দক্ষিণ তটে পরিত্যাগ না করিয়া ক্রমশঃ গমন পূর্বক নগরে প্রবেশ করা পরামর্শসিদ্ধ।

রাজোড়ী (ইহাকে রাজপুরও কহিয়া থাকে) প্রস্তর-নির্মিত, বর্দ্ধিষ্ণু ও বিশিষ্ট জনপদ। ইহা তাবী নদীর দক্ষিণতটে এবং কতিপয় অনুল্লত পাহাড়ের পার্শ্বদেশে স্থিত। স্ততরাং ইহা দূর হইতে দেখিতে অতি সুন্দর। এস্থলে আলম্নোট অর্থাৎ পূর্বতন মুসলমান অধিপতিদিগের গোরস্থান, আমখাস মোসাফেরখানা অর্থাৎ পাহুশালা, রাজবাটা, মন্দির, বাজার প্রভৃতি কয়েকটা দ্রষ্টব্য স্থান আছে। রাজোড়ীর পূর্বভাগে এক দিবসের পথে দুইটী গন্ধকমিশ্রিত উষ্ণ প্রস্রবণ দৃষ্ট হয়।

নগরের বিপরীত ভাগে ও তাবীর বাম তটে পর্যটকদিগের উত্তম বিশ্রামভবন আছে। ইহা উপবন মধ্যে স্থিত। মোগল সম্রাটদিগের অধিকার কালে ইহা অতি রমণীয় ছিল, কিন্তু এক্ষণে জীর্ণ-সংস্কারাভাবে ধ্বংস প্রাপ্ত হইতেছে। ইহার সম্মুখস্থ সমতলভূমি সুবিস্তৃত, কৃষিজাত পূর্ণ এবং নৈসর্গিক শোভায় অতি রমণীয়। এস্থলে এক গিরিশৃঙ্গ মহারাজা রণবীর সিংহ প্রস্তরের দুর্গ নিৰ্ম্মাণ করিয়াছেন।

৫। রাজোড়ী হইতে খন্ডামণ্ডী—১৪ মাইল।

এই পথ সর্বাপেক্ষা সুগম ও জলময়। ইহাও তাবী নদীর গর্ভ দিয়া গমন করিয়াছে। অনন্তর যত অগ্রসর হওয়া যায়, ততই দৃষ্ট হয়, যে, নদী ও উপত্যকা সংকীর্ণ হইয়া আনিয়াছে এবং দুই পার্শ্বস্থ গিরিমালা ক্রমশঃ উন্নত হইয়াছে। অবশেষে রতনপীর নামক অত্যুন্নত গিরিশৃঙ্গ সম্মুখে দৃষ্টিগোচর হয়। রামপুর পরিত্যাগ করিয়া প্রায় অর্দ্ধ মাইল

দূরে এক অতি প্রশস্ত নদী পার হইতে হয়। উহা অধিক গভীর নহে, কিন্তু উহার গর্ভস্থ পামাণ অতি ক্লেশদায়ক। অনন্তর প্রায় অর্ধমাইল আসিয়া ফতীপুর নামক ক্ষুদ্র পল্লী অতিক্রম করতঃ ন্যানাধিক দুই মাইল গমন করিলে হারসিংহের বাউলী (কুপ) নামক স্থানে যাওয়া যায়। এস্থলে কতিপয় দোকান আছে এবং স্থানটী রমণীয়। পরে চারি মাইল দূরে লীড়া বাউলী। এখানে পথ নদী পরিত্যাগ করিয়া দূরে গমন করিয়াছে। কিন্তু থন্নামগুণী নামক স্থানের প্রবেশদ্বারে ইহা পুনর্শ্লিলিত হইয়াছে এবং ইহা পার হইয়া উক্ত স্থানে প্রবেশ করিতে হয়।

থন্নামগুণী প্রস্তুত নির্মিত ক্ষুদ্র পল্লী। ইহা তাবীনদীর বাম তটে স্থিত এবং পঞ্জাব হইতে যে সমুদয় দ্রব্য গতায়িত করে, ইহা তৎসমুদয়ের সংগ্রহ স্থান (ডিপো)। নদীর দক্ষিণ তটে দ্বিতল বিশ্রাম গৃহ আছে। কিন্তু তন্নিম্নতল কঙ্গ-যোগ্য নহে।

৬। থন্নামগুণী হইতে বরমগোলা—১০।০ মাইল।

এই পথে রতনপীর শঙ্গ অতিক্রম করিতে হয়। থন্নামগুণী হইতে প্রায় অর্ধ মাইল দূরে বাম ভাগে পুঞ্চপথ গমন করিয়াছে। এ স্থান হইতে অজানাবাদ পল্লী পর্য্যন্ত তাবী নদীকে অনেক বার পার হইতে হয়। অনন্তর রতনপীর পর্বতে আরোহণ করা আবশ্যিক। ইহাতে আরোহণ অতি স্বগম। ইহার শৃঙ্গ ৮,২০০ ফোট উচ্চ এবং থন্নামগুণী হইতে ৫ মাইল দূরবর্তী। শিখরদেশে কতিপয় কুটার আছে এবং এস্থান হইতে প্রকৃতির শোভা কি পরম রমণীয়! অব-

রোহণ অপেক্ষাকৃত দুর্গম । বিশেষতঃ তলদেশের সমীপবর্তী যে স্থলে কাষ্ঠ-নির্মিত সেতু দ্বারা এক প্রণালী অতিক্রম করিতে হয়, তথায় পথ অত্যন্ত দুর্গম ।

বরমগোলা ক্ষুদ্র পল্লী এবং পুষ্কাধিপতি রাজা মতি সিংহের রাজ্যের অন্তর্গত । ইহা ক্ষুদ্র ও উচ্চ অধিত্যকায় স্থিত এবং অত্যুচ্চ পর্বতমালায় বেষ্টিত । ইহার পার্শ্ব দিয়া সুরন নদী (ইহাকে চিত্রপাণীও কহিয়া থাকে) প্রবাহিত হইতেছে । নদীর অপর তটে একটী অত্যুত্তম প্রস্তর নির্মিত প্রাচীন দুর্গ আছে । এখানকার বিশ্রাম গৃহ কর্দম নির্মিত, কিন্তু নিন্দনীয় নহে । জেহাঙ্গির বাদশাহ কাশ্মীর গমনকালে পক্ষাঘাত রোগে এই স্থানে নশ্বর মানবদেহ পরিত্যাগ করেন ।

কাশ্মীর তাঁহার প্রিয়বাস ছিল । তিনি তথায় ত্রয়োদশ গ্রীষ্ম অনির্বচনীয় ইন্দ্রিয়স্থখে অতিবাহিত করেন । মৃত্যুকাল উপস্থিত হইলে তিনি এই অভিপ্রায় প্রকাশ করিয়াছিলেন, যে, যেন জীবদ্দশায় তাঁহার প্রিয়তম ক্রীড়া উপবন বৈরনাগে উপনীত হইতে পারেন । অথবা, যদি কৃতান্ত হা একান্তই হইতে না দেয়, তবে অন্ততঃ তাঁহার দেহ যেন তথায় সমাধিস্থ করা হয় । কিন্তু তাঁহার মৃত্যু হইলে তাঁহার প্রাণধিকা প্রিয়তমা বেগম নূরমহল তাঁহার কলেবর লাহোরের বিপরীত ভাগস্থ ও রাবী নদীর তটস্থ সাদেরা নামক স্থানে লইয়া যান এবং তথায় তাঁহার স্মারণার্থিক অতি মনোরম কবর-নির্মাণ পূর্বক তৎরক্ষক রূপে আপনিও অবিচ্ছেদে তথায় বিংশতি বৎসর বাস করতঃ সেই স্থানেই প্রাণত্যাগ করেন । উক্ত সাদেরা অতি রমণীয় দ্রষ্টব্য স্থান ।

৭ । বরমগোলা হইতে পোশিয়ানা—৮ মাইল ।

বরমগোলা পরিত্যাগ পূর্বক এক স্তম্ভ চড়াই অতিক্রম করা আবশ্যিক । উহা প্রায় এক শত হস্ত উচ্চ । অনন্তর চিত্রপাণী নদীর গর্ভে অবতরণ করিতে হয় । এস্থলে এক ক্ষুদ্র গ্রাম আছে, তাহার নাম চুন্নীমার । প্রায় পাঁচ মাইল পর্য্যন্ত ঐ নদীগর্ভ দিয়া গমন করিতে হয় । এই নদী অতি গভীর ও প্রশস্ত নহে । কিন্তু ইহার গর্ভ বৃহৎ বৃহৎ পাষাণে পরিপূর্ণ এবং বর্ষাকালে ইহার বেগ অতিশয় ভয়ানক হইয়া থাকে । ইহার উভয় পার্শ্বে গগনস্পর্শী গিরিমাল্য দণ্ডায়মান আছে । তাহাদিগের শিখরদেশে পার্বত্যলোকদিগের যে সমুদয় কুটীর ও কৃষিক্ষেত্রোপযোগী ক্ষেত্র আছে, তাহা দেখিলে অবাক হইতে হয় । নদ-গর্ভে যাইতে যাইতে পর্বতমালা একরূপ দৃষ্টিরোধ করে, যে, বোধ হয়, আর বুঝি পুরেবর্ত্তী হইতে পারিলাম না । এই নদী একরূপ বক্র গতিতে গমন করিয়াছে, যে, একাদিক্রমে বার বার বহু সেতু দ্বারা পার হইয়া কখনো ইহার বাম তটে, কখনো বা দক্ষিণ তটে দিয়া কুণ্ডলাকারে পরিভ্রমণ করিতে হয় ! সন ১৮৬৯ খৃষ্টাব্দের সেপ্টেম্বর মাসে আমরা উহাকে এই রূপে দ্বাবিংশতি বার অতিক্রম করি এবং অনেক সেতু প্রবল শ্রোভে ভাসিয়া গিয়াছে, তাহার নিদর্শনও দেখিতে পাই । ডাক্তার ইন্স সাহেব সন ১৮৬৪ এবং ৬৫ খৃষ্টাব্দে একরূপ অষ্টবিংশতি বার পরিভ্রমণ করিয়াছিলেন । এ সমুদয় সেতু একরূপ নিকৃষ্ট, যে, পদতরে ছলিতে থাকে । স্তত্রাং অনন্তগতি অবস্থায় উহাদের উপর দিয়া যাইতে প্রাণ কাঁপিয়া উঠে ।

পোশিয়ানা হইতে প্রায় অর্ধ ক্রোশ নিকটে নদী পরিত্যাগ করিয়া এক চড়াই চড়িতে হয় । ইহার প্রথমার্ধ অতি বন্ধুর, কিন্তু শেষার্ধ অপেক্ষাকৃত স্তম্ভ ।

এই পথে কতিপয় অতি সুন্দর জলপ্রপাত ও শস্য পেষণ করিবার জলযন্ত্র আছে । ঋতুর অবস্থানুসারে জলপ্রপাতের সংখ্যা ও সৌন্দর্য্যের হ্রাস বৃদ্ধি হইয়া থাকে । ন্যূনাধিক পঞ্চাশ হস্ত উর্দ্ধ হইতে ছুঙ্কফেগনিভ জল বিচিত্রাকারে পতিত হইয়া যেরূপ রমণীয় দৃশ্য দেখায়, তাহা প্রকাশ করিবার শব্দ নাই । সর্ব্বাপেক্ষা তিনটি অতি মনোহর । প্রথমটি বরম-গোলা পরিত্যাগ করিয়া নদী-গর্ভে প্রবেশস্থলে । ইহাকে নুরী-চশম অর্থাৎ আলোকময় জলপ্রপাত কহে । দ্বিতীয়টি নদী-গর্ভের মধ্য পথে এবং নদীর বাম তটে । তৃতীয়টি নদীগর্ভের পথপ্রান্তে এবং নদীর দক্ষিণ তটে ।

পোশিয়ানা অতি ক্ষুদ্র পল্লী এবং পর্ব্বতের গাত্রে স্থিত । এখানকার বিশ্রাম-ভবন উপাদেয় নহে ।

৮ । পোশিয়ানা হইতে আলিয়াবাদ সরাই—১১ মাইল ।

এই বারে বিখ্যাত পীর পঞ্জাল শৃঙ্গ অতিক্রম করিতে হইবে । পোশিয়ানা ত্যাগ করিয়া কিয়দূর পর্ব্বতের গাত্র দিয়া অসরল উতরাই দ্বারা অবতরণ করিতে হয় । অনন্তর চিত্রপাণী নদীকে আর একবার পার হইয়া এক সংকীর্ণ উপত্য-কায় উপনীত হওয়া যায় । ইহা অতিক্রম করিলেই পীর পঞ্জালের তলদেশে পাদবিক্ষেপ করিতে হয় । পীর, সমুদ্র তল হইতে ১১,৪০০ ফীট উচ্চ । ইহার গাত্রে সর্পাকৃতি পথ পড়িয়া আছে, দূর হইতে দেখিলে যেরূপ ছুরারোহ বলিয়া

হৃৎকম্প উপস্থিত হয়, প্রত্যুত উহা সেরূপ দুর্গম নহে। ইহার স্থানে স্থানে প্রস্তর নির্মিত গৃহাদির ভগ্নাবশেষ আছে। প্রবল ঝটিকা ও বৃষ্টিপতন কালে নিরাশ্রয় পথিকদিগের আশ্রয় জন্ম মোগল সম্রাটেরা উহা নিষ্কাণ করিয়া দিয়াছিলেন। গিরিশিখরে উঠিতে প্রায় তিন ঘণ্টা লাগে। বন্থাল পথের পীর পাহাড় আরোহণ কালে পর্য্যটকদিগকে যে উপদেশ দেওয়া গিয়াছে এবং নীহার পথের বর্ণনা করা হইয়াছে, তৎসমুদয় এস্থলে প্রয়োগশীল। * এ স্থান হইতেও সৃষ্টির শোভা অতি বিচিত্র দেখায়। আকাশ নিম্নল থাকিলে প্রায় ১৩০ মাইল দূরবর্তী লাহোর নগরের অভূচ্চ মিনার অর্থাৎ দুর্গ প্রভৃতির সৌধশিখর দেখিতে পাওয়া যায়। কিন্তু বন্থালের পীর শৃঙ্গের উপর উঠিলে সম্মুখে সমতল ভূমি দেখিয়া পাহাড় ভাঙ্গা শেষ হইল বলিয়া এবং কাশ্মীর প্রদেশের সৌন্দর্য্যসমৃষ্টি এককালে নয়ন পথে পতিত ভাবিয়া মনে যেরূপ অভূতপূর্ব আনন্দের উদয় হইয়া থাকে, এস্থলে সেরূপ হয় না। এখানে অনন্ত পর্বত-মালা দৃষ্টিরোধ পূর্বক অধিকতর ভয় প্রদর্শনই করিয়া থাকে। শিখরদেশ হইতে প্রায় পাঁচ মাইল বাইলে আলিয়াবাদ সরাইতে উপনীত হওয়া যায়। এখানকার পথ অতি স্বগম।

আলিয়াবাদ সরাই বাদশাহদিগের দ্বারা নির্মিত। এক্ষণে ইহার ভগ্নাবশেষমাত্র আছে। ইহা পর্বত পরিবেষ্টিত অতি নিভৃত প্রদেশে স্থিত। শীতকালে ইহা তুষারে প্রোথিত হইয়া

যায় । এখানে দুই একখানি সামান্য দোকান ব্যতীত আর কিছুই নাই ।

৯। আলিয়াবাদ সরাই হইতে হীরপুর—১২ মাইল ।

এই পথ স্নগম । ইহার প্রথমার্দ্ধ স্নগম আরোহণ ও অব-
রোহণ বিশিষ্ট এবং পথটী পর্বতের গাত্র (তল ও শিরো-
দেশের মধ্য ভাগ) দিয়া গমন করিয়াছে । ইহার দক্ষিণ
পার্শ্ব দিয়া সহস্র সহস্র হস্ত নীচে রেমবিয়ারা নাম্নী নদী ভীষণ
বেগে প্রবাহিতা হইতেছে । এই অংশের কোনো কোনো
স্থল অসরল । কিন্তু উহার একটীও অভূচ্চ এবং দুর্গম
নহে । এই পথের অপরাৰ্দ্ধ উক্ত নদী তট দিয়া গমন করিয়াছে
এবং অতি স্নগম ।

যে পথ আলিয়াবাদ সরাই হইতে প্রায় দুই মাইল
পর্যন্ত পর্বতের ভীষণ পার্শ্ব দিয়া গমন করিয়াছে, সেই পথ
হইতে নিম্নদিকে দৃষ্টিপাত করিলে মস্তক ঘুরিতে থাকে এবং
পর্যটকদিগের পদস্থলিত হইলে ঘোর হৃদয়-বিদারক বিপদ
ঘটিবার সম্ভাবনা ; তন্নিরাকরণ জন্ত তথায় প্রাচীর নির্মিত হই-
য়াছে । তাহাকে “ লাল গোলাম ” কহে । পূর্বে যৎকালে এই
স্থানে এই প্রাচীর নির্মিত হয় নাই, তখন যে সমুদয় বিপদপাণ্ড
হইয়া গিয়াছে, তাহা শুনিলে অদ্যাপি হৃৎকম্প হয় । অজ্ঞ
লোকে সেই সকল দুর্ঘটনার একটী অপদৈব কারণ নির্দেশ
পূর্বক কহিয়া থাকে, যে, পূর্বে এই স্থানে লাল গোলাম নামে
এক নরমাংসলোলুপ দৈত্য বাস করিত । সে পর্যটকদিগকে
নীচে ফেলিয়া দিত এবং প্রাণসংহার পূর্বক এবং তাহাদিগের
মৃতদেহে আপন উদর পূর্তি করিত ! এ স্থান হইতে প্রায় এক

মাইল দূরে এক মানমন্দির অর্থাৎ বৈজ্ঞানিক বা জ্যোতিষিক উচ্চস্তম্ভ আছে। কিয়দ্দুরে গমন করিয়া দক্ষিণপার্শ্বে ও নদীর অপরা তটে সাহকোট নামে এক প্রাচীন দুর্গ দেখিতে পাওয়া যায়। অনন্তর এক অসরল পথ দিয়া স্নক সরাই নামক এক ভগ্নহর্ম্য উল্লীর্ণ হইতে হয়। এস্থান হইতে হীরপুর নানা-ধিক পাঁচ মাইল এবং তদ্বত্বরেম্বিয়ারা নদী গর্ভ দিয়া গমন করিয়াছে। তিনটি অতি সামান্য কাষ্ঠ-নির্মিত সেতু দ্বারা এই নদী তিন বার অতিক্রম করিতে হয়। এখানকার পথ অতি সুগম।

হীরপুর রেম্বিয়ারা নদীর দক্ষিণ তটে স্থিত এবং একটা ক্ষুদ্র পল্লী মাত্র। এখানকার বিশ্রাম ভবন মোগলসত্রাটদিগের নির্মিত মনোহর হর্ম্যের ভগ্নাবশেষ মাত্র।

১০। হীরপুর হইতে শোপিয়ান—৮ মাইল।

এই পথ যেমন অনতিদীর্ঘ, তেমনি সুগম। ইহা প্রায় পূর্বেবক্ত রেম্বিয়ারা নদীর দক্ষিণ তট দিয়াই গিয়াছে। হীরপুর হইতে কিয়দ্দুর গমন করিলেই কাশ্মীর এবং উহার উত্তর প্রান্তস্থ তুসার মণ্ডিত অত্যুচ্চ পর্বত-মালা নয়ন পথে পতিত হইয়া অতুল আনন্দ উৎপাদন করে।

শোপিয়ান একটা বিশিষ্ট জনপদ। এস্থানে দুইটি উত্তম বিশ্রাম ভবন আছে। পরস্তু এস্থলে বিশ্রাম না করিয়া এক দিবসে হীরপুর হইতে রান্নু অনায়াসে যাইতে পারা যায়।

১১। শোপিয়ান হইতে রান্নু—১১ মাইল।

এই পথও অতি সুগম। শোপিয়ান পরিত্যাগ করিয়া প্রায় তিন মাইল আসিলে উক্ত রেম্বিয়ারা নদী পুনর্বার পার

হওয়া আবশ্যিক । অনন্তর কিয়দূর আসিয়া ঘন তরুরাজী সমন্বিত কতিপয় গিরিমালার তলদেশে নামিয়া এক পুরাতন জিয়ারৎ অর্থাৎ গোরস্থান পাওয়া যায় এবং এক প্রাচীন পান্থশালা অতিক্রম করিয়া এক জঙ্গলের মধ্য দিয়া গমন করিতে হয় । এস্থান হইতে প্রায় দুই মাইল পরে রামচ নামে এক ক্ষুদ্র নদী পার হইয়া কিয়দূর আসিয়া এক প্রাচীন ধর্মশালা অর্থাৎ পান্থশালা দেখিতে পাওয়া যায় । এখানে পর্যটকদিগের উপযোগী এক গৃহ আছে । তথা হইতে রামস্ব প্রায় অর্ধ মাইল ।

রামস্ব ক্ষুদ্র জনপদ । এখানকার বিশ্রাম গৃহ দ্বিতল, কাষ্ঠ-নির্মিত এবং উত্তম ।

১১ । রামু হইতে শ্রীনগর—১৮ মাইল ।

এই পথ সর্বাপেক্ষা সুগম্য এবং ইহা সমতল ভূমির উপর দিয়া গিয়া ছ । রামু হইতে ন্যূনাদিক ৬ মাইল আসিয়া খানপুর নামে এক পল্লী । এস্থানে এক প্রাচীন পান্থশালা আছে । ইহা হইতে প্রায় ৫ মাইল দূরে ওয়াতর নামে অপর এক পল্লী । তথায় পদমের অতুল্যম মোজা ও দস্তানা প্রভৃতি প্রস্তুত হইয়া থাকে । সেস্থান হইতে শ্রীনগর-ন্যূনাদিক ৭ মাইল । পথ প্রায় ৮ হস্ত প্রশস্ত এবং ইহার উভয় পার্শ্বে সরলোচ্চ সফেদাশ্রেণী থাকাতে অতি রমণীয় ।

শ্রীনগরের প্রবেশ দ্বারে এবং পথের বাম ভাগে রামবাগ নামে এক উপবন । এখানে প্রাচীর পরিবেষ্টিত মন্দিরে মহারাজা গোলাপ সিংহের ভস্ম রক্ষিত আছে । তাঁহার পরলোক প্রাপ্তি হইলে এই স্থানে তাঁহার দাহ হইয়াছিল

এবং সেই অবধি রাজবাটীর কাহারো মৃত্যু হইলে এই স্থানেই দাহকার্য্য সমাধা করা হয়। ১৮৭৩ খৃষ্টাব্দে বর্তমান জ্যেষ্ঠ রাজপুত্রের প্রধানা মহিষী বসন্তরোগে প্রাণত্যাগ করিলে তাঁহার অন্ত্যেষ্টিক্রিয়া এই স্থানেই হইয়াছিল। ইহার প্যার্থ দিয়া বিতস্তা নদীর এক শাখা (দুধ গঙ্গা) প্রবাহিত হইতেছে। কিয়দ্দূরে আসিয়া দক্ষিণ ভাগে মহারাজার বোটানিকেল গার্ডেন্ অর্থাৎ কৃষি উদ্ভিজ্জ-সম্বন্ধীয় উপবন। বাবু নীলাম্বর মুখোপাধ্যায় মহাশয়ের প্রবৃত্তে ইহা স্থাপিত হইয়াছে এবং দিন দিন ইহার উন্নতি হইতেছে। যে রেসমের উন্নতির জন্য উল্ল বাবুজীর নাম জগদ্বিখ্যাত হইয়াছে এবং যাহার ক্রমশঃ শ্রীরক্ষিতে কাশ্মীরীদিগের অবস্থা পরিবর্তিত হওনের সম্ভাবনা, সেই রেসমের কারখানা (এই কারখানাকে হপ্ত-চেনার কহে) উল্ল উপবনের বিপরীত ভাগে অর্থাৎ পথের বামভাগে স্থিত। ইহা অতিক্রম পূর্বক সম্মুখস্থ য়ে ঘন দুর্বাদল পরিত ক্ষেত্রের উপর দিয়া গমন করিতে হয়, উহাকে “ছোটা প্যারেড্ ” অর্থাৎ ক্ষুদ্র-সৈন্য-প্রদর্শন-ক্ষেত্র কহে। ইহার বাম ভাগ দিয়া যে পথ গিয়াছে, তদ্বারা গমন করিলে সেরগড়ী অর্থাৎ রাজবাটীতে উপনীত হওয়া যায়। ইহার দক্ষিণ পার্শ্বে যে উপবন আছে, তাহার নাম ছজুরিবাগ। ইহার সন্নিকটস্থ নদীতটে সরকারী ঔষধালয় স্থাপিত আছে। এই ক্ষেত্র পার হইয়া কিয়দ্দূর গমন করিলে মীরাকদল দেখিতে পাওয়া যায়। পর্য্যটক কাশ্মীরে প্রবেশ করিয়া স্বেচ্ছামতে ইহা অবলম্বন করিতে পারেন।

काशीर कुसुम ।



प्रथम परिच्छेद ।



काशीर शब्देर उत्पत्ति । ख्याति ओ प्रौढीनङ्ग । सीमा । विलार । लोक-
संख्या । पर्यत । जल ओ हल । नदी । सेतु । नौका । हुद । उंस । खतुपरि-
वर्तन । जलवारू । उत्पत्ति—कृषि, पशु ओ पक्षी । धातु । वामगृह । निवासी—चरित्र,
परिच्छेद, धादय । शिल्पकौशल । त्वाह । शिक्षा । धर्म । शासनप्रणाली ।

[काशीर शब्देर उत्पत्ति] काशीर शब्देर उत्पत्ति ओ
व्युत्पत्ति विषये अनेके अनेक प्रकार कल्पना करिमा धाकेम ।
किन्तु सुविख्यात प्रफेसर उईल्सन् साहेब धाहा स्मिरीकृत
करिमाछेन , ताहाई प्रामाणिक एवम् विचारसङ्गत बलिमा बोध
हय ; अर्थात् एम्हले तर्गवान कल्पमनुनिर आश्रम हिल बलिमा
ईहा काशीर नामे विख्यात हईमाछे ।

[খ্যাতি ও প্রাচীনত্ব] যৎকালে দক্ষযজ্ঞে পতিনিন্দা শ্রবণে সতী দেহত্যাগ করেন এবং ধূজ্জটি সেই মৃতদেহ শিরোদেশে ধারণপূর্বক উদাসীনবেশে ইতস্ততঃ ভ্রমণ করিলে চক্রপাণি সূদর্শন চক্র দ্বারা উহা খণ্ড খণ্ড কাটিয়া ফেলেন, তৎকালে তাঁহার কণ্ঠদেশ কাশ্মীরের এক স্থলে পতিত হয়। সেই স্থল কোন্টী তাঁহার স্থিরতা নাই। এ কারণ সমুদায় উপত্যকাকে সারদাপীঠ কহিয়া থাকে। পাশ্চাত্য বিভাগস্থ সোপুর নামক স্থানে সারদাদেবীর প্রতিমূর্তি আছে এবং কাশ্মীরী অক্ষরকে সারদা অক্ষর কহে।

যৎকালে খ্যাত্যাপন্ন পাণ্ডবেরা ভারতবর্ষের উত্তর খণ্ড পরিভ্রমণ করিতে আসিয়াছিলেন, তখন তাঁহারা এই স্থলে কিয়ৎকাল বাস করিয়া যে সমুদায় কীর্তিকলাপ স্থাপন করেন, অদ্যাপি তাহার অনেক ভগ্নাবশেষ আছে এবং কোনো কোনো স্থানে তাঁহাদিগের নিৰ্ম্মিত দেবালয় অবিনশ্বর রূপে দণ্ডায়মান রহিয়াছে। কোনো কোনো ভূতত্ত্ব-বেত্তা প্রতিপন্ন করিয়াছেন, যে, কাশ্মীর মনুষ্যের আদিম স্থান ছিল এবং এই স্থান হইতেই মনুষ্য-স্রোত প্রবাহিত হইয়া পৃথিবীর অপরাপর অংশে প্লাবিত হয়। প্রত্যুত, অতি প্রাচীন কালাবধি যে ইহা মনুষ্যের বাস-স্থান হইয়া আসিতেছে, তাহার কোনো সন্দেহ নাই। পরন্তু ইহা বাসোপযোগী হইবার পূর্বে যে এককালে জলগর্ভে নিমগ্ন ছিল, তাহারও সহস্র সহস্র নিদর্শন পাওয়া যায়।

কাশ্মীর প্রদেশের চতুঃপার্শ্ব-বেষ্টিত শৈলপ্রাকার ; বক্রগতি-বিশিষ্ট অনতিবেগবান নদী ; উহার অসংখ্য শাখা প্রশাখা ; স্থির হ্রদনিচয় ; উহাদিগের তটস্থ নন্দনকাননসদৃশ

ক্রীড়া-উপবন ; চিত্তবিমোহন তপোবন ; চমৎকার প্রস্রবণ ;
 অনুপম নৈসর্গিক শোভা ; নিশ্চল ও স্বাস্থ্যকর জলবায়ু ;
 প্রবল বাত্যার অদর্শন ; উর্বরা ভূমি ; স্তরস ও প্রচুর খাদ্য
 সামগ্রী প্রভৃতি নানাবিধ সৌন্দর্য্য ও উপাদেয়তা একাধারে
 সমাবেশ—এই সমস্ত যেমন বিশ্বয়কর ; তেমনি কি ভূতত্ত্ব-
 বিৎ, কি রাসায়ণিক, কি প্রাচীন তত্ত্বানুসন্ধানী, কি ইতি-
 হাসবেত্তা, কি পর্য্যটক, কি কবি, কি রসজ্ঞ ভাবুক, কি
 স্বভাব-চিত্রকর, কি রোগী, কি স্তম্ভ, কি যুগয়ানুরাগী, কি
 ভোগবিলাসী, কি সংসারত্যাগী বিবেকী, কি ধনী, কি নির্ধন,
 কি আমীর, কি ফকীর, সকল প্রকার ব্যবসায়ী ও অবস্থাপন্ন
 ব্যক্তিদিগের পক্ষেই কাশ্মীর যেমন উপাদেয়, বোধ হয়, পৃথি-
 বীর আর কোনো স্থল তেমন নহে। অপর, এখানকার সর্বত্রই
 পুরাকালিক কীর্তিস্তম্ভ বিস্তৃত রহিয়াছে—কোনো কোনোটি
 অভিনব বলিয়া প্রতীত হইতেছে—কোনো কোনোটি বিনা-
 শোন্মুখ হইয়াছে—কোনো কোনোটি বা বিনষ্ট হইয়াও
 কেবল কতিপয় চিহ্ন দ্বারাই আপন প্রাচীন গৌরবের সাক্ষ্য
 দিতেছে ! ইত্যাকার নানা বিচিত্র ব্যাপার নিরীক্ষণ করিয়া
 মানবজীবনের অনিত্যতা ও মানুষিক বলবীৰ্য্য ও গর্বেবর নশ-
 রত্ব স্পষ্টরূপে অনুভব হইতে থাকে এবং “ ধূলার শরীর এই
 ধূলি হবে শেষ ! ” এই সনাতন সত্য প্রস্তরাক্ষিত রেখার ন্যায়
 হৃদয়ঙ্গম হয়। এই সমুদায় কীর্তিকলাপ দেখিয়া বোধ হয়,
 মনুষ্য নটবেশে পৃথিবীরূপ নাট্যশালায় দিনকয়েকের জন্ম
 নৃত্য করিয়া চলিয়া যাইতেছে—কোথা হইতে আসিতেছে,
 আবার কোথায় গিয়াই বা লুকায়িত হইতেছে, তাহার নিদ-

র্শনও পাওয়া যায় না! পটোভোলন হইতে পট প্রক্ষেপণ পর্য্যন্ত তাঁহাকে হয় স্বজনকর্তা ব্রহ্মা, নয় পালনকর্তা বিষ্ণু, নয় লয়কারী মহেশ্বর বলিয়া প্রতীত হয়!

[সীমা ও বিস্তার] কাশ্মীররাজ্যের উত্তর সীমা হিমালয় পর্বতের অন্তর্গত কারাকোরম পর্বতশ্রেণী; ইহার পূর্ব সীমা তিব্বৎ; দক্ষিণ সীমা পঞ্জাবান্তর্গত ঝিলম, গুজরাৎ, সিয়ালকোট ইত্যাদি এবং এই বিভাগের হজারা ও রাউলপিণ্ডী ইহার পশ্চিম সীমা। ইহার বিস্তার $32^{\circ} 19'$ হইতে 36° ল্যাটিচিউড এবং $93^{\circ} 20'$ হইতে $98^{\circ} 80'$ লংগিচিউড পর্য্যন্ত। ইহা দৈর্ঘ্যে পূর্ব হইতে পশ্চিম সীমা পর্য্যন্ত ৩৫০ মাইল এবং প্রস্থে প্রায় ২৭০ মাইল। লোকসংখ্যা অনুমান আট লক্ষ। কাশ্মীর উপত্যকা, জম্মু, লদাখ, বাল্‌তী বা ইস্‌কাছু, ভদরোয়াড়, কফোয়াড় প্রভৃতি কয়েকটা বিভাগ কাশ্মীর রাজ্যের অন্তর্ভুক্ত।

[উপত্যকার সীমা, বিস্তার এবং লোকসংখ্যা] কাশ্মীর উপত্যকা অতি বিস্তৃত সমতল ভূমি। ইহার উত্তরে বাল্‌তী বা ইস্‌কাছু প্রভৃতি জিলা। পূর্বভাগে দ্রাস, লদাখ প্রভৃতি বিভাগ। দক্ষিণে পুঞ্চ, জম্মু, সিয়ালকোট প্রভৃতি এবং পশ্চিমে হজারা ও রাউলপিণ্ডী। ইহা দৈর্ঘ্যে প্রায় ১০০ এক শত মাইল এবং প্রস্থে গড়ে ২০ মাইল। ইহার আয়তন ৪,০০০ চতুরসু মাইল। গত বৎসরে বর্তমান শাসনকর্তা গণনা করিয়া দেখিয়াছেন, ইহার লোকসংখ্যা চারিলক্ষ। তন্মধ্যে কেবল ৫২,০০০ হিন্দু এবং অবশিষ্ট অর্থাৎ ৩,৪৮,০০০ মুসলমান।

[পর্বত] কাশ্মীর সমুদ্রতল হইতে ৫,৫০০ ফিট উচ্চ।

অভভেদী পীর নাম্নী পর্বতশ্রেণী ইহার চতুঃপার্শ্বে অভেদ্য প্রাকারের ন্যায় দণ্ডায়মান থাকিয়া ইহাকে শক্রহস্ত হইতে রক্ষা করিতেছে । উহার কোনা কোনা শৃঙ্গ আট হাজার হইতে পনের হাজার ফিট পর্য্যন্ত উচ্চ এবং সম্বৎসর তুষার-মণ্ডিত । একজন সুপ্রসিদ্ধ কবি লিখিয়াছেন ;—

“ শৈল প্রাকার বন্ধাদিহ ন পরতয়ং,
 মাপি সর্পাদি দংশো, ষর্শো নৈবাতিষোরো,
 বিরল বিরসন্তা নৈব পানাশনানাম্ ।
 নৈব স্ত্রীণাম্ কঠোরা রতিঃ ” ইত্যাদি ।

এই শৈল সমুদায়ের তলদেশ হইতে যত উর্দ্ধে গমন করা যায়, ততই বিবিধ প্রকার ঋতু এবং তদুপযোগী উদ্ভিজ্জ, শস্ত ও ফল মুলাদি দেখিতে পাই । জ্বাবার কোনা কোনা স্থলে এক স্থানেই সমুদয়ের একত্র সমাবেশ আছে । অধিকাংশ পর্বতের শিখরদেশ সুবিস্তৃত এবং নানা বর্ণের পুষ্প ও মনোহর তৃণাচ্ছাদিত বলিয়া সাতিশয় রম্য । উহাকে মর্গ অর্থাৎ ক্ষেত্র কহে । উহাদের মধ্যে গুলমর্গ, সোণামর্গ প্রভৃতি কয়েকটা সর্বাপেক্ষা উৎকৃষ্ট । এই শিখরভূমিতে নিরীহ পার্বত্যজাতি নির্ভয়ে ও পরম সুখে বাস করে । গো, মেঘ, ছাগ ও অর্ধ উহাদের ধনসম্পত্তি । সে ধনে কেহই লোভ করে না এবং তাহারাও সমতলবাসীদিগের ঋণ্যের প্রতি লোভাকৃষ্ট দৃষ্টি নিক্ষেপে রত নয় ।

[জল ও স্থল] ইহার স্থল অপেক্ষা জলভাগ অধিক । কোনা অভ্যুচ্চ পর্বতশৃঙ্গ হইতে দেখিলে বোধ হয়, যেন কাশ্মীর প্রদেশটী জলে ভাসিতেছে । বিতস্তা নদী ইহার মধ্য

দিয়া প্রবাহিত; চারিদিকে উহার কৃত্রিম শাখা বিস্তারিত রহিয়াছে; উলর প্রভৃতি হ্রদ সকল স্ববিস্তৃত বিশাল বক্ষঃ উন্নত ভাবে দেখাইতেছে; সফেদা নাম্নী বৃক্ষশ্রেণী গগনস্পর্শ করিবার নিমিত্ত মস্তকোত্তোলন করিয়া আছে; চেনার বৃক্ষ বট বৃক্ষের ন্যায় বাহু বিস্তার পূর্বক নিকটস্থ তরুগণকে আলিঙ্গন করিতেছে; মধ্যে মধ্যে হরিদ্বর্ণ ক্ষেত্র, ক্ষুদ্র ক্ষুদ্র লোকালয় এবং মনোহর উপবন দ্বীপপুঞ্জের ন্যায় শোভমান হইতেছে; দেখিতে অতি রমণীয়!

[নদী] বিতস্তা নদী—যাহাকে গ্রীকেরা হাইডাস্পিস্ নামে খ্যাত করিয়াছে এবং মুসলমানেরা বিহৎ ও ইংরাজেরা বিলম কহিয়া থাকে—সেই বিতস্তা কাশ্মীরের পূর্বপ্রান্ত হইতে উৎপন্ন হইয়া নানা শাখা প্রশাখা ও করদ নদী সমন্বিত হইয়া উপত্যকার এক প্রান্ত হইতে অপর প্রান্ত পর্য্যন্ত গমন করিয়া প্রবাহিত হইতেছে। ইহার উৎপত্তি স্থান অনেকে অনেক প্রকার কল্পনা করিয়া থাকেন। পরন্তু পূর্বভাগস্থ সুপ্রসিদ্ধ বৈরনাগ নামক উৎসের প্রায় অর্দ্ধ ক্রোশ দূরে তিনটী উৎস আছে। এই তিনটী উৎসের পরস্পর দূরতা অঙ্গুষ্ঠের অগ্রভাগ হইতে তর্জনির অগ্রভাগ পর্য্যন্ত পরিমিত স্থান। এ কারণ উহাকে বিৎবিথর অথবা বিতস্ এবং নির্গত জলস্রোতকে বিতস্তা বা বিহৎ কহিয়া থাকে। ঐ জলধারা যতই নিম্নভাগে আসিয়াছে, ততই বৈরনাগ, অনন্তনাগ, আচ্ছাবল, কুকুড়নাগ, কৌশানাগ প্রভৃতি অতি সুন্দর সুন্দর উৎস হইতে জলপ্রবাহ নির্গত হইয়া উহার অবয়ব বৃদ্ধি করিয়াছে এবং অবশেষে বৃহৎ নদীর আকারে পরিণত হইয়াছে।

বিতস্তা নদী ক্রমাগত উত্তরপূর্ববাহিনী হইয়া উলরহুদের মধ্য দিয়া প্রবাহিত। পরে দক্ষিণবাহিনী হইয়া পশ্চিমপ্রান্তস্থ বারমূলা নামক জনপদ অতিক্রম করিয়া ভয়ঙ্কর মূর্তিতে উপত্যকা পরিত্যাগ পূর্বক চলিয়া গিয়াছে। কিন্তু এই নদী যতদূর পর্য্যন্ত উপত্যকার মধ্যে আছে, ততদূর সর্বত্রই ইহার মূর্তি অতি শান্ত। ইহাতে কোনোপ্রকার হিংস্র জলজন্তু নাই। শ্রাবণ ও ভাদ্র মাসে প্রায় প্রতি বৎসর ইহার ভয়ঙ্কর জলোচ্ছাস হইয়া দেশের অনেক অনিষ্ট ঘটায়। উহা মধ্যে মধ্যে এমন শোকাবহ ও অনিষ্টকর হয়, যে, যিনি কখনো উহা দেখিয়াছেন, তিনি অনেককাল পর্য্যন্ত ভুলিতে পারিবেন না। তৃতীয় পরিচ্ছেদে এইরূপ একটা ভয়াবহ জলোচ্ছাসের বিবরণ বর্ণনা করা যাইবে।

বিতস্তা নদী উপত্যকার মধ্যে ত্রিং, লিদ্দর, সিন্দ, পোড়া প্রভৃতি অনেক পার্বত্য নদীর সহিত সংমিলিতা হইয়াছে।

[সেতু] উপত্যকামধ্যস্থ সমগ্র গতিতে ইহার উপর ১৩টা কদল অর্থাৎ সেতু আছে। ইহার কাঠনির্মিত। এতন্মধ্যে ৭ টা শ্রীনগরের সীমান্তগত। সেতু নিৰ্ম্মাণ করিবার রীতি এইরূপ;—প্রথমে নদীগর্ভে স্থূল ও বৃহৎ বৃহৎ খুঁটা প্রোথিত করিয়া ত্রিকোণ ভূমি বেষ্টিত করে। ইহার শিরঃকোণ স্রোতের দিকে রাখে। খুঁটা সমুদায় নদীতল হইতে প্রায় ৬ হস্ত উচ্চ করিয়া থাকে। এইরূপে যে ত্রিকোণ গঠন হয়, উহার তিন পার্শ্ব তন্তু দিয়া আচ্ছাদন করিয়া বৃহৎ বৃহৎ প্রস্তর দ্বারা গঠন পূর্ণ করে। ইহাই স্তম্ভের বনিয়াদ অর্থাৎ মূল হইল। পরে দে-দার কাঠের খুঁটা প্রায় অর্ধ অর্ধ হস্ত দূরে সাজাইয়া দেয় এবং তাহার উপরে

এড়োএড়ি ভাবে আবার খুঁটী স্থাপনা করে। খুঁটীর ছই অস্ত
 কাঠের কঁঠিন কীলক দ্বারা নিম্নভাগস্থ খুঁটীর অস্তের সহিত
 আবদ্ধ। নিম্নভাগস্থ স্তবক অপেক্ষা উপরিভাগের স্তবক ক্রমশঃ
 চোড়া করা হয়। এইরূপে স্তম্ভ সমুদায় কিছু উচ্চ হইলে বৃহৎ
 বৃহৎ লম্বা কাঠ দ্বারা পরস্পরের শিরোদেশ সংযুক্ত করে এবং
 তদুপরি তক্তা বা সূক্ষ্ম সূক্ষ্ম কাঠখণ্ড বিছাইয়া দিলে সেতু
 প্রস্তুত হইয়া গেল। কোনো কোনো সেতুর উপরিভাগ মৃত্তিকা
 বা শুষ্ক তৃণ দ্বারা আবৃত এবং পথিকদিগের বিপদ নিবারণার্থ
 উভয় পার্শ্বে রক্ষণ (রেলিং) আছে।

ডাক্তার ইন্স আপন “কাশ্মীর হ্যাণ্ডবুক” নামক পুস্তকে
 এই সমুদায় সেতুর যে তালিকা দিয়াছেন, তাহা এস্থলে উদ্ধৃত
 করিলাম।

কাশ্মীর-কুসুম

সংখ্যা	সংজ্ঞা	দীর্ঘ	প্রস্থ	স্তম্ভের সংখ্যা	গড়ে জলের গভীরতা	
		গজ	ফিট	•	ফিট	
১	খানবল্	৬৬	১২	১	৪১০	
২	বিজ্বেয়াড়া ...	১০০	১৭	৩	৬	
৩	পাম্পুর	১৩২	১৪	৪	৬১০	
৪	ক্রীণগর। মীরা কদল ...	১৩৪	২০	৫	১৬	
৫		হাবা কদল ...	৯৭	২৩		৩
৬		ফতে কদল ...	৮৮	১৭		৩
৭		জানা কদল ...	৯৬	২৪		৩
৮		আলী কদল ...	৮২	১৭		৩
৯		নয়া কদল ...	৭৫	১৮		৩
১০		সাকা কদল ...	১১০	১৯		৪
১১	সম্বল	১১২	১৬	৪	১৫	
১২	সোপুর	২১৪	১৬	৩	২৮	
১৩	বারমূলা	১৪৬	১৬	৬	২৪	

[নোকা] নোকাই নাবিকদিগের গৃহ ও বাটী ।
উহার ইহাতে দিন যামিনী অতি স্নখে থাকে । অনেকের
অপর কোনো গৃহ নাই—পুত্র কলত্রাদি লইয়া ইহাতেই চির-

কাল বাস করে। বালিকা, তরুণী এবং প্রাচীনারাও ভরগী বাহন করিতে অতিশয় নিপুণা। এখানকার নৌকা আমাদের দেশীয় নৌকা হইতে সম্পূর্ণ ভিন্ন। আকারানুসারে ইহাদিগের নানাবিধ নাম। তন্মধ্যে শিকারী ও ডুঙ্গা প্রসিদ্ধ এবং পর্য্যটকদিগের ব্যবহারের উপযুক্ত। একারণ, কেবল এই দুই প্রকারেরই কিছু পরিচয় দিতেছি।

শিকারী সাধারণতঃ দৈর্ঘ্যে ২৫হাত, প্রস্থে ২।০ হাত এবং গভীরতায় ১ ফুট। ইহার মধ্যস্থলে অর্থাৎ আরোহীদিগের বসিবার স্থানের উপরিভাগে হোগলা দিয়া ছাওয়া। ইচ্ছানুসারে এই ছাদ উঠাইয়া লওয়া যায়। বৃষ্টি ও আতপ হইতে রক্ষা পাইবার জন্য ইহাতে কয়েকটা হোগলার পর্দা লম্বমান থাকে। যে দাঁড় দ্বারা ইহা চালিত হইয়া থাকে, তাহাকে চাপ্পা কহে। চাপ্পা আমাদের দেশীয় দাঁড় অপেক্ষা অনেক ক্ষুদ্র—মিষ্টিমাদি পাক করিবার তাকু অপেক্ষা কিঞ্চিৎ বৃহৎ। ইহা নৌকার সহিত কোনো রজ্জু দ্বারা বন্ধনীকৃত না হইয়া বাহকগণ অসংলগ্ন হস্তে চালিত করে। এখানকার কোনো তরগীতে কর্ণ নাই। পশ্চাত্তাগে একজন চাপ্পা দ্বারা কর্ণের কাজ করে। আরোহীদিগের অভিলাষানুসারে শিকারীতে তিন হইতে দশ জন পর্য্যন্ত বাহক নিযুক্ত হইয়া থাকে। ইহাতে কোমলাঙ্গী বাহিকা থাকে না। প্রত্যেক নাবিকের মাসিক বেতন তিন টাকা এবং নৌকাভাড়া এক টাকা মাত্র। পরন্তু নগরের বাহিরে লইয়া গেলে এতব্যতীত প্রত্যেককে প্রত্যহ এক আনা করিয়া খোরাকী দিতে হয়।

শিকারী-প্রমোদ-তরগী। এতদ্বারা সকলেই জীনগর এবং

সম্মিধি স্থান সমুদায়ে প্রত্যহ বিচরণ করিয়া থাকে । এ কারণ পর্য্যটকেরা তথায় উপনীত হইয়াই ইহা নিযুক্ত করেন ।

ডুঙ্গা দূরপরিভ্রমণের উপযোগী এবং ইহাই মাঝিদিগের (ইহাদিগকে কাশ্মীরী ভাষায় হাঁঝি কহে) বাসগৃহ । ইহা সাধারণতঃ প্রায় ৪০ হাত দীর্ঘ, ৪ হাত প্রগস্ত, এবং দেড় হাত গভীর । ইহার উপরিভাগ হোগলা দিয়া ছাওয়া এবং ইহাতেও হোগলার পর্দা আছে । ইহার শেষার্দ্ধভাগে হাঁঝিরা সপরিবারে বাস করিয়া থাকে এবং অপরাধে ভ্রমণকারী আপন দ্রব্যসম্ভার ও ভৃত্য সমভিব্যাহারে অতি সুখে থাকিতে পারেন । ইহাও চাপ্পা দ্বারা বাহিত হয় এবং রমণীগণও চালনা করিয়া থাকে । অতি দূরে যাইতে অথবা নৌকাবাস পক্ষে এই নৌকা বিশেষ উপযোগী এবং নিতান্ত প্রয়োজনীয় । অনেক কাশ্মীরী পণ্ডিত এইরূপ তরণীযোগে কৰ্ম্মস্থানে আইসে এবং ভোজনকালে গৃহে প্রতিগমন না করিয়া ইহাতেই রন্ধন এবং আহা-রাদি ক্রিয়া সমাপন করিয়া থাকে ।

মহারাজার কতিপয় অতি সুদৃশ্য তরণী আছে । নিৰ্ম্মাণা-মুসারে ইহা পরিন্দা- (পক্ষী) চকোয়ারি (চতুষ্কোণ) বাগ্গী (গাড়ী) প্রভৃতি নামে খ্যাত । এই সমুদায়ে নাবিকদিগের বসিবার স্থান এত দীর্ঘ, যে, এককালে ন্যূনাধিক ৫০ হইতে ৮০ জন নাবিক চাপ্পা মারিতে থাকে এবং তখন তরী তীর-বেগে গমন করে ।

[হ্রদ] কাশ্মীরে চারিটী প্রসিদ্ধ হ্রদ আছে । প্রথম ডল্-অর্থাৎ নাগরিক হ্রদ । ইহা শ্রীনগরের উত্তরপূর্বভাগে এবং

অর্ধ ক্রোশ দূরবর্তী। চুটকোল (চুট—আপেল ফল এবং কোল—খাল)নাম্নী খাল দ্বারা ইহা বিতস্তা নদীর সহিত সংমিলিত। দ্বিতীয় আঞ্চল। ইহা উত্তরভাগে এবং প্রায় একক্রোশ দূরে। নালামার খাল দ্বারা ইহা ডলের সহি ৩ সংযুক্ত। তৃতীয় মানস্বল। ইহা পশ্চিমদিকে এবং স্থলপথে প্রায় পাঁচ ক্রোশ এবং জলপথে ন্যূনাধিক আট ক্রোশ। ইহা সর্বাপেক্ষা ক্ষুদ্র বটে, কিন্তু রমণীয়তা পক্ষে সর্বশ্রেষ্ঠ। চতুর্থ উলর। ইহা সর্বাপেক্ষা বৃহৎ এবং বিতস্তা নদী ইহার মধ্য দিয়া প্রবাহিত হইতেছে। ইহা উত্তরপশ্চিম প্রান্তে এবং স্থলপথে ১১ ক্রোশ এবং জলপথে ১৫ ক্রোশ।

এই হ্রদ চতুর্কয় উপত্যকার সমতল ভূমিতে স্থিত; এতদ্ব্যতিরেকে আরো কয়েকটি পর্বতোপরি অধিত্যকায় অধিষ্ঠিত আছে। উহাদিগকে পার্বত্য হ্রদ নামে বাচ্য করা যাইতে পারে। যেহেতু অধিষ্ঠানভূত গিরি ব্যতীত উহারা পর্বতমালায় পরিবেষ্টিত। উহাদিগের মধ্যে কোশানাগ, শেষনাগ, এবং গঙ্গাবল প্রধান। যথাস্থলে উহাদের বর্ণনা করা যাইবে।

[উৎস] অপর, এস্থলে উৎসের গাত্র ভেদ করিয়া অথবা পৃথিবীর অন্তর্ভাগ হইতে যে কত উৎস নির্গত হইয়াছে, তাহার সংখ্যা করা যায় না। তন্মধ্যে এই কয়টি পরম সুন্দর;—বৈরনাগ, অনন্তনাগ, বায়ন, স্মাচ্ছাবল, কুকুড়নাগ এবং রিংবিথর। শেষোক্তটি বিতস্তা নদীর উৎপত্তি স্থান। ইহার পূর্ব বিভাগে স্থিত। স্তরাং তদ্বর্ণনানুযায়িক ইহাদের আকৃতি ও প্রকৃতি বর্ণনা করাতঃ পাঠকমণ্ডলীর কৌতূহল পরি-তুষ্ট করিতে চেষ্টা পাইব।

[ঋতু পরিবর্তন] কি ইতিহাসবেত্তা, কি ভ্রমণকারী, যিনি কাশ্মীর সম্বন্ধে লেখনী গঞ্চালন করিয়াছেন, তিনিই ইহাকে ভূস্বর্গ বলিয়া বর্ণনা করিয়া গিয়াছেন। প্রত্যুত, এখানে যেরূপ সৃষ্টির রমণীয় শোভা অলৌকিক নৈসর্গিক ব্যাপার, স্বাস্থ্যকর জলবায়ু, কৃত্রিম মনোহর উপবন এবং সুলভ অথচ স্নান্যত্ম আহারীয় দ্রব্য, তাহাতে ইহা স্বর্গ ভিন্ন অপর কোনো শব্দে বাচ্য হইতে পারে না । বসন্তাগমে যখন বরফ দ্রবীভূত হইতে আরম্ভ হয়, তখন সৃষ্টির কি বিচিত্র শোভা ! তুমার-মণ্ডিত পাদপগণের শাখা যেমত তুমার হইতে মুক্ত হইতেছে, অমনি উহাতে পুষ্প ফুটিয়া উঠিতেছে—যেদিকে নয়ন উন্মীলন কর, সেই দিগেই দেখিতে পাইবে প্রকৃতিদেবী পুষ্পপরিচ্ছদধারণ করিয়া রহিয়াছেন । বৃক্ষগণের আপাদমস্তক কুসুমমাচ্ছাদিত—পত্রের লেশমাত্রও নাই (ফুল শুষ্ক হইয়া পতিত হইলে পর পত্র উদ্গম হয়) ; মন্দ মন্দ মলয়সমীরণ বহিতেছে ; শীতের নিদারুণ প্রভাবে মধু-কণ্ঠ দ্বিজগণের কণ্ঠরোধ হইয়াছিল, এখন বসন্তাগমে তাহারা বৃক্ষশাখায় বসিয়া মুক্তস্বরে গান করিতেছে ; বহুদিনের পর প্রিয়সমাগম লাভ করিয়া মধুকর মত্তভাবে এক পুষ্প হইতে পুষ্পান্তরে গুণ গুণ রব করিয়া বেড়াইতেছে—দেখিলে বোধ হয়, যেন বসন্তরাজ দোর্দণ্ড ইংরাজদিগের শাসনভয়ে হিন্দুস্থান হইতে পলায়ন করিয়া এই স্থানেই বিরাজ করিতেছেন ! প্রত্যুত এখানে বৈশাখ মাস হইতে কার্তিকমাস পর্য্যন্ত সাত মাস বসন্ত ।

এদেশে শীতকালে যে পরিমাণে বরফ পড়ে, তদনুসারেই বসন্তের সমাগম হয় । অর্থাৎ কোনো বৎসর অল্প পরিমাণে

তুষারপাত হইলে, তৎসমুদায় চৈত্রমাসের প্রারম্ভেই দ্রব হইয়া শীত্র শীত্র বসন্তের উদয় হয় এবং অধিক পরিমাণে পড়িলে সে সমুদায় দ্রব হইতে সম্পূর্ণ চৈত্রমাস লাগে; স্ততরাং সে বৎসর বৈশাখ মাস ব্যতীত বসন্তের আবির্ভাব হয় না। কথিত আছে, এক সময়ে দিল্লীশ্বর জেহাঙ্গির বাদশাহ রাজকার্য্যানুরোধে বসন্ত কালের প্রারম্ভে কাশ্মীরে উপস্থিত হইতে পারেন নাই। তাহাতে তিনি তথাকার প্রধান কৰ্মচারীকে এই অভিপ্রায়ে এক পত্র লেখেন, যে, যেন বসন্তরাজ তাঁহার আগমন প্রতীক্ষা করে—তাঁহার পদার্পণের পূর্বে যেন কোনো মতে বসন্ত আবির্ভূত না হয়! স্তচতুর কৰ্মচারী এই পত্রের প্রকৃত মৰ্ম বুঝিয়া চতুষ্পার্শ্ব পর্বত হইতে রাশি রাশি বরফ আনাইয়া সমুদায় ক্রীড়া উপবনের পাদপসমূহ তদ্বারা আবৃত করিয়া দিলেন। স্ততরাং পুষ্প উদগত হইতে পারিল না। পরে যখন বাদশাহ কাশ্মীরে উপনীত হইলেন, তখন বৃক্ষাদি হইতে তুষাররাশি উন্মোচন করিয়া দিলে বসন্তরাজ পুষ্পসেনা সমভিব্যাহারে স্বীয় মোহনমূর্তিতে আবির্ভূত হইলেন!

সর্ব্বদৌ বেদমুক্ষ নামক বৃক্ষের পুষ্প প্রস্ফুটিত হইয়া থাকে। ইহা ঙ্গিষৎ হরিদ্রা আভাযুক্ত শুক্লবর্ণ। পরে একা-
দিক্রমে যে সমুদায় পুষ্প বিকসিত হয়, তাহাদের সংখ্যা করা যায় না। যেদিকে নিরীক্ষণ করা যায়, নানাবর্ণের স্তগন্ধ পুষ্প দৃষ্টিপথে পতিত হইয়া অতুল আনন্দ উৎপাদন করে। এখানে পুষ্পগুচ্ছ (ফুলের তোড়া) প্রস্তুত করিতে হইলে এক বৃক্ষ হইতে বৃক্ষান্তরে ভ্রমণ পূর্বক পুষ্পচয়নক্ৰম লইতে হয় না—একবার মাত্র হস্ত প্রসারণ পূর্বক খন্মুস-

বর্তী পুষ্পরাশি উৎপাটন করিলেই অতি সুন্দর পুষ্পগুচ্ছ প্রস্তুত করা যায় ।

আবার মনোহর বাদামপুষ্প প্রস্ফুটিত হইলে আর এক নূতন শোভা ! তখন কাশ্মীরীদিগের আনন্দের আর সীমা থাকে না । কি সধন, কি নির্ধন, কি যুবা, কি বৃদ্ধ, কাশ্মীরী-মাত্রেই আপনাপন ভবন পরিত্যাগ পূর্বক কস্তুরা * পক্ষীর পিঞ্জর হস্তে করিয়া হরিপর্বত নামক স্থানে গমন করে । তথায় বাদামবৃক্ষ প্রচুর । উহারা কোনো বৃক্ষশাখায় পিঞ্জর স্থাপন করতঃ মস্তক হইতে উষ্ণীষ অবতরণ পূর্বক তাহার নিম্নদেশে উপবিষ্ট হয় । এবং যৎকালে কস্তুরা মনোহর নৃত্য ও স্তললিত স্বরে গান করিতে থাকে, তখন উহারা প্রীতিপ্রফুল্লমনে কৃত-জ্ঞতা-সূচক বিদুগুণ গান এবং মণ্ডলাকারে পরিভ্রমণ করে । প্রভূত, তখন প্রকৃতির যেরূপ রমণীয় শোভা, তাহাতে নরাদম নাস্তিকের পাষণাস্তঃকরণেও সহসা ঈশ্বরপ্রেম প্রতিভাত না হইয়া যায় না !

জ্যৈষ্ঠমাস সমাগত হইলে ‘জ্যেস্মিন’ পুষ্প বিকসিত হয় । ইহার বর্ণ আকাশের সদৃশ বলিয়া এখানকার লোকে ইহাকে ‘হি আস্মান’ কহিয়া থাকে । ইহা প্রস্ফুটিত হইয়া গেলে পুষ্প শোভার একশেষ হইল । ঋতুরাজের পুষ্পসেনানী মধ্যে ইহা সর্বশেষ এবং সর্বশ্রেষ্ঠ বলিয় ই বোধ হয়, ইহা এত মনোহর । সুখময় বৈশাখ মাস অবসান হইল দেখিয়াই যেন মনোদুঃখে পুষ্পগণ একাদিক্রমে বৃক্ষ হইতে পতিত হইতে

কাশ্মীরীরা ইহাকে “ হাজার দস্তান ” কহিয়া থাকে । ইহা দেখিতে ঠিক পাংশালিকের ন্যায় । ইহার স্বর অতিশয় মধুর ও চিত্ত-প্রফুল্লকর ।

থাকে। এমন সুন্দর কুসুমরাশির ভূমি-শয্যা ভাল দেখায় না বলিয়াই প্রকৃতি দেবী হরিদ্বর্ণ দূর্বাদলের গালিচা বিছাইয়া দেন। পাদপর্শমূহ একে তো শ্রীভক্ট হইল, তাহাতে আবার পাছে অন্য কোনো অনিষ্ট ঘটে, এই আশঙ্কায় পল্লব রূপ সহস্র সহস্র অঙ্গুলি নির্গমন পূর্বক কৃতাজ্জলিপুটে ঈশ্বরের স্তুতিবাদ করিতে আরম্ভ করে।

আষাঢ় মাস সমাগত। ফলপ্রদ বৃক্ষ সমুদয়ও মুকুলিত হইতে লাগিল। শশ্যক্ষেত্র হরিদ্বর্ণ শশ্যে পরিপূরিত—তদুপরি সুমধুর পবন-হিল্লোল ক্রীড়া করিয়া বেড়াইতেছে, দেখিতে অতি রমণীয়।

এখানে গ্রীষ্মের লেশমাত্রও নাই বলিলেই হয়। যৎকালে আমাদিগের বঙ্গদেশে প্রচণ্ড মার্কণ্ড-তাপে কলেবর দগ্ধ হইতে থাকে—ঘরের বাহিরে পাদবিক্ষেপ করা এক প্রকার ছুঃসাধ্য হইয়া উঠে—বন্দ্যবান্নি, এক দণ্ডের জল নিবারিত নয়—সুশীতল শীতলপাটা, সুগন্ধ খস্খসেরটাটা ও অবিশ্রান্ত ব্যাজন কিছুই শ্রান্তি দান করিতে পারে না—তৎকালে এখানে দিবা-নিশি মলয়ানিল মন্দ মন্দ হিল্লোলে গাত্র স্নিগ্ধ করিতে থাকে। দিবাভাগে সাধারণ ও লঘু বস্ত্রাদি ব্যবহার করিলে শরীর প্রফুল্ল হয়। কিন্তু রাত্রিকালে লেপ প্রভৃতি শীতবস্ত্র ব্যবহার না করিলে চলে না।

আষাঢ় মাসের শেষভাগে এবং শ্রাবণ মাসের প্রারম্ভে কোনো কোনো দিন দুই প্রহরের সময় সূর্যের তেজ কথঞ্চিৎ প্রখর বোধ হয় মাত্র। তখন কচিং উত্তাপ উর্দ্ধ সংখ্যা ৮৫ ডিগ্রী পর্যন্ত হইয়া থাকে। কিন্তু তৎকালে কোনো চেনার

বৃক্ষতলে উপবেশন করিলে বা নদীর উপরে নৌকারোহণে বেড়াইলে অমনি শরীর শীতল হয়—বোধ হয়, যেন জুসারে অবগাহন করিতেছি। এমন সময়ে প্রায়ই আকাশ মেঘাচ্ছন্ন হইয়া বারিধারা পতিত হওতঃ গ্রীষ্মকে দূরীভূত করিয়া দেয়।*

এখানে “শ্রাবণের ধারা” মাই। শীতকালে যখন বরফ পড়িতে থাকে, তখন তৎসমভিব্যাহারে অবিশ্রান্ত বারিধারা, প্রবল ঝটিকা এবং শিলারুষ্টি হয়। পরন্তু সম্বৎসরে বৃষ্টিপতন ১৮ অথবা ২০ ইঞ্চি হইতে অধিক নহে।

আশ্বিন মাস আগত হইলে বৃক্ষের পত্র সমুদায় বিবর্ণ এবং স্নমধুর ফল সমস্ত পরিপক্ব হয়।

কার্তিক মাস হইতে শীতের আরম্ভ। তখন বায়ু অতিশয় শীতল বহিতে থাকে। শীতকাল আসিতেছে দেখিয়াই যেন বৃক্ষগণ ভয়ে কল্পিত হওয়াতে পত্র সমুদায় একাদিক্রমে পতিত হইয়া যায়। এই সময়ে জাফরান উৎপন্ন হয়। শ্রীনগর হইতে ছয় ক্রোশ দূরে পাম্পুর নামে এক স্থান আছে। কেবল তথায় মাত্রই এই স্নবর্ণ ও স্নগন্ধ পদার্থ জন্মিয়া থাকে। ইহার পুষ্প বিকসিত হইলে ক্ষেত্র সমুদয় পরম রমণীয় শোভা ধারণ করে। ইহাই কাশ্মীর প্রদেশের শেষ সৌন্দর্য্য এবং ইহার বর্ণ হরিদ্রা। এখানকার সমুদায় সৌন্দর্য্য একাদিক্রমে অন্তমিত হইয়া গেল, এই চুঃখে যেন

* শ্রীনগর হইতে কিয়দূর “শ্রীমর্গ” (পুষ্পক্ষেত্র) নামে এক স্থান আছে। উহা অতিশয় শীতল ও মনোরম। এই সময় শ্রীনগরে কিঞ্চিৎ স্বৰ্ঘ্যাতপ বোধ হইলে ভোগ-বিলাসী ব্যক্তিগণ ঐ স্থলে গমন পূর্বক কিয়দ্বিবস অভিযান করে। যথা-স্থলে ইহার বর্ণনা করা যাইবে।

বসুমতী পীতবর্ণা হইলেন, এমনি বোধ হয় ! এক জন পারস্য-কবি লিখিয়াছেন “ জাফরা রা দিদা রায়েদ, রাহে হিন্দুস্থানে গেরেফৎ ।” অর্থাৎ জাফরান (প্রস্ফুটিত হইয়া) সকলকে কহিতেছে, তোমরা . (এস্থান পরিত্যাগ করিয়া) হিন্দুস্থানের পথ ধারণ কর ।

শীতকাল আসিতেছে দেখিয়া কাশ্মীরীরা আহারীয় দ্রব্যাদি সংগ্রহ এবং নমুদায় তরকারি (লাউ পর্যন্ত) শুকাইয়া রাখে । লঙ্কার বৃহৎ বৃহৎ মালা কাহারো বারাণ্ডায়, কাহারো জানালায়, কাহারো নৌকায় শুকাইতেছে দেখিলে স্মরণ হয় “ যেমন উনুনগুণো দেবতা, তেমনি যুঁটের পাঁইশ নৈবেদ্য !” অথবা “ যেমন বুনো ওল, তেমনি বাঘা তেঁতুল ! ” ফলতঃ শীতঋতু এখানে যেমন ছুর্দাস্ত, লঙ্কা তছুপযুক্তই পান্দ্য-অর্ঘ ! আমাদের দৃষ্টিতে কাশ্মীর যেন লঙ্কার মালা ধারণ পূর্বক ছুরন্ত শীতকে বরণ ও আলিঙ্গন করিবার জিন্য প্রস্তুত হইয়া রহিয়াছে !

কার্তিক মাসের শেষভাগ হইতে চতুষ্পার্শ্ব পর্বততোপরি বরফ পড়িতে আরম্ভ হয় । কিন্তু উহা অতি সামান্য এবং সূর্যোত্তাপে দ্রবীভূত হইয়া যায় । পৌষ মাস হইতেই প্রকৃত প্রস্তাবে দারুণ বরফ পড়িতে থাকে এবং সমুদায় একেবারে তুষারমণ্ডিত হইয়া উঠে । তখন প্রকৃতি বিমল ধবলবেশ ধারণ করেন; দেখিতে অতি রমণীয় বটে, কিন্তু এস্থলে বাস করা অতিশয় কষ্টসাধ্য হইয়া পড়ে । এখানকার প্রধান মন্ত্রী স্তব্ধ দেওয়ান কুপারাম কাশ্মীর ইতিহাসে তুষারপাত সম্বন্ধে বর্ণনা করিয়াছেন, যে ;—

“না বরফ অস্ত ঈ, কে মেবারদ্ সরে পীর।
কলকু তোকে জনদ্ বর্কয়ে কাশ্মীর।”

অর্থাৎ পীর পর্বতের উপর হইতে যে শ্বেতবর্ণ ক্ষুদ্র ক্ষুদ্র কণিকা পতিত হইতেছে, উহা বরফ নহে; আকাশ কাশ্মীরের মুখে মুখামুখ প্রদান করিতেছে মাত্র। প্রত্যুত, এখানে শীতকাল যেরূপ ভয়ঙ্কর ও কষ্টপ্রদ এবং যে আকারে তুষারপাত হইয়া থাকে, তাহাতে পূর্বোক্ত কবিতা কোনো মতে অসঙ্গত নহে। একেতো, এক দণ্ডের জন্যও তুষারপাতের বিশ্রাম নাই বলিলেই হয়, তাহাতে আবার মধ্যে মধ্যে প্রবল ঝটিকা, অবিশ্রান্ত বারিধারা এবং ভয়ঙ্কর শিলাবৃষ্টি হইয়া প্রলয় কালের ন্যায় প্রতীয়মান হয়! কখনো কখনো সূর্যদেব এক মাসের মধ্যে একবারও নয়নগোচর হন না। হ্রদ প্রভৃতি জলাশয় সমুদায় একেবারে তুষারে আচ্ছন্ন হইয়া যায় এবং কোনো কোনো বৎসর এত পরিমাণে বরফ পড়ে, যে, বিতস্তা নদী সম্পূর্ণ রূপে জমিয়া যায়। কোনো কোনো দিন এরূপ শীতাধিক্য হয়, যে, গৃহের মধ্যে কোনো পাত্রে জল থাকিলে উহা অমনি জমাট বাঁধে। এখানকার লোকে উহাকে “কটাকচু” কহে এবং উহার পূর্বলক্ষণ জানিতে পারিয়া সাবধান হয়। সে কালে ঘরের বাহির হওয়া কাহার সাধ্য? স্ততরাং কি ধনী, কি নির্ধন, সকলেই শীতকালের জন্য আহারীয় দ্রব্যাদি সংগ্রহ করিয়া রাখে। “কিন্তু যার কৰ্ম্ম তারে সাজে, অন্য লোকে লাঠি বাজে” অর্থাৎ আমাদের পক্ষে অসহনীয় হইলেও সে সময়ে কাশ্মীরী লোকেরা স্মৃথসচ্ছন্দে বাস করিয়া থাকে। তাহাদের কাহারো গৃহমধ্যে প্রবেশ করিয়া দেখ, স্থানে

স্থানে অগ্নি জ্বলিতেছে, সকলের বক্ষে এক এক কাঁকড়ি* রহিয়াছে, পুরুষমণ্ডলী শাল বুনিতেছে এবং কামিনীগণ সূচিকা দ্বারা ধীরে ধীরে শালের টুপি, হাঁসিয়া, কুঞ্জ, গলাবন্ধ প্রভৃতি শিল্প কৰ্ম করিতেছে।

এই সময়ে সৃষ্টির শোভা অতি বিচিত্র। বরফ পড়িবার কিছু দিবস পূর্বে যে শিশিরপাত হইয়া থাকে, অতি প্রত্যুষে উহা দেখিলে সহসা বোধ হয়, যেন কেহ চূর্ণ বিছাইয়া রাখিয়াছে। উহা সংগ্রহ কর, বরফকণার ন্যায় প্রতীয়মান হইবে। এই রূপে কিছু দিবস অতীত হইয়া পরে নারিকেল চূর্ণ আকারে বরফ পড়িতে থাকে। নীহারপাত হইবার পূর্বে শীত অত্যন্ত প্রবল হয়। কিন্তু পতন হইয়া গেলে আর সেরূপ নয়। তখন অতি আনন্দজনক মধুর শৈত্য অনুভূত হইতে থাকে। এমন সময়ে নিদ্রা হইতে গাত্রোত্থান করিয়া দেখ, প্রকৃতি রজতবেশে শোভা শাইতেছেন। চারি দিগন্ত গিরিশ্রেণী আপাদমস্তক রজতমণ্ডিত—মহীরুহ সমুদায় ইতিপূর্বে বিগলিত-পত্র হইয়া শুষ্ক ও শীর্ণভাবে দণ্ডায়মান ছিল, এক্ষণে বোধ হইতেছে, যেন রৌপ্যের বৃক্ষনিচয় দাঁড়াইয়া রহিয়াছে—গৃহের ছাদ, বাটীর প্রাঙ্গণ, বন্ধুর ও অবন্ধুর ভূমি, নদীর ঘাট, নৌকার ছাত, যেদিকে নিরীক্ষণ কর, সকলেই যেন রৌপ্যময় মনোহর শুভ্রবেশ ধারণ করিয়াছে—এমনি

* কাঁকড়ি আমাদের দেশীয় অগ্নি-সেবন করিবার মালমা মাত্র। কিন্তু ইহা অপেক্ষাকৃত কিঞ্চিৎ ক্ষুদ্র এবং ইহার চারিপাশ্ৰ্ব বাধার দিয়া বোনা এবং সুখ অপ্রশস্ত। আবালবৃদ্ধ বনিতা সকলেই ইহা সম্বৎসরকাল ব্যবহার করে এবং গ্রীবা হইতে বক্ষঃস্থল পর্য্যন্ত বলাইয়া দেয়। এ কারণ, কাম্বীরী মাত্রেই বক্ষঃস্থলে গোড়া দাগ আছে।

মনোহর, যে, বোধ হয় তেমন উল্লাসজনক দৃশ্য আর কুঞ্জন
 নাই এবং এমনি শুভ্র, যে, পৃথিবীমণ্ডলে তেমন শুভ্র আর কিছুই
 হইতে পারে না। আবার কাচের নলের ন্যায় বরফের নল ছাদ
 হইতে যে ঝুলিতে থাকে, তাহার রমণীয়তা প্রকাশ করিবার
 শক্তি নাই। বিগত ষৎসরে কোনো গুণবতী বিদূষী বঙ্গমহিলা
 পোন্ন মাসের শেষভাগে আপন জর্নৈকা প্রিয়তমা বয়স্যাকে
 কাশ্মীর হইতে যে একখানি প্রণয়-গর্ভ পত্রিকা লিখিয়াছিলেন,
 তাহাতে নীহারপাত সম্বন্ধে যে কয়েক স্থূললিত পংক্তি
 লিখিত ছিল, পাঠকবৃন্দের গোচরার্থে তাহা এস্থলে উদ্ধৃত
 না করিয়া নিরস্ত হইতে পারিলাম না। তিনি লিখিয়াছেন;—
 “পীর পাহাড়ের বরফ দেখিয়াছ, এক্ষণে যদি একবার কাশ্মী-
 রের বরফ দেখ, তাহা হইলে আশ্চর্য্য হইবে। এক্ষণে কাশ্মীর
 দেখিতে অতি সুন্দর হইয়াছে। চারিদিক কেবলই ধবলা-
 কার। ছাদের উপর হইতে কাচের নলের ন্যায় বরফ ঝুলি-
 তেছে। ভাঙ্গিয়া দেখ, ঠিক যেন কাচের নল! তাহাও দেখিতে
 খুব সুন্দর। রাত্রিকালে কোনো ঘরে ঘটা কিম্বা বাটা করিয়া
 জল রাখিলে তাহা জমিয়া বরফ হইয়া থাকে। এই সকল
 বরফের কারখানা দেখিয়া তোমাদের জন্য অতিশয় মন কেমন
 করে। তোমরা কাশ্মীরে আসিয়া বরফ দেখিতে পাইলে না,
 ইহা বড় দুঃখের বিষয়। আমার ইচ্ছা হয়, যে, তোমাদের এক
 বার কাশ্মীরের বরফ দেখাই।” প্রভুত নীহারপাতের সমুদায়
 কারখানা এমনি রমণীয়ই বটে।

শীতকালে চা এবং মাংসই প্রধান খাদ্য। সর্বজীব-পালক
 জীবনের আশ্চর্য্য পাত্ৰ গুণে একেতো এই শীতপ্রধান দেশে

মেঘ (কাশ্মীরী ছুয়া) প্রভৃতি নানাবিধ পশুর প্রাচুর্য্য, তাহাতে আবার কেবলমাত্র শীতকালেই কতিপয় জলচর পক্ষী প্রচুর পরিমাণে পাওয়া যায়। কোনো কোনো দিন কিঞ্চিৎ পরিষ্কার হইলে লোকে জলাশয়ে গমন পূর্বক তৎসমুদয় শিকার করিয়া লইয়া আইসে। এ সময়ে যুগল ভিন্ন কোন্না কিশির তরকারী পাওয়া যায় না। কাশ্মীরীরা ইহাকে “নক্র” এবং রন্ধন পূর্বক আহার করে।

[জলবায়ু] এখানকার জলবায়ু যেরূপ স্বাস্থ্যকর, বোধ হয়, পৃথিবীর অপর কোনো স্থানে এরূপ নাই। বিতস্তা নদীর জল অতিশয় নিশ্চল ও স্বাচ্ছন্দ। হ্রদ সমূহের জল এরূপ স্বচ্ছ, যে, দশ হাত জলের নীচে মৎস্যগণ ক্রীড়া করিয়া বেড়াইতেছে, স্পষ্ট লক্ষ্য হয়। এতদ্ব্যতীত যে সমুদায় অগণ্য উৎস ও নির্ঝর আছে, তাহাদিগের জল সাতিশয় পুষ্টিকর এবং এমন শীতল, যে, জ্যৈষ্ঠ বা আষাঢ়মাসে স্নান করিলেও বোধহয় যেন দাঁত খসিয়া পড়িল। এখানে গ্রীষ্ম ও ধূলা আকাশকুম্বমের ন্যায় অলীক। স্ততরাং পাঠকগণ বিবেচনা করিয়া দেখুন, এখানকার বায়ু কিরূপ নিশ্চল, শীতল এবং স্বাস্থ্যকর। এখানকার জল ও বায়ু এতদ্রূপ বলিয়া এখানে যেরূপ শাল প্রস্তুত হয়, এমন আর কোনো স্থলে হইবার নহে। (যথা-স্থলে তাহার বর্ণনা করা যাইবে) একজন পারস্য-কবি এতৎ সম্বন্ধে লিখিয়াছিলেন ;—

“ হর সোক্তা বানে কে ব কাশ্মীর দরান্দ ।

নর মুরণে কাবাব্ অন্ত্ কে বা বলোপর্ আয়েদ ॥ ”

অর্থাৎ “ যদি কোনো দক্ষীভূত জীব কাশ্মীরে আইসে,

তাহা হইলে সে জীবন প্রাপ্ত হয় । অধিক কি, কাবাক করা মাংসখণ্ড এখানে আসিলে তাহার পক্ষ উদগত হইয়া অতি শীঘ্র পক্ষীর আকারে পরিণত ও সজীব হইয়া উঠে !” প্রত্যুত, এখানকার জলবায়ু এতাদৃশই বটে ।

[কৃষি ও উদ্ভিজ্জ] এখানকার ভূমি অতিশয় উর্বরা । পর্বতেরগাত্রে যে সমুদায় শস্যক্ষেত্র আছে, তাহা দেখিলে আশ্চর্য হইতে হয় । যে যে স্থানে ছুরারোহ বলিয়া কৃষকগণ হল চালনা করিতে পারে না, তথায় নিসর্গোৎপন্ন বাদাম, তুঁত, আক্ৰোট প্রভৃতি স্বস্বাভূ ফলের বৃক্ষ অসংখ্য পরিমাণে দৃষ্টিগোচর হইয়া থাকে এবং মনোহর নিবিড় শ্যামবর্ণ দুর্বাদল এত প্রচুর পরিমাণে ও এমন সুন্দরভাবে জন্মিয়া থাকে, যে, সেরূপ আর কুত্রাপি নাই । পাইন, * দেদার (দেবদারু জাতীয়) প্রভৃতি বহুমূল্য বন্যজাত বৃক্ষ অতিশয় প্রচুর । কিন্তু ছুংখের বিষয়, তৎসমুদায় স্থানান্তর করিবার উপায় নাই ।

আমাদিগের দেশের ন্যায় এখানে চাউল প্রধান খাদ্য । সুতরাং গোধূম, যব এবং অন্যান্য শস্যাপেক্ষা ধান্য অধিক পরিমাণে উৎপন্ন হইয়া থাকে । এখানে আহাৰ্য্য দ্রব্য আমাদিগের দেশের ন্যায় স্বস্বাভূ ও প্রচুর । ছুংক, ছানা, মংস্য এবং মাংসের তো কথাই নাই । বেগুন, (রক্তিম ও গোলাপী বর্ণ, কিন্তু নবনীতের ন্যায় অত্যন্ত কোমল) কড়াইশুঁটা, আলু,

* ইহাকে এখানে চীড় কহে । ইহা আমেরিকা দেশীয় বা অপূর স্থানীয় পাইনের ন্যায় সুন্দর ও দৃঢ় মহে । এতদ্বারা কাম্বীরীরা বাসগৃহ ও নৌকাদি প্রস্তুত করিয়া থাকে এবং ইহা টৈলাক্ত বশত : ভাকবাহক ও পখিকেরা ইহার সুন্ধু সুন্ধু কাষ্ঠখণ্ড দ্বারা মশাল প্রস্তুত করিয়া অন্ধকার রজনীতে পার্কৃত্যপথে গমন করে ।

রূপ প্রভৃতি নানাবিধ তরকারী অপৰ্যাপ্ত জন্মিয়া থাকে। এত-
 দ্ভিন্ন সেউ^১ নাক নাসপাতি^২, বিহি^৩, গেলাস^৪, কোতরনল,
 গোমা-বগুণ্ড, তুঁড, আঙ্গুর, আক্রোট, বাদাম, আঁড়ু^৫ প্রভৃতি
 যে কত প্রকার সুস্বাদু ফল জন্মিয়া থাকে, তাহার সংখ্যা করা
 যায় না। একে তৌ এই সমুদায়ের মনোহর উদ্যান আছে,
 তাহাতে আবার বিজন কাননে বিশেষতঃ পৰ্বতের নিম্নদেশে
 অপৰ্যাপ্ত উৎপন্ন হইয়া থাকে। বাদাম চারি প্রকার; তন্মধ্যে
 এক প্রকারের আচ্ছাদন কাগজের ন্যায় সূক্ষ্ম বলিয়া 'কাগজী'
 নামে বিখ্যাত। আঙ্গুর অষ্টদশ প্রকার; তন্মধ্যে 'সাহেবী'
 এবং 'মুফা' সুপ্রসিদ্ধ। তেঁকাটাশির প্রভৃতি কণ্টক বৃক্ষের
 ন্যায় আঙ্গুরলতা যেখানে সেখানে জন্মিয়া থাকে; লাউয়ের
 মাচার ন্যায় সকলের প্রাক্ৰণে আঙ্গুর-মঞ্চ দেখিতে পাওয়া
 যায়। আঙ্গুর এত ক্ষুদ্র ও সুস্বাদু বলিয়া কাশ্মীরীরা গৰ্ব
 সহকারে কহিয়া থাকে, যে, "যদি ঈশ্বরের মুখ থাকিত, তাহা
 হইলে আমরা তাঁহাকে এখানকার আঙ্গুর ও রুটি * খাওয়া-
 ইয়া সন্তুষ্ট করিতে পারিতাম।" কিন্তু ছুংখের বিষয়, অস্বাদু
 দিগ দেশের আম্র, নারিকেল, কাঁঠাল, পেঁপে প্রভৃতি সুস্বাদু
 ফলের চিহ্নমাত্রও নাই। কৃষিজাত জীবের মধ্যে কেশর
 অর্থাৎ জাফরান অতি উৎকৃষ্ট এবং রমণীয়। স্বতন্ত্র অধ্যায়ে
 ইহার বর্ণনা করা যাইবে।

১ Apple. ২ Kuince. ৩ Pears. ৪ Cherry. ৫ Peach.

* কাশ্মীরীরা রুটির বেরুপ গৌরব করিয়া থাকে, ফলতঃ উহা তরুণ প্রশংস-
 নীয় নহে। পরন্তু ইহার মাংস রন্ধন করিতে সুপ্রসিদ্ধ।

[পশু ও পক্ষী] ভারতবর্ষের অপরাপর অংশের নানাবিধ পশুপক্ষী এখানে দেখিতে পাওয়া যায় । এতদ্ব্যতীত হিমালয় প্রদেশের অনেক জীব জন্তুও আছে । গাভীসকল খর্বাকৃতি এবং অধিকাংশ কৃষ্ণবর্ণ । লোকে সাধারণ কথায় কহিয়া থাকে “ কাল গরুর দুগ্ধ অতিশয় পুষ্টিকর । ” এই জন্য বোধ হয়, সৃজনকর্তা এই স্বর্গতুল্য স্থানে অন্যান্য সকল প্রাণীকে শ্বেত-কায় করিয়া কেবল গাভীকেই কৃষ্ণবর্ণ করিয়া দিয়াছেন । মহিষ এখানে নাই । অহো ! কি আশ্চর্য্য ! বে বায়সের তিমিরসদৃশ রূপ জগদ্বিখ্যাত, উহা এখানে অপেক্ষাকৃত শ্বেতবর্ণ এবং উহার স্বর অপরাপর স্থানীয় বায়সের ন্যায় কর্কশ নহে । হিমপ্রাধান্য ইহার মূলীভূত কারণ, তাহার কোনো সন্দেহ নাই । এখানে সর্প, বৃশ্চিকাদি হিংস্র জীব অতি বিরল এবং উহাদিকের দংশনেরও কোনো ভয় নাই । কিন্তু পিস্‌সু নামক এক প্রকার ক্ষুদ্র জীব আছে, উহা অতিশয় ভয়ানক ও কষ্টপ্রদ । বোধ করি, যিনি কখনো কোনো পার্বত্যদেশে কালযাপন করেন নাই, তাঁহার নিকট হয় তো ইহার নামও শ্রুত হয় না—ইহার দৌরাভ্যসহ্য করা তো দূরের কথা ! ইহা অতি ক্ষুদ্রকায়—অন্ধির ন্যায় ক্ষুদ্র, মশকের ন্যায় রক্তশোষণ করে । ধরিতে গেলে লক্ষ দিয়া অন্তর্দান ! এবং মারিতে গেলে মথ বা ছুরিকা দ্বারা বিদীর্ণ না করিলে প্রাণত্যাগ করে না—বোধ হয় স্বর্গে বাস করে বলিয়া অমরতুল্য হইয়াছে ! কি দিবা, কি রাত্রি সকল সময়েই ইহা আবির্ভূত হইয়া দংশন-জ্বালায় অস্থির করিয়া তুলে—রাত্রিকালে মশারিতেও ইহার হস্ত হইতে পরিত্রাণ নাই ।

[ধাতু] কাশ্মীর প্রদেশের অনেক স্থানে লৌহ, সীসা, গন্ধক এবং তামের আকর আছে। যৎকালে কাশ্মীর গমন করি, তখন পশ্চিমধ্যে চন্দ্রভাগা নদী হইতে স্বর্ণ ও রৌপ্য সম্বলিত অনেক উপলব্ধি সংগ্রহ করিয়াছিলাম। প্রত্যুত, এখানে স্বর্ণ ও রজতাদি বহুমূল্য ধাতুর আকর বিদ্যমান আছে; কিন্তু দুঃখের বিষয়, একটী মাত্র ও অদ্যাপি আবিষ্কৃত হয় নাই এবং আধুনিক শাসনকর্তা এ বিষয়ে সম্পূর্ণ উপেক্ষা করিতেছেন। অপর, কোনো কোনো স্থানে পূর্বতন নরপতির তাৎকালিক প্রথানুসারে বহুমূল্য ধনসম্পত্তি ভূগর্ভে নিহিত করিয়া রাখিয়া গিয়াছেন, তাহার কোনো সন্দেহ নাই। জন-প্রবাদ আছে, প্রায় পঞ্চদশ শত বৎসর হইল, যৎকালে চীন সম্রাটেরা পরাজিত হইয়া এদেশ হইতে দূরীভূত হয়, তখন তাহারা কোনো কোনো স্থলে দুর্মূল্য রত্নাদি নিহিত করিয়া গমন করে। বিগত ইং ১৮৫৯ খৃষ্টাব্দে তখন কাশ্মীর নগরে যাই, তখন শুনিলাম, যে, ডাক্তার বেলু নামক একজন সাহেব অনেক অনুসন্ধানের পর এক স্থান নির্দেশ করিয়াছেন। উহা পশ্চিমপ্রান্তভাগস্থ বারমুলা নামক স্থানের সন্নিকট। উহা যেরূপ নিভৃতস্থান ও স্থানটী যেরূপ পর্বতাকারে পরিণত হইয়া গিয়াছে, তাহাতে এরূপ সন্দেহ কোনো মতে অসম্ভব হইতে পারে না। ভগ্নাংশ দেখিয়া বোধ হয়, উহার চতুঃপার্শ্ব এককালে প্রস্তরপ্রাকার দ্বারা সুরক্ষিত ছিল। ইংরাজ গবর্ণমেন্ট এবং এখানকার মহারাজার সম্মতিক্রমে উহা খাত হয়। খননকালে উহার নির্মাণ-কৌশল দেখিয়া নিশ্চয় প্রতীতি হইয়াছিল, যে, ইহার অভ্যন্তরে অবশ্যই কিছু না কিছু অমূল্য রত্ন প্রোথিত

আছে। কিন্তু পরিশেষে আকাশ-কুহুমের ন্যায় সগুদায় অলীক হইয়া গেল ।

[বাসগৃহ] এখানকার বাটী সকল কাষ্ঠনির্মিত । কাশ্মীরী ভাষায় ইহাকে “ লড়ী ” কহে । এখানে প্রায় সর্বদাই ভয়ানক ভূমিকম্প* হইয়া থাকে বলিয়া সকলে কাষ্ঠের ঘর প্রস্তুত করে । কোনো কোনো বাটীর ভিত্তি প্রস্তর বা ইষ্টকনির্মিত । কিন্তু অধিকাংশই কাষ্ঠ-বনিয়াদের উপর স্থিত । হিমালীর দৌরাভ্যভয়ে ছাদ সমতল না করিয়া মধ্যদেশ উচ্চ এবং দুই পার্শ্ব ঢালু করিয়া থাকে । ইত্যাকার ছাদে কাষ্ঠ ও তক্তা সংলগ্ন করিয়া তহুপরি ভূর্জপত্র বিছাইয়া দেয়; পরে তাহার উপরে মৃত্তিকা স্থাপন করিলেই ছাদ প্রস্তুত হইয়া গেল । বসন্ত ঋতুর আগমনে যখন ইহা হইতে তৃণ উদ্গত হইতে থাকে, তখন বোধ হয়, যেন সৌধ সমূহ হরিদর্ণ গালিচায় আচ্ছাদিত রহিয়াছে । লড়ী সমুদয় দ্বিতল হইতে পাঁচ তল পর্যন্ত উচ্চ এবং দৃশ্যে ইংরাজী বাটীর সদৃশ । জানালার কবাট দ্বিভাগে বিভক্ত । বহির্দেশস্থ কবাটে বিচিত্র কারু-কার্য আছে । ইহা ক্ষুদ্র ক্ষুদ্র ছিদ্র বিশিষ্ট । শীতাগমে কাশ্মীরীরা ইহা কাগজ দিয়া বন্ধ করে । স্তত্রাং দুর্দান্ত হিম

* প্রায় ষাটশ বৎসর অতীত হইল, একদা এখানে এমন ভূমিকম্প হইয়াছিল, যে, প্রৈতি ঘণ্টায় নূনাবিক চারিবার করিয়া কম্পিত হইত এবং এই ভূমিকম্প ক্রমাগত এক সপ্তাহকাল ব্যাপিয়াছিল । স্তত্রাং কি ধনী, কি নিরন সকলেই এ যাবৎকাল স্ব স্ব বাস গৃহ পরিত্যাগ পূর্বেক তরুশূন্য মরুদেশে কিম্বা নৌকায় দিন যামিনী যাপন করিত । পরন্তু ঈশ্বরানুগ্রহে কোনো বিশেষ অনিষ্টোৎপত্তি হয় নাই ।

গৃহমধ্যে প্রবেশ করিতে পারে না, অথচ আলোকেরও গতি-
 রোধ হয় না। প্রত্যেক প্রকোষ্ঠে এক একটা “বোখারি”
 (যাহাকে ইংরাজীতে ‘চিম্নী’ কহে)। এই বোখারি
 ব্যতীত শীতকালে বাস করা সম্পূর্ণ অসম্ভব। কোনো কোনো
 বাটীর—বিশেষতঃ ধনীলোকদিগের অট্টালিকার প্রথম তলে
 হামাম্ অর্থাৎ উষ্ণ স্নানাগার আছে। ইহা এরূপভাবে নির্মিত,
 যে, ইহাতে শীতল বায়ু প্রবেশ করিতে পারে না এবং স্নানো-
 পযোগী তারতম্য বিশিষ্ট উষ্ণজল রাখিবার স্থান আছে। এ
 কারণ শীতকালে ইহাতে স্নান অতি প্রীতিকর এবং হামাম্
 জ্বালিলে তৎপার্শ্বস্থ ও তদুপরিস্থ সমুদায় প্রকোষ্ঠ উষ্ণ থাকে।
 শ্রীনগরে প্রত্যেক লড়ীর দ্বার নদীতটে স্থিত এবং উহাতে
 অবতরণ করিবার সোপানশ্রেণী আছে। এই ঘাটকে ইয়ারবল
 কহে। লোকে যাপনাপন ইয়ারবলে নৌকা রাখিয়া থাকে।
 এই সমুদয় কারণ বশতঃ বাটী সকল ক্ষেপিতে যেমন সুন্দর,
 তেমনি উপাদেয়। কিন্তু পাঠকগণ অনায়াসে বুঝিতে পারেন,
 দৈবাৎ কোনো লড়ীতে অগ্নি লাগিলে উহা নিমেষ মধ্যে দগ্ধ
 হইয়া যায়। মধ্যে মধ্যে এইরূপ শোচনীয় ব্যাপার ঘটিয়া
 ক্ষণকালের মধ্যে বহু সংখ্যক ভবন একবারে ভস্মীভূত হইয়া
 গিয়া থাকে।

[অধিবাসী] কাশ্মীর প্রদেশে মুসলমানের সংখ্যা
 অধিক ; এমন কি, প্রতি শতে দশজন হিন্দু গণ্য হওয়াও স্মক-
 ঠিন। বহুকালাবধি ইহা মুসলমান শাসনকর্তাদিগের অধীন
 থাকাতে এইরূপ হইয়া উঠিয়াছে। প্রত্যুত, এখানে যে সমুদয়
 হিন্দু আছে (যাহারা পণ্ডিত নামে খ্যাত) তাহাদিগেরও

লৌকিক আচার ব্যবহার অনেক পরিবর্তিত হইয়া মুসলমান-দিগের ন্যায় দাঁড়াইয়াছে । কিন্তু আধুনিক হিন্দু শাসনকর্তা ইহাদিগকে প্রকৃত হিন্দুধর্মাবলম্বীতে পরিণত করিতেছেন ।

পুরুষমণ্ডলী গৌরবর্ণ দৃঢ়কায় এবং অঙ্গ-সৌষ্ঠব বিশিষ্ট । ইহারা চতুর, প্রথর বুদ্ধিশালী এবং আমোদ-প্রিয় । কিন্তু ইহারা অতিশয় ভীরা । মহিলাগণ পরমা সুন্দরী । বিশেষতঃ পণ্ডিতানীরা অনুপমরূপসাবণ্যবতী । কবির ভারতচন্দ্রের বিদ্যার রূপ বর্ণনা এখানকর রমণী মাত্রেই প্রযুক্ত্য । প্রত্যুত, ইহাদিগকে পক্ষবিহীনা পীরী অথবা অম্পরা বলিলেও অত্যুক্তি নহে—অম্পরা ভিন্ন অপর কোন্ জাতীয় রমণীর স্বর্গে বাস সম্ভব হইতে পারে ? কিন্তু দুঃখের বিষয়, ইহারা সাধারণতঃ লজ্জাহীনা এবং দুঃচরিত্রা । কামরূপ কামাক্ষ্যাবাসী লোকদিগের চরিত্র সম্বন্ধে কথিত আছে ;—

“ সধবা বিধবা নাস্তি নাস্তি নারী পতিব্রতা ।

হংস পারাবতো ভক্ষ্য কামরূপ নিবাসিনঃ ॥ ”

কিন্তু আমার মতে এই বাক্যের শেষ চরণের “কামরূপ” পরিবর্তে “কাশ্মীর” শব্দ ব্যবহৃত হইলে সর্বাঙ্গসুন্দর হয় ! স্ত্রীলোকেরা দুঃচরিত্রা হইলে রাজবারে কঠিন দণ্ড পাইয়া থাকে । কিন্তু বহুকালের অভ্যাসজাত দোষ সহসা দূর হইবার নহে ।

[পরিচ্ছদ] পুরুষদিগের পরিচ্ছদ কোঁপিন, আলখাল্লা, (ইহাকে এখানে “পিরান” কহে) এবং উষ্ণীষ । কি হিন্দু, কি মুসলমান, প্রায় সকলেই সর্বদা মস্তক মুণ্ডিত করিয়া রাখে অর্থাৎ নেড়া হইয়া থাকে এবং হিন্দুরা স্বধর্মের চিহ্ন স্বরূপ

শিক্ষামাত্র ধারণ করে। স্ত্রীলোকেরা কেবলমাত্র আলখাল্লা পরিধান করে। স্ত্রীরাজ ইহাদিগকে একরূপ উলঙ্গিনী বলিলেই হয়। কেহ কেহ মস্তকে লালটুপি ব্যবহার করে এবং কেশ বিনাইয়। দুই বেণী পৃষ্ঠদেশে লম্বিত করিয়া দেয়। তখন দেখিতে অতি রমণীয়। পণ্ডিতানীদের মধ্যে কেহ কেহ কটদেশে চাদর জড়াইয়া থাকে। ইহারা কিয়ৎ পরিমাণে অলঙ্কার দ্বারা গাত্র ভূষণ করে, কিন্তু তাহা বাহ্যমাত্র। কাষ্ঠপাতুকা এবং অগ্নিসেবনার্থ কাঁকড়ি ইহাদের অঙ্গভূষণ বা পরিচ্ছদের মধ্যে গণনীয় হইতে পারে। কেননা, কি স্ত্রী, কি পুরুষ, কি হিন্দু, কি মুসলমান কাশ্মীরী মাত্রেই ইহা ব্যবহার না করিয়া থাকিতে পারে না।

কোনো দেশীয় লোকদিগের পরিধেয় বসন দ্বারা উহাদিগের সভ্যতা এবং শারীরিক ও মানসিক বলবীর্ষের অনেক পরিচয় পাওয়া যায়। উলঙ্গ বা কোপীনকারী ভীষণ পার্বত্য-জাতি, অর্দ্ধবৃত মল্ল যোদ্ধা হিন্দুস্থানী, খুতি চাদরধারী নিরীহ বাঙ্গালী এবং রমণীবেশা আলখাল্লামণ্ডিত কাশ্মীরী প্রভৃতি সকল জাতিই এই বাক্যের সাক্ষ্য দিতেছে। ইতিবৃত্ত পাঠে অবগত হওয়া যায়, যে, অতি পূর্বকালে কাশ্মীরীরা অতি সাহসী, বলিষ্ঠ এবং রণদক্ষ ছিল। দিল্লীর সম্রাটেরা ইহাদিগকে অনেক যুদ্ধে পরাভব ভিন্ন কাশ্মীর অধিকার করিতে পারেন নাই। তথাপি মধ্যে মধ্যে ইহারা ষড়্‌যন্ত্র করিয়া রাজ-বিপ্লব উপস্থিত এবং যাহারা দুর্গম পার্বত্যপ্রদেশে আশ্রয় লইয়াছিল, তাহারা কখনো বা উপত্যকায় আগমন পূর্বক নানা উৎপাত করিয়া রাজ্যের শাস্তি নষ্ট করিত। অবশেষে জেহা-

সির বাদশাহ দেখিলেন, যে, কোনো উপায়ে ইহাদের অদম্য বীরত্ব সম্মুখে উন্মূলিত না করিলে নিষ্কটকে রাজ্যভোগ সম্ভব নহে । এ বিধায়ে তিনি এই স্ত্রীবেশ ধারণ করিবার নিমিত্ত ইহাদিগকে পীড়ন করিতে লাগিলেন । পাঠকগণ সহজেই অনুভব করিতে পারেন, যে, ইহারা বিনা যুদ্ধে এবং বিনীতভাবে তাঁহাদের আজ্ঞা পালন করে নাই । কিন্তু পরাজিত ও অপেক্ষাকৃত ক্ষীণবল জাতি তাৎকালিক দোর্দণ্ড প্রতাপশালী সম্রাটদিগের সহিত কি সমকক্ষ হইতে পারে ? কাশ্মীরীরা অগত্যা বস্ত্রপরিধান পরিত্যাগ করিয়া রমণাবেশ ধারণ করিল এবং আলখাল্লা তাহাদের সৌর্য্য ও বীর্য্য অপহরণ করিতে লাগিল । এক্ষণে ইহাদের পূর্বকালিক সাহস ও রণপাণ্ডিত্যের চিহ্নমাত্রও দেখা যায় না ।

কাশ্মীর স্বর্গ বটে, কিন্তু কাশ্মীরীদিগের মলিন বাস এবং কুৎসিত আচার ব্যবহার দেখিলেই ইহাদিগের থাকিবার স্থানকে নরক বলিয়া প্রতীয়মান হয় । শীতকালে জলের ত্রিগীমায় যাওয়া কাহার সাধ্য ? স্ততরাং সে সময়ের কথা দূরে থাকুক, অপরাপর ঋতুতেও ইহাদিগের পরিধেয় বসনের সহিত জলের দেখা সাক্ষাৎ হয় না । কি স্ত্রী কি পুরুষ সকলেই প্রকাশ্যস্থলে উলঙ্গ হইয়া স্নান করে । স্ততরাং তৎকালেও পিরান ধোত হয় না । এ কারণেই এত মলিন যে চিম্টি কাটিলে মলা উঠে এবং ঝাড়িলে উকুন ও পিসু পড়ে । অধিক কি, ইহারা যেরূপ অপরিষ্কার থাকে, তাহাতে নিশ্চয়ই প্রতীত হইবে, যে, যদি এখানকার জলবায়ু স্বাস্থ্যকর না হইত, তাহা হইলে ইহাদিগের গাত্রে পোকা জন্মাইত এবং এখান

কোনো মনুষ্যের নিদর্শনও থাকিত না। ইহারা আবার পথি মধ্যে, বাটীর প্রাসঙ্গে এবং গৃহাভ্যন্তরে ও মল মূত্র পরিত্যাগ করিয়া থাকে। স্ত্রতরাং লোকালয় * নরক ভিন্ন অন্য কোনো শব্দে বাচ্য হইতে পারে না। শীতকালে যখন চারিদিক তুষার মণ্ডিত হইয়া যায় এবং ঘরের বাহির হওয়া সম্পূর্ণ দুঃসাধ্য হইয়া উঠে, তখন ইহারা বাসগৃহ মধ্যে মল মূত্রাদি ত্যাগ করিতে অগত্যা বাধিত হয়। কিন্তু একে স্বাস্থ্য রক্ষা সম্বন্ধীয় নিয়মে সম্পূর্ণ অনভিজ্ঞ, তাহাতে আবার অভ্যাসের গুণ এরূপ, যে, অপরাপর ঋতুতেও তদ্রূপ জঘন্য অবস্থায় কাল যাপন করিতে ঘৃণা বোধ করে না।

অত্যন্ত অহ্লাদের সহিত প্রকাশ করিতেছি যে আমাদের গের প্রিয়তম বন্ধু বাবু নীলাম্বর মুখোপাধ্যায় এম এ এবং বি এল এখানকার জুডিসিয়েল কমিসনর এবং প্রধান বিচারপতি পদে অভিষিক্ত হইয়া শ্রীনগর প্রভৃতি অঞ্চলের স্থানে স্বাস্থ্য রক্ষা সম্বন্ধীয় নিয়মাদির প্রচার করিতেছেন। স্ত্রতরাং কাশ্মীরীদিগের পথে ও উঠানে মল ত্যাগ প্রভৃতি অস্বাস্থ্যকর ব্যবহারাদি অচিরাৎ সংশোধিত হইবার সম্পূর্ণ সম্ভাবনা।

কাশ্মীরীদিগের চরিত্র সম্বন্ধে একটী বিষয়ের উল্লেখ না করিয়া নিরস্ত থাকিতে পারিলাম না। “ধামা ঢাকা ঝগড়া”—

* শ্রীনগরও এতদ্রূপ অপকৃষ্ট বলিয়া মহারাজা ইংরাজ ও অপরাপর জাতীয় জনগণকারীদিগের নিমিত্তে সহরের অনতিদূরে নদীতটে রমণীয় বাস গৃহাদি নির্মাণ করিয়া দিরাছেন। রাজবাটী এবং সম্ভ্রান্ত কর্মচারীদিগের বাটী সমুদয় নদীতটে স্থিত। বিদেশীয় জনগণ মাত্রই অর্থাৎ কাশ্মীরী বর্তীত অপার সকলেই সহরভ্যন্তর পরিত্যাগ পূর্বক নদীপুলিনে বাস করে।

এই কথাটী শৈশবকালাবধি শুনিয়া আসিতেছি । কিন্তু এখানে কার্য্যে পরিণত দেখিলাম । কোনো গৃহস্থের সহিত অপর গৃহস্থের বিবাদ উপস্থিত হইলে উহার অবিশ্রান্তরূপে কলহ করে । পরে সন্ধ্যা আগত হইলে উভয়পক্ষ আপনাপন প্রাঙ্গণ মধ্যে ধান চাকিয়া রাখে । পরদিন প্রত্যুষে শব্দ্য হইতে গাত্ৰোত্থান পূর্ব্বক ঐ ধান উল্লেখন করতঃ পূর্ব্ববৎ কলহ আরম্ভ করে । এক দিন নয়, এইরূপ কিছুদিন চলিতে থাকে । বিতস্তা নদী শ্রীনগরের মধ্যদেশ দিয়া প্রবাহিত হইতেছে । উহা এস্থলে অপ্রশস্ত । যৎকালে নদীর উভয় তটে এইরূপ ধান চাকা ঝগড়া হইতে থাকে, তখন দেখিতে অতিশয় কৌতুকাবহ । এরূপ বিসম্বাদ উপলক্ষে আবার কোনো কোনো সময়ে উভয় পক্ষে নানাবিধ কুৎসিত 'সং' প্রস্তুত হইয়াও থাকে ; সে সমুদয় ভদ্রলোকের দ্রষ্টব্য নহে ।*

[খাদ্য] পূর্ব্বই উল্লেখ করা গিয়াছে, চাউল, মংস্র এবং চা কাশ্মীরীদের প্রধান খাদ্য । ইহার ছুই বেলা

* এই কন্দলের ন্যায় হাজারিবাগ এবং প্রকার ভয়ঙ্কর ঝগড়া দেখিয়াছি । কাশ্মীরের ঝগড়া ধান চাপা থাকে, হাজারিবাগে পেশাদার ঝগড়াটিয়া আছে । অর্থাৎ দুই গৃহস্থে বিবাদ বাঁধিলে যদি আপনাদের মধ্যে কেহ বেশী মুখরা না থাকে, তবে বেতন অথবা ভাড়া দিয়া প্রসিদ্ধ প্রসিদ্ধ পেশাদার কন্দলিয়া স্বীকৃত্যককে নিযুক্ত করা হয় । যুদ্ধের ন্যায় প্রকাশ্যস্থলে ঝগড়ার স্থান ও সময় নিরূপিত হইয়া দশ'কমণ্ডীর মধ্যে উভয়দিকে উভয় পক্ষের ঐ পেশাদার ঝগড়াটিয়া মাগীরা দাঁড়ায় । পরে ভয়ানক ও কুৎসিত অঙ্গভঙ্গীর সহিত এরূপ বাক যুদ্ধ হইতে থাকে, যে, তাহা ভদ্রলোকের দ্রষ্টব্য ও শ্রোতব্য নহে । মনুষ্য যে এতদূর নীচ হইতে পারে এবং সেই নীচত্ব দর্শনে কোনো মানব-সমাজ যে কৌতুক পায়, এই আশ্চর্য্য ভাব ভদ্র দর্শকের মনে উদয় না হইয়া যায় না !

মধ্যস্থ ।

অর্থাৎ দিবা ও রাত্রিকালে আমাদের দেশেরন্যায় অন্ন আহার করে। কিন্তু উত্তপ্ত অপেক্ষা শীতল ভাত ইহাদের অধিক প্রিয়। কড়া কড়া শুষ্ক ভাত, লবণ ও লঙ্কায় জর্জরিত কঁড়ম নামক এক প্রকার শাক, কিছু মৎস্য এবং এক পেয়লা চা হইলেই কাশ্মীরীর অতি উপাদেয় ভোজন হইল। একারণ, ছুঃখীলোকেরা মাসে মাসে দুই টাকা করিয়া উপার্জন করিতে পারিলে অতি সুখস্বচ্ছন্দে জীবনযাত্রা নির্বাহ করিতে পারে।

চা ইহাদের যেমন নিত্যপেয়, তেমনি ভোগবিলাসের চিহ্ন। কোনো মিত্র বা আগন্তুক বাটীতে আসিলে ইহারা নশ্ব * এবং চা দ্বারা তাহার অভ্যর্থনা, সম্মানরক্ষা এবং অতিথিসংকার করিয়া থাকে।

চা প্রস্তুত করিবার পাত্র অতি সুন্দর ও স্নতি উপাদেয়। ইহাকে কাশ্মীরী ভাষায় সমাবার “সমার” কহে। ইহা সাধারণতঃ ১২ বা ১৪ইঞ্চ উচ্চ এবং ইহার কাঁস আড়াই ইঞ্চ। ইহাতে ঢাকুনি (আবরণ) মুষ্টি ও মুখ সংলগ্ন আছে এবং ইহার ভিতর (মধ্যস্থলে) অগ্নি নিক্ষেপ করিবার জন্য একটা নল আছে। এই নলে কয়েক খণ্ড প্রজ্জ্বলিত অঙ্গার দিলেই অনতিবিলম্বে চা প্রস্তুত হইয়া যায়। কাশ্মীরীরা যখন স্নানান্তরে ভ্রমণ করিতে যায়, তখন সমাবার এবং ইহার আনুষঙ্গিক উপকরণ পদার্থ সঙ্গে না লইয়া গমন করে না।

ইহারা দুই প্রকার চা প্রস্তুত করে। প্রথম মিষ্ট চা,

* ইহারা নশ্ব অত্যন্ত ব্যবহার করে। অতি পূর্বেকাল হইতে ইহা চলিয়া আসিতেছে—তখন কেই ধূমপান করিত না। কিন্তু এক্ষণে অনেকে ইহাও সেবন করিয়া থাকে।

দ্বিতীয় লবণ-চা । সাধারণ রীত্যনুসারে মিষ্ট চা প্রস্তুত করিয়া থাকে অর্থাৎ জল ফুটিয়া উঠিলে চা দেয় এবং ইহাতে চিনি, গলাচি, দারুচিনি প্রভৃতি কয়েকটি মসলা মিশ্রিত করে । পরন্তু ইহাতে দুগ্ধ দেয় না । ইহারা আহারকালে বা আহারান্তে এ প্রকার চা পান করে না । সে সময় কেবল লবণ-চা ব্যবহৃত হইয়া থাকে । লবণ-চা প্রস্তুত করিতে হইলে শীতল জলের সহিত চা ফুটাইতে থাকে । পরে ইহাতে এক প্রকার ক্ষার দেয় । এই ক্ষারকে “ ফুল ” কহে এবং ইহা তিব্বৎ হইতে আসিয়া থাকে । ফুল দ্বারা চার সারাংশ শীঘ্র আকর্ষিত হয় এবং ইহার উত্তম বর্ণ হইয়া থাকে । এইরূপে চা সিদ্ধ হইলে ইহাতে কেবল মাত্র লবণ ও কখনো কখনো দুগ্ধ মিশ্রিত করে এবং ইহা হইলেই লবণ-চা প্রস্তুত হইল । এই চা মিষ্ট চা সদৃশ স্বাদু নহে, কিন্তু ইহারা ইহাকে অধিকতর পুষ্টিকর এবং পাচক কহে । ইহারা আমাদের দেশের ব্যবহার্য চা পচন্দ করে না । তিব্বৎ ও লদাখ প্রভৃতি উত্তরখণ্ড হইতে যেমর্দিত এবং একত্র সংলগ্নীকৃত চা আইসে, তাহাই ইহাদের প্রিয় ।

[শিল্পকৌশল] কাশ্মীরীরা শিল্পবিদ্যায় অতিশয় নিপুণ । এখানকার শাল জগদ্বিখ্যাত । শ্রীনগরের নিকটবর্তী নাওসেরা নামক স্থানে কাগজ প্রস্তুত হয় । উহা স্ফটিক, এবং পার্ট-মেন্টের ন্যায় দৃঢ় । বিশেষতঃ রাজকীয় পত্রাদি লিখিবার জন্য যে কাগজ প্রস্তুত হইয়া থাকে, তাহা স্বর্ণপুষ্পে স্ফোভিত এবং দেখিতে অতি রমণীয় । এখানকার কলমদানির কস্ম (ইংরাজীতে পেপিয়ার-মেসি কহে) অর্থাৎ কাগজের কলমদান, বাঙ্গ, খালা, রেকাবি প্রভৃতি যে সমুদয় প্রস্তুত হয়, তাহা অতি প্রশংসনীয় । স্বর্ণ রৌপ্যের অলঙ্কারাদির নিৰ্ম্মাণ-

কৌশলও নিন্দনীয় নহে। পরন্তু ইহাদিগকে যে প্রকার নমুনা দেখান যায়, তাহা অবিকল প্রস্তুত করিতে পারে।

[ভাষা] এখানকার প্রকৃত ভাষার নাম “কাশুর”। ইহা সংস্কৃতের অপভ্রংশ, কিন্তু এ ভাষায় কোনো পুস্তক লেখা দেখা যায় না এবং লিখিবারও উপায় দেখি না। কারণ, শব্দগুলি উচ্চারণানুরূপ লিপিবদ্ধ করিবার কোনো অক্ষর নাই। দেবনাগরের অপভ্রংশ সারদা অক্ষর, যাহা সংস্কৃত ভাষার পুস্তক লিখিতে ব্যবহৃত হয়, তাহার বর্ণমালায় অনেক গুলি কাশুর উচ্চারণ লিপিবদ্ধ করা যাইতে পারে। কিন্তু অনেক গুলি বিলক্ষণ বর্ণ আছে, যাহার অনুরূপ অক্ষর দেবনাগর বর্ণমালায় নাই। আমাদের বাঙ্গালা ভাষার সহিত ইহার অনেক সাদৃশ্য আছে। কাশ্মীরীরা যে ভাষায় কথাবার্তা কহিয়া থাকে, উহা নানাবিধ ভাষা হইতে সংগৃহীত হইয়াছে। জন্মকারী ভিগ্নি সাহেব লিখিয়াছেন, ইহাদের ভাষার একশত শব্দের মধ্যে ২৫ সংস্কৃত; ৪০ পারসীক; ১৫ হিন্দুস্থানী; ১০ আরবীয় এবং কতিপয় সংখ্যক তিব্বতীয় বা পাহাড়ী। কিন্তু বোধ হয়, ইহারায় সংস্কৃত শব্দ সর্বাপেক্ষা অধিক ব্যবহার করে। একারণ, ইহাদের কথোপকথন কালে বাঙ্গালা শব্দের ধ্বনি শুনা গিয়া থাকে। প্রভূত, “বুঝ্” (বুঝিয়াছ) ‘বুঝ্ কিমা’ (বুঝ্ লে কিনা) ‘ভুলো’ (উত্তোলন কর) প্রভৃতি শত শত বাঙ্গালা কথা প্রায় অবিকল ব্যবহৃত হয়। ইহাদের কথোপকথনের বিশেষ প্রকৃতি এই, যে, ইহারায় অনেক বাক্য ও পদের প্রথমে “দপাঙ্ক” অর্থাৎ “বলিতেছি” বা “বলিতেছেন” এবং অনেক ক্রিয়া পদের অন্তে “চ” ব্যবহার করে। লোকের প্রকৃতি নত্র, কথাও মিষ্ট।

[শিক্ষা] রাজকীয় ও বৈষয়িক সমুদয় কার্য্য পারসীক

ভাষায় সম্পন্ন হয় বলিয়া এখানকার লোকে পারসীক ভাষা শিক্ষা করিয়া থাকে। এতদ্ভিন্ন পণ্ডিত (হিন্দু কাশ্মীরী)দিগের দ্বারা অনেকে সংস্কৃত অধ্যয়ন করে। ইহাদের অনেকে স্তম্ভপণ্ডিত। বিশেষতঃ কেহ কেহ জ্যোতিষ শাস্ত্রে এবং গ্রহাদির ফলাফল নিরূপণ করিতে অতি নিপুণ। পরন্তু অতি প্রাচীন কালে কাশ্মীর যে সংস্কৃত বিদ্যালয়শীলনের জন্য অতি প্রসিদ্ধ ছিল, মুসলমান শাসনকর্ত্তাদিগের অত্যাচারে তাহা লোপ হইয়া আসিতেছিল। এক্ষণে হিন্দু-নরেশ্বর তাহাকে পুনর্জীবিত করিতে চেষ্টা করিতেছেন। এখানে মহারাজার স্থাপিত সংস্কৃত ও পারসিক পাঠশালা আছে এবং বোধ হয়, অনতিবিলম্বে ইংরাজী বিদ্যালয় প্রতিষ্ঠিত হইবে।

[ধর্ম] এখানকার প্রায় সমুদয় হিন্দু শাক্ত এবং প্রায় সকলেই রীতিমত পূজা পাঠাদি করিয়া থাকে। স্নান ও পূজাদি করুক বা নাই করুক, হিন্দু মাত্রেই (বালক ও স্ত্রীলোক পর্যন্ত) প্রাতঃকালে শয্যা হইতে গাত্রোত্থান পূর্বক হিন্দুতার চিহ্ন স্বরূপ ললাটেদেশে জাফ্রানের দীর্ঘ ও স্থূল তিলক অঙ্কিত করে। এই তিলক এক সূর্য্যোদয়ে সেবিত হয় এবং অপর সূর্য্যোদয়ে অপনীত হইয়া তৎস্থানে আর একটী সন্নিবেশিত হইয়া থাকে। একারণ, ইহাদের ললাটে স্তদীর্ঘ দাগ স্পর্শ দেখিতে পাওয়া যায়।

মুসলমানেরা সূন্নি ও সিয়া ছুই অংশে বিভক্ত। তন্মধ্যে সূন্নিদিগের সংখ্যা বহু পরিমাণে অধিক। এই ছুই ভিন্ন ভিন্ন মতাবলম্বী লোকদিগের ধর্মবিদ্বেষ অতি গুরুতর ও ভয়ানক। ইং সন ১৮৭২ খৃষ্টাব্দের শেষার্ধ্বে কোনো মস-

জিদের প্রাচীর লইয়া এই দুই দলে বিবাদ হয়। এই সূত্রে সহস্র সহস্র স্তম্ভ একত্র হইয়া অপর পক্ষের ঘরদ্বারে অগ্নি প্রয়োগ, দ্রব্যাদি লুণ্ঠন, কুমারী ও যুবতীদিগের সতীত্ব নাশ, রাজ্যের শান্তিলোপ প্রভৃতি যে সমুদয় ভয়াবহ ও হৃদয়বিদারক অত্যাচার করিয়াছিল, তাহা স্মরণ হইলে ও হৃৎকম্প উপস্থিত হয়। মহারাজার বুদ্ধিচাতুর্য্যে এবং শাসনকেশলে সে বিপ্লব অনতিবিলম্বে শান্ত হইয়া যায় এবং অপরাধীরা বথোচিত শাস্তি পায় এবং কেবল ইহাঁরই শাসনভয়ে হুঁদাস্ত মহম্মদারেরা ধর্ম্মবিদ্বেষ-জনিত ছুরভীক্ট সাধন করিতে পারে না। নচেৎ, স্বেযোগপাইলে ইহাদের নৃশংস ব্যবহারের ইয়ত্তা থাকিত না।

[শাসন-প্রণালী] অতি প্রাচীনকালাবধি কাশ্মীর বিদে-
শীয় হিন্দু এবং মুসলমান নরপতিদিগের শাসনাধীন ছিল।
পরে ইং ১৮১৯ খৃষ্টাব্দে পঞ্জাব নরেশ্বর একাঙ্ক সিংহ মহা-
রাজা রণজিৎ সিংহ কাবুলাধিপতি আশ্মীর দোস্ত মহম্মদের
ভ্রাতা নবাব জুবরখাঁকে পরাজিত করিয়া ইহাঁ আপন রাজ্যাস্ত-
গত করেন। তাঁহার পরলোক প্রাপ্তির পর ইং ১৮৪৬ খৃষ্টাব্দে,
যৎকালে ইংরাজ রাজপুরুষেরা পঞ্জাব অধিকার করেন, তখন
মহারাজা রণজিৎ সিংহের অন্যতর মন্ত্রী মহারাজা গোলাব
সিংহ তাঁহাদিগকে অশেষ প্রকারে সাহায্য করিয়াছিলেন।
এমন কি, ইনি উহাঁদিগের পক্ষ অবলম্বন না করিলে তাঁহাদি-
গের জয়লাভ করা দুর্ূহ হইয়া উঠিত। একেতো, সমুদয় পঞ্জাব
ও ইহাঁর অধীনস্থ কাশ্মীর প্রভৃতি স্ববিস্তৃত ভূভাগ এক কালে
শাসনাধীন করা কঠিন ব্যাপার, তাহাতে আবার মহারাজা
গোলাব সিংহকে কৃতজ্ঞতাব নিদর্শন দেখানো উচিত। এই

বিধায়ে স্বেচ্ছতর রাজনীতিকুশল শ্বেতকায় পুরুষেরা মহারাজা গোলাব সিংহের সহিত উক্ত খৃষ্টাব্দের ১৬ই মার্চ তারিখে এক সন্ধি স্থাপন করেন। এবং তাঁহার নিকট হইতে ৭৫ লক্ষ টাকা (মূল্য স্বরূপ) লইয়া তাঁহাকে কাশ্মীর ও জম্মু দান করিলেন। এই সন্ধিপত্রে ইহাও ধার্য হইল, যে, কাশ্মীর ও জম্মু অধিপতি ইংরাজদিগকে প্রতি বৎসর কেবল এক গুট্ অর্থাৎ পার্বতীয় অশ্ব ; ১২টী শাল ছাগল (৬ পুং এবং ৬ স্ত্রী) এবং তিনযোড়া উৎকৃষ্ট শাল কর স্বরূপ প্রদান করিয়া সম্পূর্ণ স্বাধীনতা সহকারে রাজত্ব করিতে পাইবেন।

মহা প্রতাপশালী রাজা গোলাব সিংহ নিজ ভুজবলে ও সুবিজ্ঞ দেওয়ান জোয়ালা সাহার বিচক্ষণতা ও রাজনীতিকুশলতার সাহায্যে কাশ্মীর ও জম্মু সুপ্রণালীক্রমে শাসন করেন। ইহার শাসনকালে রাজ্যে দস্যু ও চোর-ভয়ের লেশমাত্রও ছিল না এবং অদ্যাপি তদ্রূপই হইয়া আসিতেছে। পূর্ব পূর্ব নরপতিদিগের দৌরাভ্যে ও গীড়নে প্রজারা মৃতপ্রায় হইয়াছিল। স্বহস্তে মহারাজা গোলাব সিংহের কোমল ও ন্যায়পরায়ণ শাসনে মৃতদেহে জীবন প্রাপ্ত হইল। প্রত্যুত, গোলাব সিংহ গোলাপ পুষ্পের ন্যায় বিকসিত হইয়া সৌরভ বিস্তার করত রাজত্ব করিয়া গিয়াছেন। ইং ১৮৫৭ খৃষ্টাব্দের আগষ্ট মাসে তিনি পরলোক গমন করেন। মৃত্যুর কিছুকাল পূর্বে তিনি স্বীয় মন্ত্রীকে কহিয়াছিলেন, যে, “ঈশ্বর এমন সময়ে আমাকে কাশ্মীর দিলেন, যখন জরা আক্রমণ করিয়াছে। ১৭২১ আমি ইহার এক এক খণ্ড প্রস্তর এবং এক একটা দুর্বাদলের উপর পাদবিক্ষেপ করিতাম।”

মহারাজা গোলাব সিংহ জীবদ্দশায় অর্থাৎ ১৮৫৫ খৃষ্টা-

কের মার্চ মাসে আপন পুত্র মহারাজা রণবীর সিংহকে যৌব-
রাজ্যে অভিষিক্ত করেন। এক্ষণে ইহাঁর বয়ঃক্রম ৪৮ বৎসর।
সিপাহী বিদ্রোহকালে ইনি বহুসংখ্যক সেনা দিল্লীতে প্রেরণ
করেন এবং তদনন্তর ইংরাজ দিগকে অশেষ প্রকারে সাহায্য
করিয়া আসিতেছেন। একারণ মহারাণী ভিক্টোরিয়া প্রীতিসহু-
কারে ইহাঁকে নাইট উপাধি প্রদান করিয়াছেন। ইহাঁর চারি
পুত্র। জ্যেষ্ঠের নাম মিয়া প্রতাপ সিংহ, মধ্যম মিয়া রাম-
সিংহ, তৃতীয় মিয়া অমর সিংহ এবং কনিষ্ঠ মিয়া লক্ষ্মণ সিংহ।
জ্যেষ্ঠ রাজপুত্র খৃ ১৮৫০, দ্বিতীয় ১৮৬৩, তৃতীয় ১৮৬৫
খৃষ্টাব্দে জন্ম গ্রহণ করেন। কনিষ্ঠ এক্ষণে তিন বৎসর মাত্র।

ইহাঁরা সূর্য্যবংশীয়। মহারাজা রণবীর সিংহ পিতৃ-মন্ত্রী
দেওয়ান জোয়ালা সাহা এবং তৎপুত্র দেওয়ান কৃপারামের
অসীম বুদ্ধি, কার্য্যদক্ষতা এবং বিচক্ষণতা বলে স্বরাজ্য গৌরব-
সহকারে শাসন করিতেছেন। জম্মু নগর ইহাঁর রাজধানী।
তথায় মহারাজা বাস করেন এবং প্রায় প্রতি বৎসর গ্রীষ্ম
কালে কাশ্মীরে গমন করিয়া থাকেন।

কাশ্মীরে হিন্দুধর্ম্ম মূর্ত্তিমতী। জম্মুতে রঘুনাথজীর এবং
কাশ্মীরে গদাধর দেবের স্বর্ণমণ্ডিত মন্দিরে চারি বেদ অহর্নিশি
পাঠ হইয়া থাকে। হিন্দুমাত্র সকলকেই অতি প্রত্যাশে শয্যা
হইতে গাত্রোপান পূর্ব্বক যথারীতি স্নানপূজাদি করিতে হয়—
কাহারো লৌকিক আচার ব্যবহার অথবা আহাৰাদি ধর্ম্মবিরুদ্ধ
হইলে রাজদ্বারে যৎপরোনাস্তি দণ্ড হইয়া থাকে। গোহত্যা,
স্বরাপান ও জুয়াখেলা এই তিন মহাপাতকের নাম মাত্রও
নাই। কাশ্মীরীরা পুরাকালাবধি স্ব স্ব ভবনে আঙ্গুর এবং

আপেলের সুরা প্রস্তুত করিয়া পান করিত । কিন্তু মহারাজা এক্ষণে উহা রহিত করিয়াছেন এবং যদি কেহ কখনো পান করে, তাহা হইলে তাহাকে সপরিবারে অশেষ অপমানিত করিয়া রাজ্য হইতে বহিষ্কৃত করিয়া দেন । ক্রীনগরে ইংরাজদিগের আহারোপযোগী দ্রব্যাদি বিক্রয়ার্থ ছুই তিন খান দোকান আছে ; তাহারা মদ বিক্রয় করিয়া থাকে । কিন্তু ইংরাজ ভিন্ন কোনো প্রজাকে অথবা ভারতবর্ষীয় কোনো লোককে তাহারা মদ বিক্রয় করিতে পারে না ।

এখানে বিচারকার্য হিন্দুশাস্ত্র সম্মতিক্রমে সম্পাদিত হইয়া থাকে । অধুনা মহারাজার আদেশ মতে বাবু নীলাম্বর মুখোপাধ্যায় হিন্দুদিগের ব্যবস্থাশাস্ত্র, মুসলমানদিগের কোরাণ এবং ইংরাজদিগের পিনালকোড ঐক্য করিয়া এক নূতন নিয়মাবলী প্রস্তুত করিয়াছেন । কিছু দিন তদ্বারাই দণ্ডবিধি হইয়া আসিতেছে । কোনো অপরাধী প্রাণবধ (ফাঁসি) দণ্ডই হইলে মহারাজা ব্রিটিস গবর্নমেন্টের অবিদিতে ও অননুমোদনে স্বয়ং স্বাধীনতা বলে বধ-কার্য করিতে পারেন ।

যাহাতে রাজ্য মধ্যে অজ্ঞানান্ধকার দূরীভূত হইয়া জ্ঞানালোক সম্যক্রূপে প্রদীপ্ত হয়, মহারাজা তৎপ্রতি বিশেষ মনোযোগী আছেন । দূরদেশ হইতে কোনো সুপণ্ডিত আসিলে তাঁহার যথেষ্ট সমাদর করেন, আপন সভাসদ পণ্ডিতদিগের সহিত তর্কবিতর্ক করাইয়া তাঁহার বিদ্যার পরিচয় লরেন এবং গুণের পুরস্কার স্বরূপ যথোচিত রত্নাদি প্রদান পূর্বক বিদায় করেন । কাশ্মীরে সংস্কৃত ও পারস্য বিদ্যালয়ের জন্য এবং জম্মুতে সংস্কৃত, পারস্য ও ইংরাজী বিদ্যালয়ের জন্য

বার্ষিক ত্রিশ সহস্র মুদ্রা ব্যয় (কেবলমাত্র—শিক্ষকদিগের বেতন ও ছাত্রবৃত্তি) স্বাক্ষর করিয়াছেন। বিদ্যার্থী বালকেরা অবস্থানুসারে কেহ কেহ মাসিক দশ মুদ্রা করিয়া ছাত্রবৃত্তি পাইয়া থাকে এবং অধিকাংশ প্রাত্যহিক প্রস্তুত অন্ন ব্যঞ্জন, আবশ্যকীয় পরিচ্ছদ, পাঠ্য পুস্তক এবং বাসগৃহ পাইয়া থাকে। বিদ্যালয়ের শিক্ষকতা কার্য ও রাজকীয় প্রধান প্রধান কার্য সম্পাদনার্থ কলিকাতা প্রভৃতি দূরদেশ হইতে উপযুক্ত সিনিয়র ছাত্র আনীত হইতেছেন। এবং বাহাতে ইংরাজ রাজ্যের ন্যায় সুপ্রণালীক্রমে সমুদায় রাজকার্য সম্পাদিত হয়, তদ্বিষয়ে মহারাজ ঐকান্তিক চেষ্টা করিতেছেন। অপর, স্বরাজ্যে বিশ্ববিদ্যালয় ও পুস্তকালয় প্রতিষ্ঠিত করিবার জন্য সর্বপ্রকার বিদ্যার পুস্তক সংগ্রহ করিতেছেন এবং তৎসমুদায় সরল সংস্কৃত, হিন্দী এবং উর্দু ভাষায় অনুবাদ করাইতেছেন। এই অনুবাদ বিভাগ একটা স্বতন্ত্র সমাজরূপে প্রতিষ্ঠিত হইয়াছে এবং এতৎসম্বন্ধে প্রতি বৎসর বিপুল অর্থ ব্যয় হইতেছে।

মহারাজার দান ও অতি প্রশংসনীয়। প্রাত্যহিক স্বস্ত্যয়ন ও গ্রহপূজা; প্রতি শনিবারে শনৈশ্চর দেবের পূজা; মধ্যে মধ্যে কালপুরুষ প্রভৃতি কুগ্রহের পূজা। অমাবস্যা, পৌর্ণমাসী, সংক্রান্তি, গ্রহণ প্রভৃতি উপলক্ষে বিপুল অর্থ দীন হীন অনাথদিগকে দান জন্য মহারাজাব বার্ষিক তিন লক্ষ এবং রাজপুত্রদিগের প্রত্যেকের লক্ষ মুদ্রা স্থিরীকৃত আছে। অপর, স্বরাজ্যস্থ হউক, বা বিদেশস্থ হউক, কোনো বিপদগ্রস্ত আগন্তুক ব্যক্তি স্বীয় প্রকৃত বিপদ জানাইলে মহারাজ মুক্ত হস্তে অর্থে সামর্থ্যে তাহার বিপদোদ্ধার করেন। এতদ্ব্যতীত, সময়ে

সময়ে ভারতবর্ষীয় অথবা ইংলণ্ডীয় কোনো উৎসব উপলক্ষে অথবা কোনো কল্যাণক্রমে বিপুল বিভ্র ব্যয় করিয়া থাকেন ।

রাজস্ব ও পণ্যজাত দ্রব্যাদির কর প্রভৃতি সমুদায়ে মহারাজার বার্ষিক আয় অনুমান এক কোটি মুদ্রা এবং প্রায় তৎসমুদয়ই ব্যয় হইয়া থাকে । অধুনা শাল হইতে দশ লক্ষ টাকা উৎপন্ন হইতেছে । পূর্বে শালের কর অধিক ছিল বলিয়া তদপেক্ষা অধিক টাকা সংগৃহীত হইত । কিন্তু উহা প্রজাপীড়ক ছিল—তন্তুবায়েরা অতি কষ্টে প্রদান করিত । একারণ, মহারাজা নিজ কোষের হ্রাসতা করিয়াও অনেক পরিমাণে উহার লাঘব করিয়াছেন । পূর্বে ভূমি মাত্রই রাজসম্পত্তি ছিল ; কোনো ভূমির নির্দিষ্ট রাজস্ব ছিল না । কৃষিকার্যের সময়ে কৃষকদিগকে উহা বিভাগ করিয়া দেওয়া হইত এবং শস্যোৎপাদন হইলে কেবলমাত্র তাহাদিগের ভরণপোষণোপযোগী শস্য প্রদান পূর্বক অবশিষ্ট সমুদয় রাজকোষে সঞ্চিত হইত এবং প্রজাদিগের আবশ্যিক মত নরপতি স্বয়ং শস্য বিক্রয় করিতেন । স্ততরাং, পাঠকগণ বিবেচনা করিয়া দেখুন, এই রীতি কতদূর পর্য্যন্ত প্রজাশোণিতশোষণক, নৃশংস এবং দৌরাভ্যাশ্রয়ক ছিল । কিন্তু করুণহৃদয় বর্তমান নরেশ্বর উহা সমূলে উচ্ছেদ করিয়া তৎপরিবর্তে অতি লঘু পরিমাণে ভূমির কর নির্দেশ পূর্বক কৃষকদিগকে বণ্টন করিয়া দিয়াছেন । কয়েক বৎসর অতীত হইল, কাশ্মীরে প্রজাদিগের নিকটে রাজস্ব হিসাবে ন্যূনাধিক দ্বাবিংশতি লক্ষ মুদ্রা অনাদায়ী ছিল । বিশেষ পীড়ন না করিলে সে সমুদয় আদায় হইবার সম্ভাবনা ছিল না । কিন্তু মহারাজা উহার স্বত্ব ত্যাগ করিয়া-

ছেন এবং যাহাতে বর্ষে বর্ষে রাজস্ব আদায় হয়, তাহার বন্দোবস্ত করিয়া দিয়াছেন। এইরূপে প্রজাগণের সুখোদ্দেশে ইনি অনেক অনেক বিষয়ের কলের লাঘব করিয়াছেন এবং যাহাতে কোনো কোনো বিষয় হইতে অধিক রাজস্ব উৎপন্ন হয়, তাহার উপায় অবলম্বন করিতেছেন। এতাবৎকাল রেসম হইতে দশ সহস্র টাকা আয় হইত; কিন্তু বিজ্ঞবর নীলাম্বর বাবু এখানকার অসংখ্য তুঁতবৃক্ষ এবং স্থলভ গুটিপোকা দেখিয়া মহারাজার নিকটে আবেদন করেন, যে, সূচারূপে বর্ধিত হইলে রেসম হইতে দশ সহস্রের পরিবর্তে ছয় লক্ষ মুদ্রা উৎপন্ন হইবার সম্ভাবনা। মহারাজা এই বাক্যে অনুমোদন করাতে তিনি বাঙ্গালা দেশ হইতে কতিপয় সুশিক্ষিত তন্তুবায় আনা ইয়া রেসমের কার্য বিস্তৃত করিয়াছেন। বোধ হয়, তাহার আশা ফলবতী হইবে।

মহারাজার চল্লিশ সহস্র সুশিক্ষিত সৈন্য আছে। রঘুনাথজী প্রভৃতি দেবতাদিগের নামানুসারে সম্প্রদায় সমুদায়ের নামকরণ হইয়াছে এবং ভিন্ন ভিন্ন সম্প্রদায়ের ভিন্ন ভিন্ন পরিচ্ছদ—সে সমুদয় অতি উৎকৃষ্ট। সৈন্যদিগের অধিকাংশ ডোগ্রা অর্থাৎ জম্মু ও তৎসম্মিধি স্থানবাসী। এতদ্ব্যতীত, অনেক হিন্দুসিপাহী এবং কাশ্মীর প্রদেশের উত্তরভাগস্থ গিলগিৎ প্রভৃতি স্থানবাসী আছে। প্রায় সকল সেনানায়ক ডোগ্রা। কাশ্মীরে কর্ণেল গার্ডনার নামক এক জন ইউরোপীয় (বোধ হয়, ইটালী দেশীয় হইবেক) মহারাজা গোলাপ সিংহ কর্তৃক সৈন্যাধ্যক্ষ পদে অভিষিক্ত আছেন এবং সম্প্রতি ইউরোপীয় তুরক্ষ দেশীয় এক জন দূতকায়, বলিষ্ঠ ও কন্দাক্ষ কন্দাচারী

এক সম্প্রদায়ের অধ্যক্ষ পদে নিযুক্ত হইয়াছেন । অধুনা মহারাজা ডোগ্রা সম্ভ্রান্ত ব্যক্তিদিগের সম্ভ্রানের এক নূতন সম্প্রদায় প্রস্তুত করিতেছেন । উহারা শিক্ষিত হইলে মহারাজার শরীর রক্ষক হইবে । সৈন্যাগণ ইতিপূর্বে ইংরাজী শব্দে শিক্ষিত হইত । কিন্তু অধুনা তৎসমুদয় সংস্কৃত ভাষায় অনুবাদিত হইয়াছে যথা, “ স্কন্ধে যন্ত্রম্ ” “ দক্ষিণে চক্রম্ ” ইত্যাদি ।

মহারাজা সুবিখ্যাত আলফ্রেড নরপতির ন্যায় দিন-রাত্রিকে নানাভাগে বিভক্ত করিয়া স্বীয় নিত্য নৈমিত্তিক কর্ম্মের নিয়মাবলী প্রস্তুত করিয়াছেন । নিতান্ত শরীর অসুস্থ অথবা কোনো দৈব দুর্ঘটনা উপস্থিত না হইলে উহা উল্লঙ্ঘন করেন না—নচেৎ প্রত্যহ তৎসমুদয় স্পর্শাকরে প্রতিপালন করিয়া থাকেন । প্রত্যুষে শয্যা হইতে গাত্রোথান করিয়া প্রাতঃক্রিয়াদি সমাপন পূর্বক ঈশ্বরোপাসনায় মনোনিবেশ করেন । যৎকালে মৃগ বা ব্যাত্র চন্দ্রাসনে উপবিষ্ট হইয়া ভক্তি সহকারে পূজা করিতে থাকেন, তখন ইহাঁকে দর্শন করিলে ভক্তিরসের উদয় হয় । পূজাকালে শ্রীমদ্ভাগবৎ অথবা পুরাণাদি পাঠ শ্রবণ করেন এবং কৃতবিদ্য পণ্ডিত মণ্ডলীতে মণ্ডিত হইয়া ধর্ম্মালোচনা ও শাস্ত্রানুশীলন করিতে থাকেন । পণ্ডিতদিগকে যেরূপ জটিল প্রশ্ন করেন; প্রাপ্ত উত্তরের যৌক্তিকতা ও অযৌক্তিকতা যেরূপ প্রতিপন্ন করেন, তাঁহাদিগের পরস্পরের মতভেদ হইলে যেরূপ ন্যায়পরায়ণ মধ্যস্থ হইয়া মীমাংসা করিয়া দেন, তাহাতে তাঁহার সুশিক্ষা, অসীম বহুদর্শিতা এবং অসাধারণ ধীশক্তির ভূয়সী প্রশংসা করিতে হয় । অধিক-

তর প্রতিষ্ঠার বিষয় এই, যে, পাছে প্রত্যক্ষ দেবতাস্বরূপ রাজ্যেশ্বরের মতের বিরুদ্ধে কেহ কোনো কথা কহিতে সাহসী না হয়, এ কারণ মহারাজা ভূয়োভূয়ঃ সকলকেই আপনাপন অভিপ্রায় অকুতোভয়ে প্রকাশ করিতে উত্তেজনা করেন এবং স্বপক্ষ, যত কেন প্রিয় ও বিশ্বাসস্থল হউক না, ভ্রাস্ত্রিমূলক প্রমাণীকৃত হইলে প্রীতি-প্রফুল্লমনে তাহা পরিত্যাগ পূর্বক প্রকৃতপক্ষ অবলম্বন করেন।

যৎকালে মহারাজা পূজা করিতে থাকেন, তখন ধীমান জ্যেষ্ঠ রাজপুত্র স্নান, দান, পূজা প্রভৃতি প্রাতঃক্রিয়া সমাপন পূর্বক সচিবপ্রধান দেওয়ান জোয়াল সাহার সহিত বহুসংখ্যক সভাসদ্বর্গে পরিবেষ্টিত হইয়া “দেওয়ান খানায়” উপবিষ্ট হইয়েন এবং রাজ্যসংক্রান্ত ক্ষুদ্র ক্ষুদ্র কার্য সমাধা করেন।

পরে নবম ঘটিকাকালে মহারাজা পূজা ও প্রাত্যহিক দান সমাপন করিয়া দরবারে আইসেন। চোপনারেরা অগ্রবর্তী হইয়া মহারাজের আগমন ঘোষণা করিতে থাকে। এই দরবারকে “খাস্দরবার” অর্থাৎ অপ্রকাশ্য রাজসভা কহে। ইহাতে কেবলমাত্র জ্যেষ্ঠ রাজপুত্র, মন্ত্রীদ্বয় এবং তদ্বংশজাত সূদক্ষ কর্মচারীরা উপস্থিত থাকেন। ইহাতে রাজ্য-সংক্রান্ত গুহ্য বিষয়াদির পরামর্শ হয়; কি লঘু, কি গুরু সমুদয় রাজ-কার্যের তত্ত্বাবধারণ হয়; প্রচলিত নিয়মাদি সংশোধন আবশ্যক হইলে পরিবর্তন হয়; রাজ্যের শ্রীবৃদ্ধি সাধন ও প্রজাগণের সুখোন্নতি উদ্দেশে কল্যাণময় ব্রতসকল স্থিরীকৃত হয়; এবং প্রয়োজনমতে প্রধান প্রধান কর্মচারীরা আহূত হইয়া তাহাদিগের ভারার্পিত কর্মের পর্য্যালোচনা হইয়া থাকে।

এতদ্ব্যতীত, নির্দিষ্ট দিবসে মহারাজা স্বয়ং সৈন্য-সংক্রান্ত ও গুরুতর দেওয়ানী ও ফৌজদারী সম্বন্ধীয় অভিযোগ প্রভৃতি বিশেষ বিশেষ বিভাগের কার্য পর্যবেক্ষণ করেন।

পাঠকবর্গের গোচরার্থে এস্থলে উল্লেখ করা উচিত, যে, জম্মাষ্টমী, বিজয়দশমী, রামনবমী প্রভৃতি কয়েক মহোৎসবে মহারাজা বহুমূল্য রত্নালঙ্কারে শোভিত হইয়া সভাসীন হইয়েন। নচেৎ প্রাত্যহিক দরবারে ঋতু উপযোগী সাধারণ পরিচ্ছদ এবং ক্ষত্রিয় জীবনসর্বস্ব তরবারি ভিন্ন কোনো প্রকার অলঙ্কার ধারণ করেন না। মহারাজা সভাসীন হইলে রাজকর্ম-চারী মাত্রেই দ্বারদেশে উপস্থিত হইয়া “জয় দেব মহারাজ” শব্দে বন্দনা করতঃ রাজসাক্ষাৎকার লাভ করিতে পারে। বিদেশীয় সম্ভ্রান্ত আগন্তুকেরা এই প্রাতঃকালীন দরবারে মন্ত্রীদিগের সাহায্যে রাজসদনে উপনীত হইয়া থাকেন। পরে বেলা একাদশ ঘটিকাকালে সভা ভঙ্গ হয় এবং চোপদারেরা সভাভঙ্গনূচক ধ্বনি প্রকাশ করিতে থাকে। *

বেলা অপরাহ্ন চতুর্থ ঘটিকাকালে জ্যেষ্ঠ রাজপুত্র প্রাড়্বিবাকদিগের সহিত “মণ্ডী” অর্থাৎ রাজবাটীর বহির্দেশস্থ মধ্যস্থলবর্তী প্রকাশ্য সভামণ্ডপে অধিবেশন পূর্বক নিরাশ্রয় অনাথদিগের মর্শ্ববেদনার আবেদন শ্রবণ এবং তৎপ্রতীকারের আদেশ প্রচার করেন।

সূর্যাস্তের প্রাকালে মহারাজা অশ্বারোহণ পূর্বক নগর

* ইহা এবং পরবর্তী বর্ণনা জম্মুরাজধানী আদর্শ করিয়া লিখিত হইল। মহারাজা কাশ্মীরে প্রায় মৌকাযানে সন্ধ্যাসমীরণ সেবন এবং নগর পর্যবেক্ষণ করিয়া থাকেন। সেখানে কোনো হস্তী নাই।

পর্যবেক্ষণ করিতে গমন করেন। সম্মুখে অস্ত্রধারী শরীর-রক্ষকেরা ধাবিত হইতেছে, উঠেঃশ্রবা সদৃশ ঘোটক-পৃষ্ঠে মহারাজা উপবিষ্ট হইয়া একতান নয়নে চারিদিক্ নিরীক্ষণ করিতেছেন, রাজপুত্রেরা ও পারিষদ্বর্গ অদীর্ঘ শ্রেণীবদ্ধ হইয়া পশ্চাদ্গমন করিতেছে, পশ্চাতে দুই বা চারি মাতঙ্গ স্তম্ভজিত হইয়া গর্ভসহকারে যুদ্ধ যুদ্ধ পাদবিক্ষেপ করিতেছে, অশ্বের হ্রেয়ারবে ও পদশব্দে দিগ্‌মণ্ডল প্রতিধ্বনিত হইতেছে, নগরী সহস্র মুখ ধারণ করতঃ “মহারাজ জয় দেব” শব্দে বন্দনা করিতেছে—দেখিলে নরেশ্বরের প্রতাপে বিমোহিত হইতে হয়! প্রতি রবিবারের সায়ংকালে সেনা-প্রদর্শন হইয়া থাকে। মহারাজা স্বয়ং উপস্থিত থাকিয়া সৈন্যদিগের শিক্ষার পরীক্ষা লয়েন।

বিভাবরী সমাগত হইলে মহারাজা প্রত্যাগমন পূর্বক দরবারে আসীন হয়েন। কোনো গুহ্য পরামর্শের আবশ্যকতা থাকিলে মন্ত্রীবর্গের সহিত নিভৃত স্থানে উপবেশন করেন। ইহাকে “কিনারা” বা “গোসা” (কর্ণ) কহে। পরে “আম-দরবার” অর্থাৎ প্রকাশ্য রাজসভা আরম্ভ হয়। ইহাতে প্রধান প্রধান রাজ কর্মচারী মাত্রেই উপস্থিত হয়েন। ইহাতে প্রাতঃকালীন দরবারের ন্যায় রাজ্যের হিতৈষিণী ও উৎকর্ষসাধিনী মন্ত্রণা অবলম্বিত, সমুদয় বিভাগের কার্য্য পুঙ্খানুপুঙ্খরূপে পর্য্যালোচিত, বিদ্যা ও ধর্ম্মবিষয়িণী তত্ত্ব বিঃ-ণ্ডিত হইয়া থাকে। মহারাজা সাধারণ বিষয়াদি সম্বন্ধে যেরূপ নীতিগর্ভ কথোপকথন, রাজ্যশাসন সম্পর্কে যেরূপ সদভি-প্রায় প্রকাশ এবং রাজা ও প্রজার পরম্পর পিতাপুত্র সম্ব-

স্বীয় কর্তব্য বিষয়ে যেরূপ বক্তৃতা করেন, তাহাতে ইহাঁর অসাধারণ অভিজ্ঞতা, অনুপম প্রজাবৎসল্য, স্বকীয় গরিষ্ঠ পদের যোগ্যতা, অসীম দয়া, দাক্ষিণ্য, উদারতা ও মহান্‌চিন্তের সহস্র সহস্র নিদর্শন দর্শনে বিমোহিত ও ভুক্তিমান হইতে হয় । রাত্রি নবম ঘটিকাকালে রাজসভা ভঙ্গ হইয়া থাকে ।

প্রত্যুত, মহারাণী রণবীর সিংহ, কে, জি, সি, এস, আই, যেরূপ শাস্ত্রমূর্তি, বীরপ্রকৃতি, সংকর্ষশীল, সাধুচরিত্র, উদার-চিত্ত, ধর্মভীত, বদাণ্ড, নিরহঙ্কার, প্রজাবৎসল, গুণগ্রাহক, অতুল-বুদ্ধিসম্পন্ন এবং সর্বগুণাঘিত, তাহাতে ইহাঁকে দেব-তুল্য বলিয়া প্রতীয়মান হয় । যিনি ইহাঁর দর্শন লাভ করিয়াছেন, তিনিই মুক্তকণ্ঠে স্বীকার করিবেন, যে, ইহাঁর সৌম্যমূর্তিতে রাজচক্রবর্তী-লক্ষণ-সংযুক্ত রমণীয় প্রভা স্পষ্ট লক্ষিত হইয়া থাকে । ইনি যেরূপ অতুল বিভবশালী, সম্যক্‌ প্রকারে স্বাধীন এবং দোদীপ্ত প্রতাপাঘিত নরেশ্বর, তাহাতে যে ইহাঁর চরিত্র দোষশূন্য হইয়া সর্বগুণের আকর হইয়াছে, ইহা অতি প্রশংসনীয় । অপিচ, স্বর্গ যাঁহার রাজ্য, অমরাপুরী যাঁহার বাসস্থান, এবং নন্দনকানন যাঁহার ক্রীড়ার উপবন, তিনি যে কোনো প্রকার ইন্দ্রিয় দোষে দূষিত নহেন, ইহা যেমন অনুমোদনীয়, তেমনি আশ্চর্যের বিষয় । ইনি রাজনীতিতে বিচক্ষণ সচিবদ্বয়ের সত্বপদেশে যেরূপ সুপ্রণালীক্রমে রাজ্য শাসন করিতেছেন—প্রজাদিগের হিতসাধন উদ্দেশে যে সাধারণ সুনিয়ম প্রচার ও মহদনুষ্ঠান করিতেছেন—তাহাদিগের সুখসমৃদ্ধি বৃদ্ধি করিবার জন্য স্নেহময় পিতার ন্যায় যেরূপ সর্করণহস্তে পালন করিতে-

ছেন—স্বরাজ্যের স্ত্রীস্বদ্ধি করিবার জন্য যেরূপ একাগ্রচিত্ত ও তৎপর আছেন এবং বিদেশীয় বা বিজাতীয় জন সমূহের পক্ষে যেরূপ সহৃদয় ও কৃপালু, তাহাতে ইহাঁর রাজ্য “রামরাজ্য” বলিয়া স্বীকার করিতে হইবে। ভারতবর্ষীয় কোনো আধুনিক নরপতি ইহাঁর সমকক্ষ যে হইতে পারেন না, এ কথা সাহস করিয়া বলা যাইতে পারে। তবে যে সময়ে সময়ে কোনো কোনো ইংরাজী সংবাদপত্র-সম্পাদক বা তদ্রূপ কেহ ইহাঁর শাসন প্রণালীর নিন্দা দ্বারা জঘন্য কুৎসা করিয়া থাকেন, সে সমুদায় অলীক ও বিদ্বেষমূলক। এমন স্বর্গসম কাশ্মীর “নেটিভ” রাজার অধীনে রহিয়াছে, ইহা অনেক ইংরাজ মহোদয়ের প্রাণে সহ্য হয় না, তাহাতে তাঁদের ঘোর চক্ষুঃপীড়া উৎপাদন করে। অপর, এখানে ইহাঁরা বারমাস* বাস করিয়া ইংরাজাধীন স্থান সমূহের ন্যায় যথেষ্টাচারী হইয়া

* ইংরাজদিগের সহিত মহারাজা গোলাপ সিংহ এই অভিপ্রায়ে এক সন্ধি স্থাপন করেন, যে, কাশ্মীর দশনার্থী ইংরাজেরা নিয়মিত সংখ্যায় প্রতি বৎসর ১৫ ই এপ্রেল হইতে ১৫ ই অক্টোবর পর্যন্ত কাশ্মীরে থাকিতে পারিবেন। এই নির্দিষ্ট সময় অতিবাহিত হইলে তাঁহাদিগকে কাশ্মীর পরিত্যাগ করিতে হয়। পঞ্জাব গবর্নমেন্ট সংখ্যা নির্দেশ পূর্বক (তিন শতের অধিক নহে) আদেশপত্র অর্থাৎ টিকিট প্রচার করিয়া থাকেন। এবং গমনার্থীদিগের চরিত্র লাঞ্ছিত্য প্রভৃতি দোষে দুষিত না হয়, যথেষ্টাচারী হইয়া। রাজ্যের শান্তি নষ্ট না করে, প্রজাদিগের সহিত কোনো বিষয়ে অসামঞ্জস্য না ঘটায়, এই সমুদায়ের প্রীতি হৃদী রাখিবার জন্য প্রীতি বৎসর এক জন “আফিসর অন্ স্পেশিয়েল ডিউটি” নিযুক্ত করেন এবং তৎসমন্তিব্যাহারে এক জন চিকিৎসক এবং এক জন পাত্রী প্রেরণ করেন। এইরূপ আবহমান চলিয়া আসিতেছিল, কিন্তু গত বৎসর ইয়কন্দের সহিত সন্ধি স্থাপন হওয়াতে উক্ত আফিসর ছয় মাসের পরিবর্তে আট মাস থাকিবার ক্ষমতা পাইয়াছেন। কিন্তু তিনি রাজ্য সংক্রান্ত কোনো বিষয়ে হস্তার্পণ করিতে পারেন না।

আপনাপন নিকৃষ্টবৃত্তি চরিতার্থ ও পশুবৎ ব্যবহার করিতে সমর্থ হইেন না, কথায় কথায় “ড্যাম্ নিগার” বলিয়া স্ব স্ব প্রভুত্ব দেখাইতে এবং বিবিধরূপে প্রজাদিগকে পদতলে দলিত করিতে পারেন না ; ইত্যাকার নানাবিধ মনস্তাপে অকুরণে মহারাজার বিপক্ষ পক্ষ অবলম্বন করত লেখনী দ্বারা ঝাল ঝাড়ে ন ।

আবার কেহ কেহ হয় তো নিজ দুষ্কর্মের প্রতিফল স্বরূপ অপমানিত হইয়া রাজ্য হইতে নিক্রান্ত হইয়াছেন । স্ততরাং মহারাজার কুৎসা ও নিন্দা চারিদিকে প্রচার করিয়া বেড়ান । কিন্তু মহারাজা এই সমুদয় “কুভা ভৌকতা হায়” (কুকুর ঘেউ ঘেউ করিতেছে) বলিয়া সম্পূর্ণ উপেক্ষা করেন ।